

JUSTINI

EX

TROGI POMPEII

HISTORIIS Externis,

LIBRI XLIV.

*Omnia quàm diligentissimè ex variorum  
exemplarium collatione castigata.*

Novissima Editio



LONDINI;

Excusum pro Gulielmo Whitwood, ad insigne  
Aureæ Campanæ, in vico vulgo vocato,  
Duck-Lane. 1675.

LIST OF THE

BRITISH MUSEUM



LONDON

Printed by...



•690• •690• •690• •690• •690•

# JUSTINI HISTORICI

Clarissimi, in *Trogi Pompeii* Historias  
exordium, ad *Antoninum* Imperatorem.

**Q**Uum multi ex Romanis etiam Consularis dignitatis viri, res Romanas Græco, peregrinoque sermone in historiam contraherent; seu æmulatione gloriæ; seu varietate & novitate operis delectatus, vel Priscæ eloquentiæ, Trogi Pompeius, Græcas, & totius orbis historias Latino sermone composuit: ut cum nostra Græcè, Græca quoque nostrâ linguâ legi possent, prorsus rem magnam & animi & corporis aggressus. Nam cum plerisque autoribus singulorum regum vel populorum res gestas scribentibus opus suum ardui laboris videatur, nonne Pompeius nobis Herculeâ audaciâ orbem terrarum aggressus videri debet, cujus libris omnium seculorum, regum, nationum, populorumque res gestæ continentur? Et quæ historici Græcorum, prout commodum cuique fuit, inter se \* gregatim occupaverunt, omisissis quæ sine fructu erant, ea omnia Pompeius divisâ temporibus, & serie rerum digesta, composuit. Horum igitur quatuor & quadraginta voluminum (nam totidem edidit) per otium, quo in urbe versabamur, cognitione quæque digna excerpssi. Sed omisissis his, quæ nec cognoscendi voluptate jucunda, nec exemplo erant necessaria, breve veluti corpusculum florum feci: ut haberent & qui Græca didicissent, quo admonerentur: & qui non didicissent, quo instruerentur. Quod ad te, Imperator Antonine, non tam cognoscendi, quàm emendandi causâ transmissi: simul ut otii mei, cujus & Cato reddendam rationem putat, apud te ratio constaret. Sufficit enim mihi in hoc

*Narratio & occasio operis.*

*A rei difficultate.*

*Argumentum a minore ad majus.*

*\* Certatim, Consilium insti. uti operis.*

*Historiæ utilis & utilis.*

## 2 JUSTINI HISTORICI

tempore iudicium tuum, apud posteros, cum ob  
tractationis invidia decesserit, industriae testimonium  
habituro.

## JUSTINI HISTORICI In TROGI POMPEII Historias LIBER PRIMUS.

*Regum pri-  
ma imperia.*

*Prima Me-  
narchia Af-  
syciorum.*

*Gesta Nini.*

*Zoroastes  
magice arti-  
favebat.*

**P** Rincipio rerum, gentium, nationumque impe-  
rium penes reges erat: quos ad fastigium huius  
Majestatis non ambitio popularis, sed spectata  
inter bonos moderatio provehebat. Populus  
nullis legibus tenebatur: arbitria principum  
pro legibus erant. Fines imperii tueri magis, quam pro-  
ferre, mos erat: Intra suam cuique patriam regna finie-  
bantur. Primus omnium Ninus, rex Assyriorum, vete-  
rem, & quasi avitum gentium morem novam imperii cu-  
piditate mutavit. Hic primus intulit bella finitimis,  
& rudes adhuc ad resistendum populos ad Libyæ ter-  
minos usque perdomuit. Fuere quidem temporibus an-  
tiquiores, Vexores, rex Ægypti, & Scythiæ rex Tanaus:  
quorum alter in Pontum, alter usque Ægyptum exce-  
dit. Sed longinqua, non finitima bella gerebant: nec  
imperium sibi, sed populis suis gloriam quærebant,  
contentique victoriâ, imperio abstinebant. Ninus mag-  
nitudinem quasitæ dominationis continuâ possessio-  
ne firmavit. Domitis igitur proximis, cum accessione  
virium fortior ad alios transiret, & proxima quæque vi-  
ctoria instrumentum sequentis esset, totius Orientis  
populos subegit. Postremum illi bellum cum Zoroa-  
stre, rege Bactrianorum, fuit, qui primus dicitur artes  
magicas invenisse, & mundi principia, siderumque mo-  
tus diligentissime spectasse. Hoc occiso, & ipse decessit,  
relictis impubere adhuc filio Ninya, ex uxore Semira-  
mide. Hæc nec immaturo puero ausa tradere impe-  
rium, nec ipsa imperium palam tractare, tot at tantis  
gentibus

gentibus vix patienter uni viro, nedum scēminā parituris, simulat se pro uxore Nini filium, pro scēmina, puerum. Nam & statura utriq; mediocris, & vox pariter gracilis, signa formæ, lineamentorum æqualitas matri ac filio similis. Igitur brachia ac crura velamentis, tirā caput tegit, & nē novo habitu aliquid occultare videretur, eodem ornatu & populum vestiri jubet: quem morem vestis exinde gens universa tenet. Sic primis initiis sexum mentita, puer credita est. Magnas deinde res gessit: quarum amplitudine, ubi invidiam superatam putat, quæ sit fatetur, quemque simulasset. Nec hoc illi dignitatem regni ademit, sed admirationem auxit, quod mulier non scēminas modò virtute, sed etiam viros anteiret. Hæc Babyloniam condidit, murumq; urbis cocto latere circumdedit, arenā, pice, bitumine interstrato: quæ materia in illis locis passim è terra exstuat. Multa alia præclara hujus reginæ fuere. Siquidem non contenta acquisitos à viro regni terminos tueri, Æthiopiam quoque regno suo adjecit. Sed & Indiæ bellum intulit: quò præter illam & Alexandrum Magnum, nemo intravit. \* Ad postremum cum concubitus filii petiisset, ab eodem interfecta est, duos & XL. annos post Ninum regno posita. Filius ejus Ninus contentus elaborato à parentibus imperio, belli studia deposuit, & veluti sexum cum matre mutasset, raro à viris visus, in scēminarum turba consenuit. Posterì quoq; ejus exempla secuti, responsa gentibus per internuntios dabant. Imperium Assyrii, qui postea Syri dicti sunt, annis MCCC. tenere. Postremus apud eos regnavit Sardanapalus, vel muliere corruptior. Ad hanc videndum (quod nemini ante eum permissum fuerat) præfectus ipsius, Medis præpositus, nomine \* Arbactus, cum admitti magna ambitione agrè obtinisset, invenit eum inter scortorum greges purpuram colo nentem, & muliebri habitu cum mollitia corporis, & oculorum lascivia omnes scēminas anteiret, pensā inter virgines partientem. Quibus visis, indignatus tali

*Semiramidis  
ajus. Ex-  
inde pro in-  
kuro usque  
diem, Semi-  
ramis mulie-  
bris fortitu-  
dinis exem-  
plum. Ejus-  
dem gesta.  
Lacum As-  
phaltitem in-  
telligi, de  
quo Plin. l. 7.*

*Semiramis  
XLII. annos  
regno posita.*

*Assyrii reg-  
naverunt an-  
tes MCCC.  
Sardanapa-  
lus.*

*\* Arbaces;*

*Mollis &  
effeminatæ  
principis  
exemplum.*

#### 4 JUSTINI HISTORICI

*Similis est  
de Boge hi-  
storia apud  
Herod. l. 7.*

*Sardanapali  
mors virilis.*

*\* Arbaces.*

*R  
m*

*Mardane ca-  
dida sui.  
Vil. Max.  
lib. 1. c. 2.  
Astyagis  
somnia, de  
quo Herod.  
l. 1.*

*Cyrus infans  
morti desti-  
natus, clam  
natus ux.  
Pastori no-  
men tuit Mi-  
tra. c.  
Herod.*

*Acine edi-  
catu.*

foeminae tantum virorum subjectum, tractantique; lanam, ferrum & arma portantes parere, progressus ad socios suos, quid viderit, refert. Negat se ei parere posse, qui se foeminam malit esse, quam virum. Fit igitur conjuratio: bellum Sardanapalo inferitur; quo ille audito, non ut vir regnum defensurus, sed ut metu mortis mulieres solent, primo latebras circumspicit, mox deinde cum paucis & incompositis, in bellum progreditur. Victus, in regiam se recipit, & extracta pyra, se & divitias in incendium mittit, hoc solo imitatus virum. Post hunc statuitur rex interfecto ejus \* Arbaeus, qui praefectus Medorum fuerat. Is imperium ab Assyris ad Medos transfert. Post multos deinde reges per ordinem successionis, regnum ad Astyagen descendit. Hic per somnium vidit ex naturalibus filia, quam unicam habebat, vitam enatam, cujus palmitibus omnis Asia obumbrabatur. Consulti harioli, ex eadem filia nepotem ei futurum, cujus magnitudo praenuntiatur; regniq; ei amissionem portendi, responderunt. Hoc responso perterritus, neque claro viro, neque civi dedit filiam, ne paternam maternaque nobilitas nepotis animum extolleret; sed de gente obscura tunc temporis Persarum, Cambysi mediocri viro, in matrimonium tradidit. Ac ne sic quidem somnii metu deposito, gravidam ad se filiam accersit, ut sub avi potissimum conspectu foetus necaretur. Natus infans datur occidendus Harpago, regis omnium consiliorum participi. Is veritus, si ad filiam mortuo rege venisset imperium, eo quod nullum Astyages virilis sexus genuerat, ne illa necati infantis ultionem, quam a patre non potuisset, a ministro exigeret, pastori regii pecoris puerum exponendum tradidit. Forte eodem tempore & ipsi pastori filius natus erat. Ejus igitur uxor audita regii infantis expositione, summis precibus rogat, sibi asserri ostendique puerum; cujus precibus fatigatus pastor, reversus in sylvam, invenit juxta infantem canem foeminam, parvulo ubera praebentem, & a feris & alitibus defendentem. Motus

etiam

etiam ipse misericordiâ, quâ motam ipsam canem viderat, puerum desert ad stabulum, eâdem cane anxie prosequente : quem ut in manum mulier accepit, veluti ad notam puer allusit, tantusque in illo vigor, & dulcis quidem blandientis risus apparuit, ut pastorem uxor ultro rogaret, quò suum partum pro illo exponeret, permitteretque sibi, sive fortunæ ipsius, sive spei suæ puerum nutrire. Atq; ita permutatâ sorte parvulorum, hic pro filio pastoris educatur, ille pro nepote regis exponitur. Nutrici Spacon postea nomen fuit, quia canem Persæ sic vocant. Puer deinde cum inter pastores esset, Cyri nomen accepit. Mox rex inter ludentes forte delectus, cum per lasciviam contumaces flagellis cecidisset, à parentibus puerorum querela est regi delata, indignantibus à servo regio ingenuos homines servilibus verberibus affectos. Ille accersito puero & interrogato, cum nihil mutato vultu, fecisse se ut regem respondisset; admiratus constantiam, in memoriam somnii responsiq; revocatur. Atq; ita cum & vultus, & similitudo, & expositionis tempus, & pastoris confessio convenirent, nepotem agnovit. Et quoniam defunctus sibi forinvis videretur, agitato inter pastores regno, animum \* minacem duntaxat in illo fregit. Cæterum Harpago amico suo infestus, in ultionem servati nepotis, filium ejus interfecit, epulandumq; patri tradidit. Sed Harpagus ad præsens tempus dissimulato dolore, odium regis in vindictæ occasionem distulit. Interjecto \* demum tempore cum adolevisset Cyrus, dolore orbitatis admonitus, scribit ei, ut relegatus in Persas ab avo fuerit, ut occidi eum parvulum avus jussit, ut beneficio suo servatus sit, ut regem offenderit, ut filium amiserit. Hortatur, exercitum paret, & pronam ad regnum viam ingrediatur, Medorum transitionem pollicitus: epistolâq; quia palam ferri nequibat, regis custodibus omnem aditum obsidentibus, exenterato lepori inseritur, lepûsq; in Persas Cyro ferendus, fido servo traditur; addita sunt etia, ut sub specie venationis

*Pastoris in  
fantem mori  
tuum fuisse  
nam scri  
bit Herod.*

*Cyrus puera  
rus rex eli  
gitur.*

*\* Minatione  
Astyagis sce  
lus nefan  
dissimum.*

*\* Deinde.  
Prudens in  
occulandis  
literis consi  
lium, quale  
infra Deme  
trii & apud  
Herod. Hist.*

## 6 JUSTINI HISTORICI

nis dolus lateret. Lectis ille epistolis, eandem viam somnio aggredi iussus est : sed præmonitus , ut quem primum postera die obviam haberet, socium cœptis assumeret. Igitur antelucano tempore ruri iter ingressus, obviam habuit servum de ergastulo cujusdam Medii nomine Sybarem : Hujus requisitâ origine, ut in Persis genitum audivit, demptis compedibus, assumptoque comite Persopolim urbem regreditur. Ibi convocato populo, jubet omnes præsto cum securibus esse, & sylvam viæ circumdatam excidere. Quod cum strenuè effecissent, eisdem postera die apparatus epulis invitat : deinde cum alacriores ipso convivio factos videret, rogat ut si conditio proponatur, utrius vitæ sortem legant, hesternine laboris, an præsentium epularum; præsentium, ut acclamavere omnes, ait, Hesterni similem labori omnem vitam acturos, quoad Medis pareant : se secutos, hodiernis epulis. Latis omnibus, Medis bellum infert. Astyages meriti in Harpagum oblitus summam belli eidem committit : qui exercitum acceptum statim Cyro per deditionem tradidit, regis crudelitatem perfidia defectionis ulciscitur. Quod ubi Astyages audivit, contractis undique auxiliis, ipse in Persas proficiscitur : & repetito alacrius certamine, pugnantibus suis, partem exercitus à tergo ponit, & intergiverfantes ferro agi, ut in hostes, jubet ; ac denunciât suis, ni vicerint, non minùs fortes etiam post terga inventuros, quàm à frontibus viros ; proinde videant, fugientibus hac, an illa pugnantibus acies rumpenda sit. Ingens post necessitatem pugnandi animus exercitui ejus accessit. Pulsâ itaque cum Persarum acies paulatim cedere, matres & uxores eorum obviam occurrunt, orant in prælium revertantur ; cunctantibus, sublatâ veste, obscœna corporis ostendunt, rogantes num in uteros matrum vel uxorum velint refugere? Hâc repressi castigatione, in prælium redeunt ; & factâ impressione, quos fugiebant, fugere compellunt. In eo prælio Astyages capitur ; cui Cyrus nihil aliud nisi regnum

*Hæc fuit  
olim metro-  
polis Persiæ.  
Callidum Cy-  
ri consilium.*

*Eiusdem bel-  
lionis auctor  
Medes.*

*Neccitas in-  
gens velum.  
Persarum  
mulierum vi-  
vilis animus  
& egrégium  
factus.*



regnum abstulit, nepotemque in illo magis quam victorem se gessit, eumque maxime genti Hyrcanorum praposuit. Nam ipse reverti in Medos noluit. Hic finis Medorum imperii fuit. Regnaverunt annos CCCL. In initio regni, Cyrus Cybarem, quem juxta nocturnum visum ergastulo liberaverat, comitemque ceptorum in omnibus rebus habuerat, Persis praposuit: sororemque suam ei in matrimonium dedit. Sed civitates Medorum, quae tributariae fuerant, mutato imperio, etiam conditionem suam mutatam arbitantes, à Cyro defecerunt: quae res multorum bellorum Cyro causa & origo fuit. Domitis demum plerisque cum adversus Babylonios bellum gereret, Babylonii rex Lydorum Cræsus, cuius opes & divitiae insignes eâ tempestate erant, in auxilium venit; victusque jam de se sollicitus, in regnum refugit. Cyrus quoque, post victoriam, compositis in Babylonia rebus, bellum transfert in Lydiam. Ibi fortuna prioris praelii perculsum jam Cræsi exercitum, nullo negotio fundit. Cræsus ipse capitur. Sed quanto bellum minoris periculi, tanto & mitior victoria fuit. Cræso & vita, & patrimonii partes, & urbs Barce concessa sunt; in qua etsi non regiam vitam, tamen & proximam majestati regiae degeret. Hæc clementia non minus victori, quam victo utilis fuit. Quippe ex universa Græcia, cognito, quod illatum Cræso bellum esset, auxilia, velut ad commune extinguendum incendium, confluebant. Tantus Cræsi amor apud omnes urbes erat, ut passurus Cyrus grave bellum Græciæ fuerit, si quid in Cræsum crudelius consulisset. Interjecto deinde tempore, occupato in aliis bellis Cyro, rebellare Lydi; quibus iterum victis, arma & equi adempti, iussique cauponas, & ludicras artes, & lenocinia exercere. Et sic gens industriâ quondam potens, & manu strenua, effœminata mollicie, luxuriâque virtutem pristinam perdidit; & quos ante Cyrum invictos bella præstiterant, in luxuriam lapsos, otium ac desidiosa supervit. Fuere Lydis multi ante Cræsum reges variis casibus

*Clementia  
& moderata  
victoria  
exemplum.*

*Cræsus ora-  
culis persua-  
sus ultro Cy-  
ro bellum in-  
tulit, autor.  
Herod.*

*Alterum cle-  
mentia  
exemplum  
in Cyro.*

*Arma  
adempta Ly-  
dis.*

*Ea res nimi-  
um in pro-  
verbium  
abiit, Lydos  
cauponas ur-  
bus*

## 8 JUSTINI HISTORICI

*Reticenda  
multa in ma-  
trimonio.  
Proverbium,  
Gygis annu-  
lus.*

*Aliquan-  
tis per pro  
aliquantu-  
lum.*

*De Cyri ca-  
stris nonn-  
hil variat a  
Justinot. uri.  
7. 3.*

*Cyri in Mas-  
sagis exi-  
tus.*

bus memorabilis; nullus tamen fortunæ Candauli comparandus, qui cum uxorem suam, quam propter pulchritudinem nimium diligebat, omnibus prædicaret, non contentus voluptatum suarum tacitâ conscientiâ, nisi etiam matrimonii reticenda publicaret; prorsus quasi silentium damnum pulchritudinis esset. Ad postremum ut affirmationi suæ fidem faceret, cum Gygi sodali suo nudam demonstravit. Quo facto, & amicum in adulterium uxoris illectum, hostem sibi fecit, & uxorem, veluti tradito alii amore, à se alienavit. Nam brevi post tempore cades Candauli nuptiarum præmium fuit: Uxor mariti sanguine dotata, regnum viri & se pariter adultero tradidit. Cyrus, subactâ Asiâ, & universo Oriente in potestatem redactô, Scythis bellum intulit. Erat autem eo tempore Scytharum regina Thomyris, quæ non muliebriter adventu hostium territa, cum prohibere eos posset, vadum Araxis fluminis transire permisit, & sibi feliciorē pugnam intrâ regni sui terminos rata, & hostibus objectu fluminis fugam difficiliorem. Itaq; Cyrus trajectis copiis, cum aliquantisper in Scythiam processisset, castrametatus est; Deinde postera die cum simulato metu & quasi refugiens castra deseruisset, vinum affatim, & ea quæ erant epulis necessaria, reliquit. Quod cum nuntiatum reginæ esset, adolescentulum filium, ad insequendum eum cum tertia parte copiarum mittit. Cum ventum ad Cyri castra esset, ignarus rei militaris adolescens, veluti ad epulas, non ad prælium venisset, omnis hostibus, infuetos barbaros vino onerare se patitur, priusque Scythæ ebrietate quàm bello vincuntur. Nam cognitis his, Cyrus reversus per noctem, securos opprimit, omnesq; Scythas cum reginæ filio interficit. Amisso tanto exercitu, & quod gravius dolendum, unico filio, Thomyris orbitatis dolorem non in lacrymas effundit, sed in ultionis solatia intendit; hostesque recenti victoriâ exultantes pari insidiarum fraude circumdedit. Quippe simulatâ dissidentiâ, propter vulnus acceptum refu-  
giens;



giens, Cyrum adusque angustias perduxit. Ibi compositis in montibus insidiis, ducenta millia Persarum cum ipso rege trucidavit. In qua victoria etiam illud memorabile fuit, Quod neque nuntius tantæ cladis quidem superavit. Caput Cyri amputatum in utrem humano sanguine repletum, conjici regina jubet, cum hac exprobratione crudelitatis: *Satia te sanguine, inquit, quam Scythica crudelitas.* *tisti, cujusque insatiabilis semper fuisti.* Cyrus regnavit annis xxx. non initio tantum regni, sed continuo totius temporis successu, admirabiliter insignis. Huic successit filius Cambyfes, qui imperio Ægyptum adjecit: *Ægyptii superstitiosi.* sed offensus superstitionibus Ægyptiorum, Apis, catenarumque; deorum ædes dirui jubet. Ad Ammonis quoque; nobilitimum templum expugnandum, exercitum mittit: qui tempestatibus, & arenarum molibus oppressus, interit. Post hæc per quietem vidit fratrem suum \* *Smerdim.* Mergidem regnaturum: quo somnio exterritus, non dubitavit post sacrilegia etiam parricidium facere. Erat enim difficile ut parceret suis, qui contemptu religionis grassatus etiam contra deos fuerat. Ad hoc tam crudele ministerium Magum quendam ex amicis delegit, nomine \* *Praxalpem.* Comarim. Interim ipse gladio sua sponte evaginato, in femore graviter vulneratus occubuit: pœnasque; luit seu imperati parricidii, seu sacrilegii perpetrati. Quo nuntio accepto, Magus ante famam amissi regis occupat facinus: prostratoque \* *Smerde.* Mergide cui *Smerdim.* regnum debebatur, fratrem suum subjecit, \* *Smerde.* Oropasten. Erat enim oris & corporis lineamentis persimilis, ac nemine subesse dolum arbitrante, pro \* *Smerde.* Mergide rex *Smerdis.* \* *Smerdes.* Oropastes constituitur. Quæ res eò occultior fuit, quod apud Persas persona regis sub specie majestatis occultitur. Igitur Magi ad favorem populi conciliandum, tributa & militiæ vocationem in triennium remittunt: ut regnum quod fraude quaferant, indulgentiâ & largitionibus confirmarent. Quæ res suspecta primo \* *O:ani.* Orthani viro nobili, & in conjectura sagacissimo fuit. Itaque per internuntios querit à filia, quæ inter,

inter regias pellices erat, an Cyri regis filius rex esset. Et illa nec se scire ipsam ait, nec ex alia posse cognoscere: quia singula separatim recludantur. Tum pertretare dormienti caput jubet: Nam Mago Cambyses aures utraq; præciderat. Factus deinde per filium certior, sine auribus esse regem, optimatibus Persarum rem indicat, & in eadem falsi regis impulsos sacramento religionis obstringit. Septem tantum conscii fuere hujus conjurationis, qui ex continenti, nè dato in pœnitentiam spacio, res per quenquam narraretur, occultato sub veste ferro, ad regiam pergant. Ibi obvii interfecit. ad Magos perveniunt: quibus nè ipsis quidem animus in auxilium suum defuit. Siquidem stricto ferro duos de conjuratis interficiunt. Ipsi tamen corripuntur à pluribus, quorum alterum Gobryas amplexus Magum, cunctantibus fociis, ne ipsum pro Mago transfederent, quia res obscuro loco gerebatur; vel per suum corpus adigi Mago ferrum iussit: fortunâ tamen ita regente, illo incolumi Magus interficitur. Occisus Magis, magna quidem gloria recuperati regni principum fuit, sed multò major in eo, quòd cum de regno ambigerent, concordare potuerunt. Erant enim & virtute & nobilitate ita pares, ut difficilem ex his populo electionem æqualitas faceret. Ipsi igitur viam invenerunt, quâ de se iudicium religioni & fortunæ committerent. Pacti inter se sunt, ut die statutâ omnes equos ante regiam primo mane perducerent: & cuius equus ante solis ortum hinnitum primus edidisset, is rex esset. Nam & Solem unum deum Persæ esse credunt: & equos eodem deo sacros ferunt. Erat inter conjuratos Darius Hytaspis filius, cui de regno sollicito, equi custos ait, Si ea res victoriam moraretur, nil negotii superesse: proinde nocte equam pridie ante constitutam diem ad eundem locum ducit, ibiq; equæ equum admittit, ratus ex voluptate Veneris futurum quod evenit. Posterâ die cum ad statutam horam omnes venissent, Darii equus cognito loco ex desiderio fœminæ hinnitum statim

rim edidit : & segnibus aliis , felix auspiciam domino primus emisit. Tanta moderatio cæteris fuit, ut audito auspicio , confestim equis defilierint , & Darium regem salutârint : populus quoque universus , secutus iudicium principum, eundem constituit regem. Sic regnum Persarum , septem nobilissimorum virtute quæsitum , tam levi momento in unum collatum est. Incredibile prorsus hoc tantâ pietate gessisse eos : quod ut eriperent à Magis , mori non recusârint : quanquam præter formam virtutemque hoc imperio dignam , \* & *\* Forte legentium est & cognatione Darii junctum cum.* cognatio Dario juncta cum pristinis regibus fuit. Principio igitur regni , Cyri regis filiam , regalibus nuptiis regnum firmaturus , in matrimonium recepit : ut non tam in extraneum translatum , quàm in familiam Cyri reversum videretur. Interjecto deinde tempore, cum Assyrii descivissent , & Babyloniam occupassent , difficilisq; urbis expugnatio esset , æstuante rege, unus de intersectoribus Magorum , Zopyrus nomine, domi se verberibus lacerari toto corpore jubet ; nasum, aures, & labia sibi præcidi , atque ita regi inopinanti se offert. Attonitum , & quærentem Darium causas , autoremq; tam foedæ lacerationis , tacitus quo proposito fecerit , edocet ; \* formatoque in futurum consilio, transfugæ *\* Firmato- que.* titulo Babyloniam proficiscitur, ibi ostendit populo laniatum corpus ; queritur crudelitatem regis , à quo in regni \* portione, non virtute, sed auspicio, non iudicio *\* Petitione, vel sortitione.* hominum, sed hinnitu equi superatus sit. Jubet illos ex amicis exemplum capere , quid hostibus cavendum sit. Hortatur nè mœnibus magis , quàm armis confidant , patianturq; se commune bellum recentiore irâ gerere. Nota nobilitas viri, pariter & virtus omnibus erat ; nec de fide timebant, cujus veluti pignora , vulnera corporis , & injuriæ notas habebant. Constituitur ergo dux omnium suffragio ; & acceptâ parvâ manu, semel atq; iterum cedentibus consulto Persis , secunda prælia fecit. Ad postremum universum sibi creditum exercitum regi prodidit, urbemq; ipsam in potestatem ejus redegit.

git. Post hæc Darius rex bellum Scythis infert, quod sequenti volumine referetur.

## JUSTINI LIBER II.

*Herodotus  
eam con-  
tentionem de  
vetustate ori-  
ginis, fuisse  
scribit inter  
Ægyptios &  
Phrygas.*

**I**N relatione rerum à Scythis gestarum, quæ satis amplæ magnifica que fuerunt, principium ab origine repetendum est. Non enim minus illustria initia, quàm imperium habuere: nec virorum imperio magis, quam fœminarum virtutibus claruere. Quippe cum ipsi Parthos, Bactrianosque, fœminæ autem eorum Amazonum regnum condiderint, prorsus ut res gestas virorum mulierumque considerantibus incertum sit, uter apud eos sexus illustrior fuerit. Scytharum gens antiquissima semper habita: quanquam inter Scythas & Ægyptios diu contentio de generis vetustate fuerit; Ægyptiis prædicantibus, initio rerum cum aliæ terræ nimio fervore solis arderent, aliæ rigerent frigoris immanitate, ita ut non modò generare homines, sed nè advenas quidem recipere ac tueri possent, priusquam adversus calorem vel frigus velamenta corporis invenirentur, vel locorum vitia quæsitis arte remediis mollirentur: Ægyptum ita temperatam semper fuisse, ut neque hyberna frigora, nec æstivi solis ardores incolas ejus premerent, solum ita fœcundum, ut alimentorum nulla terra feracior sit in usus hominum. Jure igitur ibi primum homines natos videri debere, ubi educari facillimè possent. Contra, Scythæ cœli temperamentum nullum esse vetustatis argumentum putabant. Quippe naturam cum primum incrementa caloris & frigoris regionibus distinxerit, statim ad locorum patientiam, animalia quoque generalē; sed & arborum atque frugum pro regionum conditione, aptè genera variata. Et quantò Scythis sit cœlum asperius quam Ægyptiis, tantò & corpora & ingenia esse duriora. Cæterum si mundi, quæ nunc partes sunt, aliquando unitas fuit; sive illuvies aquarum principio rerum terras obrutas tenuit; sive ignis, qui & mundum genuit, cun-

ita possedit: utriusque primordii Scythas origine præ-  
 stare. Nam si ignis prima possessio rerum fuit, qui  
 paulatim extinctus, sedem terris dedit, nullam prius  
 quàm Septentrionalem partem, hyemis frigore ab igne  
 secretam, adeò ut nunc quoq; nulla magis rigeat frigo-  
 ribus. Ægyptium verò, & totum Orientem tardissimè  
 temperatum, quippe qui etiam nunc torrenti calore  
 Solis exasuat. Quòd si omnes quondam terræ sum-  
 mersæ profundo fuerunt, profectò editissimam quamq;  
 partem decurrentibus aquis prius solo eandem aquam  
 diutissimè immorata: Et quantò prior quæq; pars  
 terrarum siccata sit, tantò prius animalia generare cœ-  
 pisse. Porro Scythiam adeo editiorem omnibus terris  
 esse, ut cuncta flumina ibi nata in \* Maotida, tum de-  
 inde in Ponticum, & in Ægyptium mare decurrunt. \* Mare  
 Maoticum,  
 Ægyptum autem (quæ tot regum, tot seculorum curâ  
 impensâq; munita sit, & adversus vim decurrentium  
 aquarum tantis instructa molibus, tot fossis concisa, ut  
 cum his arceantur, illis recipiantur aquæ, nihilominus  
 coli, nisi \* expulsò Nilo, non potuerit) nec posse videri \* Exclusa  
 hominum vetustate ultimam, quæ sive exaggerationibus  
 regum, sive Nili trahentis linum, terrarum recentissi-  
 ma videatur. His igitur argumentis superatis Ægyptiis,  
 antiquiores semper Scythæ visi. Scythia in orientem  
 porrecta, includitur ab uno latere Ponto, & ab altero  
 montibus Riphais: à tergo Asiâ & \* Phasi flumine: \* Tanai.  
 multum in longitudinem & latitudinem patet. Homi-  
 nibus inte se fines nulli: neque enim agrum exercent,  
 nec domus illis ulla, aut tectum, aut sedes est, armenta  
 & pecora semper pascuntibus, & per incultas solitudi-  
 nes errare solitis. Uxores liberosq; secum in plaustreis  
 vehunt: coriis, imbrum hyemisq; causâ tectis, pro  
 domibus utuntur. Iustitia gentis ingeniis culta, non le-  
 gibus. Nullum scelus apud eos furto gravius: quippe  
 sine tecto, munimentoque pecora & armenta habenti-  
 bus, quid fastum esset, si furari liceret? Aurum & ar-  
 gentum perinde aspernantur, ac reliqui mortales appe-  
 tunt.

Nomadæ di-  
 sta à Geogra-  
 phis.

*Digressio per  
amplificatio-  
nem.*

tunt. Lacte & melle vescuntur. Lanæ iis usus, ac vesti-  
um ignotus; & quanquam continuis frigoribus uran-  
tur, pellibus tamen ferinis aut murinis vestiuntur. Hæc  
continentia illis morum quoque justitiam dedit, nihil  
alienum concupiscentibus. Quippe divitiarum cupido  
ibi est, ubi & usus. Atque utinam reliquis mortalibus  
similis moderatio, & abstinentia alieni foret. Profecto  
non bellorum tantum per omnia secula terris omnibus  
continueretur, neque plus hominum ferrum, & arma,  
quàm naturalis factorum conditio raperet. Prorsus ut  
admirabile videatur, hoc illis naturam dare, quod Græ-  
ci longâ sapientum doctrinâ, præceptisq; Philosopho-  
rum consequi nequeunt, cultosq; mores incultæ bar-  
bariæ collatione superari. Tanto plus in illis proficit  
victorum ignoratio, quantò in his cognitio virtutis. Im-  
perium Asiæ ter quâsivere Scythæ, ipsi perpetuò ab  
alieno imperio aut intacti, aut invicti manere. Darium  
regem Persarum, turpi à Scythia summovere fugâ:  
Cyrum cum omni exercitu trucidârunt: Alexandri  
Magni ducem \* Zæpironam pari ratione cum copiis uni-  
versis deleverunt: Romanorum audire, non sensere  
arma. Mox Parthicum & Bactrianum imperium ipsi  
condiderunt. Gens & laboribus & bellis aspera. Vires  
corporum immensæ, nihil parare, quod amittere time-  
ant, nihil victores præter gloriam concupiscunt. Primus  
Scythiis bellum intulit Vexores rex Ægyptius, missis  
prius legatis, qui hostibus parendi legum dicerent.  
Sed Scythæ jam antea de adventu regis à finitimis cer-  
tiores facti, legatis respondent: Miramur tam opu-  
lenti populi ducem, stolidè adversus inopes occupasse  
bellum, quòd magis domi fuerit illi timendum, quòd  
belli certamenq; anceps, præmia victoriæ nulla, damna  
manifesta sint. Igitur non expectaturos Scythas, ut ad  
se veniatur, cum tanta sibi in hoste plura concupiscen-  
da sint, ultròq; prodituros obviam. Nec dicta, res mo-  
rata: quos cum tanta celeritate venire rex didicisset, in  
fugam vertitur, & exercitu cum omni apparatu belli re-  
lictò,

*Hoc erat au-  
tem tam  
piscari, ut  
Augustus  
Cæsar dicere  
consueverat.*



liſto in regnum trepidus ſe recepit. Scythas ab Ægypto paludes prohibuere. Exinde reverſi Aſiam perdomitam, veſtigalem fecerunt, modico tributo magis in titulum imperii, quàm in victoriæ præmium impoſito. Quindecim annis pàcandæ Aſiæ morati, uxorum flagitatione revocantur, per legatos denuntiantium, ni redeant, ſobolem ſe ex finitimis quæſituras, nec paſſuras ut in poſteritatem Scytharum genus per ſcæminas intercedat. His igitur Aſia per mille quingentos annos veſtigalis fuit. Pendendi tributi finem Ninus rex Aſſyriorum impoſuit. Sed apud Scythas medio tempore duo regii juvenes, Ylinos & \* Scholpythus, per factionem optimatum domo pulſi, ingentem juventutem ſecum traxêre, & in Cappadociæ ora, juxta amnem Thermoodonta cõfedere, ſubjectõsq; Themifcyreos campos occupavêre. Ibi per multos tot annos ſpoliare finitimos conſueti, conſpiratione populorum per inſidias trucidantur. Horum uxores, cùm viderent exilio ſuo additam orbitatem, arma ſumpſere, finẽſq; ſuos ſummoveñtes primò, mox inferentes bella, defendunt. Nubendi quoq; finitimis animum omifere, ſervitutem non matrimonium appellantes, ſingulare omnium ſeculorum exemplum. Auxere rempublicam ſine viris, jam etiam cū contemptu virorum ſe tuentur. Et nè feliciores aliæ aliis viderentur, viros, qui domi remanſerant, interficiunt. Ultionem quoq; cæſorum conjugum excidio finitimorum conſequuntur. Tunc pace armis quæſitâ, nè gens interiret, concubitum finitimorum ineunt. Siqui mares naſcerentur, interficiebantur. Virgines in eundem ipſum morem, non ocio. neque lanificio, ſed armis, equis, venationibus exercebant, inuſtis infantum dexterioribus mammis, nè ſagittarum jaçtus impediretur, unde Amazones dictæ ſunt. Duæ reginæ his fuere. Martheſia & Lampedo, quæ in duas partes (agmine diviſo) inclytæ jam opibus, vicibus gerebant bella, ſolicite terminos alternis defendentes: & nè ſucceſſibus deeſſet auctoritas, generatas ſe Marte prædicabant. Itaque majore

\* Scholopy-  
bus.  
Meminit  
Themifcyra  
regionis  
Plin. l. 6. c. 3.

Viſti ab A-  
mazonibus  
populi vulgo  
dicti ſunt  
Gynæcocrata-  
tumeni. Id.  
qd. Plin. l. 1.  
indicat.

Unimammæ  
inde dictæ.  
Servim in  
Virg.

parte Europæ subactâ , Asiâ quoq; nonnullas civitates occupavere. Ibi Epheso, multisq; aliis urbibus conditis, partem exercitûs cum ingenti præda domum remittunt. Reliquæ quæ ad tuendum Asiæ imperium remanserunt, \* concursu barbarorum cum \* Marthesia regina interficiuntur. In cujus locum filia ejus \* Otrera regno succedit. Cui præter singularem belli industriam, eximia servatæ in omne ævum virginittatis admiratio fuit. Hujus virtute tantum aditum gloriæ & famæ Amazonibus est, ut Herculi rex cui xii. stipendia debebat, quasi impossibile imperaverit, ut arma reginæ Amazonum sibi afferret. Igitur eò profectus longis novem navibus, comitante principum Græciæ juventute, inopinantes aggredditur. Duæ ex quatuor tunc sorores Amazonum regna tractabant, Antiopæ & \* Otrera, quarum Otrera foris bellum gerebat. Igitur cùm Hercules ad littus Amazonum applicuisset, infrequens multitudo, cum Antiopæ regina nihil hostile metuente, erat. Quare effectum est, ut paucæ repentino tumultu exercitatæ arma sumerent, faciliemq; victoriam hostibus darent. Multæ itaque casæ, captæque : In his duæ captæ sunt Antiopæ sorores, Menalippe ab Hercule , Hippolyte à Theseo. Sed Theseus obtentâ in præmium captivâ, eandem in matrimonium assumit, ex ea genuit Hippolytum. Hercules post victoriam, Menalippen captivam sorori reddidit, & pretium arma reginæ accepit. Atq; ita imperio functus, ad regem revertitur. Sed Otrera ubi comperit bellum sororibus illatum, & raptorem esse Atheniensem principem, hortatur comites in ultionem, frustra & Ponti sinum & Asiam domitam esse dicit, si Græcorum non tam bellis, quàm rapinis pateant. Auxilium deinde à \* Sigillo rege Scytharum petit. Genus se Scytharum esse; cladem virorum, necessitatem armorum, belli causas ostendit; assecutusque virtutem segniores viris foeminas habere Scythæ viderentur. Motus ille domesticâ gloriâ, mittit cum ingenti equitatu filium Penaxagoram in auxilium. Sed ante præ-

\* Incursi.  
\* Marj f.  
\* Oriby a  
habet Orefi-  
m.

Rex Eu-  
risidem.

\* Ori byia.

Baleum fu-  
isse dicunt  
Poi: a.

\* Sigillo  
Scythagala.



ium disſentione ortâ; ab auxiliis deſertæ, bello ab  
 Athenienſibus vincuntur. Receptaculum tamen habu-  
 ere caſtra ſociorum, quorum auxiliis intactæ ab aliis  
 gentibus, in regnum revertuntur. Poſt *a* Otreram,  
*a Orihyiam.*  
 Pentheſilea regio potita eſt, cujus Trojano bello inter  
 fortiffimos viros, cum auxilium adverſus Græcos ferret,  
 magnæ virtutis documenta extitère. Interfectâ demum  
 Pentheſileâ, exercitûq; ejus abſumpto, pauca quæ re-  
 manſerant, ægre ſe adverſus finitimos defendentes, uſ-  
 que ad tempora Alexandri Magni duraverunt. Harum  
 Minthia ſive Thaleſtris regina concubitu Alexandri  
*b Minibes.*  
 per dies 14 ad ſobolem ex eo generandam obtento,  
 reverſa in regnum, brevi poſt tempore cum omni A-  
 mazonom nomine intercidit. Scythæ autem tertiâ ex-  
 peditione Aſianâ, cum annis 7. à conjugibus & liberis  
 abuſſent, ſervili bello domi excipiuntur. Quippe con-  
 iuges eorum longâ expectatione virorum feſſæ, nec  
 tam teneri bello, ſed deletos ratæ, ſervis ad cuſtodiam  
 decoris relictis nubunt: qui reverſos cum victoria do-  
 minos, velut advenas armati finibus prohibent. Qui-  
 bus cum varia victoria fuiſſet, admonentur Scythæ mu-  
 tare genus pugnæ, memores non cum hoſtibus, ſed  
 cum ſervis præliandum, nec armorum, ſed dominorum  
 are vincendos; verbera in aciem, non tela ferenda;  
 miſcôq; ferro, virgas & flagella, cæterâq; ſervilis me-  
 tis paranda instrumenta. Probato omnes conſilio in-  
 ruſti, ſicut præceptum erat, poſtquam ad hoſtes acceſ-  
 ſere, inopinantibus verbera intentant, adeôq; illos per-  
 turbant, ut quos ferro non poterant, metu verberum vin-  
 crent, fugamq; non ut hoſtes victi, ſed ut fugitivi ſervi  
 apeſſerent: quicunq; capi potuerunt, ſupplicia crucibus  
 erent. Mulieres quoq; malè ſibi conſciæ, partim ferro,  
 partim ſuſpendio vitam finierunt. Poſt hæc apud Scythas  
 ex fuit, uſq; ad tempora Lanthini regis. Huic Darius rex  
 perſarum ſicut ſuprà dictum eſt, cum filiz ejus nuptias  
 non obtinuiſſet, bellum intulit, & armatis ſcpringentis  
 millibus hominum Scythiam ingreſſus, non facientibus  
 hoſtibus

hostibus pugnae potestatem, metuens ne interrupto ponte Istri, reditus sibi intercluderetur, amissis nonaginta millibus hominum trepide refugit: quae Iactura abundante multitudine inter damna numerata non est. Inde Asiam & Macedoniam domuit. Ionas quoque; navali praelio superat. Demum cognito quod Athenienses Ioniis auxilium contra se tulissent, omnem impetum belli in eos convertit. Nunc quoniam ad bella Atheniensium ventum est, quae non modo ultra spem gerendi, verum etiam ultra gesti fidem patrata sunt, operaque Atheniensium effectu maiora quam voto fuerunt, paucis verbis origo repetenda est, qui non ut caeterae gentes à sordidis initiis ad summa crevere. Soli enim, praeterquam incremento, etiam origine glorianur. Quippe non advenae, neque passim collecta populi colluvies originem urbi dedit: sed in eodem nati solo, quod incolunt: & quae illis sedes, eadem origo est. Primi lanificii & olei, & vini usum docuere. Arare quoque & serere frumenta, glandem vescentibus monstraverunt. Litera certe ac facundia, & hic civilis ordo disciplinae veluti templum Athenas habent. Ante Deucalionis tempora regem habuere Cecropem: quem ut omnis antiquitas fabulata est, bisformem prodidere, quia primus marem foeminae matrimonio junxit. Huic successit Cranaus, cuius filia Athis regioni nomen dedit. Post hunc Amphitryon regnavit, qui primus Minervae urbem sacra- vit, & nomen civitati Athenas dedit. Hujus temporibus aquarum illuvies maiorem partem Graeciae absumpsit. Superfuere quos refugia montium receperunt, aut ad regem Thesaliae Deucalionem ratibus vest- sunt; à quo propterea genus hominum conditum dicitur. Per ordinem deinde successionis regnum ad Erichtheum descendit; sub quo frumenti satio apud Eleusin Triptolemo reperta est; in cuius muneris honorem noctes initiorum sacrae. Tenuit & Aegaeus, Thesei pater Athenis regnum, à quo per divortium decedens Medea propter adultam privigni aetatem, Colchos cum Me-

*Præterquam,  
pro non sc-  
lum. Vide  
Cicero. pro  
Flacco.*

*Interfecto  
Erichthonio,  
ex Pandione.*

o filio ex Aegeo suscepto, concessit. Post Aegeum The-  
 us, ac deinde post Theseum, filius Demophoon, qui  
 auxilium Græcis adversus Troianos tulit, regnum pos-  
 edit. Erant inter Athenienses & Dorientes simulatæ  
 eteres offensæ, quas vindicaturi bello Dorientes, de  
 ventu belli oracula consuluerunt. Responsum, superi-  
 ores fore, ni regem Atheniensium occidissent. Cum  
 entum esset in prælium, militibus ante omnia custo-  
 dia regis præcipitur. Atheniensibus eo tempore rex  
 Codrus erat, qui & responso dei, & præceptis hostium  
 cognitis, permutato regis habitu, pannosus sarmenta  
 collo gerens castra hostium ingreditur: ibi in turba  
 obsistentium, à milite, quem falce astu vulneraverat, in-  
 terficitur. Cognito regis corpore, Dorientes sine prælio  
 discedunt. Atq; ita Athenienses virtute ducis pro sa-  
 lute patriæ morti se offerentis, bello liberantur. Post  
 Codrum nemo Athenis regnavit: quod memoriæ no-  
 minis ejus tributum est. Administratio Reipublicæ an-  
 tiquis magistratibus permixta est. Sed civitati nullæ le-  
 ges tunc erant; quia libido regum pro legibus habeba-  
 tur. Eligitur itaque Solon, vir justitiæ insignis, qui ve-  
 lit novam civitatem legibus conderet, qui tanto tem-  
 peramento inter plebem Senatūmq; egit (cum si quid  
 pro altero ordine tulisset, alteri displiciturum videre-  
 tur) ut ab utrisq; parem gratiam traheret. Hujus viri  
 inter multa egregia & istud memorabile fuit. Inter  
 Athenienses & Megarenses de proprietate Salaminæ  
 insulæ propè usq; ad interitum armis dimicatum fue-  
 rat. Post clades multas capitale esse apud Athenienses  
 cepit, si quis legem de vindicanda insula tulisset. So-  
 licitus igitur Solon, nè aut tacendo parum Reipublicæ  
 consuleret, aut censendo periculum sibi afferret, subitam  
 clementiam simulat, cujus veniā non dicturus modò  
 prohibita, sed facturus erat. Deformis habitu, more ve-  
 stitum, in publicum evolat, factq; concursu hominum  
 quò magis consilium dissimularet, insolitis sibi versibus  
 quædare populo cœpit, quod vetabatur; omniūmq; ani-

*Carmina  
 scripta sunt  
 apud Dioge-  
 nem Laerti-  
 um.*

mos ita cepit, ut exemplò bellum adversus Megaren-  
ses decerneretur, insulâque devictis hostibus Athenien-  
sium fieret. Interea Megarenses memores illati ab A-  
theniensibus belli, & veriti nè frustra arma movi-  
derentur, matronas Atheniensium in Eleusinis sacra-  
noctū oppressuri, naves conscendunt. Quâ re cognita  
dux Atheniensium Pisistratus juventutem in insidiis  
collocat, jussis matronis solito clamore, ac strepitu, et-  
iam in accessu hostium, nè intellectos se sentiant, sacra  
celebrare, egressosq; navibus Megarenses inopinante  
aggressus, delevit, ac protinus classe captivâ inter  
mixtis mulieribus, ut speciem captivarum matronarum  
præberent, Megaram contendit. Illi cum & navium  
formam & petitam prædam agnoscerent, obvii ad por-  
tum procedunt, quibus casus, Pisistratus paululum  
capienda urbe absuit. Ita Megarenses suis dolis hos-  
tibus victoriam dedere. Sed Pisistratus, quasi sibi non patri-  
viciisset, tyrannidem per dolum occupat. Quippe ve-  
beribus voluntariis domi affectus, laceratōque corporis  
in publicum progreditur, & advocatâ concione, vulnera  
populo ostendit; de crudelitate principum, à quibus  
hoc se passum simulabat, queritur: adduntur vocibus  
lacrymæ, & invidiosâ oratione multitudo credula in-  
cenditur: amore plebis invisum se Senatui affirmat  
obtinere ad custodiam corporis sui satellitum auxilium  
per quos occupatâ tyrannide per annos 34. regnavit.  
Post cujus mortem Diocles, alter ex filiis, per vim stu-  
pratâ virgine, à fratre puellæ interficitur. Alter, Hippia  
nomine, cum imperium paternum teneret, interfecto  
rem fratris comprehendi jubet: qui cum per tormenta  
conscios cædis nominare cogeretur, omnes amicos ty-  
ranni nominavit: quibus interfectis, quærenti tyrannum  
an adhuc reliqui conscii essent, nemo, ait, superest, quem  
amplius mori gestiam, quàm ipsum tyrannum: quâ vocem  
ejusdem se tyranni victorem, post vindictam pudicitie  
sororis, ostendit. Hujus virtute cum admonita civitas li-  
bertatis esset, tandem Hippias regno pulsus, in exilium  
agitur.

agitur; qui profectus in Persas, ducem se Dario, inferenti Atheniensibus bellum, sicuti supra significatum est, adversus patriam suam offert. Igitur Athenienses (audito Darii adventu) auxilium à Lacedæmoniis sociâ tum civitate petierunt. Quos ubi viderunt quatridui teneri religione, non expectato auxilio, instructis decem millibus civium & Plataënsibus auxiliariis mille, adversus sexcenta millia hostium in campos Marathonios in prælium egrediuntur. Miltiades & dux belli erat, & autor non expectandi auxilii, quem tanta fiducia ceperat, ut plus præsidii in celeritate, quam in sociis duceret. Magna igitur currentibus in pugnam alacritas animorum fuit, adeò ut cum mille passus inter duas acies essent, citato cursu ante jactus sagittarum ad hostem venirent; nec audaciæ ejus eventus defuit. Pugnatum est enim tantâ virtute, ut hinc viros, inde pecudes putares. Victi Persæ in naves confugerunt, ex quibus multæ suppressæ, multæ captæ. In eo prælio tanta virtus singulorum fuit, ut cujus laus prima esset, difficile judicium videretur. Inter cæteros tamen Themistoclis adolescentis gloria emicuit, in quo jam tunc indoles futuræ imperatoris virtutis apparuit. Cynægiri quoque militis Atheniensis gloria magnis scriptorum laudibus celebrata est, qui post prælii innumeras cædes, cum fugientes hostes ad naves egisset, onustam navem dextrâ manu tenuit; nec priùs dimisit, quam manum amitteret. Tum quoque amputatâ dextrâ, navem sinistrâ comprehendit, quam & ipsam cum amisisset, ad postremum morfu navem derinuit. Tantam in eo virtutem fuisse, ut non tot cædibus fatigatus, non ambabus manibus amissis victus, ad postremum truncus, & veluti rabida fera dentibus dimicaverit. Ducenta millia Persæ eo prælio sine navigio amiserunt. Cecidit & Hippias tyrannus Atheniensis, autor & concitator ejus belli, diis patriæ ultoribus poenas repetentibus. Interea & Darius cum bellum restauraret, in ipso apparatu decedit, relictis multis filiis & in regno, & ante regnum susceptis: ex his

*Verbosam in  
laudibus suis  
Græc. am. vo-  
cat V. Max.  
de Cynæg. v.*

*Artobazæ*

menes maximus natu, ætatis privilegio, regnum sibi vendicabat: quod jus & ordo nascendi, & natura ipsa gentibus dedit. Porro Xerxes controversiam non de ordine, sed de nascendi felicitate adferebat. Nam \* Arthememen primum quidem Dario, sed privato provenisse, se rege primum natum Fratres itaque suos, qui antè geniti essent privato, privatum patrimonium, quod eo tempore Darius habuisset, non regnum sibi vendicare posse: se esse primum quem in \* regnum rex pater sustulerit. Huc accedere, quòd a Arthemenes non patre tantum, sed & matre privata adhuc fortunæ, avo quoq; materno privato creatus sit, se verò & matre reginâ natum, & patrem non nisi regem vidisse; avum quoque maternum Cyrum regem habuisse, non hæredem, sed conditorem tanti regni. Itaque etsi æquo jure utrumque fratrem pater reliquisset, materno se tamen jure & avito vincere. Hoc certamen concordî animo ad patruum suum b Anaphernem, veluti ad domesticum judicem deferunt, qui domi cognitâ causâ Xerxem præposuit: adeoque fraterna contentio fuit, ut nec victor c exultaverit, nec victus indoluerit, ipsoque litis tempore invicem munera miserint, & jucunda quoq; inter se non solum credula convivias habuerint; judicium quoq; ipsum sine arbitris, sine convitio fuerit. Tantò moderatius tum fratres inter se regna maxima dividebant, quantò nunc exigua patrimonia partiuntur. Igitur Xerxes bellum à patre cœptum adversus Græciam, per quinquennium instruxit. Quod ubi primum didicit Demaratus rex Lacedæmoniorum, qui apud Xerxem exulabat, amicior patriæ post fugam, quàm regi post beneficia: nè inopinato bello opprimeretur, omnia in tabellis ligneis magistratibus perscribit, easdemque cerâ superinductâ delet, nè aut scriptura sine tegmine indicium daret, aut recens cera dolum proderet. Fido deinde servo perferendas tradit, jussu magistratibus Spartanorum tradere. Quibus perlatis, Lacedæmone, quæstioni res diu fuit, quòd neque scriptum aliquid viderent, nec frustra

\* *Ar. obazamem.*

\* *Regno a Ariobazages.*

b *Artaphernem.*

c *Insultaverit.*

missas



missas suspicarentur, tantoque rem majorem, quanto sit occultior, putabant. Hærentibus in conjectura viris, foror regis Leonidæ consilium scribentis invenit. Erasa igitur cera, belli consilia deteguntur. Jam Xerxes septingenta millia de regno armaverat, & tercenta millia de auxiliis paraverat; ut non immeritò proditum sit, flumina ab exercitu ejus siccata, Græciâque omnem vix capere exercitum ejus potuisse. Naves quoq; decies centum millia numero habuisse dicitur. Huic tanto agmini dux defuit. Cæterùm si regem spectes, divitias, non ducem laudes; quarum tanta copia in regno ejus fuit, ut cum flumina multitudine consumerentur, opes tamen regiæ superessent. Ipse autem primus in fuga, postremus in prælio semper visus est; in periculis timidus, sicubi metus abesset, inflatus. Denique ante experimentum belli, fiducia virium, veluti naturæ ipsius dominus, & montes in planum deducebat, & convexa vallium æquabat, & quædam maria pontibus sternebat, quædam ad navigationis commodum per compendium ducebat. Cujus introitus in Græciam quàm terribilis, tam turpis ac foedus discessus fuit. Namq; cum \* Leonides rex Spartanorum cum quatuor millibus militum angustias Thermopylarum occupasset, Xerxes contemptu paucitatis, eos pugnam capessere jubet, quorum cognati Marathoniam pugnam interfecisti fuerant, qui dum ulcisci suos quærunt, principium cladis fuere. Succedente deinde inutili turbâ, major caedes editur. Triduo ibi cum dolore & indignatione Persarum dimicatum; quarto die, cum nuntiatum esset Leonidæ è 20. millibus hostium summum cacumen teneri, tunc hortatur socios recedant, & se ad meliora patriæ tempora reservent, sibi cum Spartanis fortunam experiendam; plura patriæ quam vitæ debere, cæteros ad præsidia Græciæ servandos. Audito regis imperio discessere cæteri, soli Lacedæmonii remanserunt. Initio hujus belli sciscitantibus Delphis oracula, responsum fuerat, aut regi Spartanorum aut urbi cadendum; Et idcirco cum

*Equitum vero quadringentorum millium habuit copias, autore Frobenio, Emilio, M. & CC. habet Frobenius, quas secuta M. oncraries*

\* *Leonides.*

*Exeat apud Herodotum, Græciæ oraculum.*

rex

rex Leonides in bellum proficisceretur, ita suos firmaverat, ut ire se parato ad moriendum animo scirent. Angustias propterea occupaverat, ut cum paucis aut maiore gloriâ vinceret, aut minore damno reipublice caderet. Dimissis igitur sociis, hortatur Spartanos meminerint, qualitercunq; præliarentur, cadendum esse: caverent, nè fortius mansisse, quàm dimicasse videantur: nec expectandum, ut ab hoste circumvenirentur, sed cum nox occasionem daret, securis & lætis superveniendum; nusquam victores honestiùs quàm in castris hostium perituros. Nihil erat difficile persuadere persuasis mori; statim arma capiunt, & sexcenti viri in castra quingentorum millium erumpunt, statimq; regis prætorium petunt, aut cum illo, aut si oppressi essent, in ipsius potissimum sede morituri. Tumultus totis castris oritur. Spartani posteaquam regem non inveniunt, per omnia castra victores vagantur, cadunt, sternuntq; omnia: ut qui sciant se pugnare, non spe victoriæ, sed in mortis ultione. Prælium à principio noctis in maiorem partem diei tractum. Ad postremum non victi, sed vincendo fatigati; inter ingentes stratorum hostium catervas occiderunt. Xerxes duobus vulneribus terrestri prælio acceptis, experiri a Martis fortunam statuit. Sed Atheniensium dux Themistocles, cum animadvertisset Ionas, propter quos bellum Persarum rex susceperat, in auxilium regis classe venisse, sollicitare eos in partes suas statuit. Et cum colloquendi copiam non haberet, quo applicaturi erant, symbola proponi, & saxis proscribi curat. Quæ vos Iones dementia tenet? quod facinus agitis? Bellum inferre olim conditoribus vestris, nuper etiam vindicibus, cogitatis? An ideò mœnia vestra condidimus, ut essent qui nostra delerent? Quid si non hæc & Dario priùs, & nunc Xerxi belli causa nobiscum foret, quod vos rebellantes non destituimus? Quin vos in hæc nostra castra ex ista obsidione transitis? Aut si hoc parû tutum extat, vos commissio prælio ite *b cessum*, inhibete remos & à bello discedite. Ante navalis prælii con-

fessionem

*Præclara  
Leonide &  
Spartanorum  
virtu.*

*Exemplum  
militaris for-  
titudinis.*

*Navalis pug-  
na instrui-  
tur,  
& Miris.*

*Prudentis &  
callidi impe-  
ratoris exem-  
plum Themis-  
tocles.*

*b Cessum.*



fionem miserat Xerxes quatuor millia armatorum Delphos ad templum Apollinis diripiendum, prorsus quasi non cum Græcis tantum, sed cum diis immortalibus bellum gereret: quæ manus tota imbribus, & fulminibus deleta est, ut intelligeret, *Quantò gravior offensa Deorum esset, tanto nullas esse Hominum adversus deos vires.* Post hæc Thespias, & Plateas, & Athenas hominibus vacuas incendit; & quoniam ferro non poterat in homines, in ædificia igne grassatur. Namq; Athenienses post pugnam Marathoniam, præmonente Themistocle, victoriam illam de Persis, non finem, sed causam majoris belli fore, 200 naves fabricaverunt. Adventante igitur Xerxe, consulentibus Delphis oraculum, responsum fuerat, Salutem muris ligneis tuerentur. Themistocles navium præsidium demonstratum ratus, persuadet omnibus, patriam municipes esse, non mœnia, civitatēq; non in ædificiis, sed in civibus positam. Melius itaq; salutem navibus, quàm urbi committuros: hujus sententiæ etiam Deum autorem esse. Probato consilio, conjuges, liberosq; cum pretiosissimis rebus, abditis insulis, relictâ urbe demandant. Ipsi naves armati conscendunt. Exemplum Atheniensium & aliæ urbes imitatz. Itaq; cum adunata omnis sociorum classis, & intenta in bellum navale esset, angustiâsq; Salaminii freti, nè circumveniri à multitudine possent, occupassent, dissensio inter civitatum principes oritur: qui cum deserto bello ad sua tuenda delabi vellent, timens Themistocles, nè discessu sociorum vires minuerentur, per servum fidum Xerxi nunciat, uno in loco eum contractâ Græciam posse capere facillimè. Quod si civitates, quæ jam abire vellent, dissipentur, majore labore ei singulas consecutandas. Hoc dolo impellit regem signû pugnæ dare. Græci quoq; adventu hostiû occupati, præliû collatis viribus capiunt. Intereâ rex, velut spectator pugnæ, cum partē navium in littore remanet. Arthemisia autem regina Halicarnassi, quæ in auxilium Xerxi venerat, inter primos duces bellû acerrimè ciebat, quippe ut in viro muliebrem timorē,

*Exemplum impietatis erga deos.*

*Impietatis pena.*

*Oraculum.*

*Patria municipes non mœnia.*

*Pugna ad Salaminem.*

*Exemplum muliebri fortitudinis Arthemisia, effeminati autem ducis Xerxis.*

ita

*Græcorum  
præclara ad  
Salaminem  
victoria.*

*Una salus  
victis nullam  
spem salu-  
tem. Virg. 2.  
Ænei.*

*Turpis fuga  
Xerxis.*

*Egregium  
epiphonema.*

*• Exercitu.*

ita in muliere virilem audaciam cerneret. Cum anceps prælum esset, Iones, juxta præceptum Themistoclis, pugnam se paulatim subtrahere coeperunt, quorum defectio animos cæteris fregit. Itaque circumspicientes fugam pelluntur Persæ, & mox pralio victi in fugam vertuntur. In qua trepidatione multæ submersæ naves, multæ captæ sunt: plures tamen non minùs sævitiam regis, quàm hostem timentes, domum dilabuntur. Hæc clade percussus & dubium consilii Xerxem Mardonius aggreditur: Hortatur ut in regnum abeat, nè quid seditionis moveat fama adversi belli, & in majus, sicuti mos est, omnia extollens, sibi 300 millia armatorum lecta ex omnibus copiis relinquat, quâ manu aut cum gloria ejus perdomiturum se Græciam, aut si aliter eventus ferat, sine ejusdem infamia hostibus cessurum: Probato consilio, Mardonio exercitus traditur: reliquas copias rex ipse reducere in regnum parat. Sed Græci auditâ regis fugâ, consilium ineunt pontis irrumpendi: quem ille Abydo, velut victor maris fecerat, ut intercluso aditu, aut cum exercitu deleteretur, aut desperatione rerum, pacem victus petere cogeretur. Sed Themistocles timens, ne interclusi hostes desperationem in virtutem verterent, & iter, quod aliter non pateret, ferro patefacerent; satis multos hostes in Græcia remanere discitans, nec augeri numerum retinendo oportere; cum vincere consilio cæteros non posset, eundem servum ad Xerxem mittit, certiorémq; consilio facit, & occupare transitum maturâ fugâ jubet. Ille percussus nuntio tradit ducibus milites perducendos: ipse cum paucis Abydon contendit. Ubi cum solum pontem hybernis tempestatibus offendiſſet, piscatoriâ scaphâ trajecit trepidus. Erat res spectaculo digna, & ad æstimationem rerum humanæ fortis varietate miranda, in exiguo latentem videre navigio, quem paulo antè vix æquor omne capiebat: carentem etiam omni fervorum ministerio, cujus a exercitus propter multitudinem, terræ graves erant. Nec pedestribus copiis, quas ducibus assignaverat,

signaverat, scilicet iter fuit. Siquidem quotidiano labori (neque enim ulla est metuentibus quies) etiam *γνώμην* fames accesserat. Multorum deinde dierum inopia contraxerat & pestem, tantaque sceleris morientium fuit, ut vix cadaveribus implerentur, alitesque & bestiae *Calamitas & miseria in exercitu Xerxis.* efficae illecebris sollicitatae, exercitum sequerentur. Interim Mardonius Olynthum in Graecia expugnat. Athenienses quoque in spem pacis, amicitiamque regis sollicitat, spondens incensa eorum urbis etiam in majus restitutionem. Posteaquam nullo pretio libertatem vidit his venalem, incensis quae reaedificare coeperant, copias in Boeotiam transfert. Eo & Graecorum exercitus, qui centum millium fuit, sequutus est. Ibi praelium commissum; sed fortuna regis cum duce mutata non est. Nam victus Mardonius, veluti ex naufragio cum paucis profugit: castra referta regalis opulentiae capta sunt: unde primum Graecos, diviso inter se auro Persico, divitiarum luxuria cepit. Eodem forte die quo Mardonii copiae deletae sunt, etiam navali praelio in Asia sub monte Mycale adversus Persas dimicatum est. Ibi ante congressionem, cum classes ex adverso starent, fama ad utrumque exercitum venit, vicisse Graecos, & Mardonii copias occasione occidisse: Tantam famae velocitatem fuisse, ut cum maturino tempore praelium in Boeotia commissum sit, meridianis horis in Asiam, per tot maria, & tantum spatii, tam brevi horarum momento, de victoria nuntiatum sit. Confecto bello, cum de praemiis civitatum ageretur, omnium iudicio, Atheniensium virtus caeteris praelata. Inter duces quoque Themistocles princeps, civitatum testimonio iudicatus, gloriam patriae suae auxit. Igitur Athenienses aucti & praemiis belli, & gloria, urbem ex integro condere moluntur. Cum moenia majora complexi fuissent, suspecti esse Lacedaemoniis coepere, recte reputantibus, quibus ruina urbis tantum incrementi dedisset, quantum sit data munita civitas. Mittunt ergo legatos, qui monerent, ne munimenta hostibus & receptacula futuri rursus belli

*De hac pugna Herodotus in Calliope.*

*Epiphonema.*

*Themistocles laus. Respicitur Athis.*

*Themistoclis  
calliaum  
consilium.*

belli extruant. Themistocles ut vidit spei urbis invideri, non existimans abruptè agendum, respondit legatis, ituros Lacedæmona, qui de ea re pariter cum illis consulent. Sic dimissis Spartanis, hortatur suos, ut opus maturent. Deinde ipse, interjecto tempore, in legationem proficiscitur, & nunc in itinere infirmitate simulatâ, nunc tarditatem collegarum accusans, sine quibus agi jure nihil possit, diem de die proferendo, spatium consummando operi quærebat: cum interim nunciatur Spartanis, opus Atheniensium maturari, propter quod denuò legatos mittunt ad inspiciendam rem. Tum Themistocles per servum magistratibus scribit Atheniensium, Lacedæmonum legatos vinciant, pignusque teneant, nè in se gravius consulatur. Adit deinde concionem Lacedæmoniorum, indicat perimunitas Athenas esse, & posse illatum bellum non armis tantum, sed etiam muris sustinere. Si quid ob eam rem de se crudelius statuerent, legatos eorum Athenis in hoc pignus retentos. Graviter deinde castigat eos, quòd non virtute, sed imbecillitate sociorum potentiam quærent. Sic dimissus, veluti triumphatis Spartanis, à civibus excipitur. Post hæc Spartani, nè vires otio corrumpere, & urbis illatum à Persis Græciæ bellum ulciscerentur, ultrò fines eorum depopulantur. Ducem suum, sociorumque exercitui deligunt Pausaniam, qui pro Ducatu regnum Græciæ affectans, prodicionis præmium, cum Xerxe nuptias filiæ ejus paciscitur, (redditis captivis) ut fides regis aliquo beneficio obstringeretur. Scribit præterea Xerxi, quoscunque ad se nuntios misisset, interficeret, nè res loquacitate hominum prodere-tur. Sed dux Atheniensium Aristides belli socius electus, collegæ conatibus obviam eundo, simul & in rem sapienter consulendo, prodicionis consilia discussit. Nec multò post accusatus Pausanias damnatur. Igitur Xerxes cum prodicionis dolum publicatum videret, ex integro bellum instituit. Græci quoque ducem instituunt Cimonem Atheniensem, filium Miltiadis, quo ducem Marathone

*Bellum Lacedæmoniorum adversus Persas. Pausanias persequendi civis & duxis exemplum.*

*Conjugis Cretensis litteras pertulit Probus.*

Marathone pugnatum est: juvenem, cujus magnitudinem futuram pietatis documenta prodiderunt. Quippe patrem ob crimen peculatus in carcerem conjectum, ibiq; defunctum, translatis in se vinculis, ad sepulturam redemit. Nec in bello judicium deligentium fefellit. Siquidem non inferior virtutibus patris, Xerxem terrestri navaliq; bello superatum, trepidum se recipere in regnum coëgit.

*Insigne p̄r.  
suis exem-  
plum.*

## JUSTINI LIBER III.

**X**Erxes rex Persarum, terror ante gentium, bello in Græcia infeliciter gesso, etiam suis contemptui esse cœpit. Quippe Artabanus praefectus ejus, deficiente quotidie regis maiestate, in spem regni adductus, cum septem robustissimis filiis regem vesperi aggreditur; nam amicitiae jure semper illi patebat, trucidatq; rege, voto suo obistentes filios ejus dolo aggreditur. Securius de Artaxerxe puero admodum, fingit regem à Dario, qui erat adolescens, quò maturius regno potiretur, occisum; impellit Artaxerxē parricidium parricidio vindicare. Cum ventum esset ad domum Darii, dormiens inventus, quasi somnium fingeret, interficitur. Deinde cūm unum ex regis filiis sceleri suo superesse Artabanus videret, metueretq; de regno certamina principū, assumit in societatem consilii Eacabasum, qui praesenti statu contentus, rem prodit Artaxerxi, ut pater ejus occisus sit, ut frater falsa parricidii suspitione oppressus, ut deniq; ipsi pararetur insidia. His cognitis, Artaxerxes verens Artabani numerum filiorum, in posterum diem paratum esse exercitū, armatūq; jubet, recogniturus & numerum militum, & in armis industriam singulorum. Itaq; cum inter ceteros, & ipse Artabanus armatus assisteret, rex simulat se breviorē lorica habere, jubet Artaban. secum cōmutare; exuentem se, ac nudatum gladio trajecit. Tum & filios corripit jubet; atq; ita egregius adolescēs & cadē patris, & necē fratris, & se ab insidiis Artabani vindicavit. Dum hac

*Crudelitatis  
& perfidiae  
exemplum.*

*Artaxerxes  
longinqua  
Persarum  
rex quinim  
40.  
Crudelitas  
& perfidia  
parva.*

*De intestino  
Græcorum  
bello.*

*\* Generi.*

*\* Polydise  
babet Plur.*

*Lycurgi in-  
stituta.*

*Legum late-  
res quid pra-  
stare debeant.*

*Monarchia.  
Oligarchia.  
Democratia.*

hæc in Persis geruntur, interea Græcia omnis, duobus Lacedæmoniis & Atheniensibus in duas divisa partes, ab externis bellis, velut in viscera sua arma convertit. Fiunt igitur de uno populo duo corpora, & eorundem castrorum homines in duos hostiles exercitus dividuntur. Hinc Lacedæmonii communia quorundam civitatum auxilia ad vires suas trahebant. Inde Athenienses & vetustate \* gentis, & gestis rebus illustres propriis viribus confidebant. Atque ita duo potentissimi Græciæ populi, institutis Solonis & Lycurgi legibus pares, ex æmulatione virium in bellum ruebant. Namque Lycurgus cum fratri suo \* Polibizæ Spartanorum regi successisset, regnumque sibi vindicare potuisset, Charilaos filio ejus, qui natus posthumus fuerat, cum ad aetatem adultam venisset, regnum summâ fide restituit, ut intelligerent omnes, quantum plus apud bonos pietatis jura, quam omnes opes valerent. Medio igitur tempore dum infans convalescit, tutelamque ejus administrant non habentibus Spartanis leges instituit, non inventionem earum magis, quam exemplo clarior. Siquidem nihil lege ultâ in alios sanxit, cujus non ipse primus in se documenta daret. Populum in obsequia principum, principes ad justitiam imperiorum firmavit. Parsimoniam omnibus suavit, existimans laborem militiæ assiduâ frugalitatis consuetudine, faciliorem fore. Eni singula non pecuniâ, sed compensatione mercium iussit: auri argentique usum, velut omnium scelerum materiam, sustulit: administrationem reipublicæ per ordines divisit. Regibus potestatem bellorum, Magistratibus judicia, & annuas successiones, Senatui custodiam legum, populo sublegendi Senatum, vel creandi, quod vellet, magistratus, potestatem permisit. Fundos omnium æqualiter inter omnes divisit, ut æquata patrimoniam neminem potentiorum altero redderent. Convivari omnes publice iussit, ne cujus divitiarum vel luxuria in occulto essent. Juvenibus non amplius unâ veste uti toto anno permittit, nec quenkam cultius quam aliorum rerum



rerum progredi, nec epulari opulentiùs, nè imitatio in  
luxuriam verteretur. Pueros puberes non in forum, sed  
in agrum deduci præcepit, ut primos annos non in lux-  
uria, sed in opere & in laboribus agerent. Nihil eos  
somnia causâ substernere, & vitam sine pulmento dege-  
re, neque priùs in urbem redire, quàm viri facti essent.  
Statuit virgines sine dote nubere: jussit ut uxores eli-  
gerentur, non pecuniâ: severiùsq; matrimonia sua viri  
coërcerent, cùm nullis dotis frænâs tenerentur. Maxi-  
mum honorem non divitum & potentium, sed pro gra-  
du ætatis senum esse voluit. Nec sanè usquam terrarum  
locum honoratiorem senectus habet. Hæc quoniam  
primo, solutis antea moribus, dura videbantur esse, au-  
torem eorum Apollinem Delphicum fingit, & inde se  
ea ex præcepto numinis detulisse, ut consuescendi tæ-  
dium metus religionis evincat. Deinde ut æternitatem  
legibus suis daret, jurejurando obligat civitatem, nihil  
eos de ejus legibus mutatuuros, priusquam reverteretur;  
& simulat se ad oraculum Delphicum proficisci: con-  
sulturum quid addendum, mutandûmq; legibus vide-  
retur. Proficiscitur autem Cretam, ibique perpetuum  
exilium egit, abjiciq; in mare ossa sua moriens jussit, ne  
relatis Lacedæmonē, solutos se Spartani religione jure-  
jurandi, in dissolvendis legibus arbitrarentur. His igitur  
moribus ita brevi civitas \* convaluit, ut cum Messeniis  
propter stupratas virgines suas in solemnî Messeniorum  
sacrificio bellum intulissent, gravissimâ se execratione  
\* obstringerent, non prius quam Messeniam expug-  
nassent, reversuros; tantum sibi, vel de viribus suis, vel  
de fortuna spondentes. Quæ res initium dissentionis  
Graciæ, & intestini belli causa & origo fuit. Itaq; cùm  
\* contra præsumptionem suam annis decem in obsidi-  
one urbis tenerentur, & querelis uxorum post tam lon-  
gam viduitatem revocarentur, veriti nè hæc perseve-  
rantia belli graviùs sibi, quàm Messeniis nocerent:  
quippe illis quantum juventutis bello intercidat, mu-  
lierum sæcunditate suppleri: sibi & belli damna assi-

*Abiit hoc in  
proverbium;  
In sola  
Sparta expro-  
bat senescere.  
Exemplum  
amoris erga  
patriam.*

*\* Convaluit;*

*\* Obstringe-  
runt.*

*Offavo An.  
Imperii Ro-  
mulo fuit hoc  
bellum;  
autor. Euf.  
\* Id est, secun-  
dam spera-  
verant.*

*Urbis no-  
men erat  
Ithenia.*

*Partheni-  
um origo.*

*\* Arati.*

*Parthenii  
ubi confede-  
rim.*

*Phalanti in  
ingratos ci-  
ves pietæ.*

*Secundum  
cum Messe-  
niis bellum.  
\* Copie ci-  
vitatū.*

dua, & foecunditatem uxorū absentibus viris nullam esse. Itaque legunt juvenes ex eo genere militum, qui post iuramentum in supplementum venerant. Quibus Spartam remissis, promiscuos omnium foeminarum concubitus permiscere, maturiorem futuram conceptionem rati, si eam singulæ per plures viros experirentur. Ex his nati, ob notam materni pudoris Parthenii sunt vocati: qui cum ad annos 30. pervenissent, metu inopie (nulli enim pater existerat, cuius in patrimonium successio speraretur) ducem Phalantum assumunt, filium \* Araci, qui autor Spartanis fuerat, juventutis ad generandam sobolem domum remittendæ: ut sicut dudum patrem ejus nascendi habuissent autorem, sic ipsum spei ac dignitatis suæ haberent. Itaq; nec salutatis matribus è quarum adulterio infamiam collegisse videbantur, ad sedes requirendas proficiscuntur, diūq; & per varios casus jactati, tandem in Italiam deferuntur, & oppugnata arce Tarentinorum, expugnatis veteribus incolis, sedem sibi constituunt. Sed post annos plurimos dux eorum Phalantus, per seditionem in exilium perturbatus, Brundisium se contulit, quo expulsi sedibus suis veteres Tarentini concesserant. Is moriens persuadet, ut ossa sua, postremaq; reliquias conterant, & tacite spargi in foro Tarentinorum curent. Hoc enim modo recuperare illos patriam suam posse, Apollinem Delphis cecinisse. Illi arbitantes eum in ultionem suis fata civium prodidisse, præceptis parvare: sed oraculi diversa sententia fuerat; perpetuitatem enim urbis, non amissionem hoc facto promiserat. Ita ducis exulis consilio, & hostium ministerio possessio Tarentina Partheniis in æternum fundata: ob cuius beneficii memoriam Phalanto divinos honores decrevere. Interea Messenii cum virtute non possent, per insidias expugnantur. Deinde cum per annos 80. gravia servitutis verbera plerumq; vincula, cæteraq; \* captivitatis mala perpassissent, post longam poenarum patientiam, bellum restaurant. Lacedæmonii quoq; eò conspirati ad armis concurrunt.



concurrunt, quò adversus servos dimicaturi videbantur. Itaq; cum hinc injuria, inde indignitas animos acere, Lacedæmonii (de belli eventui oraculo Delphis consulto) jubentur ducem belli ab Atheniensibus petere. Porro Athenienses cum responsi cognovissent, in contemptum Spartanorum Tyrtaei poetam claudum pede misere, qui tribus præliis fufos, eò usq; desperationis Spartanos adduxit, ut ad supplementum exercitus servos suos manumitterent: hisq; intersectorum matrimonia pollicerentur, ut non numero tantum amissorum civium, sed & dignitati succederent. Sed reges Lacedæmoniorum nè contra fortunam pugnando majora detrimenta civitati infunderent, reducere exercitum voluerunt, ni intervenisset Tyrtaeus, qui composita carmina exercitui pro concione recitavit: in quibus hortamenta virtutis, damnorum solatia, belli consilia conscripserat. Itaq; tantum ardorem militibus iniecit, ut non de salute, sed de sepulturâ solliciti, tesseras insculptis suis & patrum nominibus, dextero brachio deligerent, ut si omnes adversum prælium consumpssisset, & temporis spacia confusa corporum lineamenta essent, ex indicio titulorum tradi sepulturæ possent. Cum sic animatum reges exercitum viderent, curant rem hostibus nuntiare. Messeniis autem non timorem res, sed æmulationem mutuam dedit. Itaq; tantis animis concursum est, ut rarò unquam cruentius prælium fuerit. Ad postremum tamen victoria Lacedæmoniorum fuit. Interjecto tempore, tertium quoq; bellum Messenii repa-  
ravere: in cujus auxilium Lacedæmonii inter reliquos socios etiam Athenienses adhibuere, quorum fidem cum suspectam haberent, supervacuos eos simulantes, à bello eosdem dimiserunt. Hanc rem Athenienses graviter ferentes, pecuniam, quæ erat in stipendium Persici belli ab universâ Græcia collata, à Delo Athenas transferunt, ne deficientibus à fide societatis Lacedæmoniiis prædæ ac rapinæ esset. Sed nec Lacedæmonii quiescere, qui cum Messeniorum bello occupati essent Pelopon-

*Tyrtaeus poeta  
ta claudus  
dux Lacedæ-  
mon.*

*Tyrtaei ad  
milites car-  
mina exhor-  
tatoria.*

*Tertium bel-  
lum cum  
Messeniis.*

*Erant enim  
Delos pro  
communi  
vario.*

*Probus in vi-  
ta Aristot.  
Vidit sunt  
in Italia.*

*De quo  
Thucydides  
l. 2. & Plu-  
ta.*

*Perfidie  
exemplum.*

\* Hujus.

nenses immiscere, qui bellum Atheniensibus facerent. Parvæ tunc temporis, clâsse in Ægyptum missâ, vires Atheniensibus erant. Itaq; navali prælio dimicantes, facile superantur. Interjecto deinde tempore, post reditum sociorum aucti, & classis, & militum robore, prælium reparant. Jam & Lacedæmonii ommissis Messeniis adversus Athenienses arma verterant. Diu varia victoria fuit: ad postremum æquo Marte utrinq; discessum. Inde revocati Lacedæmonii ad Messeniorum bellum, ne medium tempus otiosum Atheniensibus relinquerent, cum Thebanis paciscuntur, ut Bœotiorum imperium his restituerent, quod temporibus Persici belli amiserunt, ut illi cum Atheniensibus bella susciperent. Tanti furor Spartanorum erat, ut duobus bellis implici fuscipere tertium non recusarent, dummodo inimicis suis hostes acquirerent. Igitur Athenienses adversus tantam tempestatem belli, duos duces deligunt, Periclem spectatæ virtutis virum, & Sophoclem scriptorem tragicarum, qui diverso exercitu, Spartanorum agros vastaverunt, & multas Achaia civitates Atheniensium imperio adjecerunt. His malis fracti Lacedæmonii, in annos 30. pepigerunt pacem: sed tam longum otium inimicitia non tulerunt. Itaq; intra quindecim annos rupto foedere, cum contemptu Deorum, hominûmq; finis Atticos populantur; Et nè prædam potiùs, quàm pacem expetisse viderentur, hostes ad prælium vocant. Sed Athenienses, consilio Periclis ducis, populationem injuriam differunt in tempus ultionis, supervacuam pacem existimantes, cum ulcisci hostem sine periculo possent. Deinde interjectis diebus, naves conscendunt, nihil sentientibus Lacedæmoniis, totam Spartam prædantur, multoq; plura auferunt, quàm amiserant. Prorsus in comparatione damnorum, longè plurimum fuerat ultio quàm ira. Clara quidem hæc Periclis prædictio habita, sed multò clarior privati patrimonii dampnatio temptus fuit. \* Hinc agros in populatione cæterorum intactos hostes reliquerant, sperantes acquirere se

posse aut periculum ex invidia, aut ex suspitione pro- *Exeat hac de*  
 ditionis Infamiam. Quod antè prospiciens Pericles, & *re apud*  
 futurum populo prædixerat, & ad invidiæ impetum de- *Thucyd. ora-*  
 clinandum agros ipsos dono reipublicæ dederat. Atq; *tio.*  
 ita unde periculum quæsitum fuerat, ibi maximam glo-  
 riam invenit. Post hæc interjectis diebus, navali prælio  
 dimicatum est: victi Lacedæmonii fugerunt. Nec ces-  
 satum deinceps est, quin aut terra, aut maria varia præ-  
 liorum fortunâ invicem se trucidarent. Deniq; fessi tot  
 malis, pacem in annos quinquaginta fecere, quam non  
 nisi sex annis servaverunt. Nam inducias, quas proprio  
 nomine condixerant, ex sociorum persona rumpebant;  
 quippe quasi minus perjurii contraherent, si ferentes  
 sociis auxilia potius, quàm si aperto prælio dimicassent.  
 Hinc bellum in Siciliam translatum: quod prius quàm  
 exponam, de Siciliæ situ pauca dicenda sunt.

## JUSTINI LIBER IV.

Siciliam ferunt angustis quondam faucibus Italiæ ad- *Siciliæ de-*  
 hæsisse, direptamq; velut à corpore, majore impetu *scriptis.*  
 superioris maris, quod toto undarum onere illuc  
 vehitur. Est autem ipsa terra tenuis ac fragilis, & caver-  
 nis quibusdam, fistulisq; ita penetrabilis, ut ventorum  
 tota fermè flatibus pateat, nec non & ignibus generandis  
 nutriendisq; soli ipsius naturalis vis. Quippe intrinse-  
 cus stratum sulphure & bitumine traditur: quæ res fa- *Vide Plin.*  
 cit, ut spiritu cum igne inter interiora luctante, fre- *l. 85. c. 25.*  
 quenter & compluribus locis nunc flammæ, nunc vapo-  
 rem, nunc fumum eructet. Inde denique Ætnæ montis  
 per tot secula durat incendium. Et ubi acrior per spira-  
 menta cavernarum ventus incubuit, arenarum moles *Et debiscen-*  
 egeruntur. Proximum Italiæ promontorium, Rhegi- *di argumen-*  
 um dicitur, ideò quòd Græce abrupto hoc nomine pro- *tum. Plin.*  
 nuntiatur. Nec mirum si fabulosa est loci ejus anti-  
 quitas, in quem res tot coïere miræ. Primum quòd nus-  
 quam aliàs tam torrens fretum, nec solùm citato im- *Siculum*  
 petu, verùm etiam sævo: neque experientibus modò *mare.*

\* *Vorticibus  
mergi ac in  
im.*

*Æolides in-  
sula.*

*Scylla &  
Charybdis,  
vid. Era-  
in Chil.*

*De Sicilia  
Thucy. l. 6.*

*Angustia  
Siculi freti.*

*A Thucydide  
autore Pli-  
nio, Triqu-  
tra etiam  
dicta.*

*Ajaxilaus  
exemplum  
justitiæ &  
moderationis.*

\* *Michillo.*

terribile, verum etiam procul visentibus. Undarum por-  
ro inter se concurrentium tanta pugna est, ut alias ve-  
luti terga dantes \* vorticibus in imum descendere, alias  
quasi victrices in sublime ferri videas. Nunc hic fremitum  
serventis æstus, nunc illic gemitum in voragine  
desidentis exaudias. Accedunt vicini, & perpetui Ætnæ  
montis ignes, & insularum Æolidum, veluti ipsis undis  
alatur incendium. Neq; enim in tam angustis terminis  
aliter durare tot seculis tantus ignis potuisset, nisi &  
humoris nutrimentis aleretur. Hinc igitur Fabulæ Scyl-  
lam & Charybdim peperere: hinc latratus auditos, hinc  
monstri credita simulacra, dum navigantis magnis vor-  
ticibus pelagi desidentis exterriti, latrare putant undas,  
quas sorbentis æstus vorago collidit. Eadem causa etiam  
Ætnæ montis perpetuos ignes fecit. Nam aquarum  
ille concursus raptum secum spiritum in imum fundi  
trahit, atque ibi suffocatum tam diu tenet, donec per  
spiramenta terræ diffusus, nutrimenta ignis incendat.  
Jam ipsa Italiæ Siciliæq; vicinitas, jam promontorio-  
rum altitudo ipsa ita similis est, ut quantum nunc admi-  
rationis, tantum antiquis terroris dederit. credentibus,  
coeuntibus in se promontoriis, ac rursus discedentibus  
solida intercepti, absunq; navigia. Neque hoc ab anti-  
quis in dulcedinem fabulæ compositum, sed metu & ad-  
miracione transeuntium. Ea est enim procul inspecien-  
tibus natura loci, ut sinum maris, non transitum putes:  
quò cum accesseris, discedere, ac se jungi promontoria,  
quæ antea juncta fuerant, arbitrare. Siciliæ primò Tri-  
naciæ nomen fuit: præterea Sicania denominata est.  
Hæc à principio patria Cycloperum fuit: quibus extin-  
ctis, Æolus regnum insulæ occupavit: post quem sin-  
gulæ civitates in tyrannorum imperium concesserunt,  
quorum nulla terra feracior fuit: Horum ex numero A-  
jaxilaus justitiæ cum cæterorum crudelitate certabat:  
cujus moderatio haud mediocrem fructum tulit. Quip-  
pe decedens cum parvulos filios reliquisset, tutelamq;  
eorum \* Miccytho, spectata fidei servo commisisset, tan-

tus amor memoriæ ejus apud omnes fuit, ut parere ser-  
vo, quàm deferere regis filios mallerent : principēsque ci-  
vitatibus obliti dignitatis suæ, regni majestatem admini-  
strari per servum paterentur. Imperium Siciliae etiam  
Carthaginienſes tentavere, diuque variâ victoriâ cum  
tyrannis dimicatum. Ad postremum amisso Hamilcare  
imperatore cum exercitu, aliquantisper quievit victi.  
Medio tempore cum Rhegini discordiâ laborarent, ci-  
vitatibusque per dissentionem divisa in duas partes esset, ve-  
terani ab altera parte ab Himera urbe in auxilium vo-  
cati, pulsas civitate, contra quos implorati fuerant, &  
\* mox caſis, quibus tulerant auxilium, urbem cum con-  
jugibus & liberis sociorum occupare, ausi facinus nulli  
tyranno comparandum : quippe ut Rheginis melius  
fuerat vinci, quàm vicisse. Nam siue \* victoribus capti-  
vitatibus jure servissent, siue amissa patriâ exulare neces-  
se habuissent, non tamen inter aras & patrios lares truci-  
dati, crudelissimis tyrannis patriam cum conjugibus  
ac liberis prædam reliquissent. Catanenſes quoque cum  
Syracusanos graves paterentur, diffusi viribus suis, auxi-  
lium ab Athenienſibus petiere : qui seu studio majoris  
imperii, quod Asiam Græciâque penitus occuparent,  
seu metu factæ pridem à Syracusanis classis, ne Lace-  
dæmoniis illæ vires accederent, Lamponium ducem  
cum classe in Siciliam mittere, ut sub specie ferendi Ca-  
tanenſibus auxilii, tentarent Siciliae imperium ; & quo-  
niam prima initia frequenter caſis hostibus prospera  
fuerunt, majore denuo classe, & robustiori exercitu,  
Lachete & Cariade ducibus, Siciliam petivere : sed Ca-  
tanenſes siue metu Athenienſium, siue tædio belli, pa-  
cem cum Syracusanis, remissis Athenienſium auxiliis,  
fecerunt. Interjecto deinde tempore, cum fides pacis  
à Syracusanis non servaretur, denuo legatos Athenas  
mittunt, qui fordidâ veste, capillo barbâque prolixis, &  
omni squaloris habitu ad misericordiam commovendâ  
\* acquisito, concionem deformes adeunt. Adduntur

*Vide infra  
lib. 83.*

*Crudelitas &  
perfidie  
exemplum.  
\* Exinde.*

*\* Auctoribus.*

*Siciliense  
bellum, quo  
Athenienſi-  
um res sunt  
v. benevener.  
accise.*

*Thucy. lib. 3.*

*\* Accersito.*

\* Nicias

Thucyd. 1. 6.

Gylippus.

Demosthenes  
navali pug-  
na, utThucyd. 1. 7.  
narrat, non  
adjuvat.

plices movent, ut damnarentur duces, qui ab his auxilia deduxerant. Igitur classis ingens decernitur: creantur duces \* Niceas & Alcibiades, & Lamachus; tantisque viribus Sicilia repetitur; ut ipsis terrori essent, in quorum auxilia mittebantur. Brevi post tempore, revocato ad reatum Alcibiade, duo praelia pedestria secunda Niceas & Lamachus faciunt: munitionibus deinde circumdatis, hostes etiam marinis commensibus in urbe clausos intercludunt. Quibus rebus fracti Syracusani, auxilium à Lacedæmoniis petierunt. Ab his mittitur Gylippus, solus quidem, sed in quo instar omnium auxiliorum erat. Is audito genere belli, jam inclinato statu, auxiliis partim in Græciam, partim in Siciliam misere contractis, opportuna bello loca occupat. Duobus inde praeliis victus, congressus tertio, occiso Lamacho, & hostes in fugam cōpulit, & socios obsidione liberavit. Sed cum Athenienses à bello terrestri in navale se transtulissent, Gylippus classem à Lacedæmone cum auxiliis accersit: quo cognito, & ipsi Athenienses in locum amissi ducis Demosthenem & Eurymedonta cum supplemento copiarum mittunt. Peloponnesii quoque communi civitatum decreto ingentia Syracusanis auxilia misere, & quasi Græcæ bellum in Siciliam translatum esset, ita ex utraque parte summis viribus dimicabatur. Primâ igitur congressione navalis certaminis Athenienses vincuntur. Castra quoque cum omni publica ac pravata pecunia amittunt. Super hæc mala, cum etiam terrestri praelio victi essent, tunc Demosthenes censere coepit, ut abirent Sicilia, dum res, quamvis afflictæ, nondum tamen perditæ forent, neque in bello malè auspicato amplius perseverandum esse; domi graviora, & forsitan infœliciora bella esse, in quæ reservare hos urbis apparatus oporteat. Niceas seu pudore malè actæ rei, seu metu defuturæ spei civitum, impellente fato, manere contendit. Reparatur igitur navale praelium, & à nimia prioris fortunæ procella ad spem certaminis revocantur: sed inscitia ducum, qui inter angustias maris

tuentes



aentes se, Syracusanos aggressi facillè vincuntur. Eu-  
 ymedon dux in prima acie fortissimè dimicans, primus  
 cadit; triginta naves quibus præfuerat incenduntur;  
 Demosthenes & Niceas etiam ipsi victi exercitum in  
 terram deponunt, tutiorem fugam rati itinere terrestri.  
 Ab his relictas centum triginta naves, Gylippus inva-  
 dit, ipsos deinde insequitur fugientes; partim capit, cæ-  
 lit partim. Demosthenes amisso exercitu, à captivitate  
 gladio & voluntariâ morte se vindicat. Niceas autem  
 à Demosthenis quidem exemplo, ut sibi consuleret ad-  
 monitus, cladem suorum auxit dedecore captivitatis.

*Hanc cladem  
 miserrimam  
 scribit  
 Thucyd. in  
 lib. 4.  
 Variant au-  
 tores de mor-  
 te Demosthe-  
 nis. V. Plu.*

## JUSTINI LIBER V.

DUM Athenienses in Sicilia bellum per biennium  
 cupidius quam feliciter gerunt, interim concita-  
 tor & dux ejus Alcibiades absens Athenis insimu-  
 latur mysteria Cereris, Initiorum sacra, nullo magis quam  
 silentio solemnia enuntiavisse. Revocatusque à bello ad  
 iudicium, siue conscientiam, siue indignitatem rei non  
 ferens, tacitus in exilium Elidem profectus est. Inde  
 ubi non damnatum se tantum, verum etiam diis per  
 omnium sacerdotum religiones devotum cognovit, La-  
 cedæmonia se contulit; ibique regem Lacedæmoniorum  
 impellit, turbatis Atheniensibus adverso Siciliæ prælio  
 ultrò bellum inferre. Quo factò omnia Græciæ regna,  
 velut ad extinguendum commune incendium, concu-  
 runt. Tantum odium Athenienses immoderati imperii  
 \* crudelitate contraxerant. Darius quoque rex Persarum  
 memor paterni avitque in hanc urbem odii, facta cum  
 Lacedæmoniis per Tyslafernem præfectum Lydiæ so-  
 cietate, omnem sumptum belli pollicetur. Et erat hic  
 quidem titulus cum Græcis coeundi, re autem verâ ti-  
 mebat, nè victis Atheniensibus ad se Lacedæmonii ar-  
 ma transferrent. Quis igitur miretur tam florescentes  
 Atheniensium opes \* fuisse, cum ad opprimendam unam  
 urbem, totius Orientis vires concurrerent? Non tamen  
 inertes, neque incruento cecidere bello, sed præliati ad  
 ultimum

*Plu. in  
 Alcibiade  
 hanc histo-  
 riam copiose  
 narra.  
 Festa Adoni-  
 a appellat  
 Plutarch.  
 Olympiade  
 sacerdores  
 appellatur  
 Probo. Devotio-  
 nis exem-  
 plum in pile  
 ludica in-  
 cisionem, in pu-  
 blico poli-  
 um fuit.  
 Probo.  
 \* Cupiditate.*

*Odium Gra-  
 corum in A-  
 theniense.  
 \* Luigi.*



\* *Victoria.**Quoniam.**Ionian enim  
a societate  
auertat.**Times uxor  
Agidis.  
\* se in-  
nuavit.**Ac facilitate  
morum, af-  
fella:ur a  
Plutarcho  
Chamaleon.**Alcibiades.  
Vasrum &  
calidum in-  
genium.*

ultimum \* viatores etiam interdum, consumpti ma-  
 fortunæ varietate, quàm vi victi sunt. Principio bellum  
 omnes etiam ab his focii desciverant, ut fit, *Quo se su-*  
 tuna, eodem etiam favor hominum inclinat. Alcibiades  
 quoq; motum adversus patriam bellum, non gregari-  
 militis operâ, sed imperatoriis virtutibus adjuvabat.  
 Nempe acceptis quinque navibus in Asiam contendit,  
 tributarias Atheniensium civitates autoritate nomi-  
 sui ad defectionem compellit. Sciebant enim domi cla-  
 rum, nec exilio videbant factum minorem, nec tam ab-  
 latum Atheniensibus ducem, quàm Lacedæmoniis tra-  
 ditum, partâq; cum amissis imperia pensabant. Sed apud  
 Lacedæmonios virtus Alcibiadis plus invidiæ, quam  
 gratiæ contraxit. Itaque cum principes velut æmulum  
 gloriæ suæ interficiendum insidiis mandassent, cogniti-  
 re Alcibiades per uxorem Agidis regis, quam adulterio  
 cognoverat, ad Tyssaernem præfectum Darii regis  
 profugit. Cui celeriter officii comitate, & obsequendi  
 gratia \* insinuavit. Erat enim & ætatis flore, & formæ  
 veneratione, nec minùs eloquentiâ etiam inter Athe-  
 nienfes insignis. Sed in reconciliandis amicitiarum stu-  
 diis, quàm in retinendis vir melior: quia morum vicia  
 sub umbra eloquentiæ primò latebant. Igitur persua-  
 det Tyssaerni, nè tanta stipendia classi Lacedæmoni-  
 orum præberet. Vocandos enim in portionem muneris  
 Ionios, quorum pro libertate, cum tributa Atheniensibus  
 penderent, bellum susceptum fit. Sed nec auxiliis  
 nimis enixè Lacedæmonios juvandos. Quippe memo-  
 rem esse debere, alienam se victoriam, non suam instru-  
 ere, & eatenus bellum sustinendum, ne inopiâ defera-  
 tur. Nam regem Persarum dissentientibus Græcis ar-  
 bitrum pacis ac belli fore, & quos suis non possit, ipso-  
 rum armis victurum: perfecto autem bello, statim ei  
 cum victoribus dimicandum. Domesticis itaque bellis  
 Græciam obterendam, nè externis vacet, exæquant-  
 dâsq; vires partium & inferiores auxilio levandos. Non  
 enim quieturos post hanc victoriam Spartanos, qui  
 vindices

indices se libertatis Græciæ professi sunt. Grata oratio Tyllaferni fuit; itaq; commeatus maligne præbere, cladem regiam non totam mittere, nè aut victoriam totam daret, aut necessitatem deponendi belli imponeret. Interea Alcibiades hanc operam civibus vindicabat; ad quem cum legati Atheniensium venissent, pollicentur his amicitiam regis, si Respublica à populo translata ad Senatum foret, sperans, ut aut concordante civitate, dux belli ab omnibus legeretur, aut discordiâ inter ordines factâ, ab altera parte in auxilium vocaretur. Sed Atheniensibus imminente periculo belli, major salutis quàm dignitatis cura fuit. Itaq; permittente populo, Imperium ad Senatum transfertur: Qui cum omniâ genti superbiâ crudeliter in plebem confuleret, singulis tyrannidis sibi potentiam vindicantibus, ab exercitu Alcibiades exul revocatur, duxq; classi constituitur. Statim igitur Athenas mittit ex continenti se cum exercitu venturum, recepturumq; à quadringentis iura populi, ni ipsi redderent. Hac denuntiatione optimates territi, primò urbem prodere Lacedæmoniis tentaveres, deinde cum id nequivissent, in exilium profecti sunt. Igitur Alcibiades intestino malo patriâ liberatâ, summâ curâ classem instruit, atq; ita in bellum adversus Lacedæmonios pergit. Jam \* Zestromidas & \* *Mindarm.* Pharnabasus, Lacedæmoniorum duces, instructis navibus expectabant: prælio commissio, victoria penes Athenienses fuit. In eo bello major pars exercitus, & omnes ferimè hostium duces cæsi, naves 80. capræ: interjectis quoq; diebus cum bellum Lacedæmonii à mari in terram transfulissent, iteratò vincuntur. His malis fracti, pacem petiere; quam nec acciperent, operâ eorū effectum est, quibus ea res quæstum præstabat. Interea & Syracusanorum auxilia illatum à Carthaginensibus Siciliæ bellum demum revocavit: quibus rebus destitutis Lacedæmoniis, Alcibiades, cum classe victrici, Asiam vastat, multis locis prælia facit, ubiq; victor, recipit civitates quæ defecerant, nonnullas capit, & imperio

xxv. m. v. ei  
Esse Plut.  
Illustris v.  
Goria Aike-  
nienfiam ad  
Cyzicum.

*Egyptia de-  
scrip. is redi-  
tus Alcibi-  
dis exulis in  
patriam.*

*Astuti &  
callidi im-  
peratoris ex-  
emplum, de  
quo vide  
Plutarch.*

perio Atheniensium adjicit. Atque ita prisca naval  
gloriâ vindicatâ, adjunctâ etiam laude terrestribus belli  
desideratus civibus suis Athenas revertitur. His omni-  
bus præliis ducentæ naves hostium, & præda ingens  
capta; ad hunc redeuntis exercitus triumphum, effusa  
omnis multitudo obviam procedit, & universos quidem  
milites, præcipuè tamen Alcibiadem mirantur. In hunc  
oculos civitas universa, in hunc suspensa ora convertit.  
Hunc quasi de cælo missum, & ut ipsam victoriam con-  
tinentur; laudant, quæ pro patria, nec minùs admiran-  
tur, quæ exul contra gesserit, excusantes ipsi iratum  
provocatûmq; fecisse. Enimverò tantum in uno viro  
fuisse momenti, ut maximi imperii subversi, & rursus  
recepti, autor esset: & unde steteret, eò se victoria  
transferret, fieretq; cum eo mira quædam fortunæ incli-  
natio. Igitur omnibus non humanis tantû, verum etiam  
& divinis eum honoribus honorant; certant secum ipsi  
utrum contumeliosius eum expulerint, an revocaverint  
honoratius. Ipsos illi deos gratulantes tulere obviam,  
quorum execrationibus erat devotus. Et cui paulò antè  
omnem humanam opem interdixerant, eum, si queant,  
in cælo posuisse cupiunt. Explent contumelias honori-  
bus, detrimenta numeribus, execrationes precibus. Non  
Siciliæ illis adversa pugna in ore est, sed Græciæ victo-  
ria, non classes per illum amissæ, sed acquisitæ; nec Sy-  
racusarum, sed Ionæ Hellepontiq; meminerunt. Sic  
Alcibiades nunquam mediocribus, nec in offensam  
nec favorem studiis suorum exceptus est. Dum hæc  
aguntur à Lacedæmoniis, Lysander classi bellôq; præ-  
ficitur, & in locum Tyllasernis Darius rex Persarum  
filium suum Cyrum Ionæ Lydiaq; præposuit, qui La-  
cedæmonios auxiliis opibûsq; ad spem fortunæ prioris  
erexit. Ausi igitur viribus, Alcibiadem cum centum  
navibus in Asiam profectum, dum agros, longâ pace  
divites, securus populatur, & prædæ dulcedine sine in-  
fidiarum metu sparsos milites haberet, repentino ad-  
ventu opprèssere; tantâq; cædes palantium fuit, ut plus  
vulneris

vulneris pralio Athenienses acciperent, quàm superioribus dederant, & tanta desperatio apud Athenienses erat, ut ex continenti Alcibiadem ducem Conone duce commutarent: arbitantes victos se non fortunâ belli, sed fraude imperatoris: apud quem plus prior offensa valuisset, quàm recentia beneficia. Vicisse autem eum priore bello idè tantum, ut ostenderet hostibus, quem ducem sprevisset, & ut carius eis ipsam victoriam venderet. Omnia enim credibilia in Alcibiade, vigor ingenii & vitiorum amor, & morum luxuria faciebat. Veritus itaq; multitudinis impetum, denuò in voluntarium exilium proficiscitur. Itaq; Conon Alcibiadi suffectus, habens ante oculos, cui duci successit, classem maximâ industriâ adornat: sed navibus exercitus deërat, fortissimis quibusq; in Asiæ populatione amissis. Armantur tamen senes, aut impuberes pueri, & numerus militum sine exercitus robore expletur. Sed non magnam bello moram ætas fecit. Imbelles aut cæduntur passim, aut fugientes capiuntur; tantâq; strages aut occisorum aut captivorum fuit, ut Atheniensium delictum non imperium tantum, verum etiam nomen videretur. Quo pralio perditis & desperatis rebus, ad tantam inopiam rediguntur, ut consumptâ militari atate, peregrinis civitatem, servis libertatem, damnatis impunitatem darent. Eâque colluvione hominum, domini antea Græciæ, conscripto exercitu vix libertatemuebantur. Iterum tamen fortunam maris experiendam decernunt. Tanta virtus animorum erat, ut cum paulò antè salutem desperaverint, nunc non desperent victoriam. Sed neque his miles erat, qui nomen Atheniensium tueretur: neque eæ vires, quibus vincere consueverant, neq; ea scientia militaris in his, quos vincula non castra continuerant. Itaque omnes aut capti aut occisi, cum dux Conon eo pralio superfuisset, solus crudelitatem civium metuens cum octo navibus ad regem Cyprium contendit \* Evagoram. At dux Lacedæmoniorum rebus feliciter gestis, fortunæ hostium insultat,

*In vitis & virutibus, nihil fuit Alcibiade excellens. Prob.*

*Cædes Atheniensium.*

*Hanc pugnam ex regie describit Xenophon. \* Evagoras autem dux.*

sultat, captivas naves cum præda bellica, in triumphum modum ornatas mittit Lacedæmonia, ac tributarias Atheniensium civitates, quas metus dubia belli fortune in fide tenuerat, voluntarias recepit: nec aliud ditionis Atheniensium præter urbem ipsam reliquit. Quæ cum

*Tropilationis  
rheorica descriptio.  
\* Imbecillitas.*

cum Athenis nuntiata essent, omnes relictis domibus, per urbem discurrere pavidī, aliū aliū sciscitant autorem nuntii requirere; non pueros imprudentia non senes debilitas, non mulieres sexus \* imbecillis de mi tenet, adeo ad omnem ætatem tanti mali sensus penetraverat. In foro deinde coierunt, atq; ibi perpetuo nocte fortunam publicam quæstibus iterant. Alii fratres, aut filios, aut parentes desient, cognatos alii, alii amicos chariores cognatis, & cum privatis casibus querulam publicam miscent. Jam seipsos, jam ipsam patriam perituram, miserioresq; incolumium quam amissionem fortunam judicantes, sibi quisq; ante oculos obfessionem, famem, & superbum victoremq; hostem proponentes; jam ruinam urbis & incendia, jam omnium captivitatem & miserrimam servitutem recordantes; feliciores prorsus prioris urbis ruinas ducentes, quæ incolumibus filiis parentibusq; tectorum tantum ruinam taxata sint: Nunc autem non classem, in quam, sicuti pridem, ut confugiant, superesset; non exercitum cuius virtute servati pulchriora possent mania extruere. Sic defletæ ac prope perditæ urbi hostes superveniunt, & obfessione circumdatos & obfessus fame urgent. Sciebant enim neq; ex advectis copiis multum superesset, & novæ advehi possent providerant: quibus magis Athenienses fracti post longam famem, & assidua suorum funera, pacem petivere: quæ an dari deberet diu inter Spartanos sociosq; deliberatum. Cum multi delendum Atheniensium nomen urbemq; incendio consumendam censerent, negarunt se Spartani ex duobus Græciæ oculis alterum eruturos: pacem polliciti, si demissa Pyreum versus mari brachia dejecerint, navésq; quæ reliquæ forent, traderent, resque publica semetipsis 30. re-

*Olisidemiur  
Athenæ à  
Lyfandro &  
Agide.*

*Athenienses  
Lacedæmonii  
se dedunt.*

tores

tores acciperet. In has leges traditam sibi urbem Lacedæmonii formandam Lyfandro tradiderunt. Insignis hic annus & expugnatione Athenarum, & morte Dacii regis Persarum, & exilio Dionysii Siciliae tyranni fuit. Mutato statu, Athenarum etiam civium conditio mutatur. Rectores 30. reipublicæ constituuntur, qui sunt tyranni: quippe à principio tria millia sibi satellitum statuerunt, quantum ex tot cladibus prope nec civium superfuera; & quasi parvus hic ad continendam civitatem exercitus esset, septingentos milites è victoribus accipiunt. Cades deinde civium ab Alcibiade auspicantur, nè iterum rempublicam sub obtentu liberationis invaderet. Quem cum profectum ad Artaxerxem Persarum regi comperissent, citato itinere miserunt, qui eum interciperent, à quibus occupatus, cum occidi spertere non posset, vivus in cubiculo, in quo dormiebat, crematus est. Liberati hoc ultoris metu tyranni, miseris urbis reliquias cædibus & rapinis exhauriunt. Quod cum displicere uni ex numero suo Therameni didicissent, ipsum quoque ad terrorem omnium interficiant. Fit igitur ex urbe passim omnium fuga, repleturque Græcia Atheniensium exulibus, quod etiam ipsum auxilium unicum à miseris eripitur: nam Lacedæmoniorum edicto, civitates exules recipere prohibebantur: omnes se Argos & Thebas contulere: ibi non solum tutum exilium egerunt, verum etiam spem recuperandæ patriæ receperunt. Erat inter exules Thrasibulus vir strenuus, & domi nobilis, qui audendum aliquid pro patria, & pro salute communi, etiam cum periculo ratus, adunatis exulibus castellum Phyleni Atticorum finium occupat: nec deerat quarundam civitatum tam crudelis casus miserantium favor. Itaq; \* eos Menias Thebanorum princeps, etsi publicis non poterat, privatis tamen \* viribus adjuvabat. Et Lysias Syracusanus orator, exul tunc, quingentos milites stipendio suo instructos in auxilium patriæ communis eloquentia misit. Fit itaque asperum prælium: sed cum hinc pro patria

*Alcibiadis  
interitum.*

*Non crematus Plur.  
scribit, sed  
erupisse, &  
telorum copia obrutum.*

*Thrasibulus  
exemplum  
pietatis et  
patriam.  
xxx. socii  
Thrasibul.  
Prob.*

*\* Et Hismenias.  
\* Auxilium.  
Prælium adversus tyrannos.*



\* *Siturium*  
*Thrasibulid*  
*Atheniensium*  
*victoria*  
*de tyrannis.*

\* *Hippomachus.*

*Exat apud*  
*Xenoph.*  
*hæc oratio.*

*Tyranni urbe*  
*pulsi; 10*  
*pretores*  
*creati.*  
*Pausanias*  
*Atheniensibus*  
*civita-*  
*tem restituit.*

patria summis viribus, inde pro aliena dominatione  
 \* incuriùs pugnaretur, tyranni vincuntur: victi in urbem  
 refugerunt, quam exhaustam cædibus suis, etiam armis  
 spoliant. Deinde cum omnes Athenienses proditionis  
 suspectos haberent, demigrare eos ex urbem jubent, & in  
 brachiis muri, quæ diruta fuerant, habitare, extraneis  
 militibus imperium tuentes. Post hæc Thrasibulum  
 corrumpere, imperii societatem pollicentes, conantur:  
 quod cum non contigisset, auxilia Lacedæmoniis  
 petivere. Quibus accitis iteratò præliantur. In eo bello  
 Critias & \* Hippolochus omnium tyrannorum  
 sævissimi cadunt. Cæteris victis, cum exercitus eorum,  
 ex quibus major pars Atheniensium erat, fugeret,  
 magnâ voce Thrasibulus exclamavit: Cur se victorem  
 fugiant potiùs, quàm ut vincti dicem communis  
 libertatis adjuvent? Civium illam meminere aciem,  
 non hostium esse: nec se idè armis cepisse, ut aliqua  
 victis adimat, sed ut adempta restitueret; 30. se  
 dominis, non civitati bellum inferre. Admonet deinde  
 cognationis, legum, sacrorum communium tum  
 vetusti per tot bella commilitii: orat, ut miserentur  
 exulum civium: si tam patienter ipsi serviant, reddant  
 sibi patriam, accipiant libertatem. His vocibus tantum  
 promotum est, ut reversus in urbem exercitus 30.  
 tyrannos emigrare Eleusina juberet, substitutis decem,  
 qui rempub. regerent: qui nihil exempli prioris  
 dominationis territi, eandem viam crudelitatis aggressi  
 sunt. Dum hæc aguntur, nunciatur Lacedæmonem in  
 bellum Athenienses exarsisse: ad quod committendum  
 Pausanias rex mittitur: qui misericordiam exulis  
 populi permotus, patriam miseris civibus restituit,  
 & decem tyrannos ex urbe Eleusina migrare ad cæteros  
 jubet. Quibus rebus cum pax statuta esset, interjectis  
 diebus repente tyranni non minus restitutos exules,  
 quàm se in exilium actos indignantur, quæ vero aliorum  
 libertas sua servitus esset, & bellum Atheniensibus  
 inferunt: sed ad colloquium, veluti de

minationem recepturi, progressi, per insidias comprehensi ut pacis victimæ trucidantur, populus, quem emigrare jusserant, in urbem revocatur. Atque ita per multa membra civitas \* divisa, in unum tandem corpus redigitur: & nè qua dissensio ex antea actis nasceretur, omnes jurejurando obstringuntur, discordiarum obligationem fore. Interea Thebani, Corinthi; legatos ad Lacedæmonios mittunt, qui ex manubiis portionem prædæ communis belli, periculi; peterent. Quibus negatis, non quidem apertè bellum adversus Lacedæmonios decernunt, sed tacitis animis tantam iram concipiunt, ut subesse bellum intelligi posset. Eodem ferè tempore Darius rex Persarum moritur, Artaxerxe & Cyro filiis relictis. Regnum Artaxerxi, Cyro civitates, quarum præfectus erat, testamento legavit. Sed Cyro iudicium patris injuria videbatur. Itaq; occultè adversus fratrem bellum parabat. Quod cùm nuntiatum Artaxerxi esset, accersitum ad se fratrem, & innocentiam dissimulatione belli simulantem, compedibus aureis vinxit: interfecissetq; ni mater prohibuisset. Dimissus igitur Cyrus, jam non occultè bellum, sed palam: nec per dissimulationem, sed apertum professione parare cepit: auxilia undique contrahit. Lacedæmonii, metuentes Atheniensis bello enixè se ejus operâ adjutos, velut ignorantes contra quem bellum pararetur, decernunt auxilia Cyro mittenda, ubi res ejus exegisset: quærentes & apud Cyrum, gratiam, & apud Artaxerxem, si petisset, veniæ patrocinia, cùm nihil adversus eum aperte decrevisset. Sed cùm in bello fors prælii utrumq; fratrem pugna obtulisset, prior Artaxerxes à fratre vulneratur; quem cùm equi fuga periculo subtraxisset, Cyrus à cohorte regia oppressus, interficitur: sic victor Artaxerxes, & præda fraterni belli, & exercitu potitur. In eo prælio decem millia Græcorum in auxilio Cyri fuere: qui & in cornu, in quo steterant, vicerunt, & post mortem Cyri, neque armis à tanto exercitu vinci, neque dolo capi potuerunt: revertentésque inter tot

\* Diffipata.

Darii mors.  
Lydiam &  
maritimam  
civitates.  
Plutarch.

Impium bellum durum fratrum,  
Cyri & Artaxerxis.

Cyrus occiditur.  
Græcorum virtus.

indomitas nationes, & barbaras gentes, per tanta itineris spatia virtute se usq; terminos patriæ defenderunt.

## JUSTINI LIBER VI.

γνῶν.

\* Dercyllides.

\* Misso de  
hac re legatio  
Conone A-  
mil.

Conon dux  
Persarum  
contra Lacedæmonios.

Oraculum de  
Agésilao, de  
quo Zenoph.  
lib. 3.

**L**acedæmonii more ingenii humani, quò plura habent, eò ampliora cupientes, non contenti accessione Atheniensium opum vires sibi duplicatas, totius Asiæ imperium affectare cœperunt : sed major pars sub regno Persarum erat. Itaq; \* Hercylides dux in hanc militiam electus, cùm videret sibi adversus duos præfectus Artaxerxis regis, Pharnabazum & Tyllasernem, maximarum gentium viribus succinctos, dimicandum, pacificari cùm altero statuit. Aprior visus Tyllasernes, vir & industriâ potior, & militibus Cyri quondam regis instructior, in colloquium vocatur : & statutis conditionibus, ab armis dimittitur. Hanc rem Pharnabazus apud communem regem \* criminatur, ut Lacedæmonios Asiam ingressos non impulerit armis, sed impensis regiis aluerit, mereturq; ab his, ut differant bella, quæ gerantur, tanquam non ad unius summam imperii detrimentum omne perveniat. Indignum ait bellum non perfici, sed redimi : hostem precio, non armis summo veri. His vocibus regem Tyllaserni alienatum hortatur, ut in locum ejus navalis belli ducem eligat Cononem Atheniensem, qui amisso bello, patriâ Cypri exulabat, quippe Atheniensibus etsi fractæ sint opes, manere tamen navalem usum : nec si eligendus sit ex universis meliorem alium esse. Acceptis igitur quingentis talentis, jussus est Conona classi præficere. His cognitis, Lacedæmonii & ipsi à rege Ægypti, Hercymonem in auxilium navalis belli per legatos petunt, à quo centum triremes, & sexcentum millia modiorum frumenti missa, à cæteris quoq; sociis ingentia auxilia contracta sunt. Sed tanto exercitui, & contra tantum ducem deerat dignus inperator. Itaq; postulantes socii Agésilauum ducem, regem tunc Lacedæmoniorum, propter responsum oraculi Delphici, diu Lacedæmonii, a-

eum

eum summæ rei præponerent, \* deliberaverunt: quibus futurus imperii finis denunciabatur, cum regium claudicasset imperium, erat enim pede claudus. Ad postremum statuerunt, melius esse incessu regem, quàm imperio regnum claudicare. Posteaquàm Agesilaum cum ingentibus copiis in Asiam misere, non facile dixerim; quòd aliud par ducum tam benè comparatum fuerit; quippe ætas, virtus, consilium, sapientia utrique propè una, gloria quoq; rerum gestarum eadem: quibus cùm paria omnia fortuna dederit, invictum tamen ab altero utrumque servavit. Magnus igitur amborum apparatus belli, magnæ res gestæ fuerunt. Sed Cononem seditio militum invadit, quos præfecti regis fraudare stipendio soliti erant, eò constantius debita poscentibus, quò graviorem sub magno duce militiam præsumebant. Itaq; Conon diu rege per epistolas frustra fatigato, ad postremum ipse ad eum pergit: cuius aspectu & colloquio prohibitus est, quòd eum more Persarum, adorare nollet: agit tamen cum eo per internuntios, & queritur opulentissimi regis bella inopiâ delabi, & qui exercitum parem hostibus habeat, pecuniâ vinici, quâ præstet, inferiorémq; eum eâ parte virum inveniri, quâ longè superior sit: postulat dari sibi ministrum impensæ, quia pluribus id mandari perniciosum sit. Dato stipendio ad classem remittitur, nec moram agendis rebus facit: multa fortiter, multa feliciter agit. Agros hostiles vastat, urbem expugnat, & quasi tempestas quædam, cuncta prosternit. Quibus rebus territi Lacedæmonii, ad patriæ subsidium revocandum ab Asia Agesilaum decernunt. Interim Lyfander ab Agesilao proficiscente dux patriæ relictus, ingentem classem summis viribus instruit, fortunam belli tentaturus. Necnon & ipse Conon nunc primum cum hostium exercitu concursurus, magnâ curâ suos ordinat. Summa igitur non tam ducum in eo prælio, quàm militum æmulatio fuit. Nam ipse dux Conon non tam Persis, quàm patriæ studebat: & sicuti afflictis Atheniensium rebus,

\* Diffidit  
runt.

Agesilai &  
Cononis lama

Persici reges  
adorantur  
quod  
πρῶτον  
vocat Plut.

Ducum com-  
mendatio.

Conon exem-  
plum amoris  
& pietatis  
erga patriam;

autor amissæ dominationis fuerat, sic volebat idem ha-  
 beri redditæ; patriamq; vincendo recipere, quam victus  
 amiserat; eo speciosius, quod ne ipsorum quidem Athe-  
 nienſium, sed alieni imperii viribus dimicet; & pugna-  
 turus periculo regis, victurus præmio patriæ, gloriâ-  
 que diverſis artibus, quàm priores civitatis ſuæ duces  
 conſecuturus. Quippe illos vincendo Perſas patriam  
 defendiſſe: ſe Perſas victores faciendo, reſtituturum pa-  
 triam eſſe. Porro Lyſander præter conjunctionem A-  
 geſilai, etiam virtutum æmulator erat, contendebatq;  
 nè à rebus geſtis ejus, & gloriæ ſplendore decederet,  
 neve tot bellis ac ſeculis quaſitum imperium, brevissi-  
 mi momenti culpa ſubverteret. Eadem militum & om-  
 nium regum cura erat quos major ſolicitudo erucia-  
 bat, non tam nè ipſi quaſitas opes amitterent, quàm ut  
 priſtinas Athenienſes reciperent. Sed quanto majus  
 prælium fuit, tantò & clarior victoria Cononis. Victi  
 Lacedæmonii fugam capeſunt, præſidia hoſtium A-  
 thenas deducuntur, populo reſtitutâ dignitate condi-  
 tio ſervilis eripitur; multæ quoq; civitates recipiuntur.  
 Hoc initium Athenienſibus reſumendæ potentiæ, &  
 Lacedæmoniiſ habendæ finis fuit. Namq; veluti cum  
 imperio etiam virtutem perdiſſent, contemni à finiti-  
 mis cœpere. Primi igitur Thebani, auxiliantibus Athe-  
 nienſibus, bellum his intulere, quæ civitas ex infiniti  
 incrementis, virtute Epaminondæ ducis, ad ſpem im-  
 perii Græciæ erecta eſt. Fit itaq; terreſtre prælium  
 eadem Lacedæmoniorum fortuna, qua pugnatum ad-  
 verſus Cononem navali prælio fuerat. In eo bello Lyſan-  
 der, quo duce Athenienſes victi à Lacedæmoniiſ fue-  
 rant, interficitur. Pauſanias quoq; alter dux Lacedæ-  
 moniorum proditiſ accuſatus, in exilium abiit. Igitur  
 Thebani poſiti victoriâ, univerſum exercitum ad  
 urbem Lacedæmoniorum ducunt, facilem expugnationem  
 rati, quoniam deſerti à ſociis omnibus erant, quod  
 metuentes Lacedæmonii, regem ſuum Ageſilaum  
 ex Aſia, qui ibi magnas res gerebat, ad deſenſionem pro-  
 curavit.

*Lyſander.*

*Athenienſi-  
bus victis à  
Lacedæmo-  
niis priſtina  
reſtitui ut  
dignitas.*

*Grecorum  
conſpiratio  
adverſus L-  
cedæmonios.*

*Lyſandri  
interitus.*

*Ageſilaus  
invocatur.*

trix accersunt. Occiso enim Lyfandro, nullius alterius fiduciam ducis habebant. Cujus quoniam serus adventus erat, conscripto exercitu, obviam hosti procedunt. Sed victis adversus paulò ante victores, nec animi, neq; vires pares fuere. Primâ igitur congressione funduntur. Deletis jam suorum copiis, supervenit rex Agesilaus, qui restituto prælio, non difficulter, recenti & multis expeditionibus indurato milite, hostibus victoriam eripuit, ipse tamen graviter sauciatur. Quibus rebus cognitis, Athenienses verentes, nè iterum Lacedæmoniis victoribus in pristinam sortem servitutis redigerentur, exercitum contrahunt; eumq; in auxilium Bœ-

otiorum per Iphicratem, viginti quidem annos natum, sed magnæ indolis juvenem, duci jubent. Huius adolescentis supra ætatem virtus admirabilis fuit; nec unquam ante eum Athenienses inter tot tantosq; duces, aut spei majoris, aut indolis maturioris imperatorem habuerunt, in quo non imperatoriæ tantum, verum etiam oratoriæ artes fuere. Conon quoq; audito reditu Agesilai, & ipse ex Asia ad populandos Lacedæmoniorum agros revertitur: atq; ita undiq; belli formidine circumstrepente, clausi Spartani ad summam desperationem rediguntur. Sed Conon vastatis hostium terris, Athenas pergit: ubi magno civium gaudio exceptus, plus tamē tristitiæ ipse & ex incensa & diruta à Lacedæmoniis patria, quam lætitiæ ex recuperata post tantum temporis, cepit. Itaq; quæ incensa fuerant prædarium sumptu & exercitu Persarum, restituit; quæ diruta fuerant, refecit. Fatum illud Athenarum fuit, ut antè à Persis crematæ, manubiis eorum, & nunc à Lacedæmoniis dirutæ, ex spoliis Lacedæmoniorum restituerentur: versâ quoq; vice, nunc haberent socios, quos tunc hostes habuerunt: & hostes nunc paterentur cum quibus juncti tunc arctissimis societatis vinculis fuerant. Dum hæc aguntur, Artaxerxes rex Persarum legatos in Græciam mittit, per quos jubet omnes ab armis discedere; qui aliter fecisset, eum se pro hoste habiturum;

*Iphicrates  
imperatoris  
egregii ex-  
emplum.*

*Cononis in  
patriam re-  
ditus.*

*Patriam fecit  
Conon.*

*Epiphonema.*



*Roma quo  
tempore à  
Gallis capta.*

Civitatibus libertatem, suaque omnia restituit: quod non Græciæ laboribus assiduísq; bellorum inter cives odiis consulens, fecit: sed hē occupato sibi Ægyptio bello, quod propter auxilia, adversus præfectos suos Lacedæmoniis missa susceperat, exercitus sui in Græcia detinerentur. Fessi igitur tot bellis Græci, cupidè parvère. Hic annus non eò tantum insignis fuit, quod repente pax in tota Græcia facta est, sed etiam eò quod eodem tempore urbs Romana à Gallis capta est. Sed Lacedæmonii securi, insidianter absentiam Arcadum speculati, castellum eorum expugnant, occupatòque præsidium imponunt. Itaque armato instructòq; exercitu, Arcades adhibitis in auxilium Thebanis, amisso bello repetunt. In eo prælio Archidamus dux Lacedæmoniorum vulneratur: qui cum cædi suos jam, ut victos, videret, per præconem corpora interfectorum ad sepulturam poscit. Hoc est enim signum apud Græcos victoriæ tradita. Quà confessione contenti Thebani, signum parcendi dedere. \* Pòst paucis diebus, neutris quicquam hostile facientibus, cum quasi consensu tacito, induciæ essent, Lacedæmoniis alia bella adversus finitimos gerentibus, Thebani, (Epaminonda duce) occupandæ urbis eorum spem ceperunt. Igitur principio noctis, taciti Lacedæmona proficiscuntur, non tamen aggredi incautos potuerunt. Quippe senex, & cætera imbellis ætas, cum adventum hostium præsensissent, in ipsis portarum angustiis armati occurrunt: & adversus quindecim millia militum, non ampliùs centum jam effæta ætatis viri, pugnae se offerunt. Tantum animorum virumq; patriæ & penatum conspectus subministrat, \* tantòq; præsentia, quàm recordatione sui majores spiritus largiuntur: Nam ut viderunt inter quæ, & pro quibus starent, aut moriendum censuerunt. Pauci igitur sustinere senes aciem, cui par antè diem universa juventus esse non potuit. In eo prælio duos duces hostiū cecidere: cum interim, Agefilai adventus nuntiatur, Thebani recessere, nec bellum diu dilatum: Siquidem Spartanorum

*\* Paucis de-  
inde post  
diebus.*

*Spartanorum  
senum vir-  
tus.*

*Epiphon. m. i.  
\* Tanque  
præsentia  
quam reco-  
datione  
suorum ma-  
jorum spiri-  
tus.*

tanorum

tanorum juvenus, senum virtute & gloriâ incensa te-  
 neri non potuit, quin ex continenti acie decerneret, cum  
 victoria Thebanorum esset. Et Epaminondas dum non  
 ducis tantum, verum etiam fortissimi militis officio  
 fungitur, graviter vulneratur. Quo audito his ex dolore  
 metus, & illis ex gaudio stupor injicitur, atq; ita veluti  
 ex placito consensu à praelio disceditur. Post paucos de-  
 inde dies Epanimondas decedit, cum quo vires quoq;  
 reipub. ceciderunt. Nam sicuti telo, si primam aciem  
 perfreris, reliquo ferro vim nocendi sustuleris; sic illo  
 velut mucrone teli ablato duce Thebanorum, reipub.  
 vires hebetatae sunt, ut non tam illum amisisse, quam  
 cum illo interiisse omnes viderentur. Nam neque ante  
 hunc ducem ullum memorabile bellum gessere, nec pos-  
 stea virtutibus, sed cladibus insignes fuere, ut manife-  
 stum sit, patriæ gloriam & natam & extinctam cum eo  
 fuisse. Fuit autem incertum, vir melior, an dux esset:  
 nam & imperium non sibi semper, sed patriæ quæsit:  
 & pecuniæ adeo parvus fuit, ut sumptus funeri defu-  
 erit. Gloriæ quoq; non cupidior quam pecuniæ: quip-  
 pe recusanti omnia imperia ingesta sunt. Honorisq; ita  
 gessit ut ornamentum non accipere, sed dare ipsi dig-  
 nitati videretur. Jam literarum studium, jam philoso-  
 phiæ doctrina tanta, ut mirabile videretur, unde tam  
 insignis militiæ scientia homini inter literas nato. Ne-  
 que ab hoc vitæ proposito mortis ratio dissensit. Nam  
 ut relatus in castra semianimis, vocem spiritumque col-  
 legit, id unum à circumstantibus requisivit, num cadenti  
 sibi scutum ademisset hostis: quod ut servatum audivit,  
 allatum velut laborum, gloriæq; focium osculatus est.  
 Iterum quæsit, utri vicissent; ut audivit Thebanos;  
 bene habere se rem, dixit, atq; ita, velut gratulabundus  
 patriæ, expiravit. Hujus morte etiam Atheniensem  
 virtus intercudit: siquidem amisso, cui æmulari consue-  
 verant, in segnitiam torporémq; resoluti, non, ut olim  
 in classem exercitúsq; sed in dies festos, apparatusq; lu-  
 dorum, redditus publicos effundunt, & cum \* autoribus

*Pugna apud  
Mantineam.  
Cic. l. 5.  
epist.*

*Thebanam  
reipub. com-  
parat amen-  
tate hastæ.  
Unus homo  
pluris quam  
universa ci-  
vitas. Prov.*

*Epaminonda  
commendatio  
Cic. Tusc.  
Simile est  
quod Livius  
de Philopæ-  
mene narrat.*

*Atheniensi-  
um vir ut  
Epaminonda  
morte ener-  
vata.*

*Astoribus.*

nobilissimis, poetisq; theatra celebrant, frequentius scenam quam castra visentes; versificatores, oratoresq; meliores, quam duces laudantes. Tunc vestigal publicum, quò antè milites & remiges alebantur, cum urbano populo dividi coëptum est. Quibus rebus effectum est, ut inter otia Græcorum, sordidum & obscurum antea Macedonum nomen emergeret. Et Philippus obsetriennio Thebis habitus, Epaminondæ & Pelopidarum virtutibus eruditus, regnum Macedoniae, Græciæ & Asiæ cervicibus, veluti jugum servitutis imponeret.

*Ab Alexandro fratre datus Orof.*

## JUSTINI LIBER VII.

*An. 300. ab Urbe condita.*

**M**acedonia antè nomine Emathionis regis cujus prima virtutis experimenta in illis locis extant, Emathia cognominata est. Hujus sicuti incrementa modica, ita termini perangusti fuere. Populus Pelasgi, & regio Boeotia dicebatur. Sed postea virtute regum, & gentis industriâ, subactis primò finitimis, mox populis nationibusq;, imperium usq; ad extremos Orientis terminos prolatum est. In regione Pæoniæ, quæ nunc portio est Macedoniae, regnasse fertur Telegonus, pater Astriopæi, cujus Trojano bello inter clarissimos vindices urbis, nomen accepimus. Ex alio latere in Europa, Europus nomine regnum tenuit. Sed & Caranus cum magna multitudine Græcorum, sedes in Macedonia responso oraculi jussus quærere, cum in Emathiam venisset, urbem Edyssiæ, non sentientibus oppidanis, propter imbrium & nebulae magnitudinem, gregem caprarum imbrem fugientium secutus, occupavit; revocatusq; in memoriam oraculi, quo jussus erat, ducibus capris imperium quærere, regni sedem statuit, religioseque postea observavit, quocunq; agmen moveret, ante signa easdem capras habere, coëptorum duces habiturus, quos regni habuerat autores. Urbem Edyssiæ ob memoriam muneris Egæam, populum Egæadas vocavit. Pulso deinde Mida (nam is quoq; portionem Macedoniae tenuit) aliisq; regibus pulsis, in locum omnium

*Ty cinia in teuigi.*

*De regibus Macedoniae. Herod. l. 7. \* Caranus habet Eusebium.*

*Ridiculum Carini stragemata.*

solus successit, primusq; adunatis gentibus variorum populorum, veluti unū corpus Macedonia fecit, recentiq; regno, valida incrementorū fundamenta constituit. Post hunc Perdicas regnavit, cuius vita illustris, & mortis postrema, veluti ex oraculo, præcepta memorabilia fuere. Siquidem senex moriens \* Argæo filio monstravit locum, quo condi vellet, ibiq; non sua tantum, sed etiam succedentium sibi in regnum ossa poni iussit: præfatus, quoad ibi conditæ posterorum reliquiæ forent, regnum in familia mansurum: creduntq; hac superstitione extinctam in Alexandro stirpem, quia locum sepulturæ mutaverit. Argæus moderatè, & cum amore populi administrato regno, successorem filium Philippum reliquit, qui immaturâ morte raptus, \* Europum parvulum admodum instituit heredem. Sed Macedonibus assidua certamina cum Thracibus & Illyriis fuere, quorum armis, veluti quotidiano exercitio, indurati, gloriâ bellicæ laudis finitimos terrebant. Igitur Illyrii infantiam regis pupilli contemnentes, bello Macedonas aggrediuntur, qui prælio pulsi, rege suo in cunis prolatq;, & pugnæ ante aciem posito, acrius certamen repetiverunt: tanquam ideò victi fuissent. antea quod bellantibus sibi regis sui auspicia defuissent: futuri vel propterea victores, quod ex superstitione animum vincendi ceperant; simul & miseratione eos infantis tenebat, quem si victi forent, captivum de rege facturi videbantur. Conserto itaq; prælio, magnâ cæde Illyrios fudere, ostenderuntque hostibus suis, priore bello regem Macedonibus, non virtutem defuisse. Huic Amyntas succedit, & propriâ virtute, & Alexandri filii egregiâ indole insigniter clarus: cui Alexandro tanta omnium virtutum naturæ ornamenta existerè, ut etiam Olympio certamine vario ludorum genere victor contenderit: Cùm interim Darius rex Persarum, turpi à Scythiâ fugâ summotus, ne ubiq; deformis militiæ damnis haberetur, mittit cum parte copiarum Megabazum, ad subigendam Thraciam, cæteraq; ejus tractūs regna: qui-

\* Archæo.

Perdice oraculum.

\* Europum

legit Euse.

Macedonibus

bellica virtus

unde.

Macedones

præsentia re-

gis infantis,

ad acrius

prælium ac-

cenduntur.

Interjecto ut

Eusebius ha-

bet Alceta.

De Darii

fuga. Herod.

liv. 4.

quibus pro ignobili momento erat accessura Macedonia. Qui brevi tempore executi regis imperio, legati ad Amyntam regem Macedoniae missis, obsides in pignus futurae pacis sibi dari postulabat. Sed legati benignè excepti, inter epulas ebrietate crescente, rogant Amyntam, ut apparatus epularum adjiciat jus familiaritatis, adhibitis in convivium suum filiis & uxoribus & filiabus: id apud Persas haberi pignus ac foedus hospitii. Qui ut venerunt, petulantius Persis eas contrectantibus, filius Amyntae Alexander rogat patrem respectu ætatis ac gravitatis suae abire convivio, pollicitus hospitum \*tentaturum jocos. Quo digressio, muliere quoque paulum est convivio evocat, cultius exornaturus, graviorisque reducturus. In quarum locum matronas exornatos habitu juvenes supponit, eosque petulantiam legatorum ferro, quod sub veste gerebant, compescere jubet. Atque ita interfectis omnibus, ignarus rei Megabazus cum legati non redirent, mittit eum cum exercitus parte Bubarem, ut in bellum facile & mediocre, dedignatus ipso, ne dehonestaretur praelio tam foede gentis. Sed Bubares ante bellum, amore filiae Amyntae captus, omisso bello, nuptias facit, depositisque hostilibus animis, in affinitatis jura succedit. Post discesum à Macedonia Bubaris, Amyntas rex decedit, cujus filio & successorì Alexandro cognatio Bubaris, non Darii tantum temporibus pacem praestitit, verum etiam Xerxem conciliavit, adeo ut cum Graciam veluti tempestas quaedam occupasset, inter Olympum Hæmumque montes totius regionis eum imperio donaverit. Sed nec virtute minus, quam Persarum liberalitate regnum ampliavit. Per ordinem deinde successionis, regnum Macedoniae ad Amyntam fratris ejus \* Menelai filium pervenit. Hic quoque insignis industriâ, & omnibus imperatoriis virtutibus instructus fuit: qui ex Eurydice tres filios sustulit, Alexandrum, Perdicam & Philip-pum, Alexandri Magni Macedonis patrem, & filiam Euryonem. Ex Cygæa autem Archelaum, \* Archideum, Mene-

*Alexandri  
factum in le-  
gatos Persas.  
\* Mâlo pen-  
saturum, vel  
tempera u-  
rum.*

*Filiae nomen  
erat Cygæa.  
Xerxis in  
Alexandrum  
liberalitas.*

*\* Archelai,  
Eusebium.*

*\* Archideum,  
legunt Euseb.  
& Orf.*

Menelaum, qui cum Illyriis, deinde cum Olynthiis gra-  
 tia bella gessit. Infidiis autem Eurydices uxoris, quæ  
 iustitias generi pacta, occidendum virum, regnumque  
 adultero tradendum susceperat, occupatus fuisset, ni-  
 lia pellicatum matris, & sceleris consilia prodidisset.  
 Iunctus itaq; tot periculis, senex decessit, regno maxi-  
 mo ex filiis Alexandro tradito. Igitur Alexander inter  
 prima initia regni, bellum ab Illyriis pactâ mercede,  
 & Philippo fratre dato obside, redemit. Interjecto quo-  
 que tempore per eundem obsidem cum Thebanis gra-  
 tiam pacis reconciliat: quæ res Philippo maxima in-  
 crementa egregiæ indolis dedit. Siquidem triennio  
 Thebes obses habitus, prima pueritiæ rudimenta, in  
 urbe severitatis antiquæ, & in domo Epaminondæ,  
 summi Philosophi & Imperatoris, deposuit. Nec multo  
 post Alexander infidiis Eurydices matris appetitus oc-  
 cumbit, cui Amyntas in scelere deprehensæ, propter  
 communes liberos, ignarus eisdem quandoque exitio-  
 sam fore, pepercerat. Frater quoque ejus Perdica pari  
 infidiarum fraude decipitur. Indignum prorsus, libidi-  
 nis causâ liberos à matre vitæ privatos, quàm scelerum  
 suorum suppliciis liberorum contemplatio vindicave-  
 rat. Perdica hæc indignior cædes videbatur, quod ei  
 apud matrem misericordiam, nec parvulus quidem fi-  
 lius conciliaverat. Itaq; Philippus diu non se regem,  
 sed tutorem pupilli egit. At ubi graviora belli immi-  
 nebant, serûmque auxilium in expectatione infantis  
 erat, compulsus à populo, regnum suscepit. Ut est in-  
 gressus imperium, magna de illo spes omnibus fuit, &  
 propter vetera Macedoniæ fata, quæ cecinerant, uno  
 ex Amyntæ filiis regnante florentissimum fore Mace-  
 doniæ statum; cui spei scelus matris hunc residuum  
 fecerat. Principio regni cum hinc cædes fratrum indig-  
 nè peremptorum, inde hostium multitudo, hinc infidi-  
 arum metus, inde inopia continui belli & exhausti reg-  
 ni immaturam aetatem tyronis urgeret, bellâque, veluti  
 conspiratione quâdam, ad opprimendam Macedoni-  
 am,

*Eurydices  
scelus.*

*Philippus ob-  
ses his datur.  
Thebanis.*

*Exemplum  
crudelitatis  
& impietatis  
maternæ  
erga liberos.  
Epiphonema.*

*Philippi post  
a tempore  
imperium  
gest.*



am multarum gentium ex diversis locis uno tempore confluebant, quoniam omnibus par esse non potens dispensanda ratus, alia interposita pactione componenda, alia redimit facillimis quibusque aggressis, quorum victoria & militum trepidos animos firmaret, & contentum sibi hostium demeret. Primum illi cum Atheniensibus certamen fuit: quibus per insidias victis metu belli gravioris, cum interficere omnes posset, incolumes sine pretio dimisit. Post \* hac bello in Illyria translato, multa millia hostium cecidit. Urbem nobilissimam Larissam capit, hinc Thessaliam, non praedae cupiditate, sed quod exercitui suo robur Thessalorum equitum adungere gestiebat, nihil minus quam bellum metuentem improvisus expugnat: unumque corpus equitum, pedestriumque copiarum invicti exercitus fecit. Quibus rebus feliciter provenientibus, Olympiadem \* Neoptolemi regis Molossorum filium, uxorem ducit conciliante nuptias fratre patruelis, \* altore virginis. \* Arysba regem Molossorum, qui sororem Olympiadis Troadam in matrimonium habebat, quae causa illi exitii, malorumque omnium fuit. Nam dum regni incrementa affinitate Philippi acquisitum se sperat, proprio regno ab eodem privatus in exilio consenuit. Hinc ita gestis, Philippus jam non contentus summovere bella, ultrò etiam quietos laceffit. Cum Methonam urbem oppugnaret, in praetereuntem de muris sagittam iactam, dextrum oculum regis effodit. Quo vulnere nec segnius in bellum, nec iracundior adversus hostes factus est, adeò ut interiectis diebus, pacem deprecantibus dederit: nec moderatus tantum, verum etiam miris adversum victos fuerit.

## JUSTINI LIBER VII.

Concordia  
parvae res  
crescunt, discor-  
diantia mag-  
ne dilabun-  
tur.

**G**raeciae civitates dum imperare singula cupiunt, imperium omnes perdiderunt. Quippe in mutuū exitiū sine modo ruentes, ab omnibus victae perierunt. Quid singula amitterent, non nisi oppressae senserunt. Siqui-

Primum bel-  
lum Philippi  
cum Atheni-  
ensibus.  
\* hos.

\* Euruchi  
habet O. offi-  
m.  
\* Tutor.  
\* Arymba.

Exemplum  
moderatio in  
in Philippi.

quidem Philippus rex Macedoniæ, veluti è specula  
 quadam libertati omnium insidiatus, dum contentiones  
 civitatum alit, auxilium inferioribus ferendo victos pa-  
 ter victorésque subire regiam servitutem coëgit. Cau-  
 sa & origo hujus mali Thebani fuere. Qui cum rerum  
 potirentur, secundam fortunam imbecillo animo feren-  
 tes, victos armis Lacedæmonios & Phocenses, quasi par-  
 va supplicia cædibus & rapinis luisent, apud commune  
 Græciæ concilium superbe accusaverunt. Lacedæmo-  
 niis crimini datum, quod arcem Thebanam induciarum  
 tempore occupassent. Phocensibus, quod Bœotiam de-  
 populati essent, prorsus quasi post arma & bellum, lo-  
 cum legibus reliquissent. Cùm judicium arbitrio victo-  
 rum exerceretur, tantâ pecuniâ damnantur quantâ ex-  
 solvi non posset. Igitur Phocenses quum agris, liberis,  
 conjugibusq; privarentur, (desperatis rebus) Philome-  
 lo quodam duce, velut deo irascentes, templum ipsum  
 Apollinis Delphis occupaverè. Inde auro, & pecuniâ  
 divites, conducto mercenario milite, bellum Thebanis  
 intulerunt. Factumque Phocensium, tametsi omnes ex-  
 ecrarentur, propter sacrilegium, plus tamen invidiæ  
 Thebanis, à quibus ad hanc necessitatem compulsi fue-  
 rant, quam ipsis intulit. Itaq; auxilia his & ab Athenien-  
 sibus, & à Lacedæmoniiis missa. Primâ igitur congressi-  
 one \* Philomelus Thebanos castris exiit. Sequenti præ-  
 lio primus inter confertissimos dimicans cecidit, & sa-  
 crilegii pœnas impio sanguine luit. In hujus locum dux  
 \* Oenomanus creatur. Adversus quem Thebani The-  
 saliq; non ex civibus suis, nè victoris potentiam ferre  
 non possent, sed Philippum Macedoniæ regem, ducem  
 eligunt, & externæ dominationi, quam in suis timue-  
 runt, spontè succedunt. Igitur Philippus quasi sacrilegii  
 non Thebanorum ultor esset, omnes milites Coronas  
 laureas sumere jubet. atq; ita veluti deo duce, in præli-  
 um pergit. Phocenses insignibus dei conspectis, con-  
 scientiâ delictorum territi, abjectis armis fugam capes-  
 sunt, pœnasq; violatæ religionis & cædibus suis pen-  
 dunt.

*Vide Dido-  
rum in Phi-  
lippo.*

\* Philome-  
nes.

\* Oenomarus,  
 qui dicitur  
 Oenomanus.  
 Saulum &  
 imprudens  
 Thebanorum  
 consilium in  
 eligenda ex-  
 terno duce.

*Philippi  
consilium de  
laureis coro-  
nis. Impie-  
tas iuniora.  
Athenienses  
Thermopylas  
occupant.*

dunt. Incredibile quantam ea res apud omnes nationes Philippo gloriam dedit. Illum vindicem sacrilegii, illum ultorem religionum, quod orbis viribus expiari debuit: solum, qui piacula exigeret, extitisse dignum. Itaque diis proximos habetur, per quem deorum majestas vindicata sit. Sed Athenienses audito belli eventu, nē in Græciam Philippus transfret, angustias Thermopylarum pari ratione, sicut antea advenientibus Persis, occupavere: sed nequaquam simili aut virtute aut causā. Siquidem tunc pro libertate Græciæ, nunc pro sacrilegio publico: tunc à rapina hostium templa vindicaturi, nunc adversus vindices templorum raptores defensuri: aguntque se propugnatores sceleris, cujus turpe erat alios vindices fuisse: immemores prorsus, quod in dubiis rebus suis, illo Deo, etiam consiliorum autore, usi fuerant: quod illo duce tot bella victores inierant, tot urbes auspiciatō condiderant, tantum imperium terrā mariq; quæsierant: quod nihil sine majestate numinis ejus aut privatæ unquam, aut publicæ rei gesserant. Tantum facinus admisisse ingenia omni doctrinā exulta, pulcherrimis legibus institutisq; formata, ut quid undē posthac succensere jure barbaris possint, non haberent. Sed nec Philippus melloris fidei adversus socios fuit: quippe veluti timens, nē ab hostibus sacrilegii scelere vinceretur, civitates quarum paulō antē dux fuerat quæ sub auspiciis ejus militaverunt, quæ gratulata illi sibiq; victoriam nactæ fuerant, hostiliter occupatas diripuit. Conjuges liberōsq; omnium sub corona vendit; non decorum immortalium templis, non ædibus sacris, non diis penatibus publicis privatisq; ad quos paulō antē ingressus hospitaliter fuerat, pepercit, prorsus ut non tam sacrilegii ultor extitisse, quàm sacrilegiorum licentiam quæsisse videretur. Indē veluti rebus egregiē gestis, in Cappadociam trajicit, ubi bello pari perfidia gesto, captisq; per dolum & occisis finitimis regibus, universam provinciam imperio Macedoniæ adjungit. Deinde ad abolendam in-

*Epiphonema.  
Perfidia &  
impie-  
tatis  
exemplum  
in Philippe.  
Hæc egit an.  
25.  
tanquam  
iratus dix.  
Or. j.*

vidiæ

vidiæ famam, quâ insignis præter ceteros tunc temporis habebatur, per regna mittit, & opulentissimas civitates, & sana ac templa, qui opinionē sererent, regem Philippū magnā pecuniā locare, & muros per civitates & sana & templa facienda, & ut per præcones susceptores sollicitarentur. Qui cū in Macedoniam venissent, variis dilationibus frustrati vim regiæ majestatis timentes, taciti proficiscebantur: Post hæc Olynthios aggreditur. Receperant enim per misericordiam post eādem unius, duos fratres ejus, quos Philippus ex noverca genitos, veluti participes regni, interficere gestiebat. Ob hanc igitur causam urbem antiquam & nobilem excindit, & fratres olim destinato supplicio tradit, prædāq; ingenti pariter & parricidii voto fruitur. Indē, quasi omnia, quæ agitaliet \* animo, ei licerent, auraria \* Omnino. in Thessalia, argenti metalla in Thracia occupat. Et nē quod jus vel fas inviolatum prætermitteretur, piraticam quoq; exercere instituit. His itaq; gestis, fortē evenit, ut eum fratres duo reges Thraciæ, non contemplatione injustitiæ ejus, sed invicem metuentes, ne alterius viribus accederet, disceptationum suarum judicem eligerent. Sed Philippus more ingenii sui, ad judicium, veluti ad bellum, inopinantibus fratribus, instructo exercitu supervenit, regno utrumque non judicis more, sed fraude latronis ac scelere spoliavit. Dum hæc aguntur, legati Atheniensium petentes pacem ad eum venerunt: Quibus auditis, & ipse legatos Athenas cum pacis conditionibus misit, ibiq; ex commodo utrorumq; pax facta. Ex cæteris quoq; Græciæ civitatibus non pacis amore, sed belli metu legationes venere. Si quidem crudecente irā, \* Thessali, Eæotique orant, \* Thebani ut profectum adversus Phocenses ducem Græciæ exhibeat, tanto odio Phocensium ardentes, ut obliti cladum suarum, perire ipsi, quā non perdere eos præoptarent, expertāque Philippi crudelitatem pati quā parcere hostibus suis mallent. Contrā Phocensium legati adhibitis Lacedæmoniis, & Atheniensibus, bellum

*Veterarum  
exemplum.*

*Bellum  
Olynthicum.*

*Philippi in-  
justitia.*

*Ei omnia  
spoliata  
Oros. scribit.*

*\* Thebani  
Legati Pho-  
censium.  
Epi: tonema  
à rei magna  
induce.*

bellum deprecabantur : cuius ab eo dilationem ter jam emerant. Fœdum prorsus miserandumq; spectaculum, Græciam etiam nunc & viribus, & dignitate orbis terrarum principem, regem certe gentiumque semper victricem, & multarum adhuc urbium dominam, alienis excubare sedibus, aut rogantem bellum, aut deprecantem, in alterius ope omnem spem posuisse : orbis terrarum vindices eoque discordiâ suâ, civilibusq; bellis redactos, ut adulentur ultrò fordidam paulò antè clientelæ suæ partem : & hoc potissimum facere Thebanos Lacedæmoniosque, antea inter se \* imperii, nunc Græciæ imperantis amulos. Philippus inter hæc, vindicatione gloriæ suæ tantarum urbium fastigium agitat, atque utros potius dignetur, æstimat. Secretò igitur auditis utriusq; legationibus, his veniam belli pollicetur, jurejurando adactis, responsum nemini prodituros : illis contrà venturum se, auxiliûmq; laturum. Utrosq; vetat parare bellum, aut metuere. Sic variato responso, securis omnibus, Thermopylarum angustias occupat. Tunc primum Phocenses, se captos fraude Philippi animadvertentes, trepidi ad arma confugiunt. Sed neq; spatium erat instruendi belli, nec tempus ad contrahenda auxilia, & Philippus excidium minabatur, ni fieret deditio. Victi igitur necessitate, pactâ salute, se dedunt. Sed pactio ejus fidei fuit cujus antea fuerat deprecati belli promissio. Igitur cæduntur passim rapiunturque; non liberi parentibus, non conjuges maritis, non Deorum simulacra templis suis relinquuntur. Unum tantum miseris solatium fuit, quòd cum Philippus portione prædæ socios fraudasset, nihil rerum suarum apud inimicos viderunt. Reversus in regnum, ut pecora pastores nunc in hybernos, nunc in æstivos saltus trajiciunt, sic ille populos & urbes; ut illi vel replenda, vel derelinquenda quæq; loca videbantur, ad libidinem suam transfert. Miseranda ubiq; facies, & excidio similis erat. Non quidem pavor ille hostilis, nec discursus per urbem militum erat, non tu-

multus

\* Imperium  
agitant.  
Philip. fraud  
& perfidia.

Phocensium  
calamitas.

multis armorum, non bonorum, aut hominum rapina;  
sed tacitus moeror & luctus, verentibus ne ipsa lacry-  
mae pro contumacia haberentur. Crescit dissimulatio-  
ne ipsa dolor, hoc altius dimissus, quò minùs profiteri  
licet. Nunc sepulchra majorum, nunc veteres pena-  
tes, nunc testa in quibus geniti erant, in quibùsq; ge-  
nuerant, considerabant: miserantes nunc vicem suam,  
quòd in eam diem vixissent: tunc filiorum, quòd non  
post eam diem nati essent. Alios populos in finibus ip-  
sis hostibus opponit, alios in extremis regni terminis  
statuit, quosdam bello captos in supplementis urbium  
dividit. Atque ita ex multis gentibus nationibùsque  
unum regnum populùmque constituit. Compositis  
ordinatisque Macedoniæ rebus, Dardanos, cæteròsque  
finitimos fraude captos expugnat. Sed nec à proximis  
manus abstinet. Siquidem Arymbam regem Epyri ux-  
ori suæ Olympiadi arctissima cognatione junctum, pel-  
lere regno statuit: atque Alexandrum privignum ejus,  
uxoris Olympiadis fratrem, puerum honestæ pulchritu-  
dinis, in Macedoniam, nomine sororis, accersit, omni-  
que studio sollicitatum, in spem regni, simulato amore,  
ad stupri consuetudinem perpulit, majora in eo obse-  
quia habiturus, sive conscientia pudore, sive regni be-  
neficio. Igitur cùm ad viginti annos pervenisset, ere-  
ptum Arymbæ regnum puero admodum tradit, sce-  
lestus in utroque. Nam nec in eo jus cognationis serva-  
vit, cui ademit regnum; & eum cui dedit, impudicum  
fecit antè quàm regem.

*Exemplum  
impietatis  
erga cognat-  
os.*

*I: mercedem  
perpetrati  
stupri. Oro-  
sim.*

## JUSTINI LIBER IX.

IN Græciam Philippus cùm venisset, sollicitatus pauca-  
rum civitatum direptione, & prædâ modicarum ur-  
bium, quantæ opes universarum essent, animo pro-  
spiciens, bellum toti Græciæ inferre statuit. Ad cujus  
emolumentum egregiè pertinere ratus, si sibi \* Bizan-  
tium, nobilem & maritimam urbem, receptaculum ter-  
ræ marique copiis suis futurum; in postremum redē-  
gisset

*\* Constanti-  
nopolis de-  
inde dicta.  
Orosim. By-  
zantium à  
quo condi-  
tum.*



*Piratica  
exercet Phi-  
lippus.*

*Prima Alex-  
andri mili-  
tia.*

*\* Etæas  
Orosium legit.*

*Maribæ  
Scytharum  
rex.*

*Scythici belli  
causa & ori-  
go.*

gisset. Eandem claudentem sibi portas obsidione  
cinxit. Hæc namque urbs condita primò à Pausa-  
nia rege Spartanorum & per 7. annos possessa fuit:  
Deinde, variante victoriâ, nunc Lacedæmoniorum,  
nunc Atheniensium juris habita est. Quæ incerta  
possessio effecit, ut nemine quasi suam auxiliis juvan-  
te libertatem constantius tueretur. Igitur Philippus  
longâ obsidionis morâ exhaustus, pecuniæ commer-  
cium de piratica mutuatur. Captis itaque centum  
septuaginta navibus mercium, & distractis, anhelan-  
tem inopiam paululum recreavit. Deinde, nè unius  
urbis oppugnatione tantus exercitus teneretur, pro-  
fectus cum fortissimis, multas Chersonensium urbes  
expugnat. Filium Alexandrum, decem & octo annos  
natum, ut sub militia patris tyrocinii rudimenta de-  
poneret, ad se accersit. In Scythiam quoque præ-  
dandi causâ profectus est, more negotiantium, im-  
pensas belli alio bello refecturus. Erat eo tempore rex  
Scytharum \* Marthæas, qui cum bello Istriarum  
premeretur, auxilium à Philippo per Apollonienses  
petit, in successione cum regni Scythiæ adoptaturus:  
cum interim Istriarum rex decedens & metu belli  
& auxiliorum necessitate Scythas solvit. Itaque Mar-  
thæas remissis Macedonibus renuntiari Philippo ju-  
bet, neque auxilium ejus se petiisse, neq; adoptionem  
mandasse. Nam neque vindictâ Macedonum egere  
Scythas, quibus meliores forent: neque hæredem sibi  
incolumi filio deesse. His auditis Philippus legatos  
ad Marthæam mittit, impensæ obsidionis portionem  
petentes, nè inopiâ bellum deferere cogatur. Quod  
eò promptius eum facere debere, quòd missis à se in  
auxilium ejus militibus, nè sumptum quidem viæ, non  
modò officii pretia dederit. Marthæas inclementiam  
cœli & terræ sterilitatem causans, quæ non patrimo-  
niis ditet Scythas, sed vix alimenta exhibeat, respondit.  
Nullas sibi opes esse, quibus tantum regem expleat  
& turpius putaret, parvo defungi, quàm totum ab-  
nuere.

tutere : Scythas autem virtute animi , & duritiâ corporis , non opibus censerî. Quibus derisus Philippus solutâ obsidione Byzantii bella aggreditur , præmissis legatis , quò securiores faceret : qui nuntient Marthæ , dum Byzantium obsidet , vovisse statuam Herculi : ad quam in ostio Istri ponendam se venire , pacatum accessum ad religionem dei petens , amictus ipse Scythis venturus. Ille , si voto fungi velit , statuam sibi mitteri jubet , non modò ut ponatur , verùm etiam ut inviolata maneat , pollicetur. Exercentem autem fines ingredi , negat se passurum. Ac si invitis Scythis statuam ponat ; eo digresso , sublaturum , versurumq; æs statuæ in aculeos sagittarum. His utrinq; irritatis animis prælium committitur. Quum virtute , & \* numero præstarent Scythæ , astutiâ Philippi vincuntur. Viginti millia puerorum ac sceminarum capta , pecoris magna vis , auri argentique nihil. Ea primum fides inopiæ Scythicæ fuit. Viginti millia nobilium equarum ad genus faciendum in Macedoniam missa. Sed revertenti à Scythia , Triballi Philippo occurrunt : negant se transitum daturòs , ni portionem accipiant prædæ. Hinc iurgium , & mox prælium : in quo ita in femore vulneratus est Philippus , ut per corpus ejus equus interficeretur. Cum omnes occisum putarent , præda amissa est. Ita Scythica velut devota spolia penè luctuosa Macedonibus fuere. Ubi verò ex vulnere primum convalescit , diu dissimulatum bellum Atheniensibus infert. Quorum causâ Thebani se junxere , nè victis metuentes Atheniensibus , veluti vicinum incendium belli ad se transiret. Factâ igitur inter duas paulò antè infestissimas civitates societate , legationibus Græciam fatigant , communem hostem putant communibus viribus summovendum : Neque enim cessaturum Philippum , si prosperè prima successerint , nisi omnem Græciam domuerit. Motæ quædam civitates Atheniensibus se jungunt : quasdam autem ad Philippum belli metus traxit. Prælio commisso , cum Athenienses longè

*Victorias  
\* Animo.  
Scythæ per  
bella famini  
uti malunt,  
quoniam uris  
nam cursu  
non impedito  
reddunt.  
Plin. lib. 8.  
Prælium  
cum Triballi.*

*Bellum Atheniensibus  
cum Philippo  
illatum de  
quo Diodorus.*

Philippi me-  
deratio.

Hoc erat à  
mortuo tribu-  
tum exigere.  
\* Pulsos à  
civibus in  
patriam re-  
stituit;  
legit Orosius.  
Liberi ditti  
exemplum.

Epiphonem.

Contentus  
Graecorum in  
Crimbo.

maiore militum numero præstarent, assiduis bellis in-  
duratâ virtute Macedonum vincuntur, non tamen im-  
memores pristinæ gloriæ cecidere. Quippe adversis  
vulneribus omnes loca, quæ tuenda à ducibus accepe-  
rant, morientes corporibus texerunt. Hic dies univer-  
sæ Græciæ & gloriæ dominationis, & vetustissimam  
libertatem finit. Hujus victoriæ callidè dissimulata  
lætitiâ est. Deniq; non solita sacra Philippus illâ die  
fecit, non in convivio risit, non ludos inter epulas  
adhibuit, non coronas aut unguenta sumisit: &  
quantum in illo fuit, ita vicit, ut victorem nemo senti-  
ret. Sed nec regem se Græciæ, sed ducem appellari  
jussit. Atq; ita inter tacitam lætitiâ, & dolorem ho-  
stium temperavit, ut neque apud suos exultasse, neque  
apud victos insulasse videretur. Atheniensibus, quos  
passus infestissimos fuerat, & captivos gratis remisit, &  
bello consumptorum corpora sepulturæ reddidit, reli-  
quiasque funerum, ut ad sepulchra majorum deferrent,  
ultra hortatus est. Super hac Alexandrum filium cum  
amico Antipatro, qui pacem cum his, amicitiamque  
jungeret, Athenas misit. Thebanorum porrò non so-  
lùm captivos, verùm etiam interfectorum sepulturam  
vendidit. Principes civitatis, alios securi percussit, alios  
in exilium redegit, bonâq; omnium occupavit: \* pul-  
sos deinde per injuriam in patriam restituit. Ex horum  
numero 300. exules judices, rectoresq; civitati dedit.  
Apud quos cùm potentissimi quique rei ejus ipsius cri-  
minis postularentur, quòd per injuriam se in exilium  
egissent, hujus constantiæ fuerunt, ut omnes se autores  
faterentur, meliusque cum republica actum eùm dam-  
nari essent, quàm cùm restituti, contenderent. Mirâ  
prorsus audaciâ: de iudicibus vitæ necisq; suæ, quæ  
admodum possunt, sententiam ferunt, contemnunt  
que absolutionem, quam dare iniuncti possunt. Et quo-  
niam rebus nequeunt ulcisci, verbis usurpant liberta-  
tem. Compositis in Græcia rebus, Philippus omnium  
civitatum legatos ad formandum rerum præsentium  
statum

statum, evocari Corinthum jubet. Ibi pacis legem universæ Græciæ pro meritis singularum civitatum statuit, consiliūque omnium veluti unum senatum ex omnibus elegit. Soli Lacedæmonii & legem, & regem contempserunt, servitutem, non pacem rati, quæ non ipsis civitatibus conveniret, \* sed à victore ferretur. Auxilia deinde singularum civitatum describuntur, sive adjuvandus eā manu rex, oppugnante aliquo foret, seu duce illo bellum inferendum: Neque enim dubium erat, imperium Persarum his apparatibus peti. Summa auxiliorum ducenta millia peditum fuere, & equitum quindecim millia. Extra hanc summam & Macedonia exercitus erat, & confinis domitarum gentium barbaries. Initio veris tres duces in Asiam Persarum viris præmittit, Parmenionem, Amyntam, & Attalum, cuius sororem nuper, expulsā Alexandri matre Olympiade propter stupri suspicionem, in matrimonium acceperat. Interea dum auxilia à Græcia coeunt, nuprias Cleopatraz filiaz, & Alexandri, quem regem Epiri fecerat, celebrat. Dies erat pro magnitudine duorum regum, & collocantis filiam, & uxorum ducentis apparatibus insignis. Sed nec ludorum magnificentia deerat: ad quorum spectaculum Philippus cum sine custodibus, medius inter duos Alexandros, filium generūmq; \* concederet; Pausanias nobilis ex Macedonia, nemini suspectus adolescens, occupatum angustiis Philippum in transitu obtruncat; diemque lætitiæ destinatum, scædum luctu funeris facit. Hic Pausanias primis pubertatis annis stuprum per injuriam passus ab Attalo fuerat; cuius indignitati hæc etiam sceditas accesserat. Nam perductum in convivio, solutūmq; mero Attalus, non suæ tantum, verum & convivarum libidini, velut scortum vile subjecerat, ludibriūmq; omnium inter coæquales reddiderat. Hanc rem ægrè ferens Pausanias, querelam Philippo sæpe detulerat. Cum variis frustrationibus non sine risu deferretur, & honoratum insuper ducatu ad-

\* Quid si legat pro? Apparatus bellicus in Persia.

Olympias ob stupri suspicionem pulsa.

\* Contenderet. Philippus obtruncatur. Philippus trucidatur à Pausania satelite, ob Attali libidinem non puniunt. Diodorus 9. paulo aliter narrat.

*Alexander  
cum matre  
spectatus de  
parricidio.*

*Plu. in A-  
lexandr.*

*\* Utrique,*

*Olympiadis  
crudelitas.*

versarium cerneret, iram in ipsum Philippum vertit, ultionemque, quam adversario non poterat, ab iniquo iudice excgit. Creditum est etiam immisum ab Olympiade matre Alexandri fuisse, nec ipsum Alexandrum ignarum paternæ cædis extitisse. Quippe non minus Olympiadem, repudium, & prælatam sibi Cleopatram, quam stuprum Pausaniam doluisse. Alexandrum quoque regni æmulum fratrem ex noverca susceptum timuisse, eoque actum, ut in convivio antea primum cum Attalo, mox cum ipso patre iurgaret, adeo ut etiam stricto gladio eum Philippus confectus sit, ægrèque à filii cæde amicorum precibus exoratus. Quamobrem Alexander ad avunculum se in Epirum cum matre, inde ad regem Illyriorum contulerat, vixque revocanti mitigatus est patri, precibusque cognatorum ægrè redire compulsus. Olympias quoque fratrem suum Alexandrum Epiri regem in bellum subornabat, pervicissetque, ni filiarum nuptiis pater generum occupasset. His stimulis irarum \* utrique Pausaniam de impunitate stupri sui querentem, ad tantum facinus impulsisse creduntur. Olympias certe fugienti percussori, equos quoque præparatos habuit. Ipsa deinde auditâ regis nece, cum titulo officii ad exequias eâdem nocte cucurrisset, in cruce pendens Pausaniæ capiti, eâdem nocte quâ venit, coronam auream imponit; quod nemo alius audere, nisi hæc, superstite Philippi filio, potuisset. Paucos deinde post dies, reflexum corpus intersectoris super reliquias cremavit, & tumultum ei eodem fecit in loco, parentarique eidem quotannis, incussâ populo superstitione, curavit. Post hæc Cleopatram, à qua pulsa Philippi matrimonio fuerat, in gremio ejus prius filia interfecta, finire vitam suspendio coëgit; spectaculoque pendens ultione potita est, ad quam per parricidium festinaverat. Novissimè gladium illum, quo rex percussus est, Apollini sub nomine Myrtalis consecravit. Hoc enim nomen antè Olympiadis parvulæ fuit. Quæ omnia ita palam facta sunt, ut timuisse videntur, nè facinus ab

ab ea commissum, non probaretur. Decessit Philippus  
 40. & 7. annorum, cum annis 25. regnasset. Genuit *Quo tempore  
 decesserit, &  
 quamdiu re-  
 gnavit Phi-  
 lippus.*  
 ex Larysiæ saltatrice filium Aridium qui post Alexan-  
 drum regnavit. Habuit & multos alios filios ex variis  
 matrimoniis, regio more, susceptos, qui partim fato,  
 partim ferro periere. Fuit rex armorum, quàm convi-  
 viorum apparatus studiosior, cui maximæ opes erant  
 instrumenta bellorum; divitiarum quæstu, quàm cu-  
 stodiâ solertior. Itaq; inter quotidianas rapinas sem-  
 per inops erat. Misericordia in eo & perfidia pari jure *Philippi mo-  
 res & inge-  
 nium.*  
 dilectæ, nulla apud eum turpis ratio vincendi, blandus  
 pariter, & in gratia offensam simulare; insidiosus alio-  
 quin: qui plura promitteret, quàm præstaret: in seria  
 & jocos artifex. Amicitias utilitate, non fide colebat.  
 Gratiâ fingere in odio, instruere inter concordantes  
 odia, apud utrumque gratiam quærere, solennis illi *Ejusdem elo-  
 quentia.*  
 consuetudo. Inter hæc eloquentia, & insignis oratio  
 acuminis & solertiæ plena, ut nec ornatui facilitas, nec  
 facilitati inventionum deesset ornatus. Huic Alexan-  
 der successit, & virtute & vitiis patre major. Itaque  
 vincendi ratio utriq; diversa: Hic apertâ vi, ille arti-  
 bus bella tractabat: Deceptis ille gaudere hostibus, *Comparatio  
 Philippi &  
 Alexandri,*  
 hic palam fufis: Prudentior ille consilio, hic animo  
 magnificentior. Iram pater dissimulare plerunque &  
 vincere; hic ubi exarsisset, nec dilatio ultionis, nec mo-  
 dus erat. Vini nimis uterque avidus, sed ebrietatis di-  
 versa vitia. Patri mos erat & de convivio in hostem  
 procurrere, manum conferere, periculis se temerè of-  
 ferre: Alexander non in hostem, sed in suos sæviebat.  
 Quamobrem Philippum sæpe vulneratum prælia re-  
 misere: hic amicorum intersector convivio frequen-  
 ter excessit. Regnare ille cum amicis nolebat, hic in  
 amicos regna exercebat. Amari pater maluit, hic me-  
 tui. Literarum cultus utrique similis. Solertiæ pater  
 majoris, hic fidei. Verbis atque oratione Philippus,  
 hic rebus moderator. Parcendi victis filio animus  
 & promptior, & honestior; ille nec sociis abstinebat.



# 70 JUSTINI HISTORICI

\* Iecit.

Frugalitati pater, luxuriæ filius magis deditus erat. Quibus artibus orbis imperii fundamenta pater \* fecit, operis totius gloriam filius consummavit.

## JUSTINI LIBER X.

Quarum  
160. habuit  
Plut. Agente  
Dario an-  
num 30.  
Paternæ in-  
dulgentiæ  
exemplum.  
Consilia in-  
rescindi  
pa ris Octavi  
agitasse per  
Atossam,  
scribit Plut.

**A**rtaxerxi regi Persarum ex pellicibus 115. filii fuere, sed tres tantum iusto matrimonio suscepti, Darius, Ariarates, & Ochus. Ex his Darium contra morem Persarum, apud quos rex non nisi morte mutatur, per indulgentiam pater regem vivus fecit, nihil sibi ablatum existimans, quod in filium contulisset, sincerumq; gaudium ex procreatione capturum, si insignia maiestatis suæ vivus in filio conspexisset. Sed Darius post nova paternæ pietatis exempla, interficiendi patris consilium cepit. Sceleratus fuisset, si solus parricidium cogitasset; tantò sceleratior, quod in societatem facinoris assumptos quinquaginta fratres fecit parricidas. Ostenti prorsus genus, ubi in tanto populo non solum sociari, verum etiam fileri parricidium potuit, ut ex 30. liberis nemo inventus sit, quem aut paternæ maiestas, aut veneratio senis, aut indulgentia patris, à tanta immanitate revocaret. Adeone vile paternum nomen, apud tot numero filios fuit, ut quorū præsidio tutus etiam adversus hostes esse debuerat, eorum insidiis circumventus, tutior ab hostibus, quàm à filiis fuerit? Causa parricidii sceleratior ipso parricidio fuit. Occiso quippe Cyro fraterno bello, cuius mentio supra habita est, Aspasiæ pellicem ejus rex Artaxerxes in matrimonium receperat. Hanc patrem \* cedere sibi scuti regnum, Darius postulaverat; qui pro indulgentia sua in liberos, primò facturum se dixerat; mox poenitentia ductus, ut honestè negaret, quod temerè promiserat. Solis eam sacerdotio præfecit, quo perpetua illi ab omnibus viris pudicitia imperabatur. Hinc exacerbatus juvenis, in iurgia primo patris erupit, mox facta cum fratribus conjuratione, dum patri insidias parat, deprehensus cum sociis, poenas parricidii diis paternæ maiestatis

\* Credere.

Diana &  
Batania,  
quam Ant-  
imi vocant,  
posse  
Plut. scribit.  
Na us annos  
94.

majestatis ultoribus dedit. Conjuges quoque omnium cum liberis, ne quod vestigium tanti sceleris extaret, interfectæ sunt. Post hæc Artaxerxes morbo ex dolore contracto decedit, Rex quàm pater felicior. Hæreditas regni Ocho tradita, qui timens parem conjurationem regiam cognatorum cæde & strage principum replet: nullâ, non sanguinis, non sexus, non ætatis misericordiâ permotus; scilicet nè innocentior fratribus parricidis haberetur. Atque ita veluti purificato regno, bellum Armeniis infert. In eo cum adversus provocatorem hostium Codomanus quidam cum omnium favore processit, hoste cæso, victoriam suis pariter, & propè amissam gloriam restituit. Ob hæc decora idem Codomanus præficitur Armeniis. Interjecto deinde tempore post mortem Ochi regis ob memoriam pristinæ virtutis rex à populo constituitur, Darii nomine, nè quid regiæ majestatis deesset, honoratus, bellumque cum Alexandro Magno, diu variante fortunâ, magnâ virtute gessit. Postremo victus ab Alexandro, & à cognatis occisus, vitam pariter cum Persarum regno finivit.

*Qui cognatus est Artaxerxes.*

*Euseb.*

*Codomanus ob suam virtutem Persarum rex electus est Darii dictum.*

*Diodor.*

*paulo aliter.*

## JUSTINI LIBER XI.

**I**N exercitu Philippî, sicuti variæ gentes erant, ita eo occiso diversi motus animorum fuere. Alii quippe injustâ servitute oppressi, ad spem se libertatis erigebant, alii tadio longinquæ militiæ, remissam sibi expeditionem gaudebant: nonnulli facem nuptiis filiæ accensam, rogo patris subditam dolebant. Amicos quoque tam subitâ mutatione rerum, haud mediocris metus ceperat, reputantes nunc provocatam Asiam, nunc Europam nondum perdomitam, nunc Illyrios, & Thracas, & Dardanos, cæterasque Barbaras gentes fidei dubiæ, & mentis infidæ. Qui omnes populi si pariter deficiant, resisti nullo modo posse. His rebus, veluti medela quædam, interventus Alexandri fuit: qui pro concione, ita vulgus omne consolatus, hortatusque, pro tempore est, ut & metum timentibus demeret, & in spem sui omnes impel-

*An. urb.*

*cond. 4.*

*Tumulus*

*post Philippî mortem in castris.*

*Alexandri  
ætas & in-  
doles.*

*Ultio pater-  
ne cædis.*

*Caranus in-  
terficietur.*

*\* Evocatis  
civi.*

*Demosthenes  
huius defecti-  
onis auctor.*

*Alexandri  
celeritas.*

impelleret. Erat hic annos 20. natus: in qua ætate ita moderatè de se multa pollicitus est, ut appareret plura eum experimentis reservare. Macedonibus immunitatem cunctarum rerum, præter militiæ vacationem dedit, quo factò tantum sibi favorem omnium conciliavit, ut corpus hominis, non virtutem regis mutasse se dicerent. Prima illi cura paternarum exequiarum fuit: In quibus ante omnia, cædis conscios ad tumulum patris occidi iussit; soli Alexandro Lyncistarum fratri pepercit, servans in eo auspicium dignitatis suæ; nam regem eum primus salutaverat. Æmulum quoq; imperii Caranum fratrem ex noverca susceptum, interfici curavit. Inter initia multas gentes rebellantes compescuit. Orientes nonnullas seditiones extinxit. Quibus rebus erectus, tacito gradu in Graciam contendit: ubi exemplo patris Corinthum \* evocatus, civitatibus dux in locum ejus substituitur. Inchoatum deinde à patre Persicum bellum aggreditur, in cujus apparatu occupato nuntiatur, Athenienses, Thebanos, & Lacedæmonios ab eo ad Persas defecisse, auctoremq; ejus defectionis magno auri pondere à Persis corruptum, Demosthenem oratorem extitisse, qui Macedonū deletas omnes cum rege copias à Triballis affirmaverit, producto in concionem auctore, qui in eo prælio, in quo rex ceciderat, se quoq; vulneratum diceret. Quà opinione mutatos omnium fermè civitatum animos esse, præsidia Macedonum obfideri. Quibus motibus occursurus, tantà celeritate instructo, paratq; exercitu Græciam oppressit: ut quem venire non senserant, videre se vix crederent. In transitu hortatus Thessalos fuerat, beneficiorumq; Philippi patris, maternæque suæ cum his ab Æacidarum gente necessitudinis admonuerat. Cupidè hæc Thessalis audientibus, exemplo patris dux universæ gentis creatus erat, & vestigalia omnia, redditusq; suos ei traderant. Sed Athenienses, sicuti primi defecerunt, ita primi pœnitere cœperunt, contemptum hostis in admirationem convertentes, pueritiàmque Alexandri spretam

Ipse tam antea supra virtutem veterum ducum extol-  
lentes. Missis itaq; legatis bellum deprecantur. Quibus  
auditis & graviter increpatis, Alexander bellum semi-  
fit. Inde Thebas exercitum convertit, eadem indulgen-  
tia usurus, si parem poenitentiam invenisset. Sed The-  
bani armis, non precibus, nec deprecatione usi sunt.  
Itaq; victi gravissima quaq; supplicia miserrimæ capti-  
vitatæ experti sunt. Cum in consilio de excidio urbis  
deliberaretur, Phocenses & Plateenses, & Thespienses  
& Orchomenii, Alexandri focii, victoriæq; participes,  
excidium urbium suarum, crudelitatemq; Thebanorum  
referebant, studia in Persas non præsentia tantum, ve-  
rum etiam & vetera adversus Græciæ libertatem in-  
crepantes. Quamobrem \* odium eos omnium populorū  
esse, vel ex eo manifestari posse, quod jurejurando se  
omnes obstrinxerint, ut victis Persis Thebas diruerent.  
Adjiciunt & scelerum priorum fabulas, quibus omnes  
scenas repleverant, ut non præsentia tantum perfidiâ,  
verum & vetere infamiâ invisi forent. Tunc Eleadas u-  
nus ex captivis datâ potestate dicendi, non à rege se  
defecisse, quem interfectum audierint, sed à regis hæ-  
redibus: quicquid in eo sit admissum, crudelitatis, non  
perfidiæ culpam esse, cujus tamen jam magna se sup-  
plicia pependisse. Deletâ juventute, nunc senum scemi-  
narumq; sicuti infirmum, ita innoxium restare vulgus,  
ipsūq; stupris contumeliisq; ita vexatum esse, ut nihil  
amarius unquam sint passi; nec jam pro civibus se, qui  
tam pauci remanserant, orare: sed pro innoxio patriæ so-  
lo, & pro urbe, quæ non viros tantum, verum etiam de-  
os genuerit. Privatâ etiam regem superstitione depre-  
catur, geniti apud ipsos Herculis, unde originem  
gens Aacidarum trahat; actaque Thebis à patre ejus  
Philippo pueritia, rogat, urbi parcat, quæ majores ejus  
partim apud se genitos, deos adoret, partim educa-  
tos summæ majestatis reges videret. Sed potentior fuit  
ira, quàm preces. Itaq; urbs diruitur, agri inter victo-  
res dividuntur, captivi sub corona venduntur, quorum  
pretium

*Demoſthenes  
Al. xan-  
d u n pue-  
rum vocabat.*

*Vincuntur  
Thebani ab  
Alexandro.*

*\* Odio.  
Græcorum  
in Thebanos  
odium.*

*Eleade ad  
Alexandrum  
oratio.*

*Excidium  
Thebanorum  
3. M. nu-  
mero vendi-  
dit.*

*Pepercit ta-  
men Pindari  
fieri. Plut.*

*Vide Apolo-  
gum de car-  
viss, ovibus,  
& lupo, apud  
Plut.*

*Alexandri  
in cognata  
crudelitas.*

*Iovi, Herculi  
& Minervæ  
sunt ara sa-  
crate in ripa  
Pyrenæa. Q.  
cur. 133.*

*Hoc erat fe-  
cialium jure  
defungi, vid.  
Macrob.  
\* In Illo  
quoque.*

pretium non ex ementium commodo, sed ex inimico-  
rum odio extenditur. Miseranda res Atheniensibus vi-  
sa. Itaque portas refugiis proflugorum contra interdictum  
regis apparuere. Quam rem ita graviter tulit Alexan-  
der, ut secundâ legatione denuò bellum deprecantibus  
ita demum remisit, ut oratores & duces quorum fiducia  
toties rebellent, sibi dedantur: paratisque Atheniensibus,  
ne cogantur subire bellum, eò res deducta est, ut re-  
tentis oratoribus, duces in exilium agerentur: qui ex  
continenti ad Darium profecti, non mediocre momen-  
tum Persarum viribus accessere. Proficiscens ad Persi-  
cum bellum, omnes novercæ suæ cognatos, quos Phi-  
lippus in excelsiorum dignitatis locum provehens, im-  
periis præfecerat, interfecit; sed nec suis, qui apti regno  
videbantur, pepercit: ne qua materia seditionis, procul  
se agente, in Macedonia remaneret, & regis stipen-  
diarios conspectioris ingenii, ad commilitium secum  
trahit, seniores ad tutelam regni relinquit. Adunato  
deinde exercitu naves onerat; unde conspectâ Asiâ, in-  
credibili ardore mentis accensus, duodecim aras deo-  
rum in belli vota statuit. Patrimonium omne suum,  
quod in Macedonia, Europaque habebat, amicis dividit,  
sibi Asiam sufficere præfatus. Priusquam ulla navis li-  
tore excederet, hostias cædit, petens victoriam bello,  
quo toties à Persis petita Graciæ ultor relictus sit;  
quibus longa jam satis & matura imperia contigissent,  
quorumque tempus esset vices excipere melius acturos.  
Sed neque exercitus ejus alia quam regis animorum  
præsumptio fuit. Quippe obliti omnes conjugum, libe-  
rorumque & longinquæ à domo militiæ, Persicum aurum  
& totius Orientis opes, jam quasi suam prædam du-  
cebant, nec belli periculorum, sed divitiarum memi-  
nerant. Cùm delati in continentem essent, primus Alex-  
ander jaculum velut in hostilem terram jecit, armatus-  
que de navi tripudianti similis prosiluit, atque ita ho-  
stias cædit; precatus, nè se regem illa terræ invitæ ac-  
cipiant: Inibi quoque ad tumulos eorum, qui Trojano  
bello

bello ceciderant, parentavit. Inde hostem petens, milites à populatione Asiæ prohibuit, parcendum suis rebus præfatus, nec perdenda ea, quæ possessuri venerant. In exercitu ejus fuere peditum 30. duo millia, equitum quatuor millia quingenti, naves centum 82. Hæc tam parvâ manu univærsam terrarum orbem utrûm sit admirabilius vicerit, an aggredi ausus fuerit, incertum est: cùm ad tam periculofum bellum exercitum legerit, non juvenes robustos, nec primo flore ætatis, sed veteranos plerosque etiam emeritæ militiæ, qui cùm patrè patruisque militaverant, elegit, ut non tam milites, quàm magistros militiæ electos putares. Ordines quoque nemo nisi sexagenarius duxit, ut si principia castrorum cerneret, senatum te alicujus præscæ reipub. videre diceret. Itaque nemo in prælio fugam, sed victoriam cogitavit, nec in pedibus cuiquam spes, sed in lacertis fuit. Contrà rex Persarum Darius, fiduciâ virium, nil astu agere affirmans, suis occulta consilia victoriæ furtivæ non convenire, nec hostem à regni finibus arcere, sed in intimum regnum accipere: gloriosius ratus repellere bellum, quàm non admittere. Prima igitur congressio in campis Adrafsiis fuit. In acie Persarum sexcenta millia militum fuere, quæ non minùs arte Alexandri, quàm virtute Macedonum superata, terga verterant. Magna itaque cædes Persarum fuit. De exercitu Alexandri novem pedites, centum 20. equites cecidere, quos rex impense ad cæterorum solatia humatos, statuis equestribus donavit, cognatisque eorum immunitates dedit. Post victoriam major pars Asiæ ad eum defecit. Gessit & plura bella cum præfectis Darii, quos jam non tam armis, quàm terrore nominis sui vicit. Dum hæc aguntur, interim indicio captivi ad eum defertur, infidias ei ab Alexandro Lyncistarum, genero Antipatri, qui præpositus Macedoniæ erat, parari. Ob quam causam timens, nequis intersecto eo in Macedonia motus oriretur, in vinculis eum habuit. Post hæc \* Gordii urbem petit, quæ posita est inter Phrygiam majorem,

*Exercitus & militum Alexandri descriptio.*

*Persarum exercitus c. millia, equitum Pedum 100. millia ut refert Dio.*

*32. Pedit. 150. interfectos. 2. Curiam scribi.*

*\* Gordii.*



*Gordii  
plaustrum.*

*Digressio de  
Gordii histo-  
ria.*

*Mida.*

*Redit ad hi-  
storiam.  
Gordius ille  
nodus, abiit  
in prover-  
bium.*

*Alexandri  
celeritas in  
occupandis  
pylis, de qui-  
bus Curium.*

rem & minorem : cujus urbes potiundæ non tam pro-  
ter prædam cupido eum cepit, sed quòd audiverat in  
ea urbe in templo Jovis jugum plaustrum Gordii positum,  
cujus nexum si quis solvisset, eum totâ Asiâ regnaturum  
antiqua oracula cecinisse. Hujus rei causa & origo illa  
fuit. Gordius cum in his regionibus bobus conductis  
araret, aves cum omnis generis circumvolare cœpe-  
runt; profectus ad consulendos augures vicinæ urbis,  
obviam in porta habuit virginem eximie pulchritudi-  
nis; percunctatusq; eam, quem potissimum augurem  
consularet, illa auditâ causâ consulendi, gnara artis ex  
disciplina parentum, regnum ei portendi respondit,  
polliceturq; se & matrimonii, & spei sociam : Tam pul-  
chra conditio, prima regni felicitas videbatur. Post  
nuptias inter Phrygas orta seditio est. Consulentibus  
de fine discordiarum, oracula responderunt, regi dis-  
cordiis opus esse. Iteratò quærentibus de persona regis,  
jubentur eum regem observare, quem reversi primum  
in templum Jovis euntem plaustro reperissent. Obvius  
illis Gordius fuit, statimq; eum regem consulant;  
ille plaustrum, quo vehenti regnum delatum fuerat, in  
templo Jovis positum, majestati consecravit regis. Post  
hunc filius Mida regnavit, qui ab Orpheo sacrorum so-  
lennibus initiatus, Phrygiam religionibus implevit,  
quibus tutior omni vita, quàm armis fuit. Igitur Alex-  
ander captâ urbe, cum in templum Jovis venisset, jugum  
plaustrum requisivit : quo exhibito, cum capita loramen-  
torum intra nodos abscondita reperire non posset, vio-  
lentiùs oraculo usus, gladio loramenta cædit : atq; ita  
resolutis nexibus, latentia in nodis capita invenit. Hoc  
illi agenti nuntiatur, Darium cum ingenti exercitu ad-  
ventare : Itaq; timens angustias, magnâ celeritate Tau-  
rum transcendit, in qua festinatione quingenta stadia  
cursu fecit. Cum Tarsum venisset, captus Cydni flû-  
minis amœnitate, per mediam urbem influentis, proje-  
ctis armis, plenus pulveris ac sudoris, in præfrigidam  
undam nudum se projecit. Tum repente tantus nervos  
ejus

ejus occupavit rigor, ut interclusâ voce non spes modo  
 remedii, sed nec dilatio periculi interveniret. Unus erat  
 ex medicis, nomine Philippus, qui solus remedium pol-  
 liceretur; sed & ipsum Parmenionis pridie à Cappado-  
 cia missâ epistolâ suspectum faciebant, qui gnarus in-  
 firmitatis Alexandri, scripserat, à Philippo medico ut  
 caveret: Nam corruptum illum à Dario ingenti pecu-  
 niâ esse. Tutius tamen est ratus, dubiâ se fidei medici  
 credere, quàm indubitato morbo perire. Accepto igitur  
 poculo, epistolas medico tradidit, atq; ita inter biben-  
 dum oculos in vultum legentis intendit. Ut securum  
 conspexit, latior factus est, sanitatēq; quartâ die re-  
 cepit. Igitur Darius cum 300. millibus peditum, & cen-  
 tum millibus equitum in aciem procedit. Movebat hæc  
 multitudo hostium, respectu paucitatis suâ, Alexan-  
 drum; sed interdum reputabat quantas res cum ista  
 paucitate gessisset, quantosque populos fudisset. Itaq;  
 cum spes metum vinceret, periculosius differre bellum  
 ratus, nè desperatio suis cresceret, circumvectus suos,  
 singulas gentes diversâ oratione alloquitur. Illyrios &  
 Thrakas opum ac divitiarum ostentatione, Græcos ve-  
 terum bellorum memoriâ, æternique cum Persis odii  
 accendebat. Macedones autem nunc Europæ victæ ad-  
 monet, tunc Asiæ expetitæ, nec inventas illis toto orbe  
 pares vires gloriatur. Caterum & laborum finem  
 hunc, & gloriæ cumulum fore. Atque inter hæc  
 identidem consistere aciem jubet, ut hæc morâ con-  
 suescant oculis turbam hostium sustinere. Nec Da-  
 rii segnis opera in ordinanda acie fuit. Quippe omis-  
 sis ducum officiis ipse omnia circumire, singulos hor-  
 tari, veteris gloria Persarum, imperiiq; perpetuæ à  
 diis immortalibus datæ possessionis admonere. Post  
 hæc prælium ingentibus animis committitur. In eo  
 uterque rex vulneratur: tandiu certamen anceps  
 fuit, quoad surgeret Darius. Exinde cædes Persarum  
 secuta est. Cæsa sunt peditum unum & sexaginta mil-  
 lia, equitum decem millia, capta quadraginta millia.

Ex

*Darii copia  
ad Issum.*

*Oratio Alex-  
andri ad ma-  
li et.*

*Alexandri  
dextrum fe-  
mur leviter  
perstritum  
Q. Curi.*

*Matris Darii* Ex Macedonibus cecidere pedestres 130. equites 130.  
*nomen Syfi-* in castris Persarum multum auri, cæterarumq; opum  
*gambis sui.* inventum. Inter captivos castrorum, mater, & uxor

\* *Mortem.*

*Clementie &*  
*moderationis*  
*exemplum in*  
*Alexandro.*

\* *Barsenim.*

*Que circa*  
*Hierosoly-*  
*mam gesserit*  
*Alexander,*  
*refert Jose-*  
*phus.*

\* *Abdolomi-*  
*nm.*

\* *Exigen-*  
*tem.*

eademq; soror, & filia duæ Darii fuere. Ad quas vis-  
 sendas hortandâsq; cum Alexander venisset, conspe-  
 ctis armatis invicem se complexæ, velut statim mori-  
 turæ complorationem ediderunt. Provolutæ deinde  
 genibus Alexandri, non \* vitam, sed ut Darii corpus  
 sepeliant, dilatione mortis deprecantur. Motus tantâ  
 mulierum pietate Alexander, & Darium vivere dixit,  
 & timentibus mortis metum dimisit, easque haberi &  
 salutare ut reginas, præcepit. Filias quoq; non sordidius  
 dignitate patris sperare matrimonium iussit. Post  
 hæc opes Darii, divitiarumq; apparatus contemplatus,  
 admiratione tantarum rerum capitur. Tunc primum  
 luxuriosa convivia, & magnificentiam epularum  
 sectari, tunc \* Marfinem captivam diligere, propter  
 formæ pulchritudinem, cœpit, à qua postea susceptum  
 puerum Herculem vocavit. Memor tamen adhuc Da-  
 rium vivere, Parmenionem ad occupandam Persicam  
 classem, aliosq; amicos ad recipiendas Asiæ civitates  
 misit; quæ statim auditâ famâ victoriæ ipsius, Darii  
 præfectis cum auri magno pondere tradentibus se, in  
 potestatem victorum venerunt. Tunc in Syriam pro-  
 ficiscitur: ubi obvios cum insulis multos reges Orientis  
 habuit. Ex his pro meritis singulorum alios in societatem  
 recepit, aliis regnum ademit, suffectis in loca  
 eorum novis regibus. Insignis præter cæteros fuit  
 \* Abartomius, rex ab Alexandro Sidoniæ constitutus.  
 Quem Alexander, cum operam ablocare ad puteos  
 exhauriendos, hortosq; irrigandos solitus esset, misere  
 vitam \* exhibentem regem fecerat, spretus nobilibus,  
 ne generis id, non dantis, beneficium putarent.  
 Tyriorum civitas, cum coronam auream magni ponderis  
 per legatos in titulum gratulationis Alexandro misisset,  
 gratè munere accepto, Tyrum se ire velle ad vota  
 Herculi reddenda, dixit. Cum legati rectius id  
 cum

um in Tyro vetere, & antiquiore templo facturum di-  
 erent, inde deprecantes ejus introitum, ita exarsit, ut  
 urbi excidium minaretur: confestimq; exercitu insulæ  
 applicato, non minùs animosis Tyriis fiducia Cartha-  
 ginensium, bello excipitur. Augebat enim Tyriis ani-  
 mos Didonis exemplum, quæ Carthagine conditâ  
 tertiam partem orbis quæsisset, turpe ducentes si foe-  
 deris suis plus animi fuisset in imperio quærendo,  
 quàm sibi in tuenda libertate. Amotâ igitur imbelli-  
 tate Carthaginem, & accersitis mox auxiliis, non  
 magno post tempore per prodicionem capiuntur. Inde  
 Rhodum Alexander, Ægyptum, Ciliciamq; sine cer-  
 tamine recepit. Ad Jovem deinde Hammonem pergit,  
 consulurus & de eventu futurorum, & de origine sua.  
 Namq; mater ejus Olympias confessa viro suo Philip-  
 po fuerat, Alexandrum non ex eo se, sed ex serpente  
 ingentis magnitudinis concepisse. Deniq; Philippus  
 ultimo propè vitæ suæ tempore filium suum non esse  
 palam prædicaverat: qua ex causa Olympiada, velut  
 stupri compertam, repudio dimiserat. Igitur Alexan-  
 der cupiens originem divinitatis acquirere, simul &  
 matrem infamiâ liberare, per præmissos subornat An-  
 tistites, ut Hammonis filium saluent. Ille lætus dei  
 adoptione, hoc se patre censerî jubet. Rogat deinde,  
 an omnes interfectores patris sui sit ultus: respondent  
 patrem ejus nec posse interfici, nec mori; regis Philippi  
 peractam plenè ultionem esse. Tertiam interrogatio-  
 nem poscenti, victoriam omnium bellorum, possessio-  
 nemq; terrarum dari respondent. Comitibus quoque  
 suis responsum, ut Alexandrum pro Deo, non pro rege  
 tolerent. Hinc illi auctâ insolentiâ, mirûsq; animo in-  
 crevit tumor, exemptâ comitate, quam & Græcorum  
 iteris, & Macedonum institutis didicerat. Reversus ab  
 Hammonem \* Alexandriam condidit, & coloniam Mace-  
 donum caput esse Ægypti jubet. Darius cum Babylo-  
 niam profugisset, per epistolas Alexandrum depreca-  
 tur, redimendarum sibi captivarum potestatem faciat,

*Exat hæc exa-  
 ra urbem in  
 sede quam  
 Palætyron  
 vocant.*

*2. Cur. l. 4.  
 Septimo post  
 mense, quam  
 est capta op-  
 pugnat. 2.  
 Curt.*

*Alexander  
 Jovis filius  
 appellatur.*

*Nam illiadem,  
 una cum pu-  
 gione, sem-  
 per sub pul-  
 vinar habe-  
 ba. Plu.*

*\* Inter palu-  
 dem & mæ-  
 2. Cur.*

inque eam rem magnam pecuniam pollicetur. Sed Alexander in pretium captivarum regnum omne, non pecuniam petit. Interjecto tempore alia epistola Darii Alexandro redduntur, quibus filia matrimonium & regni portio offertur. Sed Alexander sua sibi dantes rescipit, iussitque supplicem venire, & regni arbitrio victori permittere. Tum spe pacis amisâ, bellum Darius reparat 400. millibus peditum, & centum millibus equitum obviam vadit Alexandro. In itinere nuntiatur uxorem ejus ex collisione objecti partus decessisse ejusq; mortem illacrymatum Alexandrum, exequias benignè prosecutum, idq; eum non amoris, sed humanitatis causâ fecisse. Nam semel eam tantum Alexandro visam esse, cum matrem parvulâq; filias ejus frequenter consolaretur. Tunc Darius se ratus verum, cum post tot prælia & beneficiis ab hoste superaretur; gratumq; sibi esse, si vincere nequeat quod à tantopotissimum vinceretur: scribit itaq; & tertias epistolas, & gratias agit, quod nihil in suos hostile fecerit. Offert deinde majorem partem regni usque ad flumen Euphratem, & alteram filiam uxorem, pro reliquis captivis triginta millia talentorum. Ad hoc Alexander gratiarum actionem ab hoste supervacaneam esse respondit, nec à se quicquam factum in hostem adulationem, nec quod in dubios belli exitus, aut in leges pacis sibi lenocinia quæreretur: sed animi magnitudine, quâ didicerit adversus vires hostium, non adversus calamitates contendere: polliceturq; præstiturum ea Dario, si secundus sibi, non pariter haberi velit. Caterum neque mundum posse duobus solibus regi, neque orbem summa duo regna salvis statu terrarum habere. Proinde aut deditionem eadem die, aut in posteram aciem paret, & nec pollicetur sibi aliam, quam sit expertus, victoriam. Postera die aciem producant, cum repente ante prælium confectum curis Alexandrum sonitus arripuit. Cum ad pugnam solus rex deesset, à Parmenione agrè excitatus quæren-

*Alexandri  
humanitas.*

*Ob hoc enim  
quis non ve-  
lit ense mori?*

*Alexandri  
magnanimitas.*

*Solibus duobus mundum  
regi non  
posse.*

*Alexandri  
Sons. ins.*

uarentibus somni causas omnibus inter pericula, cum  
 iam in otio semper parcior fuerit, magno se metu li-  
 beratum ait, somnūq; sibi à repentina securitate da-  
 tum, quòd liceat cum omnibus Darii copiis conflagere;  
 eritum se longam belli moram, si Persæ exercitum  
 uivissent. Ante prælium utraq; acies hostibus specta-  
 culo fuit. Macedones multitudinem hominum, corpo-  
 rum magnitudinem, armorūq; pulchritudinem mi-  
 rabantur: Persæ autem à tam paucis victa suorum tot  
 millia stupebant. Sed nec duces circumire suos singulos  
 essabant. Darius vix denis armatis singulos hostes, si  
 uivisio fieret, evenire dicebat. Alexander Macedonas  
 nonebat, nè multitudine hostium, nè corporis magni-  
 tudine, vel coloris novitate moverentur: tantum me-  
 ninisse jubet, cum iisdem se tertio pugnare, nec meli-  
 ores factos putarent fugā, cum in aciem secum tam tri-  
 stem memoriam cædium suarum, & tantum sanguinis  
 de duobus præliis fusi ferrent: & quemadmodum Da-  
 rio maiorem turbam hominum esse; sic virorum sibi.  
 fortatur spèrnant illam aciem auro & argento fulgen-  
 tem, in qua plus prædæ quàm periculi sit, cūti victoria  
 non ornamentorum decore, sed ferri virtute quærat. *Alexandri  
ad suos ora-  
tio.*  
 post hæc prælium committitur. Macedones in ferrum  
 tum contemptu toties à se victi hostis ruebant; contrā  
 Persæ mori quàm vinci præoptabant. Rarò etiam ullo  
 prælio tantum sanguinis fusum est. Darius cum vinci  
 uos videret, voluit mori & ipse; sed à proximis fugere  
 impulsus est. Suadentibus deinde quibusdam, ut pons  
 Cydni fluminis ad iter hostium impediendum inter-  
 fluderetur, non ita salutis suæ velle consultum ait, ut  
 tot millia sociorum hostibus obiciat, debere & aliis  
 fugæ viam patere, quæ patuerit sibi. Alexander autem  
 periculosissima quæque aggrediebatur: & ubi confer-  
 tissimos hostes acerrimè pugnare conspexisset, eò se  
 semper ingerebat, \* periculosāq; sua esse, non militum  
 volebat. Hoc prælio Asiæ imperium rapuit, quinto post  
 acceptum regnum anno, cujus felicitas tanta fuit, ut  
 post

*Alexandri  
virtus.  
\* Periculū  
que.*



34. Ut Oro-  
jmus alii 40.

Miserabile  
spectaculum.

A Besso, &  
Nabarzane,  
ut & Cur.  
scribit.

Sordidis pel-  
libus.

Polystro ei  
nomen fuit.  
Plu.

Munda  
Darii jam  
morientis ad  
Alexandrum

post hoc nemo rebellare etiam ausus fit, patienterque Persæ post imperium tot annorum, jugum servitutis acceperunt. Donatis refectisque militibus, 33. continuis diebus prædam cognoscit. In urbe deinde clausa millia talentorum invenit. Expugnat & Persæpolis caput Persici regni, urbem multis annis illustrem, fertamque orbis terrarum spoliis, quæ interitu ejus præmum apparuerunt. Inter hæc 800. admodum Græci occurrunt Alexandro, qui poenam captivitatis tantâ parte corporum tulerant, rogantes, ut sicuti Græciam, se quoque ab hostis crudelitate vindicaret. Darius potestate redeundi, agros recipere maluerunt, nè tantum gaudium parentibus, quam detestandum sui conspectum reportarent. Interea Darius in gratiam Hectoris à cognatis suis aureis compedibus, catenisque vincto Parthorum Tanea vincitur. Credo ita diis immortalibus vindicantibus, ut in terra eorum, qui successuri imperio erant, Persarum regnum finiretur. Alexander quoque citato cursu postera die supervenit, ibique cognovit Darium clauso vehiculo per noctem exportatum. Jussio itaque exercitu subsequi, cum 7. milibus equitum fugientem insequitur: in itinere multæ & periculosa prælia fecit. Emensus deinde multa milia passuum, cum nullum Darii indicium reperisset, inspirandi equis datâ potestate, unus ex militibus, ad fontem proximum pergit, in vehiculo Darium mortis quidem vulneribus confectum, sed spirantem adhuc invenit: qui applicito captivo, cum civem voce cognovisset, id saltè præsentis fortunæ solatium se habere dixit, quod apud intellecturum locutus esset, nec incallum postremas voces emissurus. Persæ hæc Alexandro jubet, se nullis in eum meritorum officiis, maximorum illi debitorem mori, quod in matris liberisque suis regium ejus non hostilem animum expectatus, feliciusque hostem, quam cognatos sortitus fore quippe qui matri ac liberis suis ab eodem hoste vitam datam, sibi à cognatis ereptam, quibus & vitam &

a dederit. Quamobrem gratiam illi eam futuram  
 quam ipse victor volet. Alexandro referre se, quam so-  
 um moriens potest gratiam, precari superum & infe-  
 rum numina & regales deos, ut illi terrarum omnium  
 honori contingat imperium, pro se justam magis quam  
 iram sepulturæ veniam orare. Quod ad ultionem  
 pertineat, jam non suam, sed exempli communemque  
 omnium regum esse causam, quam negligere, illi & in-  
 eorum esse, & periculosum: quippe cum in altero  
 iustitiæ ejus, in altero etiam utilitatis causa versetur.  
 Quam rem unicum pignus fidei regiæ dexteram se  
 credendam Alexandro dare. Posthac porrectâ manu *Ea enim fidei*  
 spiravit. Quæ ubi Alexandro nuntiata sunt, viso cor- *sacra est.*  
 pore defuncti, tam indignam illo fastigio mortem la- *Plin. l. II.*  
 ymis profecutus est, corpusq; regio more sepeliri, &  
 reliquias ejus majorum tumulis inferri jussit.

## JUSTINI LIBER XII.

**A**lexander in persequendo Dario, annos milites  
 magnis funerum impensis extulit, reliquis expe-  
 ditionis ejus sociis 15. millia talentorum divisit.  
 quorum major pars æstu amissa, inutilisq; etiam, qui  
 persuerant, facti. Pecunia omnis 154. millia talento-  
 rum ex victoria nuper congesta, eiq; Parmenio præfi-  
 tur. Dum hæc aguntur, epistolæ Antipatris à Mace-  
 donia redduntur, quibus bellum Agidis regis Sparta-  
 rum in Græcia, Alexandri regis Epiri in Italia, bel-  
 li Zopyrionis præfectus ejus in Scythia contineba-  
 tur. Quibus variè affectus, plus tamen lætitiæ cogni-  
 tionibus duorum æmulatorum regum, quam doloris *Motus &*  
 missi cum Zopyrione exercitus suscepit. Namq; post *bellum in Ma-*  
 cædoniam Alexandri, Græcia ferme omnis in occa- *cedonia.*  
 sionem recuperandæ libertatis ad arma concurrerat,  
 tyrannidem Lacedæmoniorum sequuta, qui Philippi,  
 alexandrique pacem soli spreverant, & leges respue-  
 rant. Dux hujus belli Agis, rex Lacedæmoniorum fu-  
 erat, quem motum Antipater contractis militibus, in

\* *Cecidere*  
*Lacedæmoni-*  
*orum V. M.*  
*CCCLX.*  
*Macedonum*  
*CCC, Curt.*  
*lib. 6.*

*Brundisium*  
*conditum ab*  
*Ætoli.*

ipso ortu oppressit, \* magna tamen utrinque; cædes fuit. Agis rex cum suos terga dantes videret, dimissis satellitibus, ut Alexandro si non felicitate par, virtute non inferior videretur, tantas strages hostium edidit, ut agmina interdum fugaret. Ad extremum etsi à multitudine victus, gloria tamen omnes vicit. Porro Alexander rex Epiri, in Italiam à Tarentinis, auxilia adversus Brutios deprecantibus, sollicitatus, ita cupide profectus fuerat, ut in divisione orbis terrarum, Alexander Olympiadis sororis suæ filio, Oriens, & sibi Occidens forte contigisset: non minorem rerum materiam in Italia, Africa, Siciliâque; quàm ille in Asia, & in Persis habiturus. Huc accedebat, ut sicut Alexandro magno Delphica oracula insidias in Macedonia, ita huius responsum Dodonæ Jovis urbem Pandosiam, aminemque Acherusium prædixerant. Quæ utraq; cum in Epiro essent, ignarus eadem & in Italia esse, ad declinanda fatorum pericula peregrinam militiam, cupidius elegerat. Igitur cum in Italiam venisset, primum bellum cum Appulis fuit: quorum cognito urbis fato, brevi post tempore pacem & amicitiam cum rege eorum fecit. Erat namque tunc temporis urbs Appulorum Brundisium, quam Ætoli, secuti famam rerum in Troia gestarum clarissimum ac nobilissimum ducem Diomedem, condiderant. Sed pulsi ab Appulis consulentes oracula, responsum acceperant, locum quem reperissent, perpetuo possessuros. Hac igitur ex causa, per legatos sub belli comminatione, restitui sibi ab Appulis urbem postulaverant. Sed ubi Appulis oraculum innouit, interfectos legatos in urbe sepeliunt, perpetui ibi sedem habituros. Atque ita defuncti responso, diu urbem possederunt. Quod cum factum cognovisset Alexander Epiri, antiquitatis fata veneratus, bello Appulorum abstinuit. Gessit & cum Brutiis Lucanisq; bellum, multasque; urbes cepit: tum & cum Metapontinis, ac Rutilis, & Romanis foedus amicitianumque; fecit. Sed Brutiis, Lucanisq; cum auxilia à finitimis contraxissent,

sent, acrius bellum repetivere. Ibi rex juxta urbem Pandosiam & flumen \* Acherusium, non prius fatalis loci cognito nomine, quam occideret, interficitur; Morientique non in patria fuisse sibi periculosam mortem, propter quam patriam fugerat, intellexerit. Corpus ejus Tyrii publicè redemptum, sepultura tradiderunt. Dum hæc aguntur in Italia, Zopyrion quoque præfectus Ponti ab Alexandro Magno relictus \* occisum se ratus, si nihil ipse gessisset, adunato 30. millium militum exercitu, Scythias bellum intulit. Cæsus cum omnibus copiis, pœnas temerè illari belli genti innoxia luit. Hæc cum nuntiata in Parthiam Alexandro essent, simulato mœrore, propter Alexandri cognationem exercitui suo triduo luctum indixit. Omnibus deinde velut Darii morte, perpetrato bello, reditum in patriam expectantibus, conjuges & liberos suos animo jam quodammodo complectentibus, ad concionem exercitum vocat: Ibi nihil actum tot egregiis præliis ait, si incolumis Orientalis barbaries relinqueretur; Nec se corpus, sed regnum Darii petiisse, persequendosque esse eos qui a regno defecerint. Hæc oratione, velut ex integro incitatis militum animis, Hyrcaniam Mardosque subegit. Ibi ei occurrit Thalestris, sive Minothæa Amazonum regina, \* cum 300. millibus mulierum, 25. dierum inter infestissimas gentes itinere confecto, ex rege liberos quaesitura: cujus conspectus, adventusque admirationi fuit, & propter insolitum scæminis habitum, & propter expetitum concubitum. Ob hoc \* 30. diebus otio datis à rege, ut visa est uterum implese, discessit. Post hæc Alexander habitum regum Persarum, & diadema, insolitum antea in regibus Macedonicis, velut in leges eorum quos vinceret, transfret, assumit. Quæ nē invidiosius & in se conspicerentur, amicos quoque suos longam vestem auream purpureamque sumere jubet, ut luxum quoque, sicuti cultum imitaretur Persarum. Inter pellicum regiarum greges electæ pulchritudinis, nobilitatisque, noctium vices dividit. His rebus

\* Acheron. a.  
Livius 1. ab  
urbe cond.

\* Otiosum.

Alexandri  
oratio ad mi-  
lites qua in  
patriam pro-  
fecturus re-  
tinet.

\* Forse 300.  
mulieribus:  
ita enim in  
veterusto co-  
dice legitur.  
\* XIII.

*Conviviorum  
satieta:em  
ludis inter-  
polat. Curi.  
lib. 6.*

ingentes epularum apparatus adjicit, ne jejuna & de-  
structa luxuria videretur. Convivio quoq; juxta re-  
giam magnificentiam ludis exornat: immemor pro-  
fus, tantas opes amitti his moribus, non quæri solere.  
Inter hæc indignatio omnium totis castris erat, illum  
à Philippo patre tantum degeneravisse, ut etiam pa-  
triæ nomen evitaret, morésque Persarum assumeret,  
quos propter tales mores vicerat. Sed nè solus vitia  
eorum quos armis subegerat, succubuisse videretur,  
militibus quoque suis pernisiit, si quarum captivarum  
consuetudine tenerentur, ducere uxores: existimans  
minorem in patriam reditus cupiditatem futurum, ha-  
bentibus in castris imaginem quandam larium, ac do-  
mesticæ sedis, simul & laborem militiæ molliorem fore  
dulcedine uxorum. In supplementa quoque militum,  
minùs exauriri posse Macedoniam, si veteranis patri-  
bus tyrones succederent, militaturi in vallo, in quo  
nati essent: constantioresq; futuri, si non solum tyro-  
cinia, verùm etiam incunabula in ipsis castris posuiss-  
sent: quæ consuetudo in successores quoq; Alexandri  
mansit. Igitur & alimenta pueris statuta, & instrumen-  
ta armorum, equorumque juvenibus data, & patribus  
pro numero filiorum præmia statuta. Si quorum patres  
occidissent, nihilominus pupilli stipendia patrum tra-  
hebant, quorum pueritia inter varias expeditiones  
militiæ erat. Itaq; à parvula ætate periculis laboribusq;  
indurati, invicti exercitus fucere: neque castra aliter,  
quàm patriam, neq; pugnam aliud unquam quàm vi-  
ctoriam duxere. Hæc soboles nomen habuit Epigoni.  
Parthis deinde domitis, præfectus his statuitur ex no-  
bilissimis Persarum Andragoras, unde postea origi-  
nem Parthorum reges habuerunt. Interea Alexander  
non regio, sed hostili odio favire in suos cœpit. Max-  
imè indignabatur, carpi sermonibus suorum; patris  
Philippi, patriæque mores subvertisse. Propter quæ  
crimina, Parmenio quoq; senex, dignitate regi proxi-  
mus, cum Philota filio, de utroque prius quæstionibus  
habitis,

*Andragoras  
à quo reges  
Persarum  
originem du-  
cunt.  
Alexandri  
crudelitas.*

habitis, interficiuntur. Fremere itaq; omnes universis  
castris cœpere, innoxii senis, filiiq; casum miserantes,  
interdum se quoque non debere melius sperare dicen-  
tes. Quæ cùm nuntiata Alexandro essent, verens, nè  
hæc opinio etiam in Macedoniam divulgaretur, & nè  
victoriæ gloria, savitiæ maculâ offuscaretur, simulat se  
ex amicis quosdam in patriam victoriarum nuntios  
misurum. Hortatur milites suis scribere rariorem ha-  
biturâ occasionem, propter militiam remotiorem.  
Datos fasces epistolarum ad se tacitè deferri jubet:  
ex quibus cognito de se singulorum iudicio, in unam  
cohortem eos, qui de rege durius opinati fuerant, con-  
tribuit, aut consumpturus eos, aut in ultimis terris in  
colonis distributurus. Inde Dracas, Energetas, Pary-  
mas, \* Parpamēnos, Hydaspīos, cæterosq; populos,  
qui in radice Caucaſi morabantur, subegit. Interea  
unus ex amicis Darii Bessus, victus perducitur, qui re-  
gem non solum prodiderat, verum etiam interfecerat;  
quem in ultionem perfidiæ, excruciantum fratri Dari-  
um tradidit, reputans non tam hostem suum fuisse Da-  
rium quàm amicum, à quo esset occisus. Et ut his terris  
nomen relinqueret, urbem Alexandriam super amnem  
Tanaim condidit, intra diem septimum decimum muro  
6. milliū passuum consummato, translatis eo trium  
civitatum populis, quas Cyrus condiderat. In Bactria-  
nis quoq; Sogdjanisq; 12. urbes condidit, distributis  
his, quoscunq; in exercitu seditiosos habebat. His ira  
gestis, solemnī die amicos in convivium vocat. Ubi ortâ  
inter ebrios rerum à Philippo gestarum mentione,  
præferre se patri ipse, rerumq; suarum magnitudinem  
extollere cœlo tenus cœpit, assentante maiore convi-  
varum parte. Itaq; cum unus ex senibus Clytus, ductus  
fiduciâ amicitie regie, cuius palmam tenebat, memo-  
riam Philippi tueretur, laudaretq; ejus res gestas, ad e-  
regem offendit, ut telo à satellite rapto, eundem in  
convivio trucidaverit. Quâ cæde exultans, mortuo pa-  
trocinium Philippi, laudemq; paternæ militie objecta-  
bat.

\* Parpamēnos.  
Ex tribus no-  
minibus fra-  
tris. Plut.

De supplicij  
genere quo  
Bessus affe-  
ctus fuit,  
varie auctores  
scribunt.

Clytus ab A-  
lexandro oc-  
ciditur.



*Impotens &  
immoderatus  
in Alexan-  
dro animus.*

bat. Postquam satiatus cæde animus quievit, & in lo- cum iræ successit existimatio, modò personam occisi, modò causam occidendi considerans, pigere eum facti cœpit, qui paternas laudes tam iracundè accepisset, quàm nec convicia debuisset; amicùmq; senem, & innoxium, à se occisum inter epulas & pocula, dolebat. Eodem igitur furore in pœnitentiam, quo pridem in iram versus, mori voluit. Primum in fletus progressus, amplecti mortuum, vulnera tractare, & quasi audienti confiteri dementiam: arreptum telum in se vertit, per- egissetq; facinus, ni amici intervenissent. Mansit hæc voluntas moriendi etiam sequentibus diebus. Accesser- rat enim ad pœnitentiam nutricis suæ & sororis Clyti recordatio, cujus absentis eum maximè pudebat, tam fœdam illi alimentorum suorum mercedem redditam, ut in cujus manibus pueritiam egerat, huic juvenis, & victor pro beneficiis funera remitteret. Reputabat de- inde quantum in exercitu suo, quantum apud gentes devictas fabularum atq; invidiæ, quantum apud cæte- ros amicos metum & odium sui fecerit, quàm amarum & triste reddiderit convivium suum: non armatus in acie, quàm in convivio sedens terribilior. Tunc Parmenio, & Philotas, tunc Amyntas consobrinus, tunc noverca fratresq; interfecti, tunc Attalus, Eurilochus, Pausanias, aliiq; Macedoniæ extincti principes occur- rebant. Ob hæc illi quadriduo perseverata inedia est, donec exercitus universi precibus exoratus est, pre- cantis, nè ita mortem unius doleat, ut universos perdat, quos in ultimam deductos Barbariem, inter in- festas & irritatas gentes bello destituat. Multum pro- fuere & Callisthenis philosophi preces, condiscipulatu apud Aristotelem familiaris illi, & tunc ab ipso rege ad prodenda memoriæ acta ejus acciti. Revocato igitur ad bellum animo, Chorasmos & Dracas in deditio- nem accepit. Deinde quòd primò ex Persico superbiæ regiæ more distulerat, ut omnia pariter invidiosiora essent, non salutari, sed adorari se jubet. Acerrimus in- ter

*Et Anaxar-  
chi, Flu-  
tarcho auto-  
re.*

ter recusantes Callisthenes fuit. Quæ res & illi, & multis principibus Macedonum exirio fuit: siquidem sub specie insidiarum omnes interfecti. Retentus tamen est Macedonibus mos salutandi regis, explosâ adoratione. Post hæc Indiam petit, ut Oceano, ultimôq; Oriente finiret imperium. Cui gloriæ ut etiâ exercitus ornamenta convenirent, phaleras equorum, & arma militum argento inducit, exercitumq; suum, ab argenteis clypeis, Argyraspidas appellavit. Cùm ad Nisam urbem venisset, oppidanis non repugnantibus, fiducia religionis Liberi patris, à quo condita urbs erat, parci iussit: latus non miliciam tantum, verum etiam vestigia se Dei sequuntur. Tunc ad spectaculum sacri montis duxit exercitum, naturalibus bonis, vite, hederâq; vestiti non aliter, quàm si manu cultus, colentiumq; industriâ exornatus esset. Sed exercitus ejus, ubi ad montem accessit, repente in mentis impetu, in sacros Dei ululatus insinctus, cum stupore regis sine noxa discurrit, ut intelligeret, non tam oppidanis parcendo, quàm exercitui suo se consuluisse. Inde montes Dadalos, regnumq; Cleophridis reginæ petit. Quæ, cùm se dedisset ei, ejus concubitu redemptum regnū ab Alexandro recepit: illecebris consecuta, quod armis non potuerat: filiūq; ab eo genitum, Alexandrum nominavit, qui postea regno Indorum potitus est. Cleophris regina, propter prostratam pudicitiam, scortum regium exinde appellata est ab Indis. Peragratâ Indiâ, cum ad saxum miræ magnitudinis & asperitatis, in quod multi populi confugerant, pervenissent, cognoscit Herculem ab expugnatione ejusdem saxi terræ motu prohibitum. Captus itaq; cupidine Herculis acta superare, cum summo labore ac periculo potitus saxo, ejus omnes loci gentes in deditiōem accepit. Unos ex regibus Indorum fuit, Porus nomine, viribus corporis, & animi magnitudine pariter insignis, qui bellum jam pridem, auditâ Alexandri opinione, in adventum ejus parabat. Commisso itaq; prælio, exercitum suum invadere Macedonas jubet, sibi regem eorum privatum hostem

Nisa à Libero  
patre con-  
dita. Quem  
merum in-  
colæ appel-  
lant. Cur-  
l. i. Bac-  
chantes.

Cleophris  
concubitu ab  
Alexandro  
regnum obti-  
nuit.

Statura enim  
fuit quatuor  
cubitum &  
palmi. Au-  
tor. Plu.

stem deposcit. Nec Alexander moram pugnae fecit, sed primâ congressione vulnerato equo, cum præcepit in terram cecidisset, concursu satellitum servatus est. Porus multis vulneribus obrutus capitur. Qui victus se adeo doluit, ut cum veniam ab hoste invenisset, nec cibum sumere voluerit, neque vulnera curari passus sit, ægrèq; sit ab eo obtentum, ut vellet vivere. Quem Alexander ob honorem virtutis incolumem in regnum remisit. Duas igitur urbes condidit: unam Nicæam, alteram ex nomine equi \* Bucephalam vocavit. Inde Andrestas, \* Stathenos, Passidas, Gangaritas, cæsis eorum exercitibus, expugnat. Cum ad Cuphites venisset, ubi eum cum 200. millibus hostiū equitū operiebatur, omnis exercitus non minus victoriarum numero quam laboribus fessus, lacrymis eum deprecatur, ut finem tandē bellī faceret, aliquando patriæ, reditūsq; meminisset: respiceret militum annos, quibus vix ætas ad reditum sufficeret: ostendere alius canitiem, alius vulnera, alius ætate consumpta corpora, alius cicatricibus exhausta. Solos se esse qui duorum regum Philippi Alexandriq; continuā militiam pertulerint. Tandem orare, ut reliquias saltē suas paternis sepulchris reddat, quorum non studiis deficitur, sed annis. Ac si non militibus, vel ipse sibi parcat, nē fortunam suam nimis onerando fatiget. Motus his tam justis precibus, velut in finem victoriæ, castra solito magnificentiora fieri iussit, quorum molitionibus & hostis terreretur, & posteris admiratio sui relinqueretur. Nullum opus milites latius fecere. Itaq; cæsis hostibus cum gratulatione in eadem reverterunt. Inde Alexander ad amnem Acefinem pergit: per hunc ad Oceanum devehitur: Ibi Gessonas, Asibósque, quos Hercules condidit, in deditionem accepit. Hinc ad Ambros & \* Sycamibros navigat. Quæ gentes cum armatis 83. millibus peditum, & 60. millibus equitum excipiunt. Cum prælio victor esset, ad \* urbem eorum exercitum ducit. Quam desertam à defensoribus cum de muro, quem primus ceperat, animadvertisset, in urbis planitiem sine

\* Bucephalam.  
Iam.  
\* Sycamibros.  
nos.

\* Sabercæ.  
Apud Maños  
hanc pugnam  
factam, Plut.  
scribit, qui  
sunt Indo-  
rum pugna-  
cissimi.

\* Urbs Oxi-  
dicarum fuit.  
Cur. lib. xi.

ne ullo satellite defiliit. Itaq; cū eum hostes solum  
 conspexissent, clamore edito, undiq; concurrunt, si pos-  
 unt in uno capite urbis bella finire, & ultionem tot  
 gentibus dare. Nec minus Alexander constanter resti-  
 tit, & unus adversus tot millia præliatur. Incredibile  
 dictu est, ut eum non multitudo hostium, non magna  
 elorum vis, non tantus lacessentium clamor terruerit,  
 solus tot millia caderet ac fugaret. Ubi verò se obrui  
 multitudine vidit, trunco se, qui prope murum stabat,  
 applicuit: cuius auxilio tutus, cū diu agmen susti-  
 nuisset, tandem cognito periculo, ejus amici ad eum de-  
 silunt. Ex quibus multi cæsi: præliumq; tamdiu anceps  
 fuit, quoad omnis exercitus, muris dejectis in auxilium  
 veniret. In eo prælio sagittâ sub \* mamma trajectus,  
 cū sanguinis fluxu deficeret, genu posito tamdiu præ-  
 liatus est, donec eum à quo vulneratus fuerat, occide-  
 ret. Curatio vulneris gravior ipso vulnere fuit. Itaq;  
 ex magna desperatione tandem salutis redditus. Poly-  
 perchonta cum exercitu Babyloniam mittit, ipse cum  
 lectissima manu naves conscendit, & Oceani littora  
 peragrat. Cū venisset ad urbem Ambigeri regis, oppi-  
 dani invictum ferro audientes, sagittas veneno ar-  
 mant: atque ita gemino mortis vulnere hostem à muris  
 summoventes, plurimos interficiunt. Cū inter multos  
 letaliter vulneratus esset Ptolomæus, moriturusque jam  
 videretur, per quietem regi monstrata in remedia ve-  
 neni herba est: quâ in potu acceptâ, statim periculo est  
 liberatus, majorq; pars exercitus hoc remedio servata.  
 Expugnatâ deinde urbe, reversus in naves Oceano li-  
 bamenta dedit, prosperum in patriam reditum preca-  
 tus, ac veluti curru circa metam acto: positis imperii  
 terminis, quatenus aut terrarum solitudines prodire  
 passæ sunt; aut mare navigabile fuit, secundo astu ostio  
 fluminis Indi invehitur. Ibi in monumenta rerum à se  
 gestarum urbem Barcen condidit, arâsq; statuit, relicto  
 ex numero amicorum, littoralibus Indis præfecto. In-  
 de iter terrestre facturus, cum arida loca medii itineris

*Sagitta fuit  
 duorum cu-  
 bitorum 2.  
 C. r.  
 \* Dextra.*

*Sanguineis  
 regi conjun-  
 ctus erat.  
 Cur.*

*Barce. concii-  
 tur.*

dice-

dicerentur, puteos opportunis locis fieri præcepit. Quibus ingenti dulci aqua inventa, Babyloniam redit. Illi multæ divitiæ gentes, præfectos suos accusaverunt, quos sine respectu amicitiae, Alexander in conspectu legatorum necari iussit. Post hæc Darii regis filiam, Statyram, in matrimonium recepit: sed optimatibus Macedonum lectas ex omnibus gentibus nobilissimas virgines tradidit, ut communi facto crimen regis levaretur. Tunc ad concionem exercitum vocat, & promittit se æs alienum omnium propria impensa soluturum, ut prædam præmiâq; integre domum ferant. Insignis hæc munificencia non summa tantum, verum etiam titulo muneris fuit; nec à debitoribus magis, quam à creditoribus gratius accepta, quoniam utriusq; exactio pariter ac solutio difficilis erat, 23. millia talentorum in hos sumptus expensa. Dimissis \* veteranis, exercitum ex junioribus supplet. Sed retenti, veteranorum discesum ægrè ferentes, missionem & ipsi flagitabant, nec annos sed stipendia sua numerari jubebant: pariter in militia lectos, pariter sacramento solvi æquum censentes: nec jam precibus, sed convitio agebant, jubentes eum solū cum paret suo Hammone finire bella, ut milites suos satisficiat. Contrà ille nunc castigare milites, nunc lenibus verbis monere, nè gloriosam militiam seditionibus infusarent. Ad postremum cum nihil proficeret verbis, ad cotripiendos seditionis autores, è tribunali in concionem armatam inermis ipse defiliit, & nemine prohibente XIII. correptos, manu suâ ipse ad supplicia duxit: tantam vel illis moriendi patientiam metus regis, vel huic exigendi supplicia constantiam disciplina militaris dabat. Inde separatim auxilia Persarum in concionem alloquitur. Laudat perpetuam illorum tutam in se, tum in pristinos reges fidem: sua in illos beneficia memorat, ut nunquam quasi victos, sed veluti victoriæ socios habuerit. Deinde se in illorum, non illos in gentis suæ morem transisse, affinitatibus connubiorum victos victoribus commiscuisse. Nunc quoque ait custodiam

*Susis nuptiae  
celebrantur.  
Plutarchus.*

*Novem mil-  
lium octin-  
gentorum ac  
septuaginta  
talentorum  
summam.  
Plutarchus.  
\* Quorum  
erant trigin-  
ta millia.*

*Alexandri  
audax faci-  
ens.*

*Oratio Alex-  
andri ad  
Persarum mili-  
tes.*

diam corporis sui non Macedonibus tantum se, verum etiam illis crediturum. Atque ita mille ex his juvenes in numerum satellitum legit: auxiliorum quoque portionem armatam in disciplinam Macedonum exercitui suo miscet. Quam rem ægre Macedones tulerunt, iactantes hostes suos in officium suum à rege subactos. Tunc universi flentes, regem adeunt, orant, ut supplicis suis potius saturet se, quam contumeliis. Quam modestiâ obtinuerunt, ut 11. millia militum veteranorum exautoraret. Sed ex amicis dimissi senes Poliperchon, Clytus, Gorgias, Polydamas, Antigonus. Dimissis his, Craterus præponitur, jussus præesse Macedonibus in Antipatri locum; Antipatrumque cum supplemento tyronum, in locum ejus vocat: stipendia revertentibus, veluti militantibus, data. Cùm hæc aguntur, unus ex amicis ejus Ephestion decedit, dotibus primò formæ pueritiæque, mox obsequiis regi percharus. Quem contra decus regium, Alexander diu luxit, tumulûmque ei 12. millia talentorum fecit, eumque post mortem coli ut deum jussit. Ab ultimis littoribus Oceani Babyloniam revertenti, nuntiantur legationes Carthaginensium, cæterarumque Africæ civitatum; sed & Hispaniarum, Siliciæ, Galliæ, Sardinia, nonnullas quoque ex Italia, ejus adventum Babyloniam operiri. Adeo universum terrarum orbem nominis ejus terror invaserat, ut cunctæ gentes veluti destinato sibi regi adularentur. Hac igitur ex causa Babyloniam festinanti, velut conventum terrarum orbis acturo, quidam ex Magis prædixit, nè urbem introiret, testatus hunc locum ei fatalem fore. Ob hoc omisâ Babyloniam, in Byrsiam urbem trans Euphratem, desertam olim, concessit. Ibi ab Anaxarcho philosopho compulsus est rursus Magorum prædicta contemnere ut falsa, ut incerta: & si satis consent, ignota mortalibus, ac si naturæ debeantur, immutabilia. Reversus igitur Babyloniam, multis diebus otio deditis, intermisit non solum convivium solenniter instituit, totusque in lætitiâ fusus,

*Per eum res  
sponsa Bar-  
baris data:*

*Plur. decem,  
millia habet.*

*Epiphonema.*

*Mago.*

*Pythagoræ  
nomen fuit.  
Plur.*



\* *Medius.*  
*Ferunt hoc*  
*venenum, gi-*  
*lidissimam*  
*aquam fr-*  
*isse ex Nora-*  
*cria petra*  
*sudan'em.*  
*Plut. Cujus*  
*Stygos hyder.*  
*Antipa'er*  
*insidiarum*  
*au'or.*  
 \* *Lincestem.*

*Veneri vis.*

*Exemplum*  
*constantiae.*

fusus, cum diei noctem coniunxisset pervigilem, jam à convivio \* medicus Theſſalus inſtauratâ conmeſſatione, & ipſum & ſodales ejus invirat. Accepto poculo, mediâ portione repente veluti telo Alexander confixus, ingemuit : elatûſq; è convivio ſemianimis, tanto dolore cruciatus eſt, ut ferrum in remedia poſceret, tactûmque hominum velut vulnera indoleſceret. Amici cauſam morbi, intemperiem ebrietatis diſſeminaverunt. Re autem verâ inſidiæ fuerunt, quarum infamiam ſuccellorum potentia oppreſſit. Autor inſidiarum Antipater fuit, qui cûm chariſſimos amicos ejus interfectos videret, Alexandrum generum ſuum \* Lynciſtarum occiſum, ſe magnis rebus in Græcia geſtis non tam gratum apud regem, quam invidioſum eſſe, à matre quoq; ejus Olympiade variis ſe criminationibus vexatum. Huc accedebant ante paucos dies, ſupplicia in præfectos devictarum nationum crudeliter habita. Ex quibus rebus ſe quoque à Macedonia non ad ſocietatem militiæ, ſed ad poenam evocatum arbitrabatur. Igitur ad occupandum regem, Caſiandrum filium dato veneno ſubornat, qui cum fratribus Philippo & Jolla miniſtrare regi ſolebat : cujus veneni tanta vis fuit, ut non ære, non ferro, non teſta contineretur, nec aliter ferri, niſi in ungula equi potuerit: præmonito filio, nè aliis quàm Theſſalo, & fratribus crederet. Hac igitur ex cauſa apud Theſſalum paratum, repetitûmq; convivium eſt. Philippus & Jollas præguſtare porum regis ſoliti, in aqua frigida venenum habuerunt, quam præguſtatam jam portioni ſupermiſerunt. Quarto die Alexander indubitatam mortem ſentiens, agnoſcere ſe fatum domûs majorum ſuorum ait ; Nam pleroſq; Aæcidarum intra trigefimum annum deſunctos. Tumultuantes deinde milites, inſidiis perire regem ſuſpicantes, ipſe ſedavit : eoſq; omnes cûm prolatus in editiſſimum urbis locum eſſet, ad conſpectum ſuum admiſit, oſculandâmq; dextram ſuam flentibus porrexir. Cûm lacrymarent omnes, ipſe non ſine lacrymis tantûm,

rum, verum etiam sine ullo tristioris mentis argumento  
 fuit, ut quosdam impatientius dolentes consolatus sit;  
 Quibusdam mandata ad parentes eorum dedit; adeo  
 sicut in hostem, ita & in mortem invictus animus fuit.  
 Dimissis militibus, amicos circumstantes percontatur,  
 videantur ne similem sibi reperturi regem? Tacentibus  
 cunctis, tunc ipse, ut hoc nesciat, ita illud scire, vaticini-  
 que se, ac penè oculis videre dixit, quantum sit in  
 hoc certamine sanguinis fusura Macedonia, quantisque  
 cadibus, quo cruore, mortuo sibi parentatura. Ad po-  
 stremum, corpus suum in Hammonis templo condi ju-  
 bet. Cum deficere eum amici viderent, quærunt quem  
 imperii faciat hæredem: Respondet *Dignissimum*. Tan-  
 ta illi magnitudo animi fuit, ut cum Herculem filium,  
 cum fratrem Arideum, & cum Roxanem uxorem præ-  
 gnantem relinqueret, oblitus necessitudinum, dignissi-  
 mum nuncuparet hæredem. Prorsus quasi nefas esset  
 viro forti alium quàm virum fortem succedere, aut tanti  
 regni opes aliis quàm probatis relinquere. Hac voce ve-  
 luti bellicum inter amicos cecinisset, aut malum dis-  
 cordiæ misisset, ita omnes in æmulationem consurgunt,  
 & ambitione vulgi tacitum favorem militum quæ-  
 runt. Sextâ die præclusâ voce, exemptum digito annu-  
 tum Perdiciæ tradidit: quæ res gliscentem amicorum  
 dissensionem sedavit. Nam etsi non voce nuncupatus  
 hæres, indicio tamen electus esse videbatur. Decessit  
 Alexander, mensem unum, annos tres & triginta natus,  
 vir supra humanâ potentiam magnitudinis animi præ-  
 ditus. Quâ nocte eum mater Olympias concepit, visâ  
 per quietem est cum ingenti serpente volutari: nec  
 Dei decepta somnio est. Nam profectò majus humanâ  
 mortalitate opus utero tulit: quam cum Æacidarum  
 gens ab ultima seculorum memoria, & regnum patris,  
 patris, mariri, ac deinceps majorum omnium illustrave-  
 rit: nullius tamen nomine, quàm filii, clarius fuit. Pro-  
 digia magnitudinis ejus in ipso ortu nonnulla appa-  
 runt. Nam eâ die quâ natus est, duæ aquilæ totâ die præ-

*quem hæres  
 de n institue-  
 rit Alex.*

*Esiphom natus*

*Alexandri  
 etas 33. reg-  
 navit an. 11.  
 mensibus 6*

*Aristoteles  
Alexandri  
præceptor.*

petes supra culinen domus patris ejus sederunt, omen duplicis imperii Europæ, Asiæq; præferentes; eâdemq; die nuntium pater ejus duarum victoriarum accepit, alterius belli Illyrici, alterius certaminis Olympiaci, in quod quadrigarum currus miserat: quod omnes universarum terrarum victorias infanti portendebat. Puer acerrimis literarum studiis eruditus fuit. Exactâ pueritiâ per quinquennium sub Aristotele, doctore inclyto omnium Philosophorum, crevit. Accepto deinde imperio, regem se terrarum omnium, ac mundi appellari iussit, tantâmq; fiduciam suis militibus fecit, ut illo præsentem nullius hostis arma, nec inermes timuerint. Itaq; cum nullo hostium unquam congressus est quem non vicerit: nullam urbem obsedit, quam non expugnaverit: nullam gentem adiit, quam non calcaverit. Victus deniq; est ad postremum non virtute hostili, sed infidiis suorum, & fraude civili.

## JUSTINI LIBER XIII.

*Luctus præ-  
ter Alexan-  
dri.*

*Inedia mor-  
tuam, quin-  
to postea-  
quam mori  
statueret die.  
Quint. Cur.  
10.*

**E**Xtincto in ipso ætatis ac victoriarum flore, Alexandro Magno, triste apud omnes, totâmq; Babyloniam silentium fuit. Sed nec devictæ gentes fidem nuntio habuere, quod ut invictum regem sic immortalem eum crediderant: recordantes quoties præsentem morti ereptus esset, quam sæpe ferro amisso repente se non sospitem tantum suis, verum etiam victorem obulisset. Ut verò mortis ejus fides adfuit, omnes barbaræ gentes paulo antè ab eo devictæ, non ut hostem eum, sed ut parentem luxerunt. Mater quoque Darii regis, quam amisso filio à fastigio tantæ majestatis in captivitatem redactam, indulgentiâ victoris in eam diem vitæ non poenituerat, audita morte Alexandri, mortem sibi ipsa conscivit: non quod hostem filium præferret, sed quod pietatem filii in eo, quem ut hostem timuerat, experta esset. Contra Macedones versâ vice-

non ut civem, ac tantæ majestatis regem, verum ut hostem amisissent, gaudebant, severitatem nimiam & asidua belli pericula execrantes. Huc accedebat, quod principes regnum & imperia, vulgus militum thesauros & grande pondus auri, velut inopinatam prædam spectabant: illi successionem regni, hi opum, ac divitiarum hæreditatem cogitantes. Erant enim in thesauris 300. millia talenta, & in annuo vestigali tributo 300. millia. Sed nec amici Alexandri frustra regnum expectabant. Nami ejus virtutis erant, ac venerationis, ut singulos reges putares: quippe ea formæ pulchritudo, & proceritas corporis, & virium ac sapientiæ magnitudo in omnibus fuit, ut qui eos ignoraret, non ex una gente, sed ex toto terrarum orbe electos judicaret; neque enim unquam antea Macedonia, vel ulla gens tam clarorum virorum proventu floruit: quos primum Philippus, mox Alexander tantâ curâ legerat, non tam ad societatem belli, quàm in successionem regni, electi viderentur. Quis igitur miretur, talibus ministris, orbem terrarum victum, cum exercitus Macedonum à tot, non ducibus, sed regibus regeretur, qui nunquam sibi reperissent, multosque Macedonia pro uno Alexandros habuisset, nisi fortuna eos ex æmulatione virtutis in perniciem mutuam armasset? Quæ cum occiso Alexandro, non ut lati, ita & securi fore, omnibus in unum locum competentibus; nec minus milites inter se timebant, quorum & libertas incertior, & favor incertus erat. Inter ipsos verò æqualis discordiam augebat, nemine tantum ceteros excedente, ut ei aliquis summitteretur. Armati itaque in regia cœunt ad formandum rerum præsentium statum, quæ censebat Roxanis expectari partum, quæ exacto mense octavo matura jam ex Alexandro erat, & si puer peperisset, hunc dari successorem patri. Meleager præter differenda in partus dubios consilia, nec esse exspectandum dum reges sibi nascerentur, cum jam genitis liceret; seu si puer illis placeat, esse Pergami filium

*Nec mirum, tales enim plerumque sunt cives, quales principes existunt. Cic.*

*Epiphonema.*

*Hercules A-  
lexandri fi-  
lius.*

\* Res pat.

*Infesti hi  
Perdicæ sue-  
rant. Curi.*

*Seditio inter  
equites.*

*Perdicæ  
constantia.*

Alexandri, natum ex Arsine, nomine Herculem; se-  
mallent juvenem esse, esse in castris fratrem Alexan-  
dri Arideum comitem, & cunctis, non suo tantum, ve-  
rùm patris Philippi nomine acceptissimum. Cæterum  
Roxanem esse originis Persicæ, nec esse fas, ut Mace-  
donibus ex sanguine eorum, quorum regna deleverint  
reges constituentur: quod nec ipsum Alexandrum vo-  
luisse dicit. Denique morientem nullam de eo mentio-  
nem fecisse. Ptolomæus recusat regem Arideum, ne  
propter maternas modò sordes, quòd ex Larissa  
scorto nasceretur, sed etiam propter invaliditatem  
majorem, quam \* patiebatur, ne ille nomen regis, al-  
ius imperium teneret: & melius esse ex his legi, qui pro  
virtute regi suo proximi fuerint, qui provincias regant  
quibus bella mandentur, quàm sub persona regis in-  
dignorum subjiciantur imperio. Vicit Perdicæ sente-  
tia ex consensu universorum. Placuit itaque Roxanem  
expectare partum, & etsi puer natus fuisset, tutores Le-  
onatum & Perdicam, Crateron & Antipatrum consti-  
tuunt, confestimque in tutorum obsequia jurant. Cuius  
equites quoque idem fecissent, pedites indignati ma-  
las sibi conciliorum partes relictas, Arideum Alexan-  
dri fratrem regem appellant; satellitèsq; illi ex tribu  
sua legunt, & nomine Philippi patris vocari jubent.  
Quæ cum nuntiata equitibus essent, legatos ad mis-  
gandum eorum animos, duos ex proceribus Attalum  
& Meleagrum mittunt, qui potentiam ex vulgi adul-  
tione quærentes, omisâ legatione militibus consen-  
sunt. Statim & seditio crevit, ubi caput & consilium  
habere cœpit. Tunc ad delendum equitatum cunctia  
mati in regiam irrumpunt, quo cognito equites ter-  
pidi ab urbe discedunt, castrisq; positis, & ipsi pedi-  
terrerj cœperunt. Sed nec procerum inter se odia  
fabant. Attalus ad interficiendum Perdicam duce  
alterius partis mittit: ad quem armatum, & ultrò pro-  
vocantem, cum accedere percussores ausi non fuissent  
tanta constantia Perdicæ fuit, ut ultrò ad pedites ve-  
niret.

m; se  
 alexan  
 ùni, ve  
 eterum  
 t Maced  
 verim  
 um vo  
 nentio  
 a, na  
 ariffa  
 udine  
 gis, al  
 qui p  
 regan  
 regis i  
 sente  
 Roxan  
 ores L  
 confu  
 t. Cui  
 ati m  
 Alexan  
 ex trib  
 jubet  
 d mis  
 Attalus  
 i adul  
 onfens  
 onfiliu  
 ncia  
 ites m  
 pedin  
 dia  
 duc  
 rò p  
 fuille  
 lites  
 nire

airet, & in concionem evocatos edoceret, quod facinus  
 molirentur, respicerent contra quos arma sumpfissent;  
 non illos Persas, sed Macedonas, non hostes, sed cives  
 esse, plerosq; etiam cognatos eorum, certè & commili-  
 ones eorundem castrorum, & periculorum socios;  
 edituros deinde egregium hostibus suis spectaculum, ut  
 eorum armis victos se doleant, eorum mutuis cædibus  
 gaudeant, parentaturósq; sanguine suo manibus hosti-  
 um à se interfectorum. Hæc cum pro singulari facun-  
 dia sua Perdica perorasset, adeò movit pedites, ut pro-  
 nato consilio ejus, dux ab omnibus legeretur. Tum eti-  
 am equites in concordiam revocati, in Arideum, regem  
 consentiunt. Servata est portio regni Alexandri filio,  
 natus esset. Hoc agebant, positò in medio corpore  
 Alexandri, ut majestas ejus testis decretorum esset. His  
 itaque compositis, Macedonia & Græciæ Antipater  
 præponitur. Regiæ pecuniæ custodia Cratero traditur.  
 Castrorum exercitus, & rerum cura Meleagro & Per-  
 dicæ assignatur; jubeturq; Arideus corpus Alexandri  
 in Hammonis templum deducere. Tunc Perdica in-  
 sensus seditionis autoribus repentè, ignaro collega, lu-  
 rationem castrorum propter mortem regis in poste-  
 am edicit. Postquam armatum exercitum in campo  
 constituit, consentientibus universis evocatos duntaxat  
 de singulis manipulis seditiosos, supplicio tradi occultè  
 jubet. Reversus deinde inter principes provincias di-  
 vidit, simul ut removeret æmulos, & munus imperii be-  
 neficii sui faceret. Primò, Ptolomæo Ægyptus & Afri-  
 cæ, Arabiæq; pars sorte venit, quem ex gregario milite  
 alexander virtutis causâ provexerat: cui ad traden-  
 dam provinciam Cleomenes, qui Alexandriam ædifi-  
 caverat, datur. Confinem huic provinciæ Syriam La-  
 medon Mitylæneus, Ciliciam Philotas cum filia, &  
 Lycios recipiunt. Mediæ majori Acropatus, minori  
 Alceta frater Perdicæ præponitur. Susiana gens Scyno,  
 Phrygia major Antigono Philippi filio, assignatur. Ly-  
 ciam, & Pamphyliam Nearchus, Cariam Cassander,

*Arideum  
 communi  
 consensu rex  
 constituitur.  
 Lustrabantur  
 milites cane  
 discissa, &  
 ab utraq;  
 projecta.  
 Curi.*

*300. fere  
 sunt suppli-  
 cio affecti.  
 Curi.*

*Lt. Phæni-  
 cem.*



*Qua Helle-  
sponta ad-  
iuncta est.*

Lydiam Menander fortiuntur. Leonato minor Phrygia evenit; Thracia, & regionis Pontici maris Lyt-  
macho. Cappadocia cum Paphlagonia Eumeni datur.  
Summus Castrorum tribunatus Seleuco Antiochi filio  
cessit. Stipatoribus regis, satellitibusque, Cassander fi-  
lius Antipatri praeficitur. In Bactriana ulteriores, & In-  
dia regionibus, priores praefecti detenti. Sed res inter  
amnes duos Hydaspem & Indum, Traxilles habebat.  
In colonias in Indiis conditas, Phyton Agenoris filius  
mittunt. Parapomenos fines Caucaſi montis Axia-  
ches accepit, Dracas & Argæos Statonor, Bactrianos  
Amyntas fortitur, Sogdianos Scythæus, Nicanor Par-  
thos, Philippus Hyrcanos, Phratapharnes Armenios,  
Neoptolemus Persas, Peucestes Babylonios, Artabazus  
Pelasgos, Archefilaus Mesopotamiam adepti sunt. Hac  
divisio, cum veluti fatale munus singulis contigisset,  
ita magna incrementorum materia plurimis fuit. Si-  
quidem non magno post tempore, quasi regna, non  
praefecturas divisissent, sic reges ex praefectis facti,  
magnas opes non sibi tantum paraverunt, verum &  
posteris reliquerunt. Dum hæc in Oriente aguntur, in  
Græcia Athenienses & Aitolii bellum, quod iam vivo  
Alexandro moverant, summis viribus instruebant.  
*Belli causa.* Causæ belli erant, quod reversus ab India Alexander,  
epistolas in Græciam scripserat, quibus omnium civi-  
tatum exules præter cædis damnatos, restituebantur.  
Quæ recitata, præsentem universam Græciam, in mercato  
Olympiaco, magnos motus fecerant, quod plurimum  
non legibus pulsi patriam, sed per factionem principum  
fuerant, verentibus iisdem principibus, ne revocati po-  
tentiores in republica fierent. Palam igitur jam tunc  
multæ civitates libertatem bello vindicandam fremen-  
bant. Principes tamen omnium Athenienses & Aitolii  
fuere. Quod cum nuntiatum esset Alexandro, mille  
naves longas sociis \* imperii præceperat, quibus in  
Occidente bellum gereret, excursurusque cum valida  
manu fuerat ad Athenas delendas. Igitur Athenienses

\* Imperati.

con-

contracto 30. millium militum exercitu, & 200. navibus, bellum cum Antipatro, cui Græcia sorte evenerat geriunt; eumque detrectantem prælium, & Heraclææ urbis mœnibus tuentem se, obsidione cinxerunt. Eodem tempore, Demosthenes, Atheniensis orator, pulsus patriâ, ob crimen accepti ab Harpalo auri, qui crudelitatem Alexandri fugerat, quod civitatem in ejusdem Alexandri bellum impelleret, fortè Megarjs exulabat: qui cùm missum ab Atheniensibus Hyperidem legatum cognovit, qui Peloponnesenses in societatem armorum sollicitaret, sequutus eum, Sicyona, Argos & Corinthum, ceterasque civitates, eloquentiâ suâ, Atheniensibus junxit. Ob quod factum, missâ ab Atheniensibus obviam navi, ab exilio revocatur. Interim in obsidione Antipatri, Leosthenes, dux Atheniensium telo è muris in transeuntem jacto, occiditur. Quæ res tantum animorum Antipatro dedit, ut etiam vallum rescindere auderet: auxilium deinde à Leonato petit per legatos: qui cùm venire nuntiaretur cum exercitu, obvii ei Athenienses cum instructis copiis fuere, ibique equestri prælio, gravi vulnere ictus, extinguitur. Antipater, etsi auxilia sua videret devicta, morte tamen Leonati lætatus est; quippe & æmulum sublatum, & vires ejus accessisse sibi gratulabatur. Statim igitur exercitu ejus recepto, cum par hostibus etiam prælio videretur, solutus obsidione, in Macedoniam concessit. Græcorum quoque copiarum, à finibus Græciæ hoste pulso, in urbes dilapsæ sunt. Interea Perdica, bello innoxio Ariarathi, regi Cappadocum illato, prælioque victor, nihil præmij præter vulnera & pericula retulit. Quippe hostes ab acie in urbem recepit, occisis conjugibus, & liberis, domos quisque suas cum omnibus copiis incendunt. Eodem congestis etiam opibus, semetipsos præcipitant, ut nihil hostis victor suarum rerum, præter incendij spectaculo, frueretur. Inde, ut viribus auctoritatem regiam acquireret, ad nuptias Cleopatrarum, sororis Alexandri Magni, & alterius Alexandri quondam uxoris,

*Bellum Atheniensium cum Antipatro.*

*Factum est in obsidione Lamiarum. Plut. in Demost.*

*Leonatus ab Atheniensibus occiditur.*

*Exemplum miserabilis exiit: Regis Epiri, qui in Italia occubuerat.*

*Principum  
Alexandri  
inter se bell.*

non aspernante Olympiade matre ejus intendit: sed prius Antipatrum sub affinitatis obtentu capere cupiebat. Itaq; fingit se in matrimonium filium ejus petere, quò facilius ab eo supplementum tyronum ex Macedonia obtineret. Quem dolum præsentiēte Antipatro, dum duas eodem tempore uxores quærit, neutram obtinuit. Post hæc bellum inter Antigonum & Perdicam oritur. Antigono Craterus & Antipater auxilium ferebant, qui factâ cum Atheniensibus pace, Polyperchonta Græciæ & Macedonia præponunt. Perdica alienatis rebus, Arideum & Alexandri magni filium in Cappadociam, quorum cura illi mandata fuerat, de summa belli in consilium adhibet. Quibusdam placebat bellum in Macedoniam transferri, ad ipsum fontem & caput regni, ubi & Olympias esset mater Alexandri, non mediocre momentū partium, & civium favor, propter Alexandri, Philippiq; nomina; sed in rem visum est ab Ægypto incipere, ne in Macedoniam profectis, Asia à Ptolomæo occuparetur. Eumeni, præter provincias quas acceperat, Paphlagonia & Caria & Lycia & Phrygia adjiciuntur. Ibi Craterum & Antipatrum operiri jubetur. Adjutores ei dantur cum exercitibus suis frater Perdica Alcetas, & Neoptolemus. Clyto cura classis traditur: Cilicia Philotæ adempta Philoxeno datur: ipse Perdica Ægyptum cum ingenti exercitu petit. Sic Macedonia, in duas partes discurrentibus ducibus, in sua viscera armatur, ferrumq; ab hostili bello in civilem sanguinem vertit, exemplo furentium manus ac membra sua ipsa cæsura. Sed Ptolomæus in Ægypto solerti industriâ, magnas opes parabat. Quippe & Ægyptios insigni moderatione in favorem sui sollicitaverat, & reges finitimos beneficiis obsequiisq; devinxerat: terminos quoque imperii, acquisitâ Cyrene urbe, ampliaverat, factusq; jam tantus erat, ut non tam timeret hostes, quàm tinendus ipse hostibus esset. Cyrene autem condita fuit ab Aristeo, cui nomen Battos propter linguæ obligationem fuit. Hujus pater Cyrenus,

*Ptolomæi  
opes & moderatio.*

*Cyrene à quo  
condita.*

nus,

nus, rex \* Theramenis insulæ, cum ad oraculum Del-  
 phos, propter dedecus adolescentis filii nondum lo-  
 quentis, deum deprecaturus venisset, responsum acce-  
 pit, quo jubebatur filius ejus Battus Africam petere &  
 urbem Cyrenen condere, usum linguæ ibi accepturus.  
 Cum responsum ludibrio simile videretur, propter si-  
 militudinem Theramenis insulæ, ex qua coloni urbem  
 condendam in Africam tam longinquæ regionis pro-  
 ficisci jubebantur, res omiſſa est; interjecto deinde tem-  
 pore, velut contumaces, ex pestilentia Deo parère com-  
 pelluntur: quorum tam insignis paucitas fuit, ut vix  
 unam navem complerent. Cum venissent in Africam,  
 pulsus accolis, montem Cyram, & propter amœnitatem  
 loci, & propter fontis ubertatem occupavere; ibi Battus  
 dux eorum, linguæ nodis solutis, loqui primùm cœpit,  
 quæ res animos eorum ex promissis Dei jam parte per-  
 ceptâ, in reliquam spem condendæ urbis accendit. Po-  
 sitis igitur castris, opinionem veteris fabulæ accipiunt,  
 Cyrenem eximæ pulchritudinis virginem, à Theſſaliæ  
 monte Pelia ab Apolline captam, perlatâque in ejus-  
 dem montis juga, cujus collem occupaverant, à Deo re-  
 pletam, quatuor pueros peperisse; Nomium, Aristeum,  
 Sutocū, Ageum, missos à Patre Hypseo rege Theſſaliæ,  
 qui perquirerent virginem, loci amœnitate captos in  
 iisdem terris cum virgine resedisse. Ex his pueris tres  
 adultos in Theſſaliam reſerſos avita regna cepisse. A-  
 risteum in Arcadia late regnaſſe, eūque primùm &  
 apum & mellis usum, & lactis & coaguli hominibus tra-  
 didisse, solstitialiſq; ortus & syderum primùm invenisse.  
 Quibus auditis, Battus virginis nomine ex responſo  
 agniti, urbem Cyrenen condidit. Igitur Ptolomæus  
 hujus urbis auctus viribus, bellum in adventum Perdi-  
 cæ parabat. Sed Perdicæ plus odium arrogantia, quàm  
 vires hostium nocebant, quem exosi etiam ſocii,  
 ad Antipatrum gregatim confugiebant. Neoptole-  
 mus in auxilium Eumeni relictus, non ſolùm transfu-  
 gere, verùm etiam prodere partium exercitum voluit.

Quam

\* Theta.

Cyrenes fa-  
bula.

Aristei in-  
venia.

Neoptolemi  
perfidia.

\* *Quid si lo-  
gatur transi-  
tionibus.*

*Perdica in  
Ægypto per  
seditionem  
occiditur.*

Quam rem cū præsensisset Eumenes, cum proditore decernere prælio necesse habuit: victusq; Neoptolemus, ad Antipatrum & Polyperchonta profugit, hisq; persuadet, ut continuatis \* mansionibus, læto ex victoria & securo fugā suā, Eumeni superveniant. Sed res Eumenem non latuit. Itaq; insidiæ in insidiatorē versæ; & qui securum aggressuros se putabant, securis itinere & pervigiliā noctis fatigatis occursum est. In eo prælio Polyperchon occiditur. Neoptolemus quoq; cum Eumene congressus, diu mutuis vulneribus acceptis colluctatus est, & in summa victus occumbit. Victor igitur duobus præliis continuis Eumenes, afflictas partes transactione sociorum, paululum sustentavit. Ad postremum tamen Perdica occiso, ab exercitu hostis cum Pythone & Illyrio, & Alceta fratre Perdicae rex appellatur; bellūq; adversus eos Antigono decernitur.

## JUSTINI LIBER XIV.

*Bellum An-  
tigoni regis  
Asiæ primi  
a versus Eu-  
menem.*

\* *Disceden-  
di.*

*Epiphanem.*

**E**umenes ut Perdicam occisum, se ut hostē à Macedonibus judicatū, bellūq; Antigono decretum cognovit, ultrò ea militibus suis indicavit. nē fama aut rem in majus extolleret, aut militum animos rerum novitate terreret; simul ut, an contra se animati essent, cognosceret, sumpturus consiliū ex motu universorum. Constanter tū præfatus est, si cui hæc terrori essent, habere eum \* dicendi potestatem. Quā voce adeò cunctos in studiū partiū suarū induxit, ut ultrò illū omnes hortarentur, rescisurosq; se ferro decreta Macedonū affirmarent. Tunc exercitu in Ætoliā promoto, pecunias civitatibus imperat; recusantes dare hostiliter diripit. Inde Sardis profectus est ad Cleopatram, sororem Alexandri Magni, ut ejus voce centuriones, principalēsq; confirmarentur, existimaturus ibi majestatem regiā verti, unde soror Alexandri staret. Tanta venerario magnitudinis Alexandri erat, ut etiam per vestigia mulierum favor sacrati ejus nominis quæreretur. Cū reversus in castra esset, epistolæ totis castris abjectæ inveniuntur; quibus

quibus iis, qui Eumenis caput ad Antigonum detulissent, magna præmia definiebantur. Iis cognitis Eumenes vocatis ad concionem militibus, primo gratias agit, quod nemo inventus sit, qui spem cruenti præmii fidei sacramento anteponeret: tamen deinde callidè subnectit, confictas à se has epistolas, ad experiendos suorum animos esse. Caterùm salutem suam in omnium potestate esse, nec Antigonum, nec quenquam ducum sic velle vincere, ut ille in se exemplum pessimum statuit. Hoc factò, & in præsentì labantium animos deterruit, & in futurum providet, ut si quid simile accidisset, non se ab hoste corrumpi, sed à duce tentari milites arbitrantur. Omnes igitur operam suam certatim ad custodiam salutis ejus offerunt. Interim Antigonus cum exercitu supervenit, castrisq; positis, posterà die in aciem procedit. Nec Eumenes moram prælio fecit; qui victus in munitum quoddam castellum confugit, ubi cùm videret se fortunam obsidionis subiturum, majorem exercitus partem dimisit, nè aut consensu multitudinis hosti traderetur, aut obsidio ipsa multitudine gravaretur. Legatos deinde ad Antipatrum, qui \* solum par Antigoni viribus videbatur, supplices mittit; à quo cùm auxilia Eumeni missa Antigonus didicisset, ab obsidione recessit. Erat quidem solutus ad tempus metu mortis Eumenes. Sed nec salutis, dimisso exercitu, magna spes erat. Omnia igitur circumspectanti optimum visum est, ad Alexandri Magni Argyraspidas invictum exercitum, & tot victoriarum præfulgentem glorià decurrere. Sed Argyraspides post Alexandrum omnes duces fastidiebant, sordidam militiam sub aliis, post tanti regis memoriam, existimantes. Itaque Eumenes blandimentis agere, singulos suppliciter alloqui, nunc commilitones suos, nunc patronos appellans, periculorum & operum Orientalium socios, nunc refugia salutis suæ, & unica præsidia commemorans, solos esse quorum virtute Oriens sit domitus; solos qui militiam Liberi patris, qui Herculis monumenta superaverint,

*Exemplum  
prudentiæ in  
Eumene.*

*Castellum  
Norman-  
pella: Fluv.*

*\* Solus.*

*Eumenes ad  
Argyraspidas  
oratio.*



raverint, per hos Alexandrum magnum factum, per hos diutinos honores, & immortalem gloriam consecutum; orat ut non tam ducem se, quam commilitonem recipiant, unumque ex corpore suo esse velint. Receptus hac lege, paulatim imperium, primum monendo singulos, mox quæ perperam facta erant, blande corrigendo, usurpat, nihil in castris sine illo agi, nihil administrari sine solertia ejus poterat. Ad postremum cum Antigoni venire cum exercitu esset nuntiatum, compellit eos in aciem descendere. Ibi dum duces imperia contemnunt, hostium virtute superantur. In eo prælio non gloriam tantum tot bellorum, verum etiam conjugibus & liberis præmia longæ militiæ parta, perdiderunt. Sed & Eumenes qui autor cladis erat, nec aliam spem salutis reliquam habebat; victos hortabatur: nam & virtute eos superiores fuisse affirmabat. Quippe ab his quinque millia hostium cæsa, & si in bello perstent, ultrò hostes pacem petituros. Damna se quibus putent victos, duo millia mulierum & paucos infantes & servitia esse, quæ melius vincendo possint reparare, quam deferendo victoriam. Porro Argyraspides neque fugam se tentaturos dicunt, post damna matrimoniorum, & post conjuges amissos, neque bellum gesturos contra liberos suos: ultròque eum convitiis agitant, quod se post tot annos emeritorum stipendiorum, redeuntes domum cum præmiis tot bellorum, ab ipsa missione rursus in novam militiam immensaque bella revocaverit, & à laribus quodammodo suis, & ab ipso limite patriæ abductos, inanibus promissis deceiverit; nunc quoque amissis omnibus felicitis militiæ quæstibus, nè victos quidem in misera & inopi senectâ quiescere sinat. Ignaris deinde ducibus, confestim ad Antigoni legatos mittunt; petentes ut sua reddi jubeat. Is redditurum se pollicetur, si Eumenem sibi tradant. Quibus cognitis, Eumenes cum paucis fugere tentavit; sed retractus, desperatis rebus cum concursus multitudinis factus esset, petit ut postremum sibi alloqui exercitum

citum liceret. Jussus ab universis dicere, facto silentio, *Eumenis*  
 laxatisq; vinculis, prolatam sicut erat catenatus, ma- *capti ad mi-*  
 num ostendit: Cernite milites inquit, habitum atq; *lites oratio.*  
 ornamenta ducis vestri, quæ non hostium quisquam im-  
 posuit: nam hoc etiam solatio foret. Vos me ex victore  
 victum, vos me ex imperatore captivum fecistis: qua-  
 ter intra hunc annum in mea verba jurejurando obstri-  
 cti estis, & ista mitto; (*Neq; enim miseros Convitia decent*)  
 unum oro: si propositorum Antigoni in meo capite  
 summa consistit, inter vos me velitis mori. Nam neque  
 illius interest, quemadmodum aut ubi cadam, & ego  
 fuero ignominiâ mortis liberatus. Hoc si impetro, solvo  
 vos jurejurando, quo toties vos sacramento mihi devo-  
 vistis. Aut si ipsos pudet roganti vim adhibere, ferrum  
 huc date, & permittite, quod vos facturos pro impera-  
 tore jurastis, Imperatorem pro vobis sine religione ju-  
 ris jurandi facere. Cum non obtineret, preces in iram *Precatio Eu-*  
 vertit. At vos, ait, devota capita respiciant dii perjurio- *menis in suos*  
 rum vindices, talésq; vobis exitus dent, quales vos duci- *milites.*  
 bus vestris dedistis. Nenupe vos iidem paulo antè, &  
 Perdicæ sanguine estis aspersi, & in Antipatrum ea-  
 dem moliti. Ipsum denique Alexandrum, si fas fuisset  
 cum mortali manu cadere, interempturi: quod maxi-  
 mum erat, seditionibus agitastis. Ultima nunc ego per- *Exemplum*  
 fidorum victima, has vobis diras atque inferias dico, ut *fortis & con-*  
 inopes extorrésq; omne ævum in hoc castrensi exilio *stantis ani-*  
 agatis, devoréntq; vos arma vestra, quibus plures ve- *mi. Deleti*  
 stros quàm hostium duces absumpsistis. Plenus deinde *sunt Argy-*  
 iræ, custodes suos præcedere ad Antigoni castra præ- *rasspides ad*  
 cepit. Sequitur exercitus, prodito imperatore suo, & *ab Ibritio,*  
 ipse captivus, triumphumque de seipso ad victoris sui *jussu Anti-*  
 castra ducit: omnia auspicia regis Alexandri, & tot *goni. Plut.*  
 bellorum palmas, laureásq; unà secum victori traden- *in Eumene.*  
 tes; & nè quid deesset pompæ, Elephantum quoque, &  
 auxilia Orientalia subsequuntur. Tantò pulchriora hæc  
 Antigono, quàm Alexandro tot victoriæ fuerunt: ut  
 cum ille Orientem vicerit, hic eos, à quibus Oriens *Epiptomena,*  
 victus,

victus superaverit. Igitur Antigonus domitores illo  
 orbis, exercitui suo dividit: redditis, quæ in victoria  
 ceperat. Eumenem verò verecundia prioris amicitia in  
 conspectum suum venire prohibitum, assignari custodi-  
 bus præcepit. Interea Eurydice, uxor Aridei regis, ut  
 Polyperchonta à Gracia redire in Macedoniam cog-  
 novit, & ab eo accersitam Olympiada muliebri æmu-  
 latione percussa, abutens valetudine viri, cuius officia  
 sibi vendicabat, scribit regis nomine Polyperchonti,  
 Cassandro exercitum tradat, in quem regni admini-  
 strationem rex transtulerit. Eadem & in Asiam Anti-  
 gono per epistolas nuntiat: quo beneficio devinctus  
 Cassander, nihil non ex arbitrio muliebris audaciæ  
 gessit. Deinde profectus in Graciam multis civitatibus  
 bellum infert: quarum excidio, veluti vicino incendio  
 territi Spartani, urbem, quam semper armis, non muris  
 defenderant, tum contra responsa fatorum & veterem  
 majorum gloriam, armis diffusi, murorum præsidio in-  
 cludunt. Tantum eos degeneravisse à majoribus, ut  
 cum multis seculis murus urbis civium virtus fuerit,  
 tunc cives salvos se fore non existimaverint, nisi intra  
 muros laterent. Dum hæc aguntur, Cassandrum à  
 Gracia turbatus Macedonia status domum revoca-  
 vit. Namq; Olympias, mater Alexandri Magni regis,  
 cum ab Epiro in Macedoniam, prosequente Æacida  
 rege Molossorum, veniret, prohiberi que finibus ab Eu-  
 rydice & Arideo rege cœpisset, seu memoriâ mariti,  
 seu magnitudine filii, & indignitate rei moti Macedo-  
 nes, ad Olympiada transire, cuius iussu & Eurydice, &  
 rex occiditur, sex annis post Alexandrum potitus reg-  
 no. Sed nec Olympias diu regnavit. Nam cum princi-  
 pum passim cades muliebri magis quàm regio more  
 fecisset, favorem suum in odium vertit. Itaque audito  
 Cassandri adventu, diffisa Macedonibus, cum nuru  
 Roxane, & nepote Hercule, in \* Pictuam urbem con-  
 cessit. Proficiscenti Deidamia, Æacidæ regis filia, &  
 Thessalonice privigna, & ipsa clara Philippi patris no-  
 mine,

*Spartanarum*  
*urbs sine*  
*muro.*

*Epiphonema.*

*Olympiadis*  
*juga.*

\* Alias  
*Pictuam* &  
*ita legu*  
*Oros.*

mine, multæq; aliæ principum matronæ, speciosus mar-  
 tis quàm utilis grex, fuere comites: Hæc cum nuntiata  
 Cassandro essent, statim citato cursu Pictuam venit, &  
 urbem obsidione cinxit. Cum fame ferræque urgere-  
 tur, Olympias longæ obsidionis tædio, pactâ salute,  
 victori se tradidit. Sed cum Cassander ad concionem  
 vocato populo sciscitatus, quid de Olympiade fieri vel-  
 let, subornat parentes interfectorum, qui sumptâ lugu-  
 bri veste, crudelitatem mulieris accusarent: à quibus  
 accensi Macedones, sine respectu pristinae majestatis  
 occidendam decernunt: immemores prorsus, quod per  
 filium ejus, virumque, non solum vitam ipsi inter fini-  
 timos tutam habuissent, verum etiam tantas opes im-  
 periumq; orbis quasissent. Sed Olympias, ubi obstina-  
 tos venire ad se armatos vidit, veste regali, duabus an-  
 cillis innixa, ultrò obviam procedit. Quâ visâ, percus-  
 sores attoniti fortunâ majestatis prioris, & tot in eam  
 memoriæ occurrentibus regum suorum nominibus, sub-  
 stiterunt, donec à Cassandro missi sunt, qui eam confo-  
 derent, non refugientem gladium, nec vulnera, aut mu-  
 liebriter vociferantem; sed virorum more fortium, pro  
 gloria veteris prosapiæ, morti succumbentem, ut Alex-  
 andrum posses etiam moriente matre conspicer. In-  
 super expirans capillis & veste crura contexisse fertur,  
 ne quid posset in corpore ejus indecorum videri. Post  
 hæc Cassander Thesalonicem, regis Aridei filiam, ux-  
 orem ducit, filium Alexandri cum matre, in arcem Am-  
 phipolitam custodiendos mittit.

*Olympiads  
 morientis a-  
 nimis feru-  
 tudis.*

*Quos paulo  
 post interse-  
 cut agente  
 Hercule an.  
 14.*

# JUSTINI LIBER XV.

**P**erdica, & fratre ejus Alcera, Eumene ac Polyper-  
 chonte caterisq; ducibus diversæ partis occisis fi-  
 nitum certamen inter successores Alexandri Mag-  
 ni videbatur, cum repentè inter ipsos victores nata dis-  
 cordia. Quippe postulantibus Prolomæo & Cassandro, &  
 Lysimacho, ut pecunia in praeda capta, provinciaq; di-  
 viderentur; Antigonus negavit se in ejus belli prædam  
 socios

*Non un prin-  
 cipum inter  
 se bellum.*

focios admissurum, in cujus periculum solus descendit. Et ut honestum adversus focios bellum suscipere videretur, divulgat se Olympiadis mortem à Cassandro interfectæ ulcisci velle, & Alexandri regis sui filium cum matre, obsidione Amphipolitana liberare. His cognitis, Ptolomæus, & Cassander, initâ cum Lyfima-cho, & Seleuco societate, bellum terrâ mariq; enixe instruebant. Tenebat Ptolomæus Ægyptum cum Africâ parte majore, & Cypro, & Phœnice. Cassandro parebat Macedonia cum Græcia. Asiam & partem Orientis occupaverat Antigonus, cujus filius Demetrius primâ belli congressione à Ptolomæo, apud Calamam vincitur. In quo prælio major Ptolomæi moderationis gloria, quàm ipsius victoria fuit. Siquidem & amicos Demetrii non solum cum suis rebus dimisit, verum etiam additis insuper muneribus honoravit, & ip-  
sius Demetrii privatum omne instrumentum, ac familiam reddidit, adjecto honore verborum, non se propter prædam, sed propter dignitatem inisse bellum: indignatum quòd Antigonus devictis diversæ factionis ducibus, solus victoriæ communis præmia corripuisset. Dum hæc aguntur, Cassander ab Apollonia rediens, incidit in Abderitas, qui propter ranarum muriûmque multitudinem, relicto patriæ solo, sedes quærebat: veritus nè Macedoniam occuparent, factâ pactione, in societatem eos recepit, agrósq; iis in ultimis Macedoniæ finibus assignavit. Deinde, nè Hercules Alexandri filius, & qui ferè annos quatuordecim excesserat, favore paterni nominis in regnû Macedoniæ vocaretur, occidi eum tacitè cum matre Arsine jubet, corporaq; eorum terra obrui, nè cædes sepultura proderetur, & quasi parum facinoris in ipso primûm rege, mox in matre ejus Olympiade, ac filio admisisset, alterum quoq; filium cum matre Roxane pari fraude interfecit, quasi regnum Macedoniæ, quod affectabat, aliter consequi quàm scelere non possit. Intereâ Ptolomæus cum Demetrio navali prælio iterato congreditur, & amissâ classe

*Exemplum  
moderate  
victoriae.*

*Abderitæ,  
propter ranarum & murium multitudinem sedes mutare co-  
acti. Plin.  
l. 10. c. 45.  
\* Qui per an-  
Cassander re-  
gis sui Alex-  
andri filios,  
atq; matrem occi-  
dit.*

classe, hostiq; concessâ victoriâ, in Ægyptum refugit.  
 Demetrius filius Ptolomæi Leontiscum, & fratrem Me-  
 laum, amicósq; ejus cum privati instrumenti ministe-  
 rio provocatus, pari antea munere Ægyptum remittit;  
 ut appareret eos, non odio, sed dignitatis gloriâ ac-  
 censos donis, muneribúsq; inter ipsa bella contende-  
 ant. Tanto honestiús tunc bella gerebantur, quanto  
 tunc amicitia coluntur. Hac victoriâ elatus Antigo-  
 nus, regem se cum Demetrio filio appellari á populo  
 habet. Ptolomæus quoq; ne minoris apud suos autori-  
 tatis haberetur, rex ab exercitu cognominatur. Qui-  
 bus auditis, Cassander, & Lyfimachus, & ipsi regiam  
 sibi majestatem vendicaverunt; hujus honoris orna-  
 mentis tam diu omnes abstinerunt, quamdiu filii re-  
 is sui superesse potuerunt. Tanta in illis verecundia  
 fuit, ut cum opes regias haberent, regum tamen nomi-  
 nibus æquo animo caruerint, quoad Alexandro justus  
 ares fuit. Sed Ptolomæus & Cassander, ceteriq; fa-  
 tionis duces, cum carpi se singulos ab Antigono vide-  
 rent, dum privatum singulorum, non commune univer-  
 sorum bellum ducunt, nec auxilium ferre alter alteri  
 solunt, quasi victoria unius, non omnium foret, per  
 pistolas se invicem confirmantes, tempus, locum coe-  
 ndi condicunt, bellumque communibus viribus insti-  
 tuunt. Cui cum Cassander interesse propter finitimum  
 bellum non posset, Lyfimachum cum ingentibus co-  
 mis, in auxilium sociis mittit. Erat hic Lyfimachus il- *Lyfimachus*  
 stri quidem Macedoniæ loco natus, sed virtutis expe- *lam.*  
 mentis omni nobilitate clarior, quæ tanta in illo fuit,  
 animi magnitudine, philosophiâ ipsâ viriúmque glo-  
 riâ, omnes, per quos Oriens domitus est, vicerit. Quip-  
 e cum Alexander Magnus Callisthenem philoso-  
 phum, propter salutationis Persicæ interpellatum mo-  
 rem, insidiarum, quæ sibi paratæ fuerant, conscium fu- *Exemplum*  
 ratu esset, eúmque truncatis crudeliter membris *crudelitatis.*  
 scissisq; auribus, ac naso, labiisq; deforme ac miseran- *\* Aliis ira-*  
 tum spectaculû reddidisset, insuper cum cane in cavea *tus finxisset;*  
 H clausum



*Aliter Plu-  
tarchus mor-  
tem Callisthe-  
nis scribit in  
Alexandro.  
Exemplum  
fortis uirinis  
Lyfimachus.*

clausam ad metum cæterorum circumferret: tunc Lyfimachus audire Callisthenem, & præcepta ab eo recipere virtutis solitus, miseratus tanti viri, non culpam sed libertatis poenas pendentis, venenum ei in remedium calamitatum dedit. Quod adeò ægrè Alexander tulit, ut eum objici ferocissimo leoni juberet. Sed cum ad conspectum ejus concitus leo impetum fecisset, manum manipulo involutam Lyfimachus in eos leonem immerfit, arreptaque linguâ feram exanimavit. Quod cum nuntiatum rege esset, admiratio in satisfactionem cessit, chariorémque eum propter constantiam tantæ virtutis habuit. Lyfimachus quoque magno animo regis, veluti parentis, tulit contumeliam. Deniq; omni animo hujus facti memoriâ exturbatâ, postea in Indiâ insectanti regi quosdam palantes hostes, cum à satellitum turba, equi sui celeritate, desertus esset, solus e per immerfas arenarum moles, cursus comes fuit. Quod idem antea Philippus, frater ejus cum faceret, voluisset, inter manus regis expiraverat. Sed Lyfimachum desiliens equo Alexander, hastæ cuspide ita in fronte vulneravit, ut sanguis aliter claudi non posset, quàm diadema sibi demptum rex, alligandi vulneris causâ, capiti ejus imponeret. Quod auspiciū primæ regalis majestatis Lyfimacho fuit. Et post mortem Alexandri, cum inter successores Alexandri provincie dividerentur, ferocissimæ gentes quasi omnium fortissimo, assignatæ sunt: adeò etiam consensu universorum palmam virtutis inter cæteros tulit. Priusquam bellum inter Ptolomæum, sociosq; ejus, adversus Antigonom committeretur, repentè ex Asia majore digressus Seleucus, novus Antigono hostis, accesserat. Hujus quoq; & virtus clara, & origo admirabilis fuit. Siq; mater ejus Laodice, cum nupta esset Antiocho, claro inter Philippi duces viro, visa est sibi per quendam ex concubitu Apollinis concepisse, gravidamq; factam, munus concubitus, annulum à Deo acceptum in cujus gemma, anchora sculpta esset. Jussaq; id d

*Thracet, &  
Ponticos in-  
telligit.  
Seleucus regis  
Syria origo.*

num filio, quem peperisset, dare. Admirabile fecit hunc  
 filium & annulus, qui postera die, ejusdem scripturae in  
 lecto inventus est, & figura anchorae, quae in femore Se-  
 leuci nata cum ipso parvulo fuit. Quamobrem Laodice  
 mulum Seleuco eunti cum Alexandro Magno ad Per-  
 sicam militiam, educto de origine sua, dedit. Ubi post  
 mortem Alexandri, occupato regno Orientis, urbem  
 condidit, ibiq; geminae originis memoriam consecravit.  
 Nam & urbem & Antiochi patris nomine, Antiochiam *Anchora nas-*  
 vocavit, & campos vicinos urbi, Apollini dicavit. Orig- *turalis nota*  
 is ejus argumentum etiam posteris mansit. Siquidem *Antiochi &*  
 filii, nepotesq; ejus anchoram in femore, veluti notam *ejus nepotum*  
 generis naturalem habuere. Multa in Oriente post di-  
 visionem inter socios regni Macedonici bella gessit.  
 Principio Babyloniam cepit: inde auctis ex victoria vi-  
 ctibus Bactrianos expugnat. Transiitum deinde in Indiam  
 fecit, quae post mortem Alexandri, veluti à cervicibus *Seleuci gesta*  
 iugo servitutis excusio, praefectos ejus occiderat. Autor  
 libertatis Sandrocottus fuerat. Siquidem occupato reg-  
 no populū, quem ab externa dominatione vindicaverat,  
 se servitio premebat. Fuit hic quidem humili genere  
 natus, sed ad regni potestatem majestate numinis im-  
 pulsus: quippe cum procacitate sua Alexandrum regem  
 offendisset, interfici à rege jussus, salutem pedum cele-  
 ritate quaesierat. Ex qua fatigatione, cum somno captus *Mirum de*  
 ceret, leo ingentis formae ad dormientem accessit, su- *leo.*  
 premque profluentem lingua ei deterfit, expergef-  
 tumq; blandè reliquit. Hoc prodigio primum ad speru  
 regni impulsus, contractis latronibus, Indos ad novita-  
 tem regni sollicitavit; molienti deinde bellum adversus  
 praefectos Alexandri, elephanta ferus infinitae magni- *Elephantus*  
 tudinis ultrò se obtulit, & veluti domica mansuetudine *sponte se*  
 cum tergo excepit, duxq; belli, & praeliator insignis fuit. *Sandrocottus*  
 sic acquisito regno Sandrocottus eà tempestate, quā *offerta*  
 Seleucus futurae magnitudinis fundamenta jacebat, In-  
 diā possidebat: cum quo facta pactione Seleucus, com-  
 olitusq; in Oriente rebus, in bellum Antigoni descendit.

*Que confici-  
ebant LXIV.  
M. pedum,  
equum X.  
MD. elephan-  
tos CCCC.  
currus CXX.  
Plut. in vita  
Demetrii.*

Adunatis igitur omnium sociorum copiis, praelium com-  
mittitur: in eo Antigonus occiditur, Demetrius filius  
ejus in fugam verritur; sed socii profligato hostili bel-  
lo, denuo in semetipsos arma vertunt, & cum de prae-  
da non conveniunt, iterum in duas factiones deducun-  
tur. Seleucus Demetrio, Ptolomæus Lyfimacho jun-  
gitur: Cassandro defuncto Philippus filius succedit  
sic quasi ex integro, nova Macedonia bella nascuntur.

## JUSTINI LIBER XVI.

*Impii & cru-  
delis parrici-  
dii exem-  
plum.*

**P**ost Cassandri regis, filiiq; ejus Philippi continua-  
mortes, Thessalonice regina, uxor Cassandri, non  
magno post tempore, ab Antipatro filio, cum vi-  
etiam per ubera materna deprecaretur, occiditur. Cas-  
sa parricidii fuit quod post mortem mariti in divisione  
inter fratres regni, propensior fuisse Alexandro videba-  
tur. Quod facinus eo gravius omnibus visum est, quod  
nullum maternæ fraudis vestigium fuit. *Quamquam*

*Mater à filio  
necata. Plu-  
in Demetrio.*

*Parricidio nulla satis iusta causa ad sceleris patrocini-  
um prætendi potest. Ob hæc igitur Alexander in ultione*

*Pyrrum  
auxilio fuisse  
Alexandro,  
scrib. Plu.*

Demetrio petit: nec Demetrius, spe invadendi Mac-  
donici regni moram fecit. Cujus adventum verens Ly-  
simachus, persuadet genero suo Antipatro, ut ma-  
cum fratre in gratiam reverti, quam paternum hostem  
in Macedoniam admitti. Inchoatum igitur inter fratres  
reconciliationem cum præsensisset Demetrius, per in-  
fidias Alexandrum interficit: occupatq; Macedoni-  
regno, cædem apud exercitum excusaturus, in concilio  
nem vocat. Ibi priorem se petitum ab Alexandro alle-  
gat, nec fecisse, sed \* occupasse infidias. Regem au-  
tem se Macedonia vel ætatis experimentis; vel causæ  
justiorem esse. Patrem enim suum & Philippo regi,  
Alexandro Magno socium in omni militia fuisse. Lib-  
rorum deinde Alexandri ministrum, & ad persequen-  
dos defectores ducem extitisse. Contra Antipatrum  
avum horum adolescentum, amariorem semper mi-  
strum

*Uno quippe  
die antiver-  
tens Alexan-  
dram. Plut.  
\* Præoccu-  
passe.*

strum regni quàm ipsos reges fuisse. Cassandrum verò patrem extinctorem regiae domus non scemipis, non pueris pepercisse: nec cessasse, quoad omnem stirpem regiae sobolis deleteret. Horum scelerum ultionem, quia nequisset ab ipso Cassandro exigere, ad liberos ejus traxerat. Quamobrem etiam Philippum, Alexandrumq; (si quis manium sensus esset) non interfectores suos, ac stirpis suae, sed ultores eorum; Macedoniae regnum tenere malle. Per hæc mitigato populo, rex Macedoniae appellatur. Lysimachus quoque, cum bello

\* Docretis regis Thracum premere, nè eodem tem-  
pore & adversus Demetrium dimicare necesse haberet, tradita ei altera parte Macedoniae, quæ Antipatro ejus genero obvenerat, pacem cum eo fecit. Igitur Demetrius totis Macedoniae regni viribus instructus, cum Asiam occupare statueret, iterato Ptolomæus, Seleucus, & Lysimachus experti priore certamine, quantæ vires concordiae essent, pactâ societate, \* adjunctisq; exercitibus, bellum adversus Demetrium transferunt in Europam. His comitem se, & belli socium jungit Pyrrhus rex Epiri, sperans non difficilius Demetrium Macedoniae amittere posse, quàm acquisiverat. Nec spes frustra fuit: Quippe exercitu ejus corrupto, ipsosq; in fugam acto, regnum Macedoniae occupaverat. Dum hæc aguntur, Lysimachus generum suum Antipatrum regnum Macedoniae ademptum sibi, soceri fraude, querentem interfecit: filiâmq; suam Eurydicem querelatum sociam in custodiam tradit: atq; ita universa Cassandri domus Alexandro Magno, seu neqis ipsius, seu stirpis extinctæ, poenas partim cæde, partim supplicio luit. Demetrius quoq; à tot exercitibus circumventus, cum posset honeste mori, turpiter se dedere Seleuco maluit. Finito bello, Ptolomæus cum magna rerum gestarum gloria moritur. Is contra jus gentium, minime natu ex filiis, ante infirmitatem, regnum traderat, ejusque rei populo rationem reddiderat, cujus non minor favor accipendo, quàm patris in tradendo

\* Promissi ei  
legit Plu.

Regum con-  
spiratio de  
bello adversus  
Demetrium  
communititer  
gerendo.

\* Adjunctis-  
que.

Fugit Cas-  
sandriam.

De Demetrii  
morte. Plu.  
in eius vita.

Ptolomæus  
Lagi filius  
moritur.

*Bellum Lysimachi & Pyrrhi.  
Origo urbis Heracleæ.  
Oraculum.*

*Heracleiensi-  
um gesta.*

*Malachus  
exemplum  
constantie.  
Humanitas  
in hostes.*

regnum fuerat. Inter cætera patris & filii mutuæ pietatis exempla, etiam ea res amorem patrum populi inveni conciliaverat: quod pater regno ei publice tradito privatim officium regi inter satellites fecerat, omnique regno pulchrius, Regis esse patrem dixerat. Sed inter Lysimachum & Pyrrhum regem socios paulo antea adversus Demetrium, *Assiduum inter pares discordia malum*, bellum moverat. Victor Lysimachus, pulso Pyrrho Macedoniam occupaverat. Inde Thraciam ac deinceps Heracleæ bellum intulerat: cuius urbis & initia & exitus mirabiles fuere. Quippe Eæotiis pestilentia laborantibus, oraculum Delphis responderat coloniam in Ponti regione sacram Herculi conderent. Cum propter metum longæ & periculosæ navigationis, mortem in patria omnibus præoptantibus, remissa esset, bellum his Phocenses intulerunt. Quorum cum adversa prælia paterentur, iterato ad oraculum decurrunt: Responsum, Idem belli, quod pestilentia, remedium fore. Igitur conscriptâ colonorum manus in Metapontum delati, urbem Heracleam condiderunt. Et quoniam fatorum auspiciis in eas sedes delati erant, brevi post tempore magnas opes paravere. Multa deinde hujus urbis adversus finitimos bella, multa etiam domesticæ dissensionis mala fuere. Inter cætera magnifica, vel præcipuè illud memorabile fuit: Cum rerum potirentur Athenienses, victisq; Persis, Græciæ & Asiæ tributum in tutelam classis descripsissent, omnibus cupidè ad præsidium salutis suæ conferentibus, soli Heracleienses ob amicitiam regum Persicorum, collatione abnuerant. Missus itaque ab Atheniensibus Malachus cum exercitu ad extorquendum, quod negabatur, dum relictis in litore navibus, agros Heracleiensiū populatur, classem cum majore parte exercitus naufragio repentina tempestatis amisit. Itaq; cum neq; mari posset, amissis navibus, neque terrâ auderent cum parva manu, inter tot ferocissimas gentes reverti, Heracleienses honestiorem beneficii, quàm ultionis occasionem

rati, instructos commeatibus, auxiliisque dimittunt; bene  
 agrorum suorum \* postulationem existimantes, si quos \* *Populatio-*  
 hostes habuerunt, amicos reddidissent. Passi sunt inter *non impen-*  
 plurima mala, etiam tyrannidem: siquidem cum plebs *sam exist.*  
 etiam novas tabulas, & divisionem agrorum divitum  
 impotenter flagitarent, diutius in senatu tractatâ, cum  
 exitus rei non inveniretur, ad postremum adversus ple-  
 bem nimio otio lascivientem, auxilia à Timotheo,  
 Atheniensium duce, mox ab Epaminonda Thebanorum  
 petivere. Utrisque negantibus, ad Clearchum, quem ip- *Epiphonem*  
 si in exilium egerant, decurrunt. Tanta calamitatum  
 necessitas fuit, ut cui patriam interdixerant, eum ad tu-  
 telam patriæ vocarent. Sed Clearchus exilio facinoro-  
 sior redditus, & dissensionem populi occasionem inva-  
 dendæ tyrannidis existimans, primo tacite cum Mithri-  
 date, civium suorum hoste, colloquitur, & initâ socie-  
 tate paciscitur, ut revocatus in patriam, proditâ ei urbe,  
 præfectus ejus constitueretur. Postea autem insidias, *Exemplum*  
 quas civibus paraverat, in ipsum Mithridatem verte- *versatilis &*  
 rat. Namque cum velut arbiter civilis discordiæ, de exilio *fraudu-*  
 reversus esset, statuto tempore, quo urbem Mithridati *lenti animi.*  
 traderet, ipsum cum amicis suis cepit, captumque ac- *Clearchus.*  
 ceptâ ingenti pecuniâ, demisit. Atque ut in illo subitum  
 se ex socio fecit hostem, sic ex defensore senatoriæ causæ  
 repente patronus plebis evasit: & adversus autores po-  
 tentiæ suæ à quibus revocatus in patriam, per quos in  
 arce collocatus fuerat, non solum plebem accendit, ve-  
 rum etiam nefandissima quæque tyrannicæ crudelitatis  
 exercuit. Igitur populo ad concionem vocato, neque se  
 affuturum amplius gratianti in populum senatui, \* ait \* *Alii, ait*  
 non intercessurum, contra affuturum etiam plebi, si *intercessurum*  
 in pristina sævitia perseveret, & si pares se crudelita- *etiam si in*  
 ti senatorum arbitarentur, abiturum cum militibus *prist.*  
 suis, neque civilibus discordiis interfuturum. Sin ve-  
 rò dissident viribus propriis, vindicem civium non  
 defuturum. Proinde consulant sibi ipsis, jubeant abire,  
 si malint, vel socium causæ popularis remanere. His



*Clearchi salutis. Non ergo in seite admonet Comitus: ita fugiamus, ne præter casam.*  
*\* Potissime.*

verbis sollicitata plebs summum ad eum imperium deferret: & dum senatus potentia irascitur, in servitutem se tyrannicæ dominationis cum conjugibus & liberis tradit. Igitur Clearchus LX. senatores comprehensos (nam cæteri in fugam dilapsi erant) in vincula compingit. Latari plebs, quod à duce \* potissimum senatorum, senatus deleteretur, versaque vice auxilium eorum in exitium conversum esset. Quibus dum mortem passim omnibus minatur, cariora eorum pretia facit: siquidem Clearchus magnâ pecuniâ (quasi minis populi occulte eos subtrahiturus) acceptâ, spoliatos fortunis, vitâ quoque spoliavit. Cognito deinde, quod bellum sibi ab his qui profugerant, misericordia in auxilium sollicitatâ civitatibus pararetur, servos eorum manumittit. Et ne quid in afflictis honestissimis domibus deesset, uxores eorum filiasque nubere servis suis, propositâ recusantibus morte, compellit, ut eos sibi fidiore, & dominis infestiores redderet. Sed matronis tam lugubres nuptiæ, \* majores repentinis funeribus fuere. Itaque multæ se ante nuptias, multæ in ipsis nuptiis, occisis prius novis maritis, interficiunt, & se tam funestis calamitatibus, virtutis ingenui pudoris, eripiunt. Prælium deinde committitur: quo victor tyrannos captivos senatorum in triumphum modum per ora civium trahit. Reversus in urbem alios vincit, torquet alios, alios occidit: nullus loci urbis à crudelitate tyranni vacat. Accedit saevitiæ insolentia, crudelitati arrogantia. Interdum enim & successu continuæ felicitatis obliviscitur se hominem: Interdum Jovis filium se dicit. Eunti per publicum, aurea aquila, velut argumentum generis, præferebatur; vestis purpureâ, & cothurnis regum tragicorum, & aureâ coronâ utebatur: filium quoque suum Ceraunon vocat, ut Deos non mendacio tantum, verum etiam nominibus illudat. Hæc illum facere, duo nobilissimi juvenes Chion & Leonides indignantes, patriam liberaturi, in necem tyranni conspirant. Erant hi discipuli Platoni Philosophi, qui virtutem, ad quod quotidie præcepta

*Chionis & Leonide discipulorum*

magistrum

magistri erudiebantur, patriæ exhibere cupientes, quin- *Platonis in*  
 quaginta cognatos, veluti clientes, in infidiis locant. *tyrannum*  
 Ipsi more jurgantium ad tyrannum, veluti ad regem, *o spiratio.*  
 in arcem contendunt: qui jure familiaritatis admissi,  
 dum alterum priorem dicentem intentus audit tyran-  
 nus, ab altero obtruncatur: Sed ipsi, fociis tardius auxi- *Clearchi*  
 lium ferentibus, à satellitibus obruuntur. Quare factum *cædes.*  
 est, ut tyrannus quidem occideretur, sed patria non li-  
 beraretur. Nam frater Clearchi Satyrus eâdem viâ *Satyrus.*  
 tyrannidem invadit, multisq; annis per gradus successi-  
 onis, Heraclienfes regnum tyrannorum fuere.

## JUSTINI LIBER XVII.

PER idem fermè tempus in Hellesponti & Chersonesi *Tyrænotus.*  
 regionibus, terræ motus fuit maximus; tantùm urbs  
 Lyfimachia, ante duos & viginti annos à Lyfimacho  
 condita, eversa est. Quod portentum dira Lyfimacho,  
 stirpique ejus, ac ruinam regni, cum clade vexatarum  
 regionum portendebat. Nec ostentis fides defuit: Nam  
 brevi pòst tempore, Agathoclem filium suum, quem in *Agathocles*  
 successionem regni ordinaverat, per quem multa bella *Lyfimachi f-*  
 prosperè gesserat, non solum patrium, verum etiam hū- *lius veneno*  
 manum ultra morem perosus, ministrâ Arfionē no- *necatur.*  
 vercâ, veneno interfecit. Hæc illi prima malī labes, hoc  
 initium impendentis ruinæ fuit. Nam parricidium prin-  
 cipum sequutæ cædes sunt, luentium supplicia, quòd  
 occisum juvenem dolebant. Itaq; & hi, qui exercitibus *Ultima pug-*  
 prærant, certatim ad Seleucum deficiebant, eumque *na inter*  
 proum jam ex æmulatione gloriæ bellum Lyfimacho *Alexandri*  
 inferre compellunt. Ultimum hoc certamen comimili- *principis.*  
 tonum Alexandri fuit, & velut ad exemplum fortunæ  
 par reservatum. Lyfimachus quatuor & LXX. annos  
 natus erat: Seleucus septem & LXX. Sed in hac ætate  
 utriq; animi juvenes erant, imperiiq; cupiditatem in-  
 satiabilem gerebant. Quippe cū orbem terrarum duo  
 soli tenerent, angustiis sibi met inclūsī videbantur, vi-  
 taque finem non annorum spatio, sed imperii terminis  
 metie-

*Clearchi se-  
vitiā. Non er-  
go inscite ad-  
monet Comi-  
cus: ita fu-  
giamus, ne  
præter casam.  
\* Potissimo.*

verbis sollicitata plebs summum ad eum imperium de-  
fert: & dum senatus potentia irascitur, in servitutem  
se tyrannicæ dominationis cum conjugibus & liberis  
tradit. Igitur Clearchus LX. senatores comprehensos  
(nam cæteri in fugam dilapsi erant) in vincula com-  
pingit. Latari plebs, quod a duce \* potissimum senato-  
rum, senatus deleteretur, versa; vice auxilium eorum in  
exitium conversum esset. Quibus dum mortem passim  
omnibus minatur, cariora eorum pretia facit: siquidem  
Clearchus magnâ pecuniâ (quasi minis populi occulte  
eos subtrahiturus) acceptâ, spoliatos fortunis, vitâ quo-  
que spoliavit. Cognito deinde, quod bellum sibi ab iis,  
qui profugerant, misericordia in auxilium sollicitatis  
civitatis pararetur, servos eorum manumittit. Et nê  
quid in afflictis honestissimis domibus deesset, uxores  
eorû filiasq; nubere servis suis, propositâ recusantibus  
morte, compellit, ut eos sibi fidiores, & dominis infesti-  
ores redderet. Sed matronis tam lugubres nuptiæ, \* mi-  
jores repentinis funeribus fuere. Itaq; multæ se ante  
nuptias, multæ in ipsis nuptiis, occisis prius novis mari-  
tis, interficiunt, & se tam funestis calamitatibus, virtute  
ingenui pudoris, eripiunt. Prælium deinde committi-

*Heraclienfium  
matronarum  
clades.*

tur: quo victor tyrannos captivos senatoris in trium-  
phi modum per ora civium trahit. Reversus in urbem  
alios vincit, torquet alios, alios occidit: nullus locus  
urbis à crudelitate tyranni vacat. Accedit saevitiæ inso-  
lentia, crudelitati arrogantia. Interdum enim & suc-  
cessu continuæ felicitatis obliviscitur se hominem: In-  
terdum Jovis filium se dicit. Eunti per publicum, aurea  
âquila, velut argumentum generis, præferebatur; veste  
purpureâ, & cothurnis regum tragicorum, & aureâ co-  
ronâ utebatur: filium quoque suum Ceraunon vocat,  
ut Deos non mendacio tantum, verum etiam nomini-  
bus illudat. Hæc illum facere, duo nobilissimi juvenes  
Chion & Leonides indignantes, patriam liberaturi, in-  
necem tyranni conspirant. Erant hi discipuli Platonis  
Philosophi, qui virtutem, ad quod quotidie præceptis

*Chionis &  
Leonide dis-  
cipulorum*

magistri

magistri erudiebantur, patriæ exhibere cupientes, quin-  
 quaginta cognatos, veluti clientes, in insidiis locant. *Platonis in tyrannum*  
 Ipsi more jurgantium ad tyrannum, veluti ad regem, *spiratio.*  
 in arcem contendunt: qui jure familiaritatis admissi,  
 dum alterum priorem dicentem intentus audit tyran-  
 nus, ab altero obtruncatur: Sed ipsi, sociis tardius auxi-  
 lium ferentibus, à satellitibus obruuntur. *Clearchi cedes.*  
 Quare factum est, ut tyrannus quidem occideretur, sed patria non li-  
 beraretur. Nam frater Clearchi Satyrus eadem viâ *Satyrus.*  
 tyrannidem invadit, multisq; annis per gradus successi-  
 onis, Heraclienfes regnum tyrannorum fuere.

## JUSTINI LIBER XVII.

PER idem fermè tempus in Hellesponti & Chersonesi *Tyrænotus.*  
 regionibus, terræmotus fuit maximus; tantum urbs  
 Lyfimachia ante duos & viginti annos à Lyfimacho  
 condita, eversa est. Quod portentum dira Lyfimacho,  
 stirpique ejus, ac ruinam regni, cum clade vexatarum  
 regionum portendebat. Nec ostentis fides defuit: Nam  
 brevi post tempore, Agathoclem filium suum, quem in *Agathocles*  
 successionem regni ordinaverat, per quem multa bella *Lyfimachi f.*  
 prosperè gesserat, non solum patrium, verum etiam hu- *lius veneno*  
 manum ultra morem perosus, ministrâ Arfionè no- *necatur.*  
 vercâ, veneno interfecit. Hæc illi prima malî labes, hoc  
 initium impendentis ruinæ fuit. Nam parricidium prin-  
 cipum sequutæ cædes sunt, luentium supplicia, quod  
 occisum juvenem dolebant. Itaq; & hi, qui exercitibus *Ultima pug-*  
 prærant, certatim ad Seleucum deficiebant, eumque *na inter*  
 proum jam ex æmulatione gloriæ bellum Lyfimacho *Alexandri*  
 inferre compellunt. *principis.* Ultimum hoc certamen comimili-  
 tonum Alexandri fuit, & velut ad exemplum fortunæ  
 par reservatum. Lyfimachus quatuor & LXX. annos  
 natus erat: Seleucus septem & LXX. Sed in hac ætate  
 utriq; animi juvenes erant, imperiiq; cupiditatem in-  
 satiabilem gerebant. Quippe cum orbem terrarum duo  
 soli tenerent, angustiis sibi met inclusi videbantur, vi-  
 taque finem non annorum spatio, sed imperii terminis  
 metie-

*Lyfimachus  
victus à Se-  
leuco occid-  
itur.*

*Seleuci mor-*

*Ptolomæi  
solaria.*

*Pyrrhi aduer-  
sus Ro. expe-  
ditio.*

*\* Vendicabat.*

*Anno ab ur-  
be condita.  
CCCC.LXV.*

metiebantur. In eo bello Lyfimachus amissis antea va-  
riis casibus XV. liberis, non instrenuè moriens, postre-  
mus domus suæ ruinæ cumulus accessit. Latus tantâ  
victoriâ Seleucus, & quod maius victoriâ putabat, solum  
se de cohorte Alexandri mansisse, victorémq; victorum  
extitisse, non humanum opus esse, sed divinum munus  
gloriat, ignarus prorsus, non multò post fragilitatis  
humanae seipsum exemplum futurum. Quippe post  
menses admodum septem à Ptolomæo, cuius sororem  
Lyfimachus in matrimonium habuerat, per insidias cir-  
cumventus, occiditur: regnùmque Macedoniæ, quod  
Lyfimacho eripuerat, cum vitâ pariter amittit. Igitur  
Ptolomæus cum & in gratiam memoriæ magni Pro-  
lomæi patris, & in favorem ultionis Lyfimacho ambi-  
tiosus apud populares esset, primò Lyfimachi filios  
conciliare sibi statuit, nuptiasque Arfinoes sororis suæ  
matris eorum petit: puerorum adoptione promissâ, ut  
cum in locum eorum successisset, nihil illi moliri, vel  
vêrecundiâ matris, vel appellatione patris auderent.  
Fratris quoq; regis Ægypti concordiam per epistolas  
deprecatur, professus deponere se offensam erepti pa-  
terni regni, neq; amplius à fratre quasitum, quod ho-  
nestius à paterno hoste perceperit. Omnîq; arte adula-  
tur Eumeni & Antigono Demetrii filiis, Antiocho filio  
Seleuci, cum quibus bellum habiturus erat, nè tertius  
sibi hostis accederet. Sed nec Pyrrhus rex Epiri omis-  
sus, ingens momentum futurum, utri parti socius acces-  
sisset, qui & ipse spoliare singulos cupiens, omnibus se  
partibus \* vendicabat. Itaq; Tarentinis adversus Ro-  
manos laturus auxilium, ab Antigono naves ad exer-  
citum deportandum mutuo petit: ab Antiocho pecu-  
niam qui opibus quàm militibus instructior erat: à  
Ptolomæo Macedonum militum auxilia. Sed Ptol-  
omæus, cui nulla delationis ex infirmitate virium venia  
esset, quinq; millia peditum, equitum IV. millia, ele-  
phantos quinquaginta, non amplius, quàm in biennii  
usum dedit. Ob hæc Pyrrhus, filiâ Ptolomæi in matri-  
monium

monium acceptâ, vindicem cum regni reliquit. Sed *Orosius. Epi-*  
 quoniam ad Epiri mentionem ventum est, de origine *relici regni*  
 regni ejus pauca narranda sunt. Molossorum primum *origo.*  
 in ea regione regnum fuit, post Pyrrhus Achilles filius,  
 amilio per absentiam Trojanis temporibus paterno  
 regno, in his locis confedit, qui Pyrrhidæ primò, postea  
 Epirotæ dicti sunt. Sed Pyrrhus cum in templum Do-  
 donæi Jovis ad consulendum venisset, ibi Anasam nepo-  
 tem Herculis rapuit, ex cuius matrimonio octo liberos  
 sustulit. Ex his nonnullas virgines nuptum finitimis re-  
 gibus tradidit, opesq; affinitatum auxilio magnas pa-  
 ravit: atq; ita Heleno filio Priami regis, ob industriam  
 singularem vaticinandi, regnum Chaonum, & Andro-  
 machen Hectoris, quam & ipse matrimonio suo divi-  
 fione Trojanæ prædæ acceperat, uxorem reddidit; *Pyrrhi succe-*  
 brevq; post tempore Delphis insidiis Orestis, filii Aga-  
 memnonis, inter altaria Dei interiit. Succesor huic Pi-  
 lades filius fuit. Per ordinem deinde regnum ad \* Arym-  
 bam descendit; cui, quoniam pupillus & unicus ex gente  
 nobili superesset, intentiore omnium curâ servandi ejus,  
 educandique, publicè tutores constituuntur. Athenas  
 quoq; erudiendi gratiâ, missus, quantò doctior majori-  
 bus, tantò & gravior populo fuit. Primus itaq; & leges  
 & senatum, annuòsq; magistratus, & reipub. formâ com-  
 posuit: & ut à Pyrrho sedes, sic vita cultior populo ab  
 Arymba statuta. Hujus filius Neoptolennus fuit: ex  
 quo nata est Olympias, Mater Alexandri Magni, & *Olympias Ne-*  
 Alexander, qui post eum regnū Epiri tenuit; & in Italia *ptolomæ*  
 bello gesto, in Brutiis interiit. Post ejus mortem, frater *sius.*  
 Atacides regno successit, qui assiduus adversus Macedo-  
 nas bellorum certaminibus populum fatigando, offensâ  
 civium contraxit, ac propterea in exilium actus, Pyr-  
 rhum filium binum, admodum parvulum in regno re-  
 liquit: qui & ipse cum à populo propter odium patris,  
 ad necem quæreretur, furtim subtractus in Illyrios de-  
 fertur, traditusq; est Beroæ, Glauciæ regis uxori, nutri-  
 endus, quæ & ipsa generis Alacidarum erat. Ibi cum  
 Glauco re-  
 ge in Illyrio-  
 rum Plut.  
 appella:.

scu



*Ad genua  
enim devolu-  
tum puerum,  
mox vestem  
regis appre-  
hendisse scri-  
bit Plu.*

seu infantilibus blandimentis inductus rex, adversum Cassandrum Macedoniæ regem, qui eum belli comminatione deposcebat, diu protexit, addito in auxilium etiam adoptionis officio. Quibus rebus moti Epirotæ, odio in misericordiam verso, annorum 11. eum in regnum revocaverunt, datis tutoribus, qui regnum usque ad adultam ejus ætatem tuerentur. Adolescens deinde multa bella gessit: tantusque rerum successus haberi coëptus est, ut Tarentinos solus adversus Romanos tueri posse videretur.

## JUSTINI LIBER XVIII.

*Pyrrhi in Ita-  
liam adven-  
tus.*

*Samnitum &  
Lucanorum.  
Plu.*

*Nam elepha-  
tes Italia præ-  
mu nudi,  
Pyrrhi bello,  
Plu. l. 8.  
c. 26. A. 111.*

**I**gitur Pyrrhus rex Epiri, cum iteratâ Tarentinorum legatione, additis Samnitum & Lucanorum precibus, & ipsius auxilio adversus Romanos indigentibus fatigaretur, non tam supplicum precibus, quam spe invadendi Italiæ imperii inductus, venturum se cum exercitu pollicetur. In quam rem inclinatam semel animum, præcipitem agere coëperant exempla majorum; nè aut inferior patruo suo Alexandro videretur, quo defensore iidem Tarentini adversus Brutios usi fuerant: aut minores animos Magno Alexandro habuisse, qui tam longâ à domo militiâ Orientem subegit. Igitur relicto custode regni filio Ptolomæo, annos 15. natô, exercitum in portu Tarentino exponit, duobus parvulis filiis, Alexandro & Heleno, in solatia longinquæ secum expeditionis adductis. Cujus audito adventu, Consul Romanus Valerius Levinus festinans, ut prius cum eo congrediretur, quam auxilia sociorum convenirent, exercitum in aciem deducit: Nec rex tamersi numero militum inferior esset, certamini moram fecit. Sed Romanos vincentes iam, inusitatâ antea elephantorum formâ stupere primò, mox cedere prælio coëgit, victorésq; jam nova Macedonum monstra repente vicerunt. Nec hostibus incruenta victoria fuit: Nam & ipse Pyrrhus graviter vulneratus est, & magna pars militum ejus caesa, majorémq; gloriam ejus victoriæ, quam

quæ latitiam habuit. Hujus pugnae eventum multæ *M. ferunt*  
 civitates secutæ, Pyrrho se tradunt. Inter ceteros eti- *cajos ex Epi-*  
 am Locri, prodito praesidio Romano, ad Pyrrhum defi- *ro. h. Plur.*  
 ciunt. Ex ea praeda Pyrrhus 200. captivos milites Ro-  
 manam gratis remisit, ut cognita virtute ejus, Romani  
 cognocerent etiam liberalitatem. Interjectis deinde  
 diebus, cum sociorum exercitus supervenisset, iterato  
 praeliū cum Romanis facit, in quo par fortuna priori  
 bello fuit. Interea Mago, dux Carthaginiensium, in  
 auxilium Romanorum, cum 120. navibus missus, sena-  
 tum adiit, ægrè tulisse Carthaginienses affirmans, *Aucilia Car-*  
 quod bellum in Italia à peregrino rege paterentur. *thaginien-*  
 Ob quam causam miſſum se, ut quoniam externo hoste *um.*  
 oppugnarentur, externis auxiliis juvarentur. Gratia  
 à senatu Carthaginienſibus actæ, auxiliæque remissa. *Punica fides*  
 Sed Mago Punico ingenio, post paucos dies tacitus, *& ingenium.*  
 quasi pacificator Carthaginiensium, Pyrrhum adiit,  
 speculaturus consilia ejus de Sicilia, quo eum accer-  
 ſiri fama erat. Nam Romanis eadem causa mittendi  
 auxilii Carthaginienſibus fuerat, ut Romano bello, nè  
 in Siciliam Pyrrhus transire posset, in Italia detineret-  
 tur. Dum hæc aguntur, legatus à senatu Romano Fa-  
 britius Lucinus missus, pacem cum Pyrrho composuit.  
 Ad quam confirmandam, Cyneas Romam cum ingen-  
 tibus à Pyrrho donis missus, neminem, cujus domus  
 muneribus pateret, invenit. Huic continentia Roman-  
 norum simile exemplum iisdem ferme temporibus fuit.  
 Nam missa à senatu in Ægyptum legatione, cum in-  
 gentia sibi à Ptolomæo rege missa munera sprevisſent, *Tam virorum*  
 interjectis diebus ad eorum invitatis, aureæ coronæ *quam muli-*  
 missæ sunt, quas illi honoris causâ receptas, posterâ die *rum usui ay-*  
 statuis regis imposuerant. Igitur Cyneas cum turba- *o. Valer.*  
 tam cum Romanis pacem ab Appio Claudio renunti- *Maximus.*  
 aſſet, interrogatum à Pyrrho, Qualis Roma eſſet, re-  
 spondit, *Regum urbem sibi viſam.* Post hæc legati Sicu-  
 lorum superveniunt, tradentes Pyrrho totius insulae  
 imperium, quæ assiduus Carthaginiensium bellis vexa-  
 batur.

*Qui & senex,  
& cæcus in  
senatum dela-  
tus erat. Ci-  
ventum est, de  
origine eorum  
pauca dicenda  
sunt, recer.  
in l. Ant.  
i, rro trad-  
itur Sicilia.  
Car. bagini-  
ensium origi-  
nem unde  
dicta.  
Tyros quando  
condita.  
Conspiratio  
servorum in  
Tyro, in de-  
minos suos.  
Exemplum  
cruc. e' natis  
servorum in  
dominos.*

batur. Itaque relicto Locris Alexandro filio, firmatis-  
 que civitatibus valido praesidio, in Siciliam exercitum  
 trajecit. Et quoniam ad Cathaginensium mentionem  
 petitis Tyrriorum paulo altius rebus, quorum casus eti-  
 am dolendi fuerunt. Tyrriorum gens condita à Phœni-  
 cibus fuit, qui terræ motu vexati, relicto patriæ solo,  
 Assyrium stagnum primò, mox mari proximum locus in-  
 coluerunt, conditâ ibi urbe, quam à piscium ubertate,  
 Sidona appellaverunt. Nam piscem Phœnices Sidon  
 vocant. Post multos deinde annos à rege Ascalonio-  
 rum expugnati, navibus appulsi, Tyron urbem ante  
 annum Trojanæ cladis condiderunt; ibi Persarum bellis  
 diu varièq; fatigati, victores quidem fuisse; sed attritis  
 viribus à servis suis multitudine abundantibus, indig-  
 na supplicia perpeffi sunt: qui conspiratione factâ, om-  
 nem liberum populum cum dominis interficiunt, atq;  
 ita potiti urbe lares dominorum occupant, Remp. in-  
 vadunt, conjuges ducunt, & quòd ipsis non erant, libe-  
 ros procreant. Unus ex tot millibus servorum fuit, qui  
 miti ingenio senis domini, parvulq; filii ejus fortunâ  
 moveretur; dominosq; non truci feritate trucidavit,  
 sed piâ misericordiâ, ac humanitate respexit. Itaq; cum  
 velut occisos alienasset, serviq; de statu Reipub. deli-  
 berantibus placuisset regem ex suo corpore creari,  
 eumq; potissimum quasi acceptissimum diis, qui solem  
 orientem primus vidisset: rem ad Stratonem (hoc  
 enim nomen ei erat) dominum occultè latentem detu-  
 lit. Ab eo informatus, cum medio noctis omnes in  
 unum campum processissent, cæteris in Orientem spe-  
 ctantibus, solus Occidentis regionem intuebatur. Id  
 primùm aliis videri furor, in Occidente solus ortum  
 quærere. Ubi verò dies adventare cœpit, editissimq;  
 culminibus urbis Oriens splendere, & spectantibus  
 aliis, ut ipsum solem aspicerent, hic primus omnibus ful-  
 gorem solis in summo fastigio civitatis ostendit. Non  
 servilis ingenii ratio visa: requirentibusque autorem,

de domino confitetur. Tunc intellectum est, quantum ingenua servilibus ingenia præstarent, *Malitiâq; servos, non sapientiâ vincere.* Igitur venia seni filiôque data est, & velut numine quodam reservatos arbitran-  
 tes, regem Stratonem creaverunt. Post cujus mortem regnum ad filium, ac deinde ad nepotes transit. Celebre hoc servorum facinus, metuendûmque exemplum toto orbe terrarum fuit. Itaque Alexander magnus cum interjecto tempore in Oriente bellum gereret, velut ultor publicæ securitatis, expugnatâ eorum urbe, omnes qui prælio superfuert, ob memoriam veteris cædis, crucibus affixit: genus tantum Stratonis inviolatum servavit, regnûmque stirpî ejus restituit; Ingenuis, & innoxiiis incolis insulæ attributis, ut, extirpato servili germine, genus urbis ex integro conderetur. Hoc igitur modo Tyrîi Alexandri auspiciis conditi, *Parimoniâ & labore querendi* citò convaluere. Ante cladem dominorum, cum & opibus & multitudine abundarent, missâ in Africam juventute, Uticam condidere; cum interim rex Tyro decedit, filio Pygmalione, & Elissa filia insignis formæ virgine, hæredibus institutis. Sed populus Pygmalioni admodum puero regnum tradidit. Elissa quoque Sycho avunculo suo; sacerdoti Herculis, qui honos secundus à rege erat, nupsit. Huic magnæ, sed dissimulatæ opes erant, aurumq; metalli regis non testis, sed terræ crediderat: quam rem etsi homines ignorabant, fama tamen loquebatur. Quâ incensus Pygmalion, oblitus juris humani, avunculum suum, eundemq; generum suum, sine respectu pietatis occidit. Elissa diu fratrem propter scelus averfata, ad postremum dissimulato odio, mitigatôq; interim vultu, fugam tacitè molitur; assumptisq; quibusdam principibus in societatem, quibus par odium in regem esset, eandemq; fugiendi cupiditatem arbitrabatur. Tunc fratrem dolo aggreditur, fingit se ad eum migrare velle, nè amplius ei mariti domus, cupidæ oblationis gravè luctus imaginè renovaret, neve ultra amara ad-

*Strato rex  
crea. ur.*

*Alexander  
crucelutatis  
servilis elier.  
Tyriorum ori-  
ge.*

*Utica condi-  
tur.*

*Elissa, quæ  
& Dido.*

*Ille Sycheum  
Impius ante  
aras, atq; auri  
cæcus amore,  
Clam ferro in-  
cautum supe-  
ra. Virg. 1.*

*Æq.*

*Vsus enim  
anger dolo-  
rum. Cic.  
Didonis  
astus & fuga.*

*\* Sichæum.*

*\* Sichæi.*

*\* Sichæus.*

*Cypriorum  
mos in pec-  
catis vir-  
ginitatis.*

*Didonis in  
Africam ad-  
venit.*

admonitio oculis ejus occurrat. Non invitus Pygmalion verba sororis audivit, existimans cum ea & aurum Sychari ad se venturum. Sed Elissa ministros migrationis à rege missos, navibus cum opibus suis primâ vespere imponit, provectâq; in altum, compellit eos onera arenâ pro pecunia involucris involuta, in mare dejicere. Tunc deflens ipsa lugubriq; voce \* Sicarham exorat, ut libens opes suas recipiat, quas reliquerat, habeatq; inferias, quas habuerat causam mortis. Tunc ipsos ministros aggreditur: sibi quidem ait optatam olim mortem, sed illis acerbos cruciatus, & dira supplicia imminere qui \* Sicarhæ opes, quarum spe parricidium rex fecerit, avaritiæ tyranni subtraxerunt. Hoc metu omnibus injecto, comites fugæ accepit. Junguntur & senatorum in ea nocte præparata agmina, atque ita sacris Herculis, cujus sacerdos \* Sicarhas fuerat, repetitas exilio sedes quærunt. Primus illis appulsus terræ, Cyprus insula fuit: ubi sacerdos Jovis, cum conjugē & liberis, dei monitu comitem se Elissæ, sociumq; fortunæ offert, pactus sibi posterisq; perpetuum honorem sacerdotii. Condicio pro manifesto omine accepta. Mos erat Cypriis, virgines ante nuptias statutis diebus dotalem pecuniam qua situras, in quæstum ad litus maris mittere, pro reliqua pudicitia libamenta. Veneri soluturas. Harum igitur ex numero 80. admodum virgines, rapi, & navibus imponi Elissa jubet, ut & juvenus matrimonia, & urbs sobolem habere possit. Dum hæc agunt, Pygmalion cognitâ sororis fugâ, cum impio bello fugientem persequi pararet, agrè precibus matris & deorum minis victus, quievit: cui cum inspirâtes vates canerent, non impune laturum, si incrementa urbis toto orbe auspiciatissimæ interpellasset, & hoc modo spatium respirandi fugientibus datum. Itaq; Elissa delata in Africæ sinum, incolas loci ejus, adventu peregrinorum, mutuarumque rerum commercio gaudentes, in amicitiam sollicitat: deinde empto loco, qui corio bovis regi possit, in quo fessos longâ navigatio-

ne socios, quoad proficisceretur, reficere posset, corium  
in tenuissimas partes secari jubet, atque ita majus loci  
spatium, quam petierat, occupat, unde postea ei loco  
Eyrfa nomen fuit. Confluentibus deinde vicinis loco-  
rum, qui spe lucri multa hospicibus venalia inferebant,  
sedesq; ibi statuentibus ex frequentia hominum, veluti  
instar civitatis effectum est. Uticensium quoq; legati,  
dona ut consanguineis attulerunt: hortatique sunt, ut  
urbem conderent, ubi sedes fortiri essent. Sed & Afros  
detinendi advenas amor cepit. Itaq; consentientibus  
omnibus Carthago conditur: statuto annuo vectigali  
pro solo urbis. In primis fundamentis caput bubulum  
inventum est: quod auspiciū quidem fructuosæ ter-  
ræ, sed laboriosæ, perpetuôq; servæ urbis fuit, prop-  
ter quod in alium locum urbs translata. Ibi quoq; ca-  
put equi repertum, bellicosum potentemque populū  
futurum significans, urbi auspiciatam sedem dedit. Tunc  
ad opinionem novæ urbis concurrentibus gentibus,  
brevi & populus, & civitas magna facta est. Cum suc-  
cessu rerum florescentes Carthaginis opes essent, rex  
Mauritanorum Hiarbas decem Pœnorum principibus  
ad se arcessitis, Elissæ nuptias sub belli denuntiatione  
petit: quod legati reginæ referre metuentes, Punico  
cum ea ingenio egerunt, nuntiantes regem aliquem  
poscere, qui cultiores mores, victusq; eum, Afrôsque per-  
doceat, sed quenquam inveniri non posse, qui ad Bar-  
baros & ferarum more viventes, transire à consangu-  
ineis velit. Tunc à regina castigati, si pro salute patriæ  
asperiores vitam recusarent, cui etiam ipsa vita, si res  
exigat, debeatur: regis mandata aperuere, dicentes  
quæ præcipiat aliis, ipsi facienda esse, si velit urbi con-  
sultū esse. Hoc dolo capta, diu \* Sicharbæ viri nomine,  
cū multis lacrymis & lamentatione flebili invocato, ad  
postremum ituram se quo sua & urbis fata vocarent,  
respondit. In hoc triū mensiū sumpto spacio pyra in ul-  
tima parte urbis extructa, velut placatura viri manes,  
inferiasq; ante nuptias missura, multas hostias cædit, &  
sumpto

*Merca ique  
solum de m-  
mine Eyrfa-  
Taurino*

*quantum pos-  
sent circum-  
dare virgo:  
Virg.*

*Carthago con-  
ditur.*

*Soris & equi  
caput auspi-  
cium Cartha-  
ginis.*

*Getulorum  
regem Virgi-  
lius facit Hi-  
arbam.*

*\* Sicharæ;*

*Dilonis  
mors.*



De origine,  
conditoribus,  
anno conli-  
nis, mire va-  
riant auctores.  
Vide Euseb.  
& Apulei-  
um.

sumpto gladio pyram conscendit. Atque ita ad popu-  
lum respiciens, ituram se ad virum, sicut præceperant,  
dixit, vitamq; gladio finivit. Quamdiu Carthago in-  
victa fuit, pro Dea culta est. Condita est urbs hæc 72  
annis antè quam Roma, cujus virtus sicut bello clara  
fuit, ita domi status variis discordiarum casibus agitata  
est. Cum inter cætera mala etiam peste laborarent,  
cruentâ sacrorum religione, & scelere pro remedio usi  
sunt. Quippe homines ut victimas immolabant: & im-  
puberes (quæ atas etiam hostium misericordiam pro-  
vocat) aris admovebant, pacem deorum sanguine eo-  
rum exposcentes, pro quorum vita dii rogari maxime  
solent. Itaque \* adversis tanto scelere numinibus cum  
in Sicilia diu infeliciter dimicassent, translato in Sar-  
diniam bello, amissâ majore exercitus parte; gravi præ-  
lio victi sunt. Propter quod ducem suum \* Machaum  
cujus auspiciis & Sicilia partem domuerant, & adver-  
sus Afros magnas res gesserant, cum parte exercitus  
quæ superfuerat, exulare iusserunt. Quam rem aggre-  
ferentes milites, legatos Carthaginem mittunt, qui  
reditum primò, veniamque infelicis militiæ petant  
denuncient, quod si precibus nequeant, armis se con-  
sequuturos. Cum preces & minæ legatorum sprete es-  
sent, interjectis diebus conscensis navibus armati ad  
urbem veniunt. Ibi deos, hominesq; testari, non se ex-  
pugnatum, sed recuperatum patriam venire, ostense-  
runtq; civibus suis, non virtutem sibi priore bello, sed  
fortunam defuisse. Prohibitis commeatibus obsessâ  
urbe, in summam desperationem Carthaginenses ad-  
duxerunt. Interea Cartalo Machæi ducis exulis filius  
cum præter castra patris à Tyro, quò decimas Herculi  
ferre, ex præda Siciliensi quam pater ejus ceperat,  
Carthaginensibus missus fuerat, reverteretur, accen-  
tusq; à \* patria esset, publicæ se prius religionis officio  
executurum, quàm privatæ pietatis respondit. Quam  
rem etsi ægrè ferret pater, non tamen vim afferre reli-  
gioni ausus est. Interjectis deinde diebus Cartalo peti-

\* Aversis.

\* Mezenum  
Orosius habet.  
Machæus  
Carthagini-  
ensium impe-  
ra. or exula.

Carthagini-  
enses à suis  
oppugnantur  
militibus.

\* Patre.

commeatu à populo, cùm reversus ad patrem esset, ornatusq; purpurâ, & insulis sacerdotii, omnium se oculis ingereret, tum in secretum pater abducto, ait, Aususne es nefandissimum caput, istâ purpurâ & auro ornatus, in conspectum tot miserorum civium venire, & mœsta ac lugentia castrâ confluentibus quietæ felicitatis insignibus velut exultabundus intrare? Nusquâmpne te aliis jactare potuisti? Nullus locus aptior, quàm sordes patris, & exilii infelicis arumnæ fuerunt? Quid quòd paulo ante vocatus, non dico patrem, ducem certe civium tuorum superbè sprevisi? Et quid porrò tu in purpura istâ coronisq; aliud quàm victoriarum nectarum titulos geris? Quoniam igitur tu in patre nihil nisi exulis nomen agnoscis, ego quoque imperatorem me magis quàm patrem indicabo, statuâmq; in te exemplum, nè quis posthac infelicibus miseriis patris illudat. Atq; ita cum ornatu suo, in altissimam crucem in conspectu urbis affigi jussit. Post paucos deinde dies Carthaginem capit, evocatq; populo ad concionem exilii injuriam queritur, belli necessitatem excusat; contentumq; victoriâ suâ, punitis autoribus miserorum suorum civium injuriosi exilii omnibus se veniam dare dicit. Atq; ita decem senatoribus interfectis, urbem legibus suis reddidit. Nec multo pòst tempore affectati regni accusatus, duplicis & in filio & in patria parricidii pœnas dedit. Huic Mago imperator successit, cujus industriâ, & opes Carthaginensium, & imperii fines, & bellicæ gloriæ laudes creverunt.

*Exemplum  
cruelitatis  
paternæ erga  
filium.*

*Carthaginiensis  
à patre Ma-  
cho cruci  
affigitur.*

*Acta sunt  
hæc tempore  
Cyri regis.  
Oros.*

## JUSTINI LIBER XIX.

**M**ago Carthaginensium imperator, cùm primus omnium ordinatâ disciplinâ militari imperium Pœnorum condidisset, virêsq; civitatis non minus bellandi arte, quàm virtute firmasset, defungitur, relictis duobus filiis Asdrubale & Amilcare: qui per vestigia paternæ virtutis decurrentes, sicuti generi, ita & magnitudini patris successerunt. Iis ducibus

*Seipsum is  
Mago interfe-  
cerat, ob rem  
male gestam  
contra Syra-  
cusanos.*

Ob quam rem  
in crucem  
sublatum est  
corpus mortui  
à Carthage.  
Plur. in vita  
Timoleonis.  
\* Cui cognomen  
fuit Barca.

Bellum Sici-  
liense.  
Darii edi-  
ctum.

Miror quid  
veneri in  
mentem Ju-  
piteri, cur  
Annibalem  
filium As-  
drubalis di-  
ca, cum secus  
habeant omnes  
historia.

\* Agnarent.

Sardinia bellum illatum : adversus Afros quoque, ve-  
tigal pro solo urbis multorum annorum repetentes,  
dimicatum : sed Afrorum sicut causa iustior, ita & for-  
tuna superior fuit, bellumque cum his solutione pecu-  
nia non armis finitum. In Sardinia quoque Asdrubal  
graviter vulneratus, imperio \* Amilcari fratri tradito,  
interiit, cuius mortem, tum luctus civitatis, tum & di-  
ctaturæ undecim, & triumphus quatuor insignem fecere :  
hostibus quoque crevere animi, veluti cum duce Pœ-  
norum vires concidissent. Itaque Sicilia populis prop-  
ter assiduas Carthaginensium injurias, ad Leonidam  
fratrem regis Spartanorum concurrentibus, grave bel-  
lum natum : in quo & diu & variâ victoriâ præliatum  
fuit. Dum hæc aguntur, legati à Dario Persarum rege  
Carthaginem veniunt, afferentes edictum, quo Pœni  
humanas hostias immolare, & caninâ carne vesci pro-  
hibebantur ; mortuorum corpora cremare potius, quam  
terrâ obruere à rege jubebantur : petentes simul auxi-  
lia adversus Græcos quibus illaturus bellum Darius  
erat. Sed Carthaginenses auxilia negantes, propter  
assidua finitimorum bella, ceteris ne per omnia con-  
tumaces viderentur, cupide parvêre. Interea Amilcar  
bello Siciliensi interficitur, relictis tribus filiis Amil-  
cone, Hannone, Gisgone. Asdrubali quoque par nume-  
rus filiorum fuit : Annibal, & Asdrubal, & Sappho. Per  
hos res Carthaginensium eâ tempestate regebatur.  
Itaque & Mauris bellum illatum, & adversus Numidas  
pugnatum, & Afri stipendium urbis conditæ Cartha-  
ginensibus remittere. Dein cum familia tanta impe-  
ratorum gravis liberæ civitati esset, omniâque age-  
rent, simul & judicarent, centum ex numero senato-  
rum iudices deliguntur, qui reversis à bello ducibus ra-  
tionem rerum gestarum exigerent : ut hoc metu ita in  
bello imperia \* cogitarent, ut domi iusticiam, legesque  
respicerent : In Sicilia in locum Amilcaris, imperator  
Amilco succedit ; qui cum navali terrestrique bello se-  
cunda prælia fecisset, repente pestilentis syderis vi ex-  
ercitum

erciturum amisit; quæ res cùm nuntiata Carthagini esset, *Amilcari*  
 inæsta civitas fuit. Omnia ululatibus, non secus ac si *Amilco* suc-  
 ipsa urbs capta esset, personabant: clausæ privatæ do- *cedit.*  
 nius, clausa deorum templa, intermissa omnia sacra, *Descriptio*  
 omnia privata officia damnata; cuncti deinde ad por- *publicus tu-*  
 tum congregantur, egredientesque paucos è navibus, *itur.*  
 qui cladi superfuerant, de suis percontantur. Ut verò  
 dubiâ antea spe, & suspensio metu, incertâ orbitatis ex- *Exemplum*  
 pectatione casus suorum miseris illuxit, tunc toto lito- *miseræ affectus*  
 re plangentium gemitus, tunc infelicium matrum ulu- *urbis.*  
 latus, & querelæ flebiles audiebantur. Inter hæc pro-  
 cedit inops è navi sua imperator Amilco, sordidâ, servi-  
 lique tunicâ discinctus; ad cuius conspectum plangen-  
 tium agmina junguntur. Ipse quoque manus ad cælum  
 tendens, nunc sortem suam, nunc publicam fortunam *Amilconis*  
 deflet, nunc deos accusat, qui tanta belli decora, & tot *imperatoris*  
 ornamenta victoriarum, quæ ipsi dederant, abstulerint: *Carthagini-*  
 qui captis tot urbibus, totiesque hostibus terrestri na- *ensium qu-*  
 valiq; pralio victis, exercitum victorem non bello, sed *rela.*  
 peste deleverint; deferre se tamen civibus suis non  
 modica solatia, quòd malis eorum hostes gaudere,  
 non gloriari possent. Quippe neque eos qui mortui  
 sunt, à se occisos; neque eos, qui reversi sunt, à  
 se fugatos possint dicere. Prædam, quam relictis à se  
 castris abstulerint, non esse talem, quam, velut spoliū  
 victi hostis, ostentent, sed quam possessione vacuâ, for-  
 titis dominorum mortibus, sicuti caduca occupaverint.  
 Quòd ad hostes pertinet, victores se recessisse; quòd  
 ad pestem pertinet, victos; nihil tamen se gravius ferre,  
 quàm quòd inter fortissimos viros mori non potuerit,  
 servatusq; sit, non ad vitæ jucunditatem, sed ad ludi-  
 brium calamitatis, quanquā ubi miseras copiarum re-  
 liquias Carthaginem reduxerit, se quoque sequuturum *Miserabilis*  
 commilitones suos; ostensurumq; patriæ, non ideò se *Amilconis*  
 in eam diem vixisse, quoniam velit vivere, sed nè hos *exitus.*  
 quibus nefanda lues perpercerat, intra hostium exerci-  
 tus relictos morte suâ proderet. Tali vociferatione per  
 urbem

*Ob quam rem  
in crucem  
sublatum est  
corpus moriui  
à Carthag.  
Plur. in vita  
Timoleonis.  
\* Cui cognomen  
fuit  
Bartha.*

*Bellum Sici-  
liense.  
Darii edi-  
ctum.*

*Miror quid  
veneri in  
mentem Ju-  
pino, cur  
Annibalem  
filium As-  
drubalis di-  
ca, cum secus  
habeant omnes  
victoria.*

*\* Agnarent.*

Sardinia bellum illatum : adversus Afros quoque, ve-  
tigal pro solo urbis multorum annorum repetentes  
diinacatum : sed Afrorum sicut causa iustior, ita & for-  
tuna superior fuit, bellumque cum his solutione pecu-  
nia non armis finitum. In Sardinia quoque Asdruba  
graviter vulneratus, imperio \* Amilcari fratri tradito  
interiit, cujus mortem, tum luctus civitatis, tum & di-  
ctaturæ undecim, & triumphus quatuor insignem fecere  
hostibus quoque crevere animi, veluti cum duce Pe-  
norum vires concidissent. Itaque Sicilia populis prop-  
ter assiduas Carthaginensium injurias, ad Leonida  
fratrem regis Spartanorum concurrentibus, grave bel-  
lum natum : in quo & diu & variâ victoriâ præliatum  
fuit. Dum hæc aguntur, legati à Dario Persarum regi  
Carthaginem veniunt, afferentes edictum, quo Per-  
se humanas hostias immolare, & caninâ carne vesci pro-  
hibebantur ; mortuorum corpora cremare potius, quam  
terrâ obruere à rege jubebantur : petentes simul auxi-  
lia adversus Græcos quibus illaturus bellum Darius  
erat. Sed Carthaginenses auxilia negantes, propter  
assidua finitimorum bella, cæteris ne per omnia con-  
tumaces viderentur, cupide parvè. Interea Amilcar  
bello Siciliensi interficitur, relictis tribus filiis Amil-  
cone, Hannone, Gisgone. Asdrubali quoque par nume-  
rus filiorum fuit : Annibal, & Asdrubal, & Sappho. Pe-  
rhos res Carthaginensium eâ tempestate regebantur.  
Itaque & Mauris bellum illatum, & adversus Numida  
pugnatum, & Afri stipendium urbis conditæ Cartha-  
ginensibus remittere. Dein cum familia tanta impe-  
ratorum gravis liberæ civitati esset, omniâque age-  
rent, simul & judicarent, centum ex numero senato-  
rum iudices deliguntur, qui reveris à bello ducibus ra-  
tionem rerum gestarum exigerent : ut hoc metu ita à  
bello imperia \* cogitarent, ut domi iustitiam, legesque  
respicerent : In Sicilia in locum Amilcaris, imperator  
Amilco succedit, qui cum navali terrestrique bello se-  
cunda prælia fecisset, repente pestilentis syderis vi ca-  
ercitur.

erciturum amisit; quæ res cùm nuntiata Carthagini esset, *Amilcar*  
 moesta civitas fuit. Omnia ululatibus, non secus ac si *Amilco* suc-  
 ipsa urbs capta esset, personabant: clausæ privatæ do- *cedit.*  
 mus, clausa deorum templa, intermissa omnia sacra, *Descriptio*  
 omnia privata officia damnata; cuncti deinde ad por- *publica lu-*  
 tum congregantur, egredientesque paucos è navibus, *stus.*  
 qui cladi superfuerant, de suis percontantur. Ut verò  
 dubia antea spe, & suspenso metu, incertâ orbitatis ex- *Exemplum*  
 pectatione casus suorum miseris illuxit, tunc toto litto- *miseræ affectu*  
 re plangentium gemitus, tunc infelicium matrum ulu- *urbis.*  
 atus, & querelæ flebiles audiebantur. Inter hæc pro-  
 dedit inops è navi sua imperator Amilco, sordidâ, servi-  
 que tunicâ discinctus; ad cuius conspectum plangen-  
 tum agmina junguntur. Ipse quoque manus ad cœlum  
 tendens, nunc sortem suam, nunc publicam fortunam  
 deslet, nunc deos accusat, qui tanta belli decora, & tot *Amilconis*  
 ornamenta victoriarum, quæ ipsi dederant, abstulerint: *imperatoris*  
 qui capitis tot urbibus, totiesque hostibus terrestri na- *Carthagini-*  
 aliq; prælio victis, exercitum victorem non bello, sed *ensium qu-*  
 esse deleverint; deferre se tamen civibus suis non *relis.*  
 modica solaria, quòd malis eorum hostes gaudere,  
 non gloriari possent. Quippe neque eos qui mortui  
 sunt, à se occisos; neque eos, qui reversi sunt, à  
 fugatos possint dicere. Prædam, quam relictis à se  
 astris abstulerint, non esse talem, quam, velut spoliū  
 victi hostis, ostentent, sed quam possessione vacuâ, for-  
 titis dominorum mortibus, sicuti caduca occupaverint.  
 quòd ad hostes pertinet, victores se recessisse; quòd  
 pestem pertinet, victos; nihil tamen se gravius ferre,  
 quàm quòd inter fortissimos viros mori non potuerit,  
 servatūq; sit, non ad vitæ jucunditatem, sed ad ludi-  
 cium calamitatis, quanquā ubi miseras copiarum re-  
 liquias Carthaginem reduxerit, se quoque sequuturum *Miserabilis*  
 omnem milites suos; ostensurūq; patriæ, non ideo se *Amilconis*  
 eam diem vixisse, quoniam velit vivere, sed nè hos *exitus.*  
 libus nefanda lues perpercerat, intra hostium exerci-  
 tus relictos morte suâ proderet. Tali vociferatione per  
 urbem



urbem ingressus, ut ad limina domus suæ venit, prosequutam multitudinem, velut postremo alloquio dimisit, obsecratîsq; foribus, ac nemine ad sese, ne filiis quidem admissis, mortem sibi conscivit.

## JUSTINI LIBER XX.

*Dionysii senioris gesta.*

**D**ionysius, ex Sicilia pulsus Carthaginienfibus, occupatq; totius insulæ imperio, grave otium regno suo, periculofamq; desidîa tanti exercitus ratus, copias in Italiam trajecit; simul ut militû vires continuo labore acuerentur, & regni fines proferrentur. Prima illi militia adversus Græcos, qui proxima Italici maris littora tenebant, fuit: quibus devictis, finitimos quosq; aggreditur, omnesque Græci nominis Italiam possidentes, hostes sibi destinat: quæ gentes non partem, sed universam fermè Italiam eâ tempestate occupaverant. Denique multæ urbes adhuc post tantam vetustatem, vestigia Græci moris ostentant. Namq; Tuscorum populi qui oram inferi maris possident, à Lydia venerunt: & Venetos, quos incolas superi maris videmus, captâ & expugnatâ Trojâ; Antenore duce, misit: Adria quoq; Illyrico mari proxima, quæ & Adriatico mari nomen dedit. Græca urbs est & Harpos, quam Diomedes, exciso Ilio, naufragio in ea loca delatus, condidit. Sed & Pisæ in Liguribus Græcos autores habent: & in Tuscis, Tarquin à Thessalis & Spinambri: Perusini quoque originem ab Achais ducunt. Quid Cere urbem dicam? Quid Latinos populos: qui ab Ænea conditi videntur? Item Falisci, Iapygii, Nolani, Abellani, nonne Calcidensium coloni sunt? Quid tractus omnes Campaniæ? Quid Brutii, Sabinique? Quid Samnites? Quid Tarentini, quos Lacedæmonia profectos, Spuriôsque vocatos accepimus? Thurinorum urbem condidisse Philoctetem ferunt, ibique adhuc monumentum ejus visitur: & Herculis sagittæ in Apollinis templo, quæ fatum Trojæ fuisse. Metaponti quoque in templo Minervæ ferraamenta, quibus Epeus,

*De origine Venetorum, vide Livium l. Dec. lib. I. statim in initio.*

*Thurinorum origo.*

à quo conditi sunt, equum Trojanum fabricavit, ostentant : propter quod omnis illa pars Italiæ, major Græcia appellatur. Sed principio originum Metapontini cum Sybaritanis & Crotoniensibus pellere cæteros Græcos Italiâ statuerunt. Cum primùm urbem Syrim cepissent, in expugnatione ejus quinquaginta juvenes amplexos Minervæ simulachrum, sacerdotemque deæ velatum ornamentis inter ipsa altaria trucidaverunt. Ob hoc cùm peste & seditionibus vexarentur, priores Crotonienses Delphicum oraculum adierunt. Responsum his est, finem mali fore, si violatum Minervæ numen, & interfectorum manes placassent. Itaque cùm statuas juvenibus justæ magnitudinis, & imprimis Minervæ fabricare cœpissent, Metapontini cognito oraculo deorum, occupandam & manium pacem, & deæ rati, juvenibus modica & lapidea simulacra ponunt, & deam panificiis placant. Atque ita pestis utrobique sedata est, cùm alteri magnificentiâ, alteri velocitate cerasent. Recuperata sanitate, non diu Crotonienses quieverere. Itaque indignantes, in expugnatione Syris auxilium contra se à Locrensisibus latum, bellum his intulerunt. Quo metu territi Locrenses, ad Spartanos decurrunt, auxilium supplices deprecantur. Illi longinquâ militiâ gravati, auxilium à Castore & Polluce petere eos jubent. Neq; legati sociæ urbis responsum spreverunt : profectique in proximum templum, facto sacrificio, auxilium deorum implorant. Litatis hostiis, obtentóq; ut rebantur, quod petebant, haud secus læti, quam si deos ipsos secum advekturi essent, pulvinariis in nave componunt, faustisq; profecti omnibus, solatia suis pro auxiliis deportant. His cognitis Crotonienses & ipsi legatos ad oraculum Delphos mittunt, victoriæ facultatem, belliq; prosperos eventus deprecantes : Responsum, prius votis hostes, quàm armis vincendos. Cùm vovissent Apollini decimas prædæ, Locrenses & voto hostium, & responso Dei cognito, nonas voverunt : tacitamq; eam rem habuere, ne votis

*Epeus Trojanum equi faber.*

*Exemplum crudelitatis & impietatis.*

*Oraculum.*

*Bellum Crotonensium cum Locrensisibus.*

*Oraculum. Vota Crotonensium & Locrensisum.*

*Desperatio enim, magnum ad honeste moriendum incitamentum est. Curt.*

*Victoria Locrensiū de Crotoniatis. Vide Cic. lib. 2. de Orat. & Livium I. ab Urbe condita.*

*Pythagore Peregrinatio.*

*Pythagore doctrina apud Crotonienses. Luxuriā, id est, luxuria corrupti.*

vincerentur. Itaq; cū in aciem processissent. & Crotoniensium centum viginti millia armatorum constitissent, Locrenses paucitatem suam circumspicientes (nam sola quindecim millia militum habebant) omīsa spe victoriæ, in destinatam mortem conspirant, tantūq; ardor ex desperatione singulos cepit, ut victores se putarent si non inulti morerentur, sed dum mori honeste quærunt felicius vicerunt. Nec alia causa victoriæ, quàm quòd desperaverunt. Pugnantibus Locris, aquila ab acie nunquam recessit, eosq; tamdiu circumvolavit, quoad vincerent. In cornibus quoque duo juvenes diverso à cæteris armorum habitu, eximiā magnitudine, & albis equis, & coccineis paludamentis, pugnare visi sunt, nec ultrà apparuerunt quàm pugnatum est. Hanc admirationem auxit incredibilis famæ velocitas. Nam eādem die, quā in Italia pugnatum est, & Corintho, & Athenis, & Lacedæmone nuntiata est victoria. Post hæc, Crotoniensibus nulla virtutis exercitatio, nulla armorum cura fuit. Oderant enim quæ infelicitè sumpserant, mutassentq; vitam luxuriā, ni Pythagoras philosophus fuisset. Hic Sami Demarato locuplete negotiatore patronatus, magnisq; sapientiæ incrementis ornatus, Ægyptum primò, mox Babyloniam ad perdiscendos syderum motus, originēq; mundi spectandam profectus, summā scientiā consecutus erat. Inde regressus, Cretam & Lacedæmona ad cognoscendas Minois & Lycurgi inclytas eā tempestate leges, contenderat. Quibus omnibus instructus, Crotonam venit, populūq; in luxuriam lapsū auctoritate suā ad usum frugalitatis revocavit. Laudabat quotidie virtutem, & vitia luxuriæ contemnebat, casūq; civitatū hac peste perditarum enumerabat, tantūq; studiū ad frugalitatem multitudinis provocavit, ut aliques ex his luxuriatos in optimam frugem conversos fuisset incredibile videretur. Matronarum quoq; separatam à viris doctrinam, & puerorum à parentibus frequenter habuit. Docebat nunc has pudicitiam & obsequia in viros,

nunc illos modestiam, & literarum studium. Inter hæc *Frugalitas*  
 velut *genitricem virtutum frugalitatem* omnibus inge-  
 rebat, consecutusq; assiduitate disputationum erat, ut *varium*  
 matronæ auratas vestes, ceteraq; dignitatis suæ orna-  
 menta, velut instrumenta luxuriæ, deponerent, eaque  
 omnia delata in Junonis ædem ipsi deæ consecrarent,  
 præferens, *vera ornamenta matronarum pudicitiam, non*  
*celles esse.* In juventutem quoq; quantum profligatum  
 sit, victi foeminarum contumaces animi manifestât. Sed  
 300. ex juvenibus cum sodalicii jure sacramento quo-  
 dam nexi, separatam à civibus ceteris vitam exerce-  
 rent, quasi cætum clandestinæ conjurationis haberent,  
 civitatem in se converterunt, quæ eos, cum in unam do-  
 mum convenissent, cremare voluit. In quo tumultu 60.  
 ferme homines periere, ceteri in exilium profecti. Py-  
 thagoras autem, cum annos 20. Crotonæ egisset, Meta-  
 pontum migravit, ibiq; decessit: cujus tanta admiratio  
 fuit, ut ex domo ejus templum facerent, eumq; pro Deo  
 colerent. Igitur Dionysius tyrannus, quem suprà à Sici-  
 lia exercitum in Italiam trajecisse, bellumq; Græcis  
 intulisse memoravimus, expugnatis Locris, Crotonien-  
 ses, vix vires longo otio ex prioris belli clade resumen-  
 tes, aggreditur. Qui fortius cum paucis tanto exercitui  
 ejus, quàm antea cum tot millibus Locrensiū pauci-  
 tati resisterunt. Tantum virtutis pauperris adversus in-  
 solentes divitias habet, tantq; insperata interdum  
 speratâ victoria certior est. Sed Dionysium gerentem  
 bellum, legati Gallorum, qui paucos ante menses Ro-  
 mam incenderunt, societatem, amicitiamq; petentes ad-  
 eunt, gentemq; suam inter hostes ejus positâ esse, mag-  
 nâq; usui ei futuram vel in acie bellanti, vel de tergo  
 intentis in prælium hostibus, affirmant. Grata legatio  
 Dionysio fuit. Ita pactâ societate, & auxiliis Gallorum  
 auctus, bellum velut ex integro restaurat. Iis autem  
 Gallis causâ in Italiam veniendi, sedesq; novas quæ-  
 rendi, intestina discordia, & assiduæ domi dissensiones  
 fuere; quarum tadio, cum in Italiam venissent, sedibus  
 Tuscos

*Vel inedia,  
 vel inief-  
 fus à Syracu-  
 sanis, dum  
 agrum faba-  
 ceum circumit.  
 Laer. Eji-  
 pconma gre-  
 gium. Gatos  
 Senones in-  
 telligit. Calli-  
 cur Italiam  
 invaserunt.  
 In Italiam  
 CC. ante an-  
 nos migrave-  
 runt Celsæ,  
 quam esset  
 urbs incensa.  
 l. 5. Strab. ab  
 urbe.*

*Vixit ad mat-  
nam jenseu-  
tem, & filio  
regnum per  
manus tradi-  
dit.*

*Lut. lib. 3.  
ecce fit enim  
a. num LX.  
Prob.*

Tuscos expulerunt, & Mediolanum, Comum, Brixiam, Veronam, Bergomum, Tridentum, Vicentiam, condiderunt. Tusci quoque, duce Rheto, avitis sedibus amissis, Alpes occupavere, & nomine ducis gentem Rhetorum condiderunt. Sed Dionysium in Siciliam adventus Carthaginienfium revocavit; qui recuperato exercitu, bellum, quod lue deseruerant, auctis viribus; reperebant. Dux belli Hanno Carthaginienfis erat, cujus inimicus Suniator potentissimus eâ tempestate Pœnorum, cum odio ejus Græcis literis Dionysio adventum exercitus, & segnitiam ducis familiariter prænuñtasset, comprehensis epistolis prodicionis damnatur; facto senatusconsulto, nè quis postea Carthaginienfis, aut literis Græcis, aut Græco sermoni studeret, nè aut loqui cum hoste, aut scribere sine interprete posset. Nec multo post Dionysius, quem paulo ante non Sicilia, non Italia capiebat, assiduus belli certaminibus victus, fractusque, ad postremum insidiis suorum interficitur.

## JUSTINI LIBER XXI.

*Dionysium  
junior.*

**E**Xtincto in Sicilia Dionysio tyranno, in locum ejus milites maximum natu ex filiis, ejus nomine Dionysium suffecere: & maturam ætatem ejus secuti, & quod firmitus futurum esset regnum, si penes unum remansisset, quam si portionibus inter plures filios divideretur, arbitrabantur. Sed Dionysius inter initia regni avunculos fratrum suorum, velut æmulos imperii sui hortatoresque; puerorum, & divisionem regni tollere gestiebat. Quare paulisper dissimulatum animum prius ad favorem popularium conciliandum intendit, excusatus facturus quod statuerat, si probatus antè omnibus foret. Igitur nexorum tria millia e carcere dimittit, tributa populo per triennium remittit, & quibuscunque delinimentis potest, animos omnium sollicitat. Tunc ad destinatum facinus conversus, non cognatos tantum fratrum, sed etiam ipsos fratres interfecit: ut quibus consortium regni debebat, ne \* spiritus quidẽ consortiũ

*Dionysii po-  
pularis largi-  
tio.*

*Qui in temp-  
varia servitu-  
te detineban-  
tur.*

*Impietatis ex-  
emplum.*

*\* spes.*

relin-

relinqueretur, tyrannidem in suos prius quàm in exter-  
 nos auspicatus. Sublatjs deinde æmulis, in segnitiam  
 lapsus, saginam corporis ex nimia luxuria oculorùmq;  
 valetudinem contraxit, adeò ut non solem, non pulve-  
 rem, non denique splendorem ferre lucis ipsius posset.  
 Propter quæ dum contemni se putat, sævitia grassatur,  
 nec, ut pater, carcerem nexis, sed cædibus civitatem re-  
 plet: ob quæ non contemptior omnibus, quàm invisior  
 fuit. Itaq; cùm bellum adversus eum Syracusani decre-  
 vissent, diu dubitavit, an imperium deponeret, an bello  
 resisteret; sed à militibus prædam, urbisq; direptionem  
 sperantibus, descendere in prælium cogitur. Victus cùm  
 iteratò non felicius fortunam tentasset, legatos ad Syra-  
 cusanos mittit, spondens se depositurum tyrannidem si  
 mitterent ad eum cum quibus de pace conveniret. In  
 quam rem missos primores in carcere retinet: atq; ita  
 incautis omnibus, nec quicquam hostile metuentibus;  
 exercitū ad delendam civitatem mittit. Fit igitur in ipsa  
 urbe anceps præliū: in quo oppidanis multitudine supé-  
 rantibus, Dionysius pellitur: qui cùm obsidionem arcis  
 timeret, cum omni regio apparatu in Italiam profugit  
 tacitus. Exul à Locrensis sociis acceptus, velut jure  
 regnaret, arcem occupat, solitāmq; sibi sævitiam exer-  
 cet. Conjuges principum ad stuprum rapi jubebat, vir-  
 gines ante nuptias abducebat, stupratāsq; \* procis red-  
 debat. Locupletissimos quosq; aut civitate pellebat aut  
 occidi imperabat, bonāq; eorū invadebat. Deinde cùm  
 rapinæ occasio deesset, universam civitatem callido  
 cōmento circumvenit. Cum Rhegynorum tyranni Leo-  
 phronis bello Locrenses premerentur, voverunt, si victo-  
 res forent, ut die festo Veneris virgines suas prostitu-  
 rent. Quo voto intermisso, cùm adversa bella cum Lu-  
 canis gererent, in concionē eos Dionysius vocat;horta-  
 tur, ut uxores filiāsque suas in templū Veneris, quàm pos-  
 sint ornatissimas mittant; ex quibus sorte centū ductæ,  
 voto publico fungantur, religionisq; gratiā, uno stent in  
 lupanari mense, omnibus ante juratis viris, ne quis ullā  
 atta-

*Dionysii se-  
 vitia. De de-  
 core filii, mor-  
 uns pater  
 pænas repen-  
 dit. Valer.  
 Max.*

*Dionysii sup-  
 ex Syracusis.  
 Tyranni jec-  
 tura.*

*\* Sponsis.*

*Vide quibus  
 votis democ-  
 tes, pro diis  
 culti delectati  
 fuerint.*



attaminet. Quæ res nè virginibus, voto civitatem solventibus fraudi esset, decretum facerent, ne qua virgo nuberet, priusquam illæ maritis traderentur. Probaro consilio, quo & superstitioni, & pudicitia virginum confulebatur, certatim omnes scemina impensius exornata

*Dionysii cr-* in templum Veneris conveniunt: quas omnes Diony-  
*delitum.* sius inimicis militibus spoliat, ornamentaq; matronarum in prædam suam vertit. Quarundam viros ditiores interfecit, quasdam ad prodendas virorum pecunias torquent. Cùm his artibus per annos sex regnasset,

*Dionysius* conspiracy Locrorum civitate pulsus, in Siciliam redit. Ibi Syracusas securis omnibus, post longam intercapedinem pacis per \* conditionem recepit. Dum hæc in Sicilia geruntur, interim in Africa princeps Carthaginiensium Hanno opes suas, quibus reipub. superabat vires ad occupandam dominationem intendit, regnumq; invadere, interfecto senatu, conatus est Cui sceleris solennem nuptiarum diem filia suæ legit, ut religione votorum nefanda committeret, & nefanda commenta facilius tegerentur. Itaq; plebi epulas in publicis porticibus, senatui in domo sua parat, ut poculis veneno infectis, secretius senatum & sine arbitris interficeret, orbamq; remp. facilius invaderet. Quâ re magistratibus per ministros proditâ, scelus declinatum, non vindicatum est, nè in viro tam potenti plus negotii faceret res cognita quàm cogitata. Contenti itaq; cohibuisse decreto, modum nuptiarum sumptibus statuunt, idque observari non ab uno, sed ab universis jubent, nè persona designata, sed vitia correpta esse viderentur. Hoc consilio præventus, iterum servitia concitat, statutaq; rursus cædium die, cùm denuò se proditum videret, timens iudicium, munitum quoddam castellum cum viginti millibus servorum armatis occupat. Ibi dum Afros, regemq; Mauritanorum concitat, capitur, viq; cæsus, effossis oculis, & manibus, cruribusq; fractis, velut à singulis membris pænæ exigerentur, in conspectu populi occiditur, corpus verberibus lacerum

in cruce figitur. Filii quoq; cognatique omnes, etiam *Hanc viris*  
 innoxii supplicio traduntur, nè quisquam aut ad ini- *c-sus cruci*  
 tandum facinus, aut ad mortem ulciscendam *ox tam*  
 nefaria domo superesset. Interea Dionysius Syracusis  
 receptus, cum gravior crudeliórq; indies civitati esset,  
 iteratâ conspiratione obfideatur. Tunc deposito imperio *Mirum viti-*  
 arcem Syracusanis cum exercitu tradidit, receptoque *anus formae*  
 privato instrumento, Corinthum in exilium proficisci- *ex-nipium*  
 tur: Ibi humillima quaq; tutissima existimans, in for- *Tyrannis nul-*  
 didissimum vitæ genus descendit: non contentus in *la perpetua.*  
 publico vagari, sed potare: nec conspici in popinis, lu- *Ludum Co-*  
 panaribúsque, sed totis diebus desiderare, cum perditissi- *rinthi aperu-*  
 mo quoq; de minimis rebus disceptare, pannosúsque & *it Dio: suis.*  
 squalidus incedere: risum libentiús præbere quàm cap- *Cic. l. 9. c. 11.*  
 tare, in macello perstare, quæ emere non poterat, *oculis*  
 devorare: apud ædiles adversus lenones iurgari, omni-  
 áque ita facere, ut contemnendus magis, quàm metu-  
 endus videretur. Novissimè se ludimagistrum professus,  
 pueros in trivio docebat, ut aut à timentibus semper in  
 publico videretur, aut à non timentibus faciliús con-  
 temneretur. Nam licet \* tyrannicis vitiis semper abun-  
 daret, tamen simulatio hæc vitiorum non naturæ erat:  
 magisq; hac arte, quàm amisso regali pudore faciebat,  
 expertus quàm invisâ tyrannorum forent jam sine opi-  
 bus nomina. Laborabat itaque invidiam præteritorum  
 contemptu præsentium demere, neq; honesta, sed tuta  
 consilia circumspiciebat. Inter has tamen dissimulatio-  
 num artes, ter infimulatus est affectatæ tyrannidis; nec  
 aliter, quàm dum contemnitur, liberatus est. Inter hæc  
 Carthaginenses tanto successu rerum Alexandri mag-  
 ni exterriti, verentes nè Persico regno & Africam  
 vellet adjungere, mittunt ad speculandos ejus animos  
 Amilcarem cognomento Rhodanum, virum solertiâ  
 facundiâq; præter ceteros insignem. Augebant enim  
 metum & Tyrus urbs, autor originis suæ, capta, &  
 Alexandria æmula Carthaginis, in terminis Africæ *Et vers.*  
 & Ægypti condita, & felicitas regis, apud quem *Cres.*

nec

*Amilcaris  
Rhodani  
doli.*

*Ingratitudi-  
nis exem-  
plum.*

nec cupiditas, nec fortuna ullo modo tetminabantur. Igitur Amilcar per Permenionem aditu regis obtento, profugisse se ad regem expulsū patriā fingit, militēque se expeditionis offert. Atque ita consiliis ejus exploratis, in tabellis ligneis, desup̄ cerā vacuā inductā, civibus suis omnia perscribat. Sed Carthaginienses post mortem regis reversum in patriam, quasi urbem regi vindicasset, non ingrato tantū, verū etiam & crudeli animo necaverunt.

### JUSTINI LIBER XXII.

*Agathoclis  
natales &  
mores.*

*Descriptio.*

*Gesta.*

**A**gathocles Siciliæ tyrannus, qui magnitudini prioris Dionysii succedit, ad regni majestatem ex humili & sordido genere pervenit. Quippe in Sicilia patre figulo natus, non honestiorē pueritiā quā principia originis habuit. Siquidem formā, & corporis pulcritudine egregius, diu vitam stupri patientia exhibuit. Annos deinde pubertatis egressus, libidinem à viris ad fœminas transfudit. Post hæc apud utrumq; sexum famosus, vitam latrocinii mutavit. Interjecto tempore cū Syracusas concessisset, accitūsq; in civitatem inter incolas esset, diu sine fide fuit: quoniam nec in fortunis quod amitteret, nec in verecundia quod inquinaret, habere videbatur. In summa gregariam militiam fortitus, non minùs tunc seditiosā, quā antea turpi vitā in omne facinus promptissimus erat. Nam & manu strenuus & in concionibus perfacundus habebatur. Brevi itaque centurio, ac deinceps tribunus militum factus est. Primo bello adversus Ætneos magna experimenta sui Syracusanis dedit. Sequenti Campanorum tantam de se spem omnibus fecit, ut in locum demortui ducis Damasconis sufficeretur. Cujus uxorem adulterio cognitam, post mortem viri in matrimonium recedit. Nec contentus quod ex inope repente dives factus esset, piraticam adversus patriam exercuit. Saluti ei fuit, quod focii capti tortiq; de illo negaverunt. Bis occupare imperium Syracusarum voluit,

bis

bis in exilium actus est. A Murgantinis apud quos ex-  
 ulabat, odio Syracusanorum, primò prætor, mox dux <sup>Syracusanis</sup>  
 creatur. In eo bello & urbem Leontinorum capit, & <sup>obsidet.</sup>  
 urbem Syracusas obsidere cœpit: ad cuius auxilium  
 Amilcar dux Pœnorum imploratus, depositis hostilibus  
 odiis, præsidia militum mittit. Ita uno & eodem tem-  
 pore Syracusæ & ab hoste civili amore defensæ, & à ci-  
 ve hostili odio impugnatae sunt. Sed Agathocles cùm  
 videret fortius defendi urbem, quàm oppugnari, præ-  
 cibus per internuncium Amilcarem exorat, ut inter se  
 & Syracusanos pacis arbitria suscipiat, peculiaria in  
 ipsum officia sua repromittens. Quâ spe impletus  
 Amilcar, societatem cum eo metu potentia ejus jungit,  
 ut quantum virium Agathocli adversus Syracusanos <sup>Prætor Syrd.</sup>  
 dedisset, tantum ipse ad incrementa domesticae poten-  
 tia recuperaret. Igitur non pax tantum Agathocli <sup>civis consti-</sup>  
 conciliatur, verum etiam prætor Syracusanis <sup>tituitur.</sup>  
 constituitur. Tunc Amilcari expositis ignibus cereis, tactisq;  
 in obsequia Pœnorum jurat. Deinde acceptis ab eo quin-  
 quaginta millibus Afrorum, potentissimos quosq; ex principi-  
 bus interfecit, atq; ita veluti reip. statum formaturus, <sup>Cædes ab</sup>  
 populum in theatrum ad concionem vocari jubet, con-  
 tracto in gymnasio senatu, quasi quâdam prius ordi-  
 natum: sic compositis rebus, inmissis militibus popu-  
 lû obsidet, senatû trucidat: cujus peractâ cæde, ex ple-  
 be locupletissimos quosq; interficit. Iis ita gestis militê  
 legit, exercitûmq; conscribit: quo instructus finitimas  
 civitates nihil hostile metuentes, ex improviso aggre-  
 ditur. Pœnorum quoque socios permittente Amilcare  
 sædè injuriis vexat: propter quod querelas Carthagi-  
 nens. socii non tam de Agathocle, quam de Amilcare  
 detulerunt, hunc ut dominum & tyrannum, illum ut  
 proditorem arguentes, à quo infestissimo hosti for-  
 tuna sociorum, interpositâ pactione, donatae sint:  
 cui ab initio Syracusæ in pignus societatis sint tradi-  
 ta: urbs semper Pœnis infesta, & de imperio Siciliae  
 Carthaginis æmula; nunc insuper civitates sociorum  
 eidem

eidem pacis titulo tradita sint. Denuntiare igitur se  
 hæc brevi ad ipsos redundatura, ac propediem sensu-  
 ros quantum mali non Siciliæ magis, quàm ipsi Afri-  
 cæ attulerint. His querelis senatus in Amilcarem ac-  
 cenditur. Sed quoniam in imperio esset, tacita de co-  
 suffragia tulerunt, & sententias prius quàm recitaren-  
 tur, in urnam coniectas obfignari iusserunt, donec al-  
 ter Amilcar Gisgonis filius, à Sicilia reverteretur. Sed  
 hæc callida commenta Pœnorum, & sententias inau-  
 ditas, mors Amilcaris prævenit, liberatúsque est fati mu-  
 nere, quem sui \* per injuriam cives inauditam damna-  
 verant. Quæ res Agathocli adversus Pœnos occasi onem  
 movendi belli dedit. Prima igitur cum Amilcare, Gis-  
 gonis filio, prælii congressio fuit : à quo victus, majori  
 mole reparaturus bellum, Syracusas concessit. Sed se-  
 cundi certaminis eadem fortuna, quæ & prioris fuit.  
 Cum igitur victores Pœni Syracusas obsidione cinxis-  
 sent, Agathoclésque se nec viribus parem, neque ad obsi-  
 dionem ferendam instructum videret, super hæc à so-  
 ciis crudelitæe ejus offensis, desertus esset, statuit bel-  
 lum in Africam transferre : mirâ prorsus audaciâ, ut  
 quibus in solo urbis suæ par non erat, eorum urbi bel-  
 lum inferret : & qui sua tueri non poterat, impugnaret  
 aliena, victúsque victoribus insultaret. Hujus consilii non  
 minùs admirabile silentium, quàm commentum fuit,  
 populo hoc solùm profectus, invenisse se victoriæ viam;  
 Animos illi tantum in brevem obsidionis patientiam  
 firmarent, vel si cui status præsentis fortunæ displiceret,  
 dare se ei discedendi liberam potestatem. Cum mille  
 sexcenti discessissent, cæteros ad obsidionis necessitatem  
 frumento & stipendio instruit : quinquaginta tantùm  
 secum talenta ad præsentem usum aufert, cætera ex  
 hoste meliùs quàm ex sociis paraturus. Omnes deinde  
 servos militaris ætatis libertate donatos, sacramento  
 adegit ; eosque & majorem partem fermè militum navi-  
 bus imponit, ratus ex æquata utriusque ordinis conditione  
 mutuum inter eos virtutis æmulationem futurâ, cæteros  
 omnes

*Amilcaris  
 obitus.*

*\* Propter.  
 Bellum Aga-  
 thoclis cum  
 Carthagini-  
 ensibus.*

*Agathoclis  
 audacia, qui  
 victus, victo-  
 ribus Cartha-  
 ginienfis  
 bellum in-  
 fer.*

*Agathocles  
 oppressus ex  
 Sicilia in  
 Africam bel-  
 lum transfer.*

omnes ad tutelam patriæ relinquit. Septimo igitur imperii anno comitibus duobus adultis filiis, Archathago & Heraclida, nullo militum sciente quò veheretur, cursum in Africam dirigit. Cùm omnes aut in Italiam prædatum se, aut in Sardiniam ituros crederent, tum primum, exposito in Africæ littore exercitu, consilium suum omnibus aperit. Quo in loco Syracusæ positæ sint, ostendit : quibus aliud nullum auxilium superesset quàm ut hostibus faciant, quæ ipsi paterentur. Quippe aliter domi, aliter foris bella tractari. Demi ea sola auxilia esse quæ patriæ vires subministrant : foris hostem etiam suis viribus vinci, deficientibus sociis, & odio diuturni imperii externa auxilia circumspicientibus. Huc accedere, quòd urbes, castellâq; Africæ non muris cinctæ, non in montibus posita sint, sed in planis campis, sine ullis munimentis jaceant : quas omnes metu excidii facile ad belli societatem perducì posse. Majus igitur Carthaginienfibus ex ipsa Africa, quàm ex Sicilia exarsurum bellum, coituraque auxilia omnium adversus unam urbem, nomine quàm opibus ampliorem, & quas non attulerit vires, inde sumpturum. Nec in repentino Pœnorum metu, modicum momentum victoriæ fore, qui tantâ audaciâ hostium perculsi trepidaturi sint. Accessura & villarum incendia, castellorum urbiûmq; contumacium direptionem, tum ipsius Carthaginis obsidionem. Quibus omnibus non sibi tantùm in alios, sed & aliis in se sentient patere bella. His non solum Pœnos vinci, sed & Siciliam liberari posse. Nec enim moraturos in ejus obsidione hostes, cum sua urgeantur. Nusquam igitur alibi facilius bellum, sed nec prædam uberiores invenire posse. Nam captâ Carthagine, omnem Africam Siciliamq; præmium victorum fore. Gloriam certè tam honestæ militiæ, tantam in omne ævum futuram, ut \* determinari nullo tempore oblivionis possit, ut dicatur eos solos mortalium esse, qui bella, quæ domi ferre non poterant, ad hostes transfulerint, ultroq; victores insecuti sint, & obsessores urbis suæ obfederint.

*Hortatoria  
Archatholis ad  
milites oratio  
Proposita à  
periculo Rati-  
tis.*

*A facili &  
opportuno.*

*Ab honestis*

*Gloria.  
\* Fœne legem  
dum erat, ut  
determinaret  
nullo tempore  
oblivio possit.*



*Perorati.*

*Solis defectus.*

*Prodigii interpretati.*

*Idem fecit  
Alex. Magnus.*

*Duos tantum  
amisi e suis  
Agathocles.  
Oros.  
Gregoria Aga-  
thoclis de  
Carthagini-  
ensibus vi-  
ctoria.*

*Afrorum ad  
Agathoclem  
delectis.*

*\* Extrudere.*

derint. Omnibus igitur forti ac lato animo bellum incundum, quo nullum aliud possit aut praelium victoribus uberius, aut victis monumentum illustrius dari. His quidem adhortationibus animi militum erigebantur. Sed terrebat eos portenti visio, quod navigantibus eis sol defecerat. Cujus rei rationem non minore curâ rex, quàm belli reddebat, affirmans si prius quàm proficiscerentur factum esset, credi adversum profecturos prodigium esse: nunc quia egressis acciderit, illis ad quos eatur, portendere. Porro defectis naturalium syderum semper praesentem rerum statum mutare, certumque esse florentibus Carthaginiensium opibus, adversisque rebus suis commutationem significari. Sic consolatis militibus, universas naves consentiente exercitu incendi jubet, ut omnes scirent auxilio fugæ ablato, aut vincendum, aut moriendum esse. Deinde cum omnia, quacunque ingrederentur, prosternerent, villas castellaque incenderent, obviis his fuit cum 30. millibus Pœnorum Hanno dux, & praelio commisso, duo de Siculis, tria millia de Pœnis cum ipso duce cecidere. Hâc victoriâ & Siculorum animi eriguntur, & Pœnorum franguntur. Agathocles victis hostibus, urbes castellaque expugnat, prædas ingentes agit, hostium multa millia trucidat. Castra deinde in quinto lapide à Carthagine statuit, ut damna charissimarum rerum, vastitatemque agrorum, & incendia villarum, de muris ipsius urbis specularentur. Interea ingens totâ Africâ deleti Pœnorum exercitus fama, occupatarumque urbium divulgatur. Stupor itaque omnes & admiratio incessit, unde tanto imperio tam subitum bellum praesertim ab hoste jam victo. Admiratio deinde paulatim in contemptum Pœnorum vertitur. Nec multò post non Africa tantum, verum etiam urbes nobilissimæ novitatem sequuntur ad Agathoclem defecere, frumentoque & stipendio victores adjuvare. His Pœnorum malis etiam deletus in Sicilia cum imperatore exercitus, velut quidam ærumnarum cumulus accessit. Nam post profectionem à Sicilia

Agathoclis

Agathoclis, in obsidione Syracusarum Pœni segnior  
 res reddit, ab \* Antandro fratre regis Agathoclis oc- \* *Andronem*  
 cisione casi nuntiabantur. Itaque cum domi, forisq; *appel. Oros.*  
 eadem fortuna Carthaginiensium esset, jam non tri-  
 butariæ tantum ab his urbes, verum etiam socii regis  
 deficiebant, *amicitiarum jura non fide, sed successu pon-*  
*derantes.* Erat inter cæteros rex Cyrenarum Ophellas,  
 qui spe improbâ, regnum totius Africæ amplexus, soci-  
 etatem cum Agathocle per legatos junxerat, pactusq;  
 cum eo fuerat, ut Siciliæ illi, sibi Africa imperium, vi-  
 ctis Carthaginiensibus, cederet. Itaq; cum ad belli so- *Ophellas per*  
 cietatem cum ingenti exercitu ipse venisset, Agatho- *dolum cædi-*  
 cles blando alloquio, & humili adulatione, cum sæpius *tur.*  
 simul cœnassent, quia filius ejus ab Ophella adoptatus  
 esset, incautum eum interfecit: occupatoque exercitu  
 ejus, iteratò Carthaginienses omnibus viribus bellum  
 \* struentes, magnò utriusq; exercitûs sanguine, gravi \* *Cientes.*  
 prælio superat. Hoc certaminis discrimine tanta de- *Carthagini-*  
 speratio illata Pœnis est, ut nisi in exercitu Agathoclis *ensium nova*  
 orta seditio esset, transiturus ad eum Bomilcar, dux Pœ- *clades.*  
 norum cum exercitu fuerit. Ob quam noxam in me- *Bomilcar*  
 dio fori à Pœnis patibulo suffixus est; ut idem locus mo- *cruci affixus;*  
 numentum suppliciorum ejus esset, qui ornamentum  
 ante fuerat honorum. Sed Bomilcar magno animo cru-  
 delitatem civium tulit, adeò ut de summa cruce, veluti  
 de tribunali in Pœnorum scelere concionaretur, obje-  
 ctans illis nunc Hannonem falsâ affectati regni invi-  
 diâ circumventum, nunc Gisgonis innocentis exilium,  
 nunc in Amilcareni patruû suum tacita suffragia, quod  
 Agathoclem socium illis facere quàm hostem maluerit.  
 Hæc cum in maxima populo concione vociferatus esset,  
 expiravit. Interea Agathocles profligatis in Africa re- *Agathocles in*  
 bus, tradito Archagatho filio exercitu, in Siciliam re- *Siciliam re-*  
 currit; nihil actum in Africa existmans, si amplius Syra- *versus totius*  
 cusæ obsiderentur. Nam post occisum Amilcareni, Gis- *insule impe-*  
 gonis filium, novis eò à Pœnis missus exercitus fue- *rium occupat.*  
 rat. Statim igitur, primo adventu ejus, omnes Siciliæ  
 urbes

urbes auditis rebus, quas in Africa gesserat, certatim se ei tradunt; atque ita pulsus est Sicilia Pœnis, totius insulae imperium occupavit. In Africam deinde reversus, seditione militum excipitur. Nam stipendiorum solutio in adventum patris dilata à filio fuerat. Igitur ad concionem vocatos, blandis verbis permulsi; stipendia illis non à se flagitanda esse, sed ab hoste quaerenda, communem victoriam, communem pradam futuram. Paululum modò attenderent, dum belli reliquiae peragantur, cum sciant Carthaginem captam spes omnium expleturam. Sedato militari tumultu, interjectis diebus ad castra hostium exercitum ducit; ibi inconsultus praelium committendo, maiorem partem exercitus perdidit. Cum itaque in castra fugisset, versamque in se invicem temere commissi belli videret, pristinaeque offensam non depensi stipendii metueret, concubia nocte solus à castris cum Archagatho filio profugit. Quod ubi milites cognoverunt, haud secus quam si ab hoste capti essent, trepidaverunt. Bis se à rege suo in mediis hostibus, relictos esse, proclamantes, salutemque suam desertam ab eo esse, quorum ne sepultura quidem reliquenda fuerat. Cum persequi regem vellent, à Numidis accepti, in castra revertuntur: comprehenso tamen Archagatho, qui à patre noctis errore discesserat: Agathocles autem navibus, quibus fuerat à Sicilia regressus, cum custodibus earundem Syracusas deferitur. Exemplum flagitii singulare, Rex exercitus sui desertor, filiorumque pater proditor. Interim in Africa post fugam regis, milites factione cum hostibus facta, interfecit Agathoclis filios, Carthaginienfibus se tradidere. Archagathus cum occideretur ab Archesilao amico Antipatri, rogavit eum, quidnam liberis ejus facturum Agathoclem putet, per quem ipse liberis careat? Tum respondit, satis habere se, quod superstites eos esse Agathoclis liberis sciat. Post hæc Pœni ad persequenda belli reliquias, duces in Siciliam miserunt, cum quibus Agathocles pacem æquis conditionibus fecit.

*Agathocles  
à Pœnis vincitur.*

*Agathoclis  
fuga.*

*Perditionis  
et perfidiae  
exemplum.*

*\* Antipatri.  
Archagathi  
Agathoclis  
filii mors.*

## JUSTINI LIBER XXIII.

**A**Gathocles rex Siciliae, pacificatus cum Carthaginensibus, partem civitatum à se fiducia virium dis-

fidantium, armis subegit. Deinde quasi augustis insulae terminis clauderetur, cuius imperii partem pri-

*Bellum in Italia ab Agathocle gestum.*

mis incrementis ne speraverat quidem, in Italiam trans-

scendit, exemplum Dionysii secutus, qui multas civitates Italiae subegerat. Primi igitur hostes illi Brutii fu-

ere, qui & fortissimi & opulentissimi videbantur, simul

& ad injurias vicinorum prompti. Nam multas civitates Graeci nominis Italiae expulerant: autores quoque

*Epiphonema. Lucanorum & Spartanorum mos in educandis lib-*

suos Lucanos bello vicerant, & pacem cum his aequis

legibus fecerant. Tanta feritas animorum erat, ut nec

origini suae parcerent. Namque Lucani iisdem legibus

liberos suos, quibus & Spartani, instituere soliti erant.

Quippe ab initio pubertatis, in sylvis inter pastores habebantur,

sine ministerio servili, sine veste, quam induerent,

vel cui incubarent: ut à primis annis duritiae, parsimoniaeque;

sine ullo usu urbis, assuescerent. Cibus his praeda venatica,

potus mellis, & lactis, & fontium liquor erat: sic ad labores bellicos indurabantur. Ho-

rum igitur ex numero quinquaginta primo ex agris finitimorum

praedari soliti, confluyente deinde multitudine, sollicitati praeda cum plures facti essent, infestas

regiones reddebant. Itaque fatigatus querelis sociorum Dionysius Siciliae tyrannus, sexcentos Afros ad compescendos eos miserat,

quorum castellum proditum sibi per Brutiam mulierem expugnarent, ibique civitatem,

concurrentibus ad opinionem novae urbis pastoribus, statuerunt: Brutiosque se ex nomine mulieris vocaverunt.

Primum illis cum Lucanis originis suae autoribus, bellum fuit. Quam victoriam erecti, cum

pacem aequo jure fecissent, ceteros finitimos armis subegerunt,

tantasque opes brevi consecuti sunt, ut perniciosis etiam regibus haberentur. Denique Alexander rex Epiri, cum in auxilium Graecarum civitatum cum magno

*Brutii unde dicti.*

exercitu in Italiam venisset, cum omnibus copiis ab his deletus est. Quare feritas eorum successu felicitatis incensa, diu terribilis finitimis fuit; ad postremum implo-  
 ratus Agathocles, spe ampliandi regni, à Sicilia in Ita-  
 liam trajecit. Principio adventus opinione ejus concussis  
 legatos ad eum, societatem amicitiamque petentes mi-  
 serunt. Quos Agathocles ad cœnam invitatos, nè exer-  
 citum trajici viderent, in posterum statuta his die, con-  
 scens navibus frustratus est; sed fraudis haud latus  
 eventus fuit. Siquidem reverti eum in Siciliam interje-  
 ctis paucis diebus, vis morbi coëgit: quo toto corpore  
 comprehensus, per omnes nervos articulósque humore  
 pestifero grassante, velut intestino singulorum mem-  
 brorum bello impugnabatur. Ex qua desperatione bel-  
 lum inter filium nepotémque ortum, ejus regnum jam  
 quasi mortuis vendicantibus, occiso filio regnum nepos  
 occupavit. Igitur Agathocles, cum morbi cura, &  
 agritudo graviores essent, & inter se alterum alterius  
 malo cresceret, desperatis rebus, uxorem suam Theo-  
 genam genitósque ex se duos parvulos, cum omni pecu-  
 nia, & familia, regaliq; instrumento, quo præter illum  
 nemo regum ditior fuit, navibus impositos Aegyptum,  
 unde uxorem acceperat, remittit, timens nè prædonem  
 regni sui hostem paterentur. Quanquam uxor diu, nè  
 ab ægro divelleretur, deprecata est, nè discessus suus  
 adjungi nepotis parricidio posset, & tam cruentè hæc  
 deseruisse virum, quàm ille impugnasse avum videretur:  
 Nubendo se non prosperæ tantum, sed omnis fortunæ  
 inisse societatem: Nec invitam periculo spiritus sui  
 empturam, ut extremos viri spiritus exciperet, & exequi-  
 arum officium, in quod profectâ se, nemo sit successu-  
 surus, obsequio debitæ pietatis impleret. Discedentes  
 parvuli flebili ululatu amplexi patrem tenebant. Ex al-  
 tera parte uxor maritum, non amplius visura oculis  
 fatigabat. Nec minùs senis lacrymæ miserabiles erant.  
 Flebant ii morientem patrem, ille exules liberos. Hi  
 discessu suo solitudinem patris senis agri, ille in spe  
 regni

*Agathoclis  
Fram.*

*Gravis mor-  
bus.*

*Bellum inter  
filium & ne-  
potem Aga-  
thoclis.  
Theogena,  
Agathoclis  
Uxor.*

*Discessus  
miserabilis  
descriptio.  
Matrimonii.  
Theogena,  
proba & ma-  
ritum aman-  
ti conjugis  
exemplum.  
Pater filio-  
rum erga pa-  
rentes, & pa-  
rentium erga  
liberos.  
\* Oculis  
Agathoclis  
exitum.*

regni susceptos relinqui in egestate lugebat. Inter hæc regia omnis assistentium fletibus tam crudelis diffidii impleta, resonabat. Tandem lacrymis finem necessitas profectiois imposuit, & mors regis proficiscentes filios secuta est. Dum hæc aguntur, Carthaginenses, cognitis quæ in Sicilia agebantur, occasionem totius insulæ occupandæ daram sibi existimantes, magnis viribus eò trajiciunt, multasq; civitates subigunt. *Eo Revertitur ad Pyrrhi hist-*  
 tempore & Pyrrhus adversus Romanos bellum gere-  
 bat, qui imploratus à Siculis in auxilium, sicut dictum  
 est, cum Syracusas venisset, multasq; civitatis subegisset, rex Siciliae, sicut Epiri appellatur. Quarum rerum felicitate latus, Heleno filio Siciliae, velut avitum (nam susceptus ex filia Agathoclis regis erat) Alexandro autem Italiae regnum destinat. Post hæc *A Tarentinis & Samnitibus, Plut.*  
 multa secunda pralia cum Carthaginensibus facit. Interjecto deinde tempore, legati ab Italicis sociis venire, nuntiantes Romanis resisti non posse, deditonemque futuram, nisi subveniat. Anxius tam ambiguo periculo, incertusq; quid ageret, vel quibus primum subveniret, in utrumq; pronus consulabat. Quippe instantibus hinc Carthaginensibus, inde Romanis, periculosum videbatur, exercitum in Italiam non trajicere, periculosius à Sicilia deducere: nè aut illi non latâ ope, aut hi deserti amitterentur. In hoc astu periculorum tutissimus portus conciliorum visus est, omnibus viribus \* decernere in Sicilia, & profligatis Carthaginensibus, victorum exercitum \* transponere in Italiam. Itaq; conferto pralio, cum superior fuisset, quoniam tamen à Sicilia abiret, pro victo fugere visus est: ac propterea socii ab eo defecerunt: & imperium Siciliae tam citò amisit, quàm facillè qua fuerat. Sed nec in Italia meliore felicitate usus, in Epirum revertitur. *Partim ad Admirabilis utrisq; rei casus in exemplum fuit. Nam Carthaginenses, partim ad Mamarinos, Plut. cum M. Curio.*



rationem frugalitatis humanæ, destruens quæ cum-  
laverat, Siciliensi ruinæ naufragium maris, & scædam  
adversus Romanos pugnam, turpémq; ab Italia dis-  
cessum adjecit. Post profectiōem à Sicilia Pyrrhi na-  
gistratus Hiero creatur, cujus tanta moderatio fuit, ut  
consentiente omnium civitatum favore, dux adversus  
Carthaginenses primùm, mox rex crearetur. Hujus  
futuræ majestatis ipsa infantilis educatio, quasi prænun-  
tia fuit. Quippe genitus erat patre Hieroclyto, nobili

*Hieroni na-  
tiles.*

*Hiero ab ap-  
bis melle  
educatus.*

*Prodigia in  
Hierone. Ob id  
Pallas delecta-  
tur noctua, ut  
Plutarch. in  
Demost.*

*Poni princi-  
pis officia.*

na-viro, cujus origo à Gelo, antiquo Siciliæ tyranno, ma-  
nabat: sed maternum illi genus sordidum, atq; admo-  
dum pudibundum fuit. Nam ex ancilla natus, ac prop-  
terea à patre, velut dehoneſtamentum generis, expo-  
ſitus fuerat. Sed parvulum, & humana opis indigen-  
tem, apes, congesto circa jacentem melle, multis diebus  
aluere. Ob quam rem responſo aruſpicum admonitus  
pater, qui regnum infanti portendi caneant, parvu-  
lum recolligit, omniq; studio ad ſpem majestatis, quæ  
promittebatur, instituit. Eidem in ludo inter coaſuales  
diſcenti, lupus tabulam, in turba puerorum repente  
conſpectus, eripuit: Adoleſcenti quoq; prima bella in-  
eunti, aquila in clypeo, noctua in haſta conſedit. Quod  
oſtentum & in conſilio cautum, & manu promptum, re-  
gémq; futurum ſignificabat. Deniq; adversus provo-  
catores ſæpe pugnavit, ſempérq; victoriam reportavit.  
A Pyrrho rege multis militaribus donis donatus eſt.  
Pulchritudo ei corporis inſignis, vires quoq; in homine  
admirabiles fuere. In alloquio blandus, in negotio ju-  
ſtus, in imperio moderatus erat, prorſus ut nihil ei re-  
gium deeſſe videretur, præter regnum.

#### JUSTINI LIBER XXIV.

Cum hæc in Sicilia geruntur, interim in Græcia diſ-  
ſidentibus inter ſe bello Ptolomæo Ceraunico &  
Antiocho, & Antigono regibus, omnes ſerè Græ-  
ciæ civitates, ducibus Spartanis, velut occaſione data,  
ad ſpem libertatis erectæ, miſſis invicem legatis, per  
quos

*Græcorum  
res.*

quos in societatis fœdera alligarentur, in bellum pro-  
rumpunt : & ne cum Antigono, sub cuius \* bello erant, \* Imperio,  
bellum cepisse viderentur, socios ejus Ætolos aggre-  
duntur, causas belli prætendentes, quòd consensu Græ-  
ciæ sacratum Apollini Cyraeum campum per vim occu-  
passent. Huic bello ducem eligunt Aran, qui adunato *Campus id est*  
exercitu, urbes, satâq; in his campis posita, depopula- *Phocidis.*  
tur : quæ auferri non poterant, incendit. Quod cum *Plin. lib. 3.*  
è montibus conspicati Ætolorum pastores essent, con-  
gregati admodum quingenti, sparfos hostes, ignorantes  
quanta manus esset, quorum conspectum illis metus  
& incendiorum fumus abstulerat, confectantur, truci-  
datîsq; admodum novem millibus, prædones in fugam  
verterunt. Reparantibus deinde Spartanis bellum, au-  
xilium multæ civitates negaverunt, existimantes do-  
minationem eos Græciæ, non libertatem quærere. In- *Ptolomæus*  
tereâ inter reges bellum finitur. Nam Ptolomæus pul- *χέρις*  
so Antigono, cum regnum totius Macedoniæ occupaf- *Macedoniæ*  
set, pacem cum Antiocho facit, affinitatêque cum *rex.*  
Pyrrho, datâ ei in matrimonium filiâ suâ, jungit. Ex-  
inde externo metu deposito, impium & facinorosum  
animum ad domestica scelera convertit, insidiâsq;ue  
Arsinoë sorori suæ instruit : quibus & filios ejus vi- *Arsinoë Pto-*  
tâ, & ipsam Cassandriæ urbis possessione privaret. *lomæ soror.*  
Primus ei dolus fuit, simulato amore sororis matri-  
monium petere. Aliter enim ad sororis filios, quorum  
regnum occupaverat, quàm cōcordiæ fraude pervenire *Dolus & sce-*  
non poterat. Sed nota scelerata Ptolomæi voluntas so- *lus in sororem*  
rori erat. Itaq; non credenti, mandat velle se cum filiis *Arsinoen.*  
ejus regni consortium jungere ; cum quibus non ideo se  
armis contendisse, quoniam cripere his regnū, sed quòd  
id facere sui muneris vellet. In hoc mitteret arbitrum  
jurisjurandi : quo præsentè apud deos patrios, quibus  
vellet obsecrationibus se obligaret. Incerta Arsinoë *Ptolomæi per-*  
quid ageret ; si mitteret, decipi perjurio : si non mitte- *ur. um.*  
ret, provocare rabiẽ fraternæ crudelitatis timebat. Itaq;  
pius liberis, quàm sibi timens, quos matrimonio suo  
protecturam

*Solebant enim iudicantes apprehendere aras. Unde & Varro dicit, antiquitus a suis dictas. Vide Macro.*

*Nuptiæ Ptolomei fratris cum sorore Arsinoë.*

*Exemplum crudelitatis & parricidii in Ptolomæo.*

*\* Intentabantur.*

proteſturam ſe arbitrabatur, mittit ex amicis ſuis Di-  
nem, quo perducto in ſanctiſſimum Jovis templum re-  
terrime Macedonum religionis, Ptolomæus ſumptis  
manus altaribus, cingens ipſa ſimulacra, & pulvina-  
ria deorum, inauditis ultimisq; execrationibus ad juran-  
ſe ſyncerâ fide matrimonium ſororis petere: nuncupa-  
turumq; ſe eam reginam; neq; in contumeliam ejus  
aliam uxorem, aliôſve, quàm filios ejus liberos habitu-  
rum. Arſinoë poſtquam & ſpe impleta eſt, & metu ſolu-  
ta, ipſa cum fratre colloquitur; cujus vultus & blandi-  
entes oculi, cum fidem non minorem, quàm juſuran-  
dum promitterent, reclamante Ptolomæo filio fraudem  
ſubſeſſe, in matrimonium fratris conſenſit. Nuptiæ mag-  
no apparatu, lætitiâq; omnium celebrantur. Ad concu-  
onem quoque vocato exercitu, capiti ſororis diadema  
imponit, reginamq; eam appellat. Quo nomine in læ-  
ticiam effuſa Arſinoë, quia quòd morte Lyſimachi pri-  
oris mariti amiſerat, recepiſſet ultrò: virum in urbem  
ſuam Caſſandriam invitât, cujus urbis cupiditate frau-  
ſtruebatur. Prægreſſa igitur virum, diem feſtum urbi in  
adventum ejus indicit, domos, templa, ceterâq; omnia  
exornari jubet, aras ubiq; hoſtiâſq; diſponi, filios quoq;  
ſuos, Lyſimachū ſedecim annos natum, Philippum tri-  
ennio minorem, utrumq; formâ inſignem, coronatos  
occurrere jubet. Quos Ptolomæus ad celandam frau-  
dem, cupidè & ultra modum veræ affectionis amplexus,  
oſculis diu fatigat. Ubi ad portam ventum eſt, occupari  
arcem jubet, pueros interfici. Qui cum ad matrem con-  
fugiſſent, in gremio ejus, inter ipſa oſcula trucidantur.  
Proclamante Arſinoë, quod tantum nefas aut nubendo,  
aut poſt nuptias contraxiſſet, pro filiis ſe ſæpe per-  
cuſſoribus obtulit. Frequenter corpore ſuo puerorum  
corpora amplexata protegit, vulnerâq; excipere quæ  
liberis \* intendebantur, voluit. Ad poſtremum ſpoliata  
etiam funeribus filiorum. ſciliâ veſte, & crinibus ſparſis,  
cum duobus ſervulis ex urbe protracſa, Samothraciâ in  
exilium abiit, eò miſerior, quòd mori cum filiis ei non  
licuit.

icuit. Sed nec Ptolomæo multa scelera fuerunt. Quip- *Galli Italiam*  
 pe diis immortalibus tot perjuria, & tam cruenta par- *invadunt.*  
 icidia vindicantibus, brevi post à Gallis spoliatus reg-  
 no. captusq; vitam ferro, ut meruerat, amisit. Namque  
 Galli abundantanti multitudine, cùm eos non caperent  
 terræ, quæ genuerant, trecenta millia hominum ad se-  
 des novas quærendas, velut peregrinatum miserunt. Ex *Romam in-*  
 his portio in Italia confedit, quæ & urbem Romam cap- *pendunt.*  
 tam incendit, & portio Illyricos sinus, ducibus avibus  
 (nam augurandi studio Galli præter cæteros valent) *Gallorum de-*  
 per strages Barbarorum penetravit, & in Pannonia *scriptio.*  
 confedit: gens aspera, audax, bellicosa, quæ primo post  
 Herculem, cui ea res virtutis admirationem & immor-  
 talitatis fidem dedit, Alpium invicta jura, & frigore in-  
 tractabilia loca transcendit: ibi domitis Pannoniis per-  
 multos annos cum finitimis varia bella gesserunt. Hor-  
 tante deinde successu, divisis agminibus, alii Græciam,  
 alii Macedoniam, omnia ferro proterentes, petivère:  
 Tantusque terror Gallici nominis erat, ut etiam reges *Gallici nomi-*  
 non laceat, ti, ultrò pacem ingenti pecuniâ mercaren- *nis terror.*  
 tur: Solus rex Macedonia Ptolomæus, adventum Gal-  
 lorum intrepidus audivit: isq; cum paucis & incompo-  
 sitis, quasi bella non difficilius, quàm scelera patiren-  
 tur, parricidiorum furiis agitated occurrit. Dardanorum *Ptolomæi*  
 quoq; legationem, viginti millia armatorum in auxili- *tenerunt.*  
 um offerentem, sprexit: additâ insuper contumeliâ,  
 actum de Macedonia dicens si cùm totum Orientem soli  
 domuerint, nunc in vindictam civium Dardanis egeant.  
 Milites se habere filios eorum, qui sub Alexandro rege  
 stipendia toto orbe terrarum victores fecerint. Quæ ubi  
 Dardano regi nuntiata sunt, inclytum illud Macedonia  
 regnum brevi immaturi juvenis temeritate casurum  
 dixit. Igitur Galli, duce Belgio, ad tentandos Macedo-  
 num animos, legatos ad Ptolomæum mittunt, offeren-  
 tes pacem, si emere velit; sed Ptolomæus inter suos belli  
 metu pacem Gallos petere gloriatus est: nec minùs  
 serociter se legatis quàm inter amicos jactavit; aliter  
 se

*Macedones à  
Gadiu cæsi.*

*Ptolomæi in-  
teritus.*

*Macedonum  
trepidatio.*

*Sosthenis vir-  
tus & mode-  
ratio.*

*Brennus Gal-  
lorum dux.  
\* Optimus.*

*Vincuntur  
Macedones à  
Galli.  
Conceptor  
ideam Bren-  
nus.*

se pacem daturum negando, nisi principes suos obfide dederint, & arma tradiderint: non enim fidem se nisi inermibus habiturū. Renunciatā legatione, risere Galli undiq; acclamantes, brevi sensurum, sibi an illi consules, pacem obtulerint. Interjectis diebus, prælium confertur: victi Macedones caduntur: Ptolomæus multis vulneribus faucius capitur, caput eius amputatur, & lanceā fixum totā acie, ad terrorem hostium, circumfertur. Paucos ex Macedonibus fuga servavit, ceteri aut capti, aut occisi. Hæc cum nuntiata per omnem Macedoniam essent, portæ urbium clauduntur, luctu omnia replentur, nunc orbitem amissionum filiorum dolebant, nunc excidia urbium metuebant, nunc Alexandri, Philippiq; regum suorum nomina, sicuti numina, in auxilium vocabant, sub illis se non solum tutos verum etiam victores orbis terrarum extitisse: ut tuerentur patriam suam, quam gloriā rerum gestarum cœlo proximam reddidissent: ut opem afflictis ferrent, quos furor & temeritas Ptolomæi regis perdididerat, orabant. Desperantibus omnibus, non votis agendum, Sosthenes unus de Macedonum principibus ratus, contractā juventute, & Gallos exultantes victoriā compescuit, & Macedoniam ab hostili depopulatione defendit. Ob quæ virtutis beneficia, multis nobilibus regnum Macedonia affectantibus, ignobilis ipse præponitur, & cum rex ab exercitu appellatus esset, ipse non in regis, sed in ducis nomen jurare milites coëgit. Interea Brennus, quo duce portio Gallorum in Græciam se effuderat, auditā victoriā suorum, qui Belgio duce Macedones vicerant, indignatus partā victoriæ \* optimam prædam, & Orientes spoliis onustā, tam facile relictam esse, adunatis 150. millibus peditum, & 15. millibus equitum, in Macedoniam irrumpit. Cum agros villasq; populerentur, occurrit ei cum instructo exercitu Macedonum Sosthenes: sed pauci à pluribus, trepidi à valentibus facile vincuntur. Itaq; cum victi à se Macedones intra muros urbem condidissent, victor Brennus, nemine prohibente,

ribente, totius Macedoniæ agros deprædatur. Inde  
 quasi spolia forderent, animum ad deorum immortalium  
 templa convertit, scurriliter jocus, locupletes de-  
 os largiri hominibus oportere. Statim igitur Delphos  
 ter vertit: prædam religionis aurum, offensæ deorum  
 immortalium præferens: quos nullis opibus egere, ut  
 qui eas largiri hominibus soleant affirmabat. Templum  
 autem Apollinis Delphis positum est in monte Parnasso,  
 in rupe undiq; impendente: ibi civitatem frequentia  
 hominum facit. Qui ad affirmationem majestatis undiq;  
 concurrentes, in eo saxo confedere: atq; ita templum  
 civitatēq; non muri, sed præcipitia, nec manufacta,  
 sed naturalia præsidia defendunt, prorsus ut incertum  
 sit, utrum munimentum loci, an majestas dei plus hic  
 admirationis habeat. Media saxi rupes in formam  
 theatri recessit. Quamobrem, hominum clamor  
 & siquando accidit tubarum sonus, personantibus in-  
 ter rupibus multiplex audiri, ampliôrque, quàm editur,  
 resonare solet. Quæ res majorem majestatis terrorem  
 ignaris rei, & admirationem stupentibus plerumq; af-  
 fert. In hoc rupis anfractu, mediâ fermè montis altitu-  
 dine, planities exigua est, atq; in ea profundum terræ  
 foramen, quod in oracula patet. Ex quo frigidus spi-  
 ritus in quodam velut vento in sublime expulsus men-  
 tes vatum in vecordiam vertit, impletôq; deo, respon-  
 sa consulentibus dare cogit. Multa igitur ibi & opu-  
 lenta regum populorūque videntur munera, quæ  
 que magnificentia sui reddentium vota gratam volun-  
 tatem, & deorum responsa manifestant. Igitur Bren-  
 nus cū in conspectu haberet templum: diu delibera-  
 vit, an confestim rem aggrederetur, an verò fessis viâ  
 militibus noctis spatium ad resumendas vires daret.  
 Euridanus & Thessalonus duces, qui se ad prædæ socie-  
 tatem junxerant, amputari moras jubent, dum imparati  
 hostes, & recens adventus sui, terrori esset: interjectâ  
 nocte, & animos hostibus forsitan & auxilia accessu-  
 ra, & vias, quæ tunc pateant, obstructum iri. Sed Gallo-  
 runa

*Impietas  
et templum.*

*Descriptio  
situs templi  
Delphici  
Apollini.*

*Originem  
Delphici ora-  
culi refert  
Diod. in  
Philop.*

*Delphicum  
antrum.*

*Consultatio  
de invadendo*

*Euridanus,  
Thessalonus  
Gaulorum  
duces.*



rum vulgus ex longa inopia, ubi primum vino cæterisque com meatibus referta rura invenit: non minus abundantiam, quam victoriam latum, per agros se sparserat, desertisque signis ad occupanda omnia pro victoribus vagabantur. Quæ res dilationem Delphis dedit. Primum namque opinione adventus Gallorum prohibiti Agrestes Græcis oraculis feruntur, menses vinique villis esse ferre. Cujus rei salutare præceptum non prius intellectum est quam vini, cæterarumque copiarum abundantia velut moram Gallis obiectam, auxilia finitimorum convenere. Prius itaque urbem suam Delphi aucti viribus sociorum permunivere, quam Galli vino, velut præda incubantes, ad signa revocarentur. Habebat Brennus lecta ex omni exercitu peditum sexaginta quinque millia; Delphorum sociorumque non nisi \* quatuordecim millia militum erant, quorum contemptu Brennus ad acuendos suorum animos prædæ ubertatem omnibus ostendebat, statuamque cum quadrigis, quarum ingens copia procul visebatur, solido auro fusas esse, plusque in pondere, quam in specie habere prædæ affirmabat. Hanc asseveratione vel animadversione incitati Galli, simul & hesterno mero saucii, sine respectu periculorum in bellum ruebant. Contra Delphi plus in Deo, quam in viribus spem ponentes, cum contemptu hostium resistebant, scandentesque Gallos è summo montis vertice, partim saxi, partim armis obruebant. In hoc partium certamine repente universorum templorum antistites, simul & ipsi vates, sparsis crinibus, cum insignibus atque infulis pavidi vecordesque, in primam pugnantium aciem procurrunt, advenisse Deum clamant, eumque se vidisse desilientem in templum per culminis aperta fastigia. Dum omnes opem dei suppliciter implorant, juvenem supra humanum modum insignis pulchritudinis, comitesque ei duas armatas virgines ex propinquis duabus Dianæ Minervæque, adibus occurrisse: nec oculis tantum hæc se perspexisse, sed audisse etiam stridorem arcus, ac strepitum armorum. Proinde ne cunctarentur

*Brenni &  
Delphorum  
copie.*

*\* Alii quatuor  
milia.*

*Pugna inter  
Gallos &  
Delphos.*

his antesignanis hostem cadere, & victoriæ deorum  
 precios se adungere, summis obsecrationibus monebant.  
 quibus vocibus incensi, omnes certatim in prælium  
 profiliunt. Prasentiam dei & ipsi statim sentire. Nam  
 terra motu portio montis abrupta Gallorum stravit  
 exercitum, & confertissimi cunei non sine vulneribus  
 hostium dist. pari ruebant. Insecuta deinde tempestas  
 est, quæ grandine & fulgure faucios ex vulneribus ab-  
 umptit. Dux ipse Brennus cum dolore vulnerum fer-  
 re non posset, pugione vitam finivit. Alter ex ducibus,  
 unitis belli autoribus, cum decem millibus fauciorum  
 citato agmine à Gracia excedit. Sed nec fortuna fugi-  
 entibus commodior fuit. Siquidem pavidis nulla sub  
 ætatis acta nox, nullus sine labore & periculo dies: assi-  
 dui imbres, & gelu nix concreta, & fames, & lassitudo,  
 & super hac *maximum pervigilia malum*, miseras infe-  
 licis belli reliquias obterebant. Gentes quoque natio-  
 nesq; per quas iter habebatur, palantes, velut prædam  
 sectabantur. Quo pacto evenit, ut nemo ex tanto exer-  
 citu, qui paulò antè fiducia virium etiam deos contem-  
 nebat, velut ad memoriam tantæ cladis superesset.

## JUSTINI LIBER XXV.

Inter duos reges, Antigonum & Antiochum, statuta  
 pace, cum in Macedoniam Antigonus reverteretur,  
 novus eidem repentè hostis exortus est. Quippe Galli  
 qui à Brenno duce, cum in Graciam proficiscerentur,  
 ad terminos gentis tuendos relictî fuerant, nè soli des-  
 des viderentur, peditum \* quindecim millia, equitum  
 tria millia armaverant, fugatisq; Getarum, Triballo-  
 rumq; copiis, Macedonia imminentes, legatos ad re-  
 gem miserunt, qui pacem ei venalem offerrent, simul  
 & regis castra specularentur. Quos Antigonus pro re-  
 gali munificentia ingenti apparatu epularum ad cœ-  
 nam invitavit. Sed Galli expositum grande auri ar-  
 gentique pondus admirantes, atque prædæ ubertate  
 sollicitati, infestiores, quàm venerunt, revertuntur.  
 Quibus

*Vincuntur  
 Galis à Del-  
 phis ducibus  
 diis.*

*Brennus mor-  
 tem consci-  
 scit.*

*Clades Gallo-  
 rum in Gra-  
 cia.*

*Tertia Gallo-  
 rum in Macedo-  
 niam in-  
 ruptio.*

*Duodecim.*

*Auri enim  
 avidissima  
 gens Gallo-  
 rum, Livius.*

Quibus & elephantos ad terrorem, velut inusitata  
 Barbaris fornias, rex ostendi iusserat, naves onustas co-  
 piis demonstrari: ignarus, quòd quibus ostentatione  
 virium metum se injicere existimabat, eorum animos  
 ut ad opimam prædam sollicitabat. Itaq; legati ad suos  
 reversi omnia in majus extollentes, opes pariter &  
 negligentiam regis ostendunt; referta auro & argento  
 castra esse, & neque vallo fossæve munita: & quasi  
 satis munimenti in divitiis haberent, ita eos omnia offi-  
 cia militaria intermisisse: prorsus quasi ferri auxilio  
 non indigerent, quoniam abundarent auro. Hâc rela-  
 tione avidæ gentis animi satis ad prædam incitaban-  
 tur. Accidebât tum exemplum Belgii, qui non magno  
 antè tempore Macedonum exercitum cum rege tru-  
 cidaverat. Itaq; consentientibus omnibus, nocte castra  
 regis aggrediuntur, qui præsentens tantam tempesta-  
 tem, signum pridie dederat, ut omnibus rebus ablatis  
 in proximam sylvam tacitè occultarent. Neq; aliter  
 servata castra quàm quòd deserta sunt. Siquidem Galli  
 ubi omnia vacantia, nec sine defensoribus modò, ve-  
 rùm etiam sine custodibus vident, non fugam hostium,  
 sed dolum arbitantes, diu intrare portas timuerunt.  
 Ad postremum integris & intactis munimentis, scruta-  
 ntes potiùs quàm diripientes, castra occupaverunt.  
 Tunc ablatis quæ invenerant, ad littus convertuntur.  
 Ibi dum naves incautiùs diripiunt, à remigibus & ab  
 exercitûs parte, quæ eo cum conjugibus & liberis con-  
 fugerant, nihil tale metuentes, trucidantur: tantæque  
 cades Gallorum fuit, ut Antigono pacem hujus victo-  
 riæ opinio, non à Gallis tantùm, verùm etiam à finiti-  
 morum feritate præstiterit. Quanquam Gallorum et  
 tempestate tantæ sæcunditatis juvenus fuit, ut Asiam  
 omnem velut examine aliquo impleverent. Deniq; neq;  
 reges Orientis sine mercenario Gallorum exercitu alia  
 bella gesserunt, neq; pulsî regno ad alios quàm ad  
 Gallos confugerunt. Tantus terror Gallici nominis,  
 sive armorum invicta felicitas erat, ut alter neq; ma-  
 jestatem

*Galli Antigoni castra invadunt.*

*Galli cedunt.*

jectatam suam tutam, neq; amissam recuperare se posse  
 sine Gallica virtute arbitrarentur. Itaque in auxilium  
 à Bithyniæ rege invocati, regnum cum eo partâ victo-  
 riâ dividerunt, eamq; regionem Gallogræciam cogno-  
 minaverunt. Dum hæc in Asia geruntur, interim in  
 Sicilia Pyrrhus à Pœnis navali prælio victus, ab Anti-  
 gono Macedoniae rege supplementum militum per le-  
 gatos petit: denuntians ni mittat, redire se in regnum  
 necesse habere: incrementa rerum, quæ de Romanis  
 voluerit, de ipso quasiturum. Quod ubi negatum le-  
 gati retulerunt, dissimulatis causis repentinam fingit  
 profectionem. Socios interim parare bellum jubet, &  
 arcis Tarentinæ custodiam Heleno filio, & amico Milo-  
 ni tradit: Reversus in Epirum statim fines Macedoniae  
 invadit, cui Antigonus cum exercitu occurrit, victusq;  
 prælio in fugam vertitur. Atq; ita Pyrrhus Macedoni-  
 am in deditionem accepit, & veluti damna amissæ Si-  
 ciliae Italiæq; acquisito Macedoniae regno pensasset,  
 relictum Tarenti filium & amicum accersit. Antigonus  
 autem cum paucis equitibus fugæ comitibus, repente  
 fortunæ ornamentis destitutus, amissi regni speculatu-  
 rus eventus, Theſſalonicam se recipit, ut inde cum con-  
 ductu Gallorum mercenariâ manu bellum repararet.  
 Rursus à Ptolomæo Pyrrhi filio funditus victus, cum  
 septem comitibus fugiens, non recuperandi regni spem,  
 sed salutis latebras, ac fugæ solitudines captat. Igitur  
 Pyrrhus in tanto fastigio regni collocatus, jam nec eo,  
 ad quod votis perveniendum fuerat, contentus, Græciæ  
 Asiæq; regna meditantur. Neque illi major ex imperio,  
 quam ex bello voluptas erat: nec quisquam Pyrrhum,  
 qua tulisset impetum, sustinere valuit. Sed ut ad devin-  
 cenda regna invictus habebatur, ita devictis acquisitisq;  
 celeriter carebat: tantò melius studebat acquirere im-  
 peria quam retinere. Itaq; cum copias Chersoneso trans-  
 posuisset, legationibus Atheniensium, & Achaïorum,  
 Messeniorumq; excipitur. Sed & Græci omnes admi-  
 ratione nominis ejus, simul & rerum adversus Roma-

*Missi Galli  
 & Græci  
 Gallogræci  
 appeantur;  
 Livius 8.  
 quarta De-  
 cadis. Dum  
 Sicilia exce-  
 deret & in  
 Italiam præ-  
 pararet, Plu-  
 tarchus  
 Pyrrhi IX.  
 M. pedum,  
 & D. equi-  
 tum; Plu.*

*Pyrrhi varum  
 successus.*

*Collatus ob id  
 est ab Anti-  
 gone, indolis  
 lusori; qui &  
 cum multa  
 & feliciter  
 faciat, iis ta-  
 men nesciat  
 uti. Plutar.*

*Pyrrhi bel-  
lum adversus  
Lacedæmoni-  
os.*

*Exemplum  
muliebri fer-  
titudinis &  
pietatis erga  
patriam.*

*\* Sexagesi-  
mo.*

*\* Patri est  
dixisse.*

*Duce Acro-  
tato Arei re-  
gis filio, Plut.  
Asenica itæ  
regule oc-  
cisum Argis  
Plut. scribit.*

*\* Conatur.  
Dabat equi-  
dem Annibal  
primas in om-  
ni genere vir-  
tutis Pyrrho.  
Plut. Pyrrhi  
laus.*

nos, Poenósq; gestarum gloriâ attoniti, adventum expectabant. Primum illi bellum adversus Spartam fuit, ubi majore mulierum, quàm virorum virtute excitatur. Tunc Ptolomæum filium, & exercitûs partem robustissimam amisit. Quippe oppugnanti urbem, tutelam patriæ tanta multitudo foeminarum concurrerit, ut non fortius victus, quàm verecundius recederet. Porro Ptolomæum filium ejus adeo strenuum, & manu fortis fuisse tradunt, ut urbem Corcyram solus cum \* sexaginta cepit. Idem prælio navali triremem ex se ipsa cum septem insiluerit, caprâmq; tenuit. In oppugnatione quoq; Spartanorum usque in mediam urbem cum equo procurrebat, ibique concursu multitudinis interfectus sit. Cujus corpus ut relatum, \* patre dixisse Pyrrhum ferunt. Aliquantò tardius eum quâ timuerit ipse, vel temeritas ejus meruerit, occisum esse. Repulsus à Spartanis Pyrrhus Argos petit: ibi dum Antigonum in urbe clausum expugnare \* cogitat, inter confertissimos violentissimè dimicans, saxo de muris jactato occiditur. Caput ejus Antigono refertur: quod victoriâ mitius usus, filium ejus, Helenum cum Epirocis sibi deditum, in regnum dimisit, eique insepulti patris ossa in patriam referenda tradidit. Satis constans inter omnes autores fama est, nullum nec ejus, nec superioris ætatis regem comparandum Pyrrhō fuisse, rarior non inter reges tantum, verum etiam inter illustres viros, aut vitæ sanctioris, aut justitiæ probatoris visum fuisse. Scientiam certè rei militaris in illo visam tantam fuisse, ut cum Lyfimacho, Demetrio, Antigono tantis regibus bella gesserit, invictus semper extiterit. Illyriorum quoque, Siculorum, Romanorumque Carthaginensium bellis nunquam inferior, plerumque etiam victor extiterit: qui patriam certè suam angustam, ignobilémque, famâ rerum gestarum, & clarioris nominis sui toto orbe illustrem reddiderit.

## JUSTINI LIBER XXVI.

Post mortem Pyrrhi non in Macedonia tantum, verum etiam in Asia, Græciæque magni bellorum motus fuere. Nam & Peloponnesii per prodicionem Antigono traditi, & variante hominum partim dolore, partim gaudio, prout singulæ civitates aut auxilium de Pyrrho speraverant, aut metus sustinuerant, ita aut cum Antigono societatem jungabant, aut mutuis inter se odiis in bellum ruebant. Inter hunc turbatarum provinciarum motum, Epirorum quoque urbs ab Aristotimo principe per tyrannidem occupatur: à quo cum multi ex primoribus occisi, plures in exilium acti essent. Ætolis per legatos postulantibus, ut conjuges liberòsq; exilium redderet, primò negavit; postea quasi poenitet, proficiscendi ad suos omnibus matronis potestatem dedit, diemque profectionis statuit. Illæ quasi in perpetuum cum viris ut exulaturæ, preciosissima quæque auferentes cum ad portam quasi uno agmine profecturæ convenissent, omnibus rebus expoliatae, in carcere recluduntur, occisis prius in gremiis matrum parvulis liberis, virginibusque; ad stuprum direptis. Hanc tam sævam dominationem stupentibus omnibus, princeps eorum Helematus senex, & liberis orbus, ut qui nec ætatis, nec pignorum respectum timeret, convocatos domi fidissimos amicos, in vindictam patriæ hortatur. Cunctantibus prius in tanto periculo publicum finire, & deliberandi spatium postulantis, accersitis servis jubet observari fores, tyrannòque nuntiari, mitteret qui conjuratos apud se comprehenderet, obiectans singulis, se, quia liberandæ patriæ autor esse non possit, desertæ ultorem futurum. Turbæ illi ancipiti periculo circumventi, honestam viam eligentes, conjurant in tyranni necem: atque ita Aristotimus quinto postea quam tyrannidem occupaverat, mense opprimitur. Interea Antigonus cum in multiplici bello & Ptolomæi regis, & Spartanorum premeretur, novusque illi hostis Gallogræciæ exercitus affluisset, in

*Variis Græcorum  
tum his.*

*Aristotimi  
tyranni crudelis facinus.*

*Helemati  
amor erga patriam & prudens in opprimendo tyranno consilium.*

*Aristotimus  
occiditur.*



*Gallorum  
cruciatas in  
conjuges &  
liberos. Epi-  
thonoma.*

*Gallorum  
regum cedes.*

*Ptolomæus  
Eperges  
Ægypti rex.*

*Fortune vo-  
luntaria.*

*Epiri thoma.*

*Agis Cyre-  
norum rex,  
\* Agis.*

speciem castrorum parvâ manu adversus cæteros reli-  
ctâ, adversus Gallos totis viribus proficiscitur. Quibus  
cognitis, Galli cum & ipsi se pralio pararent, in auspiciâ  
pugnæ hostias cædunt: quarum extis, cum magna cæ-  
des, interitusq; omnium prædiceretur, non in timorem,  
sed in furorem versi, sperantesq; deorum minas expiari  
cæde suorum posse, conjuges & liberos suos trucidant,  
auspiciâ belli à parricidio incipientes. Tanta rabies fe-  
ros animos invaserat, ut non parcerent a tati, cui etiam  
hostes pepercissent, bellumq; internecinum & natali-  
tium cum liberis, liberorumq; matribus gererent, pro  
quibus bella suscipi solent. Itaq; quasi scelere vitam,  
victoriâq; redimissent, sicut erant ex recenti cæde, in  
pralium non meliore eventu, quam omine proficiscun-  
tur. Siquidem pugnantes, prius parricidiorum furia,  
quam hostes circumvenire: observantibusq; ante ocu-  
los manibus interemptorum, omnes occasione cæsi.  
Tanta strages fuit, ut dii pariter cum hostibus consen-  
sisse in excidium parricidarum viderentur. Post hujus  
pugnæ eventum, Ptolomæus, & Spartani, victorem ho-  
stium exercitum declinantes, in tutiora se recipiunt.  
Antigonus quoque ubi eorum discesum videt, recentem  
adhuc ex priorî victoriâ militum ardore, bellum Athe-  
nienfibus infert. In quo cum occupatus esset, interim  
Alexander rex Epiri ulcisci mortem patris Pyrrhi cu-  
piens, fines Macedoniæ depopulatur. Adversus quem  
cum reversus à Græcia Antigonus esset, transitione  
militum destitutus, regnum Macedoniæ cum exercitu  
amittit. Hujus filius Demetrius puer admodum, absen-  
te patre, reparato exercitu, non solum amisam Mace-  
doniam recepit, verum etiam Epiri regno Alexandrum  
spoliât. Tanta vel mobilitas militum, vel fortunæ vari-  
etas erat, ut vicissim reges, nunc exules, nunc reges vi-  
derentur. Igitur Alexander cum exul ad Arcadas con-  
fugisset, non minore Epirotarum desiderio, quam socio-  
rum auxilio in regnum restituitur. Per idem tempus  
rex Cyrenarum \* Agis decedit; qui ante infirmitatem  
Beronicem

Beronicem unicam filiam, ad finiendam cum Ptolomæo fratre certamina, filio ejus desponderat. Sed post mortem Antigoni regis, mater virginis Arsinoë, ut invitæ contractum matrimonium solveret, misit qui ad nuptias virginis, regnūq; Cyrenarum Demetrium fratrem regis Antigoni à Macedonia accerferent, qui & ipse ex filia Ptolomæi procreatus erat. Sed nec Demetrius moram fecit. Itaque cū secundante vento celeriter Cyrenas advolasset, fiducia pulchritudinis, quā nimis placere socruī cœperat, statim à principio superbus regiæ familiæ, militibûsq; impotens erat, studiūque placendi à virgine in matrem contulerat. Quæ res spectata, primò virgini, deinde popularibus militibûsq; invisa fuit. Itaq; versis omnium animis in Ptolomæi filium, insidiæ Demetrio comparantur: \* qui cum in lectum socrus concessisset, percussores immittuntur; sed Arsinoë auditâ voce filiæ, ad fores stantis & præcipientis, ut matri parcerent, adulterum paulisper corpore suo protexit. Quo interfecto, Beronice & stuprum matris salvâ pietate, ultâ est; & in matrimonio sortiendo iudiciū patris sequuta est.

*Demetrius  
propter adul-  
terium me-  
catur.  
\* Cui.*

## JUSTINI LIBER XXVII.

Mortuo Syriæ rege Antiocho, cū in locum ejus filius Seleucus successisset, hortantē matre Laodice, quæ inhibere debuerat, auspiciâ regni à parricidio cepit. Quippe Beronicen novercam suam, sororem Ptolomæi regis Ægypti cum parvulo fratre ex ea suscepto interfecit. Quo facinore perpetrato, & infamiæ maculam subiit, & Ptolomæi bello se implicuit. Porro Beronice cū ad se interficiendam missos didicisset, patris Daphnæ se claudit. Ubi cū obsideri eam, cum parvulo filio, nuntiātum civitatibus Asiæ esset, recollectione paternæ majorūq; dignitatis ejus, & casum eam indignæ fortunæ miserantes, auxilia ei omnes misere. Frater quoque Ptolomæus periculo sororis excitus, relicto regno, cum omnibus viribus advolat.

*Antiochus  
Theo.*

*Seleuci Gal-  
linici regis  
Syriæ patri-  
cidium.*

*Beronice occiditur.*

*Epihonema.*

*Seleuci naufragium.*

*\* Transferant.*

*Damno ditior factus Seleucus à Ptolomæo vincitur.*

*Antiochus Hierax.*

Sed Beronice ante adventum auxiliorum, cum vi expugnari non posset, dolo circumventa, trucidatur. Indigna res omnibus visa. Itaque cum universæ civitates, quæ defecerant, ingentem classem comparassent, repente exemplo crudelitatis exterritæ, simul & in ultionem ejus, quam defensuri erant, Ptolomæo se tradunt: qui nisi in Ægyptum domesticâ seditione revocatus esset, totum regnum Seleuci occupasset. Tantum illi vel odium parricidiale scelus, vel huic favorem indigne interemptæ mors sororis attulerat. Post discessum Ptolomæi Seleucus cum adversus civitates quæ defecerant, ingentem classem comparasset, repente, velut diis ipsis parricidium vindicantibus, ortâ tempestate classem naufragio amittit: nec quicquam illi ex tanto apparatu, præter nudum corpus, & spiritum, & paucos naufragii comites residuos fortuna fecit. Miseri quidem res, sed optanda Seleuco fuit. Siquidem civitates, quæ odio ejus ad Ptolomæum \* defecerant, velut diis arbitris, satisfactum sibi esset, repentinâ animorum mutatione in naufragii misericordiam versâ imperio se ejus restituant. Latus igitur malis suis, damnis ditior redditus, velut par viribus, bellum Ptolomæo infert: sed quasi ad ludibrium tantum fortuna natus esset, nec propter aliud opes regni recepisset, quàm ut amitteret, victus prælio, non multò quàm post naufragium comitior, trepidus in Antiochiam confugit. Inde ad Antiochum fratrem literas fecit, quibus auxilium ejus implorat, oblatâ ei Asiâ, inter fines Tauri montis, in præmium latæ opis. Antiochus autem cum esset annos 14. natus, supra ætatem regni avidus occasionem non tam pio animo, quàm offerebatur, arripuit. Sed latronis more, totum fratri eripere cupiens, puer sceleratam, virilemq; sumit audaciam. Unde Hierax est cognominatus, qui non hominis, sed accipitris ritu, in alienis eripiendis vitam sectaretur. Inter eos Ptolomæus cum audisset regem Antiochum in auxilium Seleuco venire, nè cum duobus uno tempore dimicaret

aret, in annos 10. cum Seleuco pacem facit. Sed pax  
 ab hoste data interpellatur à fratre; qui conducto Gal- *Bellum im-*  
 lorum mercenario exercitu, pro auxilio bellum, pro *pium.*  
 fratre hostem se imploratus exhibuit. In eo prælio vir-  
 tute Gallorum victor quidem Antiochus fuit: sed Gal-  
 li arbitantes Seleucum in prælio cecidisse, in ipsum  
 Antiochum arma vertunt, liberiùs depopulaturi Asi-  
 am, si omnem stirpem regiam extinxissent. Quod ubi  
 sensit Antiochus, velut à prædonibus, auro se redimit, *Eumenes*  
 societatémq; cum mercenariis suis jungit. Interea rex *Asian inva-*  
 Bithyniæ Eumenes, sparsis consumptisque fratribus, *di.*  
 bello intestinæ discordiæ, quasi vagantem Asiæ posses-  
 sionem invasurus, victorem Antiochum, Gallósque ag-  
 greditur: nec difficile socios adhuc ex superiore con-  
 gressione, integer ipse viribus, superat. Eâ namque tem-  
 pestate omnia bella in exitium Asiæ gerebantur: uti  
 quisq; fortior fuisset, Asiam, velut prædam occupabat.  
 Seleucus & Antiochus fratres bellum propter Asiam  
 gerebant. Ptolomæus rex Ægypti, sub specie sororiæ  
 ultionis, Asiæ inhiabat. Hinc Bithynius Eumenes, in-  
 de Galli (\* humilior semper mercenaria manus) Asiam *\* Semper*  
 depopulabantur, cum interea nemo defensor Asiæ inter *mercenaria*  
 prædones inveniebatur. Victo Antiocho, cum Eu- *manus.*  
 menes majorem partem Asiæ occupasset, nè tunc qui-  
 dem fratres, perduto imperio, propter quod bellum ge-  
 rebant, concordare potuerunt: sed omisso externo ho-  
 ste, in mutuuum exitium bellum reparant. In eo Antio- *Antiochus*  
 chus denuò victus, multorum dierum fugâ fatigatus, *et eum vici-*  
 tandem ad socerum suum Artamenem regem Cappa- *citur.*  
 dociæ, provehitur: à quo cum primùm benignè suscep-  
 tus esset, interjectis diebus, cognito quòd sibi insidiæ  
 pararentur, salutem fugâ quæsit. Igitur cum profugo  
 nusquam locus tutus esset, ad Ptolomæum hostem, cu-  
 jus fidem tutiorem quàm fratris existimabat, decurrit; *Fratrem mo-*  
 memor, vel quæ facturus fratri esset, vel quæ meruisset *tuent ad ho-*  
 à fratre. Sed Ptolomæus non tam amicus ei deditus, *stem confugit.*  
 quàm hostis factus, servari eum artissimâ custodiâ ju-  
 bet.

*Antiochi &  
Seleuci fra-  
trum mors.*

bet. Hinc quoq; Antiochus operâ cujusdam meretricis  
adjutus, quam familiaris agnoverat, deceptis custodi-  
bus elabitur, fugiensq; à latronibus interficitur. Seleu-  
cus quoq; iisdem fermè diebus amisso regno, equo præ-  
cipitatus, finitur : sic fratres quasi germanis casibus, exu-  
les ambo, post regna, scelerum suorum pœnas luerunt.

## JUSTINI LIBER XXVIII.

*\* Præ-  
causa belli  
in: r Den e-  
trium Mace-  
donie, &  
Antiocham  
Syrie reges.  
\* Pytheam.*

**O**lympias Pyrrhi Epirotæ regis filia, misso marito,  
eodémq; germano fratre Alexandro, cum tute-  
lam filiorum ex eo susceptorum Pyrrhi & Ptolomæi,  
regniq; administrationem ipsa recepisset, ab Ætolis par-  
tem Acarnaniæ, quam in portionem belli \* mater pu-  
pillorum acceperat, eripere volentibus, ad regem Ma-  
cedoniæ Demetrium decurrit : eique habenti uxorem,  
Antiochi regis Syriæ sororem, filiam suam \* Pythiam  
in matrimonium tradidit : ut auxilium, quod misericor-  
diâ non poterat, jure cognationis obtineret. Fiunt igitur  
nuptiæ, quibus & novi matrimonii gratia acquiritur,  
& veteris offensa contrahitur. Nam prior uxor velut  
matrimonio pulsa, sponte suâ ad fratrem Antiochum  
discedit, eumq; in mariti bellum impellit. Acarnanes  
quoq; diffusi Epirotis, adversus Ætolos auxiliâ Roma-  
norum implorantes, obtinuerunt à Romano senatu, ut  
legati mitterentur, qui denuntiarent Ætolis, præsidia  
ab urbibus Acarnaniæ deducerent : paterenturq; esse  
liberos, qui soli quondam adversus Trôjanos, autores  
originis suæ, auxilia Græcis non miserunt. Sed Ætoli  
legationem Romanorum superbè audierunt, Pœnes  
illis & Gallos, à quibus tot bellis vexati, toties occisio-  
ne sint cæsi exprobrantes, dicentésque, Prius illis por-  
tas adversus Carthaginienses apriendas, quas claus-  
erit metus Punici belli, quàm in Graciam arma transfe-  
renda. Meminisse deinde jubent, quibus minentur :  
adversus Gallos urbem suam eos rueri non potuisse,  
captamque non ferro defendisse, sed auro redemptam.  
Quam gentem se aliquando majori manu Graciam  
ingressam,

*Superbia Æ-  
tolium re-  
spice.*

ingressam, non solum nullis externis viribus, sed ne domesticis quidem testis adjutos, universam delesse, sedemque sepulchris eorum præbuisse, quam illi viribus, imperioque suo proposuerant. Contrà, Italiam, trepidis ex recenti urbis suæ incendio Romanis, universam ferme à Gallis occupatam. Prius igitur illis Gallos Italiâ pellendos, quàm minentur Ætolis: priusque sua defendenda quàm aliena defendi appetenda. Quos autem homines Romanos esse? nempe pastores qui latrocinio justis dominiis ademptum solum teneant: qui uxores cum propter originis dehonestamenta nec invenirent, vi publicâ rapuerint: qui denique urbem suam parricidio condiderint, murorumque fundamenta fraterno sanguine asperferint: Ætolos autem principes Græciæ semper fuisse, & sicut dignitate, ita & virtute cæteris præstitisse, solos denique esse, qui Macedonas imperio terrarum florentes semper contempserint; qui Philippum regem non tinnerint; qui Alexandri Magni post Persas Indosque, divictos, cum omnes nomen ejus horrent, edicta spreverint. Monere igitur se Romanos, contenti sint fortunâ præsentem, nec provocent arma quibus & Gallos caesos, & Macedonas contemptos videant. Sic dimissâ legatione Romanorum, ne fortius loquuti quàm fecisse viderentur, fines Epiri regni Acarnaniæ depopulantur. Jam Olympias filiis regna tradiderat, & in locum Pyrrhi fratris defuncti, Ptolomæus successerat: qui cum hostibus instructo exercitu obviis processisset, infirmitate correptus, in itinere decedit. Olympias quoque non magno post tempore, gemino funerum vulnere afflicta ægrum spiritum trahens non diu filiis supervixit. Cum ex gente regia solâ Nereis virgo cum Laodomia sorore superesset, Nereis nubit Geloni Siciliæ regis filio: Laodomia autem cum in aram Dianæ confugisset, concursu populi interficitur. Quod facinus dii immortales assiduâ cladibus gentis, & propè interitu totius populi vindicaverunt. Nam sterilitatem, famemque passi, & intestinâ discordiâ vexati, externis ad

postremum

*Selinus intelligit lib. 1. ab urb. cond. Evagrandi primi maduerunt sanguine muri. Lucanum.*

*Pyrrhi uxor cum duobus filiis Pyrrho & Ptolomæo moritur. \* ægre. Nereis & Laodomia Pyrrhi filie.*



*Millonis Lao-  
domiæ per-  
cussoris furor.*

*Antigonus  
Philippi, ad-  
modum lar-  
vuli tuiter.*

*Regium dia-  
dema propter  
seditionem  
abjicit.*

*Spartanis  
bellum in-  
fert.*

*Spartanorum  
in adversis  
constantia.*

*\* Cecidisse et.*

*\* Videtur le-  
gendum lux-  
os, ut luxura-  
tos.*

postremum bellis penè consumpti sunt : Millóq; Lao-  
domiæ percussor in furorem verius, nunc ferro, nunc  
saxo, in funima, dentibus laceratis visceribus, 12. die  
interiit. His in Epiro gestis, interim in Macedonia De-  
metrius rex, relicto filio Philippo, parvulo admodum,  
decedit. Cui Antigonus tutor datus acceptâ in matri-  
monium matre pupilli, regem se constituere laborat.  
Interjecto deinde tempore, cùm seditione minaci Ma-  
cedonum clausus in regia teneretur, in publicum sine  
satellitibus procedit, projectóq; in vulgus diademate  
ac purpurâ, dare hæc eos alteri jubet, qui aut imperare  
illis sciat, aut cui parère ipsi sciant : se adhuc invidio-  
sum illud regnum, non voluptatibus, sed laboribus ac  
periculis sentire : commemorat deinde beneficia sua, ut  
defectionem sociorum vindicaverat, ut Dardanos The-  
salósq; exultantes morte Demetrii regis compescuerit,  
ut denique dignitatem Macedonum non solum defen-  
derit, verum etiam auxerit. Quorum si illos poeniteat  
deponere imperium, & reddere illis munus suum, ipsi  
regem quærant, cui imperent. Cùm populus pudore  
motus, recipere eum regnum juberet, tamdiu recusavit,  
donec seditionis autores supplicio traderentur. Post  
hæc bellam Spartanis infert, qui soli Philippi Alexan-  
drique bellis, & imperium Macedonum, & omnibus  
metuenda arma contempserunt. Inter duas nobilissi-  
mas gentes bellum summis utrinq; viribus fuit. Cùm  
hi pro veteri Macedonum gloria, illi non solum pro  
illibata libertate, sed etiam pro salute certarent. Visti  
Lacedæmonii, non ipsi tantum, sed etiam conjuges, li-  
berique magno animo fortunam tulere. Nemo quippe  
in acie saluti pepercit, nulla amissum conjugem flevit;  
filiorum mortem senes laudabant, patribus in acie ca-  
sis filii gratulabantur : suam vicem omnes dolebant,  
quod non ipsi pro patriæ libertate \* decidissent. Pa-  
rentes omnes domibus socios excipiebant, vulnera-  
tos curabant, \* lapsos reficiebant. Inter hæc nullus in  
urbe strepitus, nulla trepidatio : magis omnes publi-  
cam

cam quàm privatam fortunam lugebant. Inter hæc Cleomenes rex post multas hostium cædes, toto corpore, suo pariter & hostium cruore madens, supervenit : ingressusq; urbem, non humi consedit, non cibum aut potum poposcit, non deniq; armorum onus deposuit : sed acclivis parieti, cùm quatuor millia sola ex pugna superfuisset conspexisset, hortatur, ut se ad meliora reipublicæ tempora reservarent. Tum cum conjuge & liberis Ægyptum ad Ptolomæum proficiscitur : à quo honorificè susceptus, diu in summa dignitate regis vixit. Postremò post Ptolomæi mortem, à filio ejus cum omni familia interficitur. Antigonus autem, cæsis occisione Spartanis, fortunam tantæ urbis miseratus, à direptione milites prohibuit, veniámq; his, qui superfuissent, dedit, præfatus bellum se cum Cleomene, non cum Spartanis habuisse : cujus fugâ omnis ira ejus finita sit, nec minori sibi gloriæ fore, si ab eo servata Lacedæmonia sit, quàm si capta \* proderetur. Parcere igitur se solo urbis ac tectis, quoniam homines quibus parceret, non superfuissent. Nec multò post ipse decedit, regnûmq; Philippo annos 14. nato tradidit.

*Imperatoris  
egregii exem-  
plum Cleo-  
menes. Plut.  
in viis.*

*Moderata  
Antigoni vi-  
toria.*

*\* Perderetur.  
Ejusdem  
mors.*

### JUSTINI LIBER XXIX.

**E**isdem fermè temporibus propè universi orbis imperia, novâ regum successione mutata sunt. Nam in Macedonia Philippus, mortuo Antigono tutore, eodemq; vitrico, quatuordecim annorum, regnum suscepit ; & in Asia interfecto Seleuco, impubes adhuc rex Antiochus constitutus est. Cappadociæ regnum quoque Ariarathi, puero admodum, pater ipse tradiderat : Ægyptum patre ac matre interfectis, occupaverat Ptolomæus, cui ex facinoris crimine, cognomentum Philopater, ex contrario fuit. Sed Spartani in locum Cleomenis succederunt Lycurgum. Et ne quæ temporibus mutatio deesset, apud Carthaginem ætate adhuc immaturâ, dux Annibal constituitur, non penuriâ seniorum, sed odio Romanorum, quo imbutum cum

*Philopater  
per ironiam  
dictus.*

*Annibal  
Carthagini-  
ensem dux.*

cum à pueritia sciebant: Fatale non tam Romanis, quàm ipsi Africæ malum. His regibus pueris, licet nulli senioris ætatis rectores erant, tamen in suorum quibusque majorum vestigia intentis, magna indoles virtutis emicuit. Solus Ptolomæus scelestus sicut in occupando regno, ita & segnis in administrando fuit. Philippum Dardani, cæteri; finitimi populi, quibus velut immortale odium cum Macedonum regibus erat, contemptu ætatis assidue lacehebant. Contra ille summotis hostibus, non contentus suâ defendisse, etiam Ætolis bellum inferre gestiebat. Quæ agitantem illum Demetrius rex Illyriorum, nuper à \* Paulo Rom. consule victus, supplicibus precibus aggreditur, injuriam Romanorum querens; qui non contenti Italiæ terminis, imperium spe improbâ totius orbis amplexi, bellum cum omnibus regibus gerant: sic illos Sicilia, sic Sardinia, Hispaniaque, sic deinde totius Africæ imperium affectantes, bellum cum Pœnis & Annibale suscepisse: sibi quoque non aliam ob causam, quàm quòd Italiæ finitimus videbatur, bellum illatum: quasi nefas esset, aliquem regem juxta imperii eorum terminos esse. Sed & ipsi cavendum esse exemplum, cujus quantò proprius nobiliusque sit regnum, tanto sit Romanus acriores hostes habiturus. Super hoc cedere se illi regno quod Romani occupaverint profitetur, gratias habiturus si in possessionem imperii sui socium potius, quàm hostem videret. Hujusmodi oratione impulit Philippum, ut omissis Ætolis, bellum Romanis inferret, minus negotii existimantem quòd jam victos ab Annibale apud Transimenum lacum audierat. Itaque nè multis bellis eodem tempore gravaretur, pacem cum Ætolis fecit, non quasi aliò bellum translaturus sed ut Græciæ quieti consulturus, quàm nunquam in majori periculo fuisse affirmabat. Siquidem consurgentibus ab Occidente novis Pœnorum & Romanorum imperiis, quibus una hæc à Græcia & Asia summa mora, dum inter se bello discrimen imperii faciunt; cæterum statim victoribus transitum in Orientem fore.

Videre

*Demetrii ad  
Philippum  
oratio.  
\* Populi.*

*Levinus consul de his  
omnibus triumphavit.  
Fl.*

*Philippus  
Ro. bellum  
infert. Duce  
Flaminio.*

*Latiores partem à Philippi  
cum Ætolis factæ.*

Videte se itaq; ait consurgentem in Italiam nubem illam  
 trucis & cruenti belli, videre tonantem ac fulminan-  
 tem ab Occasu procellam: quam in quascunq; terrarū  
 partes victoriæ tempestas detulerit, magno cruoris im-  
 bre omnia foedaturam. Frequenter Græciam ingentes  
 motus passam, nunc Persarum, nunc Gallorum, nunc  
 Macedonum bellis: sed omnia illa ludum fuisse existi-  
 maturos, si ea quæ nunc in Italia concurrat manus, ex-  
 tra terram illam se effuderit. Cernere quàm cruenta &  
 sanguinaria inter se bella utriq; populi & viribus copi-  
 arum, & ducum artibus gerant: quæ rabies solo finiri  
 partis alterius interitu, sine ruina finitimorum non pos-  
 sit. Feros igitur animos victorum minùs quidem Mace-  
 doniæ, quàm Græciæ timendos, quia & remotior, & in  
 vindictam suæ robustior sit, scire tamen se eos qui tantis  
 viribus concurrant, non contentos hoc fine victoriæ fo-  
 re: metuendūmq; sibi quoq; certamen eorum, qui supe-  
 riores extiterint. Hoc prætextu finito cum Ætolis bello,  
 nihil aliud quàm Pœnorum Romanorūmq; bella reci-  
 piens, singulorum vires perpendebat. Sed nec Romani,  
 quibus Pœni & Annibal in cervicibus erant, soluti metu  
 Macedonico videbantur: nam terrebat eos & vetus  
 Macedonum virtus, & devicti Orientis gloria, & Phi-  
 lippus studio Alexandri æmulationis incensus, quem  
 promptum ad bella, industriūque cognoverat. Igitur  
 Philippus cum iterato prælio victos à Pœnis Romanos  
 didicisset, apertè hostem se his professus, naves quibus  
 in Italiam exercitum trajiceret, fabricare cœpit. Legatū  
 deinde ad Annibalem jungendæ societatis gratiā cum  
 epistolis mittit: qui comprehensus, & ad senatum \* pro-  
 ductus, incolumis dimissus est, non in honorem regis,  
 sed nè dubius adhuc, indubitatus hostis redderetur. Po-  
 stea verò cū Romanis nuntiatum esset, in Italiam  
 Philippum copias trajecturum, Levinum prætorem  
 cum instructis navibus ad prohibendum transitum mit-  
 tunt. Qui cū in Græciam venisset, promissis multis  
 impulit Ætolos bellum adversus Philippum suscipere.

Philippus

*Tertium id  
fulmen An-  
nibalidis fuit  
Flui.*

*Apud Trebia  
an Conf.  
Sempronio  
Xenophontem  
legationis  
hujus princi-  
pem fuisse  
scribit Liv.  
Dec. 3. l. 3.  
\* Perseus.  
M. Valerius  
Levinus cum  
navibus 52.  
apud Taren-  
tum expecta-  
vit adven-  
tum Phi-  
lippi.*

*Rege Perga-  
morum. Flo.*

*P. Sempronio  
in provincia  
proconsule  
Liv. 1. 9.  
Dec. 3.*

Philippus quoque Ætolos in Romanorum bella solici-  
rat: Interea & Dardani Macedoniae fines vastare cœ-  
perunt; abductisq; 20 millibus captivorum, Philippum  
a Romano bello ad tuendum regnum revocaverunt.  
Dum hæc aguntur, Lævinus prætor, inita cum Attalo  
rege societate Græciam populatur. Quibus cladibus  
perculsæ civitates, auxilium petentes, Philippum lega-  
tionibus fatigant, nec non & Illyriorum reges lateri  
ejus hærentes, assiduis precibus promissa exigebant.  
Super hæc vastati Macedonis ultionem flagitabant.  
Quibus tot tantisque obsessus rebus, cui rei primò oc-  
curreret, ambigebat: omnibus tamen propediem auxi-  
lia se missurum pollicetur, non quia facere posset quæ  
promittebat; sed ut spe impletos in societatis jure reti-  
neret. Prima tamen illi expeditio adversus Dardanos  
fuit; qui absentiam ejus aucupantes, majore belli mole  
Macedoniæ imminerebant. Cum Romanis quoq; pacem  
fecit, contentus interim bellum Macedonicum distulisse,  
Philopœmeni Achæorum duci, quem Romanos fo-  
ciorumq; animos sollicitare dedicerat, insidias præten-  
dit. Quibus ille cognitis, vitatisque, discedere ab eo  
Achæos autoritate suâ coegit.

### JUSTINI LIBER XXX.

*Quales in  
Repub. prin-  
cipes sunt,  
tales reliqui  
solent esse  
cives. Plato.*

Philippo in Macedonia magnis rebus intento, Pro-  
tomæi in Ægypto diversi mores erant. Nam reg-  
no parricidio obtento, & ad necem utriusq; parentis,  
cæde etiam fratris adjunctâ, veluti rebus feliciter gestis,  
luxuriæ sese tradiderat, regisq; mores omnis sequitur  
regio erat. Itaq; non amici tantum præfectique, verum  
etiam omnis exercitus depositis militiæ studiis, otio ac  
desidiâ corrupti marcebant. Quibus rebus cognitis,  
Antiochus rex Syriæ, veteri inter se regnorum odio  
stimulante, repentino bello multas urbes ejus oppres-  
sit, ipsamque Ægyptum aggreditur. Trepidat igitur  
Ptolomæus, & per legationes quousq; vires parat, rogat  
morari Antiochum. Magno deinde in Graecia exercitu  
conducto,

conducto, secundum prælium facit; spoliassétq; regno  
 Antiochum, si fortunam virtute iuvisset. Contentus re-  
 cuperatione urbium, quas amiserat, factaq; pace, avidè  
 materiam quietis arripuit, revolutusque in luxuriam,  
 occisâ Eurydice uxore, eâdemq; sorore suâ, Agathoclæ  
 meretricis illecebris capitur. Atq; ita omni magnitudi-  
 ne nominis ac majestatis oblitus, noctes in stupris, dies  
 in conviviis consumit. Adduntur *Instrumenta luxuriæ*,  
*tympana & tripudia*; nec jam spectator rex, sed magi-  
 ster nequitiae, nervorum oblectamenta modulatur. Hæc  
 primò labentis regiae tacita pestis, & occulta mala fu-  
 ere. Deinde crescente licentiâ, jam nec parietibus regiae  
 domus contineri meretricis audacia potest: quam pro-  
 terviore, sociatâ cum Agathocle fratre ambitiosâ pul-  
 chritudinis scorto, quotidiana regis supra faciebant.  
 Accedebat & mater Evanthe, quæ geminæ sobolis ille-  
 cebris devinctum regem tenebat. Itaq; non contentæ  
 rege, jam etiam regnum possident, jam in publico vi-  
 suntur, jam salutantur, jam comitantur. Agathocles  
 regis lateri junctus, civitatem regebat; tribunatus, præ-  
 secturas, & ducatus mulieres ordinabant; nec quisquam  
 in regno suo minùs quàm ipse rex poterat. Cum inte-  
 rim relicto quinquenni ex Eurydice sorore filio, mori-  
 tur; sed mors ejus, dum pecuniam regiam mulieres ra-  
 piunt, & imperium, initâ cum perditissimis societate,  
 occupare conantur, diu occultata fuit. Re tamen cog-  
 nitâ, concursu multitudinis Agathocles occiditur, &  
 mulieres, in ultionem Eurydices, patibulis suffiguntur.  
 Morte, regis, supplicio meretricum, velut expiatâ regni  
 infamiâ, legatos Alexandrini ad Romanos miserunt,  
 orantes, ut tutelam pupilli susciperent, tuerenturq; reg-  
 num Aegypti, quod jam Philippum & Antiochum, fa-  
 ctâ inter se pactione, divisisse dicebant. Grata legatio  
 Romanis fuit, causam belli querentibus adversus Phi-  
 lippum, qui insidiatus eis temporibus Punici belli fue-  
 rat. Huc accedebat, quod Pœnis & Annibale superato,  
 nullius magis arma metuebant, reputantibus quan-  
 tum

*Corrupti &  
 in temperan-  
 tis principis  
 exemplum  
 Ptolomeus,  
 Luxuria  
 Ptolomei.*

*Ptolomei  
 mors.*

*Agathocles  
 cum Evanthe  
 mare patri-  
 bus suffi-  
 guntur.  
 Legati Alex-  
 andrinorum  
 ad Romanos.*



*Occasione Rom.  
gerendi belli  
cum Philippi.  
Nunc vulgo  
Pergamensis  
dicitur.  
Bellum Ma-  
cedonicum de  
quo Livius.*

*Consul fuit  
P. Sulpicius.*

*Vide Livium  
in fine lib. 2.  
belli Maced.*

*Terre motus.  
Eodem quo-  
que tempore  
refert Livius  
Lauream in  
pretoriâ  
navi enatam.  
Alii legunt  
Onabin; fuit  
is tyrannus  
Lacedæmoni-  
orum. Plu-*

tum motum Pyrrhus parvâ manu Macedonum in Ita-  
liâ fecisset, quantâsq; res Macedones in Oriente per-  
fissent. Mittuntur igitur legati, qui Antiocho & Philip-  
po, ut à regno Ægypti abstineant, nuntient. Mittitur &  
M. Lepidus in Ægyptum: qui tutorio nomine regnum  
pupilli administret. Dum hæc aguntur, interim legati  
Attali regis Pergami & Rhodiorum, injurias Philippi  
regis querentes, Romam venerunt: Quæ res omnem  
cunctationem Macedonici belli senatui exemit. Statim  
prætextu ferendi auxilii sociis, bellum adversus Philip-  
pum decernitur, legionésq; cum consule in Macedoni-  
am mittuntur. Nec multo post tempore, tota Græcia  
fiducia Romanorum adversus Philippum, spe pristina  
libertatis erectâ, bellum ei intulit: atq; ita cum rex un-  
diq; urgeretur, pacem petere compellitur. Deinde cum  
expositæ conditiones pacis à Romanis essent, repetere  
sua & Attalus, & Rhodii, & Achæi, & Ætoli cœpere.  
Contra Philippus adduci se posse, ut Romanis parcat,  
concedebat. Cæterum indignum esse, Græcos à Phi-  
lippo & Alexandro majoribus suis victos, & sub jugum  
Macedonici imperii subactos, velut victores leges pacis  
sibi dicere, quibus prius sit ratio servitutis reddenda,  
quàm libertas vindicanda. Ad postremum tamen eo  
petente, induciæ duorum mensium sunt datæ, ut pax  
quæ in Macedonia non conveniebat, Romæ à Senatu  
peteretur. Eodem anno inter insulas Theramenem &  
Therasiam medio utriusq; ripæ & maris spatio, terra-  
motus fuit. In quo cum admiratione navigantium, re-  
pentè ex profundo cum calidis aquis insula emerfit. In  
Asia verò eodem die motus terræ Rhodum multâsq;  
alias civitates gravi ruinarum mole concussit, quas-  
dam solidas absorbuit. Quo prodigio territis omnibus  
vates cecinere; oriens Romanorum imperium, vens  
Græcorum ac Macedonum voraturum. Interim à se-  
natu repudiata pace, Philippus in societatem belli Na-  
bin tyrannum sollicitat. Atq; ita cum in aciem exerci-  
tium, instructis è diverso hostibus, produxisset, hortari  
suos

suos cœpit, referendo Persas, Bactros, Indosque, & omnem Asiam, Orientis finem, à Macedonibus perdomitam, tantòque fortius hoc bellum quàm illa sustinendum, quantò sit libertas imperio carior. Sed & Flamminius Romanorum Consul, relatione rerum recentissimè gestarum, suos stimulabat in prælium; ostendendo, hinc Carthaginem cum Sicilia, inde Italiam & Hispaniam Romanâ virtute perdomitas: nec Annibalem Alexandro quidem Magno postponendum, quo Italiâ pulso, Africam ipsam tertiam partem mundi superaverint. Sed nec Macedonas veteri famâ, sed præsentibus viribus \* existimandos: quia non cum Alexandro Magno quem invictum audiverant, nec cum exercitu ejus qui totum Orientem devicerat, bellum gerant: sed cum Philippo puero immaturæ ætatis, qui regni terminos adversus finitimos agrè defendat, & cum his Macedonibus, qui non \* ita pridem prædæ Dardanis fuerunt. Illos majorem decora, Romanos se suorumque militum commemorare. Non enim alio exercitu Annibalem & Pœnos, & totum fermè Occidentem, sed his ipsis, quos in acie habebat, militibus subactos. His adhortationibus utrinque concitati milites prælio concurrunt, alteri Orientis, alteri Occidentis imperio gloriantes, ferentèsque in bellum alii majorum suorum antiquam & obsoletam gloriam, alii virentem recentibus experimentis virtutis florem. Sed Macedonas Romana fortuna vicit. Fractus itaque bello Philippus, pace à Flamminio Consule petita, nomen quidem regium retinuit: sed omnibus \* Thraciæ urbibus, velut regni membris extra terminos antiquæ possessionis amissis, solam Macedoniam retinuit. Offensitamen Ætoli, quod non ex arbitrio eorum, Macedonia quoque adempta regi & data sibi in præmiū belli esset, legatos ad Antiochum mittunt, qui cum adulatione magnitudinis, in Romana bella, spe societatis universæ Græciæ impellerent.

*Pugnam  
est ad Cyno-  
philam in  
Ithelis.  
Flamminii  
ad milites  
oratio.*

*Æstimandus.*

*Alii ita ut  
pridem fuerunt.*

*Græciæ.  
Ad Apolloniam nostram  
no prælio.  
Florus. Ætolorum dux  
Theos impulit Antiochum. Flor.*

## JUSTINI LIBER XXXI.

*Causa Syria-  
ci belli inter  
Rom. & An-  
tiochum.*

*Bellum Rom.  
cum Nabide  
L. c. 1. 19-  
vanno.*

*Annibalis  
nomen ter-  
ribile.*

*Romani per  
Servilium  
legatum An-  
nibali insidi-  
as parant.*

*Annibalis  
prudencia.*

**M**ortuo Ptolomæo Philopatre rege Ægypti, con-  
temporâq; parvuli filii ejus ætate, qui in spem e-  
tiam regni relictus, præda domesticis erat, Antiochus  
rex Syriæ occupare Ægyptum statuit. Itaq; Phœnicem  
cæterasq; Syriæ quidem, sed juris Ægypti civitates cum  
evasisset, legatos ad eum senatus mittit, qui denuncia-  
rent ei, abstinere à regno pupilli, postremis patris præ-  
cipibus fidei suæ traditi. Quibus spretis, interjecto tem-  
pore alia legatio intervenit, quæ omisâ pupilli perso-  
nâ civitates jure belli fractas populi Romani in inte-  
grum restitui jubebat. Abnuenti bellum denuntiatur,  
quod ille facillè susceptum, infelicitè gessit. Eodem  
tempore & Nabis tyrannus multas Græciæ civitates  
occupaverat. Igitur senatus nè eodem tempore dupli-  
ci bello Romanæ vires detinerentur, scripsit Flami-  
nio, si ei videatur, sicuti Macedoniam à Philippo, in  
Græciam à Nabide liberaret. Ob quam causam impe-  
rium ei prorogatum est. Terribile quippe Antiochi bel-  
lum Annibalis nomen faciebat, quem æmuli ejus oc-  
cultis mandatis, cum Antiocho inesse societatem apud  
Romanos criminabantur; negantes eum æquo animo  
sub legibus vivere assuetum, imperio, & immoderata  
licentiâ militare, semperque tadio quietis urbanæ no-  
vas belli causas circumspicere: quæ, etsi falsa nuntia-  
fuissent, apud timentes tamen pro veris habebantur.  
Denique senatus metu perculsus, ad speculandos actus  
Annibalis, legatum in Africam Servilium mittit, eique  
tacitis mandatis præcepit, ut si posset, eum per æmu-  
los ejus interficeret, metuque invisi nominis tandem  
populum Romanum liberaret. Sed res Annibalem  
non diu latuit, virum ad prospicienda cavendaq; pericu-  
la peritum, nec minùs in secundis adversa, quam in  
adversis secunda cogitantem. Igitur cum totâ die  
oculis principum, legatq; Romani in foro Carthagini-  
niensium observatus in supremum fuisset, appropin-  
quantem

quante vespere, equum conscendit, & rus urbanum, quod prope littus maris habebat, ignaris servis, jussisq; ad portum divertentem opperiri, contendit. Habebat ibi naves cum remigibus occulto sinu littoris absconditas. Erat etiā grandis pecunia in eo agro præparata, ut cū res exegisset, nec facultas fugam, nec inopia moraretur. Lectā igitur servorum juventute, quorum copiam Italicorum captivorum numerus augebat, navem conscendit, cursūque ad Antiochum dirigit. Posterā die civitas principem suum, ac tunc temporis consulem, in foro expectabat. Quem ut profectum nuntiatum est, non aliter, quā si urbs capta esset, omnes trepidavere, exitiosāque sibi fugam ejus ominati sunt. Legatus vero Romanus quasi bellum jam illatum Italiæ ab Annibale esset; tacitus Romam revertitur, trepidūque nuntium refert. Interim Flamminius in Græcia, junctā quibusdam civitatibus societate, Nabidem tyrannum duobus continuis præliis subegit, & graviter fractum velut exanguem in regno reliquit. Sed libertate Græcis restitutā, reductis ab urbibus præditiis, cū Romanus exercitus in Italiam reportatus esset, velut vacuā rursus possessione sollicitatus, multas civitates repentino bello invasit. Quibus rebus exterriti Athæni, ne vicinum malum etiam ad se serperet, bellum adversus Nabidem decernunt, ducēque prætorem suum Philiopœmenem, insignis industriæ virum, constituunt: cujus in eo bello tanta virtus enituit, ut opinione omnium compararetur Flamminio Romano imperatori. Eodem tempore Annibal cū ad Antiochum pervenisset, velut decorum munus excipitur: tantūque ejus adventu ardor \* animis regis accessit, ut non tam de bello, quā de præmiis victoriæ cogitaret. Sed Annibal, cui nota Romana virtus erat, negabat opprimi Romanos, nisi in Italia posse. Ad hoc sibi centum naves, & decem millia peditum, & mille equites poscebat; promittens hac manu non minus bellum, quā gesserit, Italiæ restauraturum: & in Asiam rege sedenti,

*Ex Africa ad Antiochum fuga.*

*Præterea habet Lt.*

*Dec. 4. l. 3.*

*Idem Liv. de hoc bello*

*Dec. 4. l. 4.*

*\* Alii, animi accessit.*

*Aristo Tyri-  
us fuit, qui  
mittebatur  
Carthagi-  
nem. tam-  
nem intelli-  
git, qui in-  
imicus Bar-  
chine jati-  
ni erat. Plu-  
in Annib.*

*Legati fuerunt  
L. Sulpicius  
& P. Julius.  
Legatorum  
Romanorum  
agitur.*

aut victoriam de Romanis, aut aquas pacis condicio-  
nes relaturum. Quippe & Hispanis bello flagranti-  
bus ducem tantum deesse: & Italiam notio-rem sibi  
nunc quàm pridem fuisse; sed nec Carthaginem qui-  
cturam, sociamq; ei sine mora præbituram. Cùm re-  
gi consilia placuissent, mittitur Carthaginem unus ex  
comitibus Annibalis qui in bellum cupidos hortetur,  
Annibalémq; cum copiis affuturum nuntiet; nihil di-  
cat partibus, nisi animos Carthaginien- sium deesse; A-  
siam & vires belli, & sumptum præbituram. Hæc cùm  
relata Carthaginem essent, nuptius ipse ab inimicis  
Annibalis comprehenditur; & perductus in senatum,  
eum interrogaretur, ad quem missus esset, Punico in-  
genio respondit, se ad universum senatum missum. Nec  
enim hoc opus singulorum, sed universorum esse. Dum  
multis diebus deliberant, an eum Romam ad purgandâ  
publicam conscientiam mittant, tacitus consensû nave  
ad Annibalem revertitur; quo cognito, Carthagini-  
enses statim Romam legatum deferunt. Romani quoq;  
ad Antiochum legatos misere, qui sub specie legatio-  
nis, & regis apparatus specularentur, & Annibalem  
aut Romanis mitigarent, aut assiduo colloquio suspe-  
ctum invisumq; regi facerent. Itaq; legati cùm Ephesi  
convenissent ad Antiochum, mandata ei senatûs tra-  
dunt. Dum responsuri expectant, omnibus diebus assidui  
cum Annibale fuerunt; dicentes, Timidè eum à pa-  
tria recessisse, cum pacem Romani non tam cum repub-  
lica, quàm cum eo factum summâ fide custodiant: nec  
bella cum Romanorum magis odio, quàm patriæ amo-  
re gessisse, cui ab optimo quoq; etiam spiritus ipse de-  
beatur. Has enim publicas inter populos, non privatas  
inter duces bellandi causas esse, inde res gestas ejus lau-  
dare; quorum sermone lætus, sæpius cupidiusq; cum  
legatis colloquitur, ignarus quòd pro familiaritate Ro-  
mana odium sibi apud regem crearet. Quippe Antio-  
chus tam assiduo colloquio reconciliatam cum Romanis  
gratiam existimans nihil ad eum sicut solebat referre,

exper-

expertemq; totius consilii, velut hostem proditorémq; suum, odisse cœpit. Quæ res tantum apparatus belli, cessante imperatoriâ arte, corrupit. Senatûs mandata fuerunt, ut contentus terminis Asiæ esset, nè ipsis ingrediendi Asiam necessitatem imponeret. Quibus spretis, non accipiendum bellum statuisse, sed inferendum dicitur. Quum frequenter de bello consilium habuisset, remoto Annibale, tandem cum vocari iussisse non ut ex sententia ejus aliquid ageret, sed ne per omnia eum sprevisse videretur: omnibûsque perrogatis, postremum interrogasse. Quo ille animadverso, intelligere se professus est, non quia egeat consilio, sed ad supplendum numerum sententiarum se vocatum, tamen & odio Romanorum & amore regis, apud quem solum tutum sibi exilium relictû sit, se viam gerendi belli edisseriturum. Veniam deinde libertatis deprecatus est: nihil se aut consiliorum, aut cœptorum præsentium probare ait: nec sedem belli Græciam sibi placere, cum Italia uberior materia sit. Quippe Romanos vinci non nisi armis posse, nec Italiam aliter quàm Italicis viribus subigi: Siquidem diversum cæteris mortalibus esse illud & belli genus & hominum. Aliis bellis plurimum momenti habere, priorem aliquam cepisse occasionem loci, temporisque, agros diripuisse, urbes aliquas expugnasse, cum Romano seu occupaveris prior alia, seu viceris, tum etiam cum victo & jacente luctandum est. Quamobrem si quis eos in Italiam laceaserit, suis eos opibus, suis viribus, suis armis posse \* vincere sicut ipse fecerit. Sin verò quis illis Italiâ, velut fonte virium, ceciderit, \* proinde calli ac si quis amnes non ab ipsius fontium primordiis derivare, sed concretis jam aquarum molibus avertere vel exiccare velit. Hoc & secretò se censuisse, ultròque ministerium consilii sui obtulisse: & nunc præsentibus amicis idèò repetisse, ut scirent omnes rationem cum Romanis gerendi belli, eosq; foris invictos, domi fragiles esse. Priùs namque eos urbe quàm imperio, priùs Italiâ quàm provinciis exui posse. Quippe & à Gallis

*Consilium  
Annibalis de  
se o Romanos  
inferenda.*

*Ratio belli  
gerendi, cum  
Rom.*

*\* Vinci.  
\* Perire.*

*Annibal alio de  
Rom. judicet.  
m.*



captos, & à se propè deletos esse: neq; se unquam victum prius, quàm terris eorum cesserit. Reverso Carthaginem, statim cum loco fortunam belli mutatam. Huic sententiæ obrectatores amici regis erant: non utilitatem rei cogitantes, sed verentes ne probato consilio ejus, primum apud regem locum gratiæ occuparet. At Antiocho non tam consilium, quàm autor displicebat, ne gloria victoriæ Annibalis, non sua esset. Omnia igitur variis assentationum adulationibus corrumpabantur: nihil consilio vel ratione agebatur. Rex ipse per hyemem in luxuriam lapsus, novis quotidiè nuptiis deditus erat.

*Antiochi negligentia in bello Romano. pagando.*

*Atrilii Rom. Con. diligentia.*

*De hac infelici Antiochi pugna scribitur Scimus l. 45.*

*\* Monemur.*

*Antiochus generali bello triumphavit à C. Lelio Rom. classe perijt.*

*\* Lucius.*

Contra Atrilius Romanus consul, qui ad hoc bellum missus erat, copias, arma, cæteraq; bello necessaria, summâ industriâ parabat, civitates socias confirmabat, dubias illiciebat; nec alius exitus belli quàm apparatus utriusq; partis fuit. Itaq; primâ belli congressione, cum sedentes suos rex cerneret, non laborantibus, auxilium tulit, sed fugientibus se ducem præbuit, castraq; ditia victoribus reliquit. Deinde cum in Asiam præda Romanis occupatis fugiendo pervenisset, poenitere neglecti consilii cœpit, revocatq; in amicitiam Annibalem, omnia ex sententia ejus agere velle dicit. Interim nuntiatur ei Livium \* Nevium Romanum ducem cum octoginta rostratis navibus in bellum navale, à senatu missum adventare; quæ res illi restituenda fortunæ spem dedit. Itaq; priusquam sociæ civitates ad hostes deficerent, decernere navali prælio statuit, sperans cladem in Græcia acceptam, novâ posse victoriâ aboleri. Annibali igitur traditâ classe prælium committitur, sed nec Aiani milites Romanis, neq; naves eorum rostratis navibus fuere: minor tamen clades ducis solertia fuit. Romam nondum opinio victoriæ venerat, & idcirco in consulibus creandis suspensâ civitas erat. Sed adversus Annibalem ducem quis melior quàm Africani frater crearetur, cum vincere Pœnos opus Scipionum sit? Creatur igitur Consul \* Publius Scipio, ei que datur legatus frater Africanus, ut intel-

ligeret

ligeret Antiochus, non majorem fiduciam se in Annibale victo, quàm Romanos in victore Scipione habere. Trajicientibus in Asiam Scipionibus exercitum, jam utrobique profligatum bellum nunciatum est, victumque Antiochum terrestri, Annibalem navali bello invenerunt. Primo igitur adventu eorum legatos pacem petentes ad eos Antiochus mittit, peculiare donum Africano ferentes ipsius filium, quem rex parvo navigio trajicientem ceperat. Sed Africanus privata beneficia à rebus publicis segregata dixit; aliàque esse patris officia, alia patriæ jura, quæ non liberis tantum, verum etiam vitæ ipsi præponantur: proinde gratum se munus accipere, privatòque impendio munificentia regis responsurum. Quod ad bellum pacemque pertineat, nihil neque gratia dari, neque de jure patriæ \* decidi posse respondit. Nam neque de redimendo filio unquam tractavit, nec senatum de eo agere permisit; sed ut dignum majestate ejus erat, armis se recepturum filium dixerat. Post hæc leges pacis dicuntur, ut Asia Romanis cederet, contentus Syriæ regno esset, naves universas, captivos, & transfugas traderet, sumptumque omnem belli Romanis restituerent. Quæ cum nuntiata Antiocho essent, nondum ita victum se esse respondit; ut spoliari se regno pateretur, bellicque ob irritamenta, non pacis blandimenta esse. Igitur dum ab utroque bellum pararetur, & ingressi Asiam Romani Ilion venissent, mutua gratulatio Iliensium ac Romanorum fuit: Iliensibus Aeneam ceterosque duces à se profectos, Romanis se ab his procreatos referentibus. Tantaque lætitia omnium fuit, quanta esse post longum tempus inter parentes & liberos solet. Juvabat Ilienses, nepotes suos, Occidente & Africâ domitâ, Asiam ut avitum regnum vindicare, optabilem Trojæ ruinam fuisse dicentes, ut tam feliciter renasceretur. Contra Romanos, avitos lares, & incunabula majorum, templaque, ad deorum simulacra, inexplabile desiderium videndi tenebat. Projectis ab Illo Romanis, Eumenes rex cum auxiliis

*Ægroabat  
tum pacis  
Eleæ  
Plut. Scipio-  
nis magnani-  
mitas.*

*\* Fortitudi-  
nis exem-  
plum, Scipio.*

*Sunt & aliæ  
conditiones  
apud Plu.  
non paulo  
durius.*

*Romanorum  
& Iliensium  
gratulatio.*

*Eumenes rex  
Bi hyni e*

*huius, ut infra  
lib. 33. M.*

*Emilii vi-  
tus.*

*\* Alii, vi-  
ginti milibus  
relictis.*

*Antiochus  
vincitur à  
Scipionibus.  
\* Gloriam  
\* Viletur le-  
gendum, vic-  
lentur, aut  
voluptarias.*

*Ætoli vi-  
cuntur à Ro-  
manis. Dec.  
4. lib. 8.*

*Quo Galli  
prestrati  
sunt, supra  
lib. 24. De  
hac pugna,  
Flav. in l. li-  
lopa.*

Romanis occurrit : nec multò post prælium est cum Antiocho committum. Cum in dexteriori cornu pulsa legio Romana, maiore dedecore quàm periculo ad castra fugeret, M. Æmilius \* tribunus militum ad tutelam castrorum relictus, armare se milites suos, & extra val- lum progredi iubet, strictisq; gladiis fugientibus mina- ri, morituros dicens, nisi in prælium revertantur, infestio- rasq; sua quàm hostium castra inventuros. Attonita tanto periculo legio, comitantibus commilitionibus, qui fugere eos prohibuerant, in prælium revertitur, mag- naq; eade edita, initium victoriæ fuit. Cæsa hostium quinquaginta millia, capta 11. millia Antiocho pacem petenti, nihil ad superiores conditiones additum, Afri- cæno predicante, *Neque Romanis, si vincantur, animos minui: Neq; si vincant, secundis rebus insolestere.* Capras civitates inter socios dividere, muneris Romani aptio- rem \* Asiam, quàm possessiones \* voluntarias judican- tes. Quippe victoriæ gloriam Romano nomini vendi- candum, opum luxuriam sociis relinquendam.

## JUSTINI LIBER XXXII.

**Æ**Toli qui Antiochum in bella Romana impule- rant, victo eodem, soli adversus Romanos & vi- ribus impares, & omni auxilio destituti, reman- serant. Nec multò post victi libertatem, quam illiba- tam adversus dominationem Atheniensium & Spartano- rum, inter tot Græciæ civitates soli retinuerant, amise- runt. Quæ conditio tantò illis amarior, quantò serior fuit reputantibus tempora illa, quibus tantis Persarum opi- bus domesticis vestibus resisterant: quibus Gallorum violentiam, Asiæ, Italiaq; terribilem Delphico bello fregerant. Quæ sola gloriosa recordatio majus desideri- um libertatis augebat. Dum hæc aguntur, medio tempo- re inter Messenios & Achaos de principatu primò con- tentio, mox bellum ortum est. In eo nobilis Achæorum Philopœmenes imperator capitur: non quia pugnan- do vitæ parceret, sed dum sub transitu fossæ equo præ- cipitatus

cipiratus à multitudine hostium oppressus est. Quem  
 jacentem Messenii seu metu virtutis, vel verecundiâ  
 dignitatis, interficere ausi non fuerant. Itaq; velut in  
 illo omne bellum confecerant, captivum per universam  
 civitatem, in modum triumphi circumduxerunt, effuso  
 obviam populo, ac si suus non hostium imperator ad-  
 ventaret: nec victorem Achæi avidius viderent, quàm  
 victum hostes viderunt. Igitur eundem in theatrum  
 duci jusserunt, ut omnes contuerentur, quem potuisse  
 capi incredibile singulis videbatur. Deinde in carcerem  
 deducto, verecundiâ magnitudinis ejus, venenum ei de-  
 derunt: quod ille lætus, ac si vicisset, accepit, qua sito  
 prius an \* Liccias præfectus Achæorum, quem secun-  
 dum à se esse scientia rei militaris sciebat, incolumis ef-  
 fugisset. Quem ut accepit evasisse, non in totum dicens  
 consultum malè Achæis, expiravit. Nec multò post, re-  
 parato bello, Messenii vincuntur, pœnâsque interfecti  
 Philopœmenis pependerunt. Interea in Syria rex An-  
 tiochus cùm gravi tributo pacis à Romanis premere-  
 tur, & victus oneratusq; esset, seu inopiâ pecuniæ com-  
 pulsus, seu avaritiâ sollicitatus, quâ sperabat se sub spe-  
 cie tributariæ necessitatis excusatiùs sacrilegia commis-  
 surum, adhibito exercitu, nocte templum \* Dindy-  
 mæi Jovis aggreditur. Quâ re proditâ concursu inco-  
 larum, cum omni militia interficitur. Romæ cùm mul-  
 tæ Græciæ civitates questum de injuriis Philippi regis  
 Macedonum venissent, & disceptatio in senatu inter De-  
 metrius Philippi filium, quem pater ad satisfaciendum  
 senatui miserat, & legatos civitatum esset, turbâ que-  
 relarum confusus adolescens repente obtulit. Tunc  
 senatus verecundiâ ejus motus, quæ probata etiam an-  
 tea, cùm obses Romæ esset, charus omnibus fuerat, cau-  
 sam illi donavit, atq; ita modestiâ suâ Demetrius veni-  
 am patri, non jure defensionis, sed à patrocinio pudoris  
 obtinuit, quod ipsi decreto senatus significatum est, ut  
 appareret non tam absolutum Regem, quàm donatum  
 filio patrem. Quæ res Demetrio non gratiam legatio-  
 nis,

*Philopæme-  
nes præclari  
imperatoris  
exemplum.*

*Virtutis re-  
verentia.  
\* Lycortas  
legit Pl.*

*Nam quicum-  
que au ores  
fuerunt occi-  
dendi Philo-  
pœmenis, ipsi  
sibi ultro  
mortem con-  
ferere. Plut.  
\* Dodonæi.*

*Legatorum  
de Philippo  
querela.*

*Demetrii  
pudor.*

*Queres De-  
metrio patris  
odium con-  
fieri. Pul-  
cherrime  
utriusque  
orationes ex-  
tant apud  
Livium.*

*\* Admittit.  
Demetrii in-  
teritus. Im-  
pietatis erga  
fratrem &  
patrem ex-  
emplum Per-  
seus.*

*Philippi a-  
paratus bel-  
lici Roma-  
nos.*

nis, sed odium obtreftationis comparavit. Nam apud fratrem Perseum æmulatio illi invidiam contraxit, & apud patrem nota absolutionis causa offensæ fuit, indignante Philippo, plus momenti apud senatum personam filii, quàm auctoritatem patris, ac dignitatem regiæ majestatis habuisse. Igitur Perseus perspectâ patris ægritudine, quotidie absentem Demetrium apud eum criminari, & primò invisum, post etiam suspectum reddere, nunc amicitiam Romanorū, nunc prodicionem ei patris objectare. Ad postremum, insidias sibi ab eo paratas confingit, ad cujus rei probationem immittit indices, testes subernat, & facinus quod objicit, \* confirmat. Quibus rebus, patre compulso ad parricidium, funestam omnem regiam fecit. Occiso Demetrio, sublatōq; a mulo, non negligentior tantum Perseus in patrem, verum etiam & contumacior erat: nec heredem regni, sed regem se gerebat. His rebus offensus Philippus, impatientius indies mortem Demetrii dolebat, tunc & insidiis se circumventum suspicari, testes indicēsque torquere. Atque ita cognitâ fraude, non minus scelere Persei, quam innoxia Demetrii morte cruciabatur; peregrissetque ultionem nisi morte præventus esset. Nam brevi post tempore morbo ex ægritudine animi contracto, decessit, relicto magno belli apparatu adversus Romanos, quo postea Perseus usus est. Nam & Gallos Scordiscos ad belli societatem perpulerat: fecissetque Romanis grave bellum, nisi decessisset. Namque Galli bello adversus Delphos infelicitè gesto, in quo majorem vim nunivis, quàm hostium senserant, amisso Erenno duce, pars in Asiam, pars in Thraciam extorres fugerunt. Inde per eadem vestigia qua venerant, antiquam patriam reptivere. Ex his pars quædam in confluyente Danubii & Sabi confedit, Scordiscosque se appellari voluit. Testofagi autem cum in antiquam patriam Tholosam venissent, comprehensiq; pestiferâ lue essent, non prius sanitatem recuperavere, quàm aruspiciâ responsis moniti, aurū argentūmq; bello sacrilegiiq; qua situm in To-

losensem

iosephem lacum mergerent: Quod omne magno post  
 tempore Cæpio Romanus consul abstulit. Fuere auri  
 pondo centum decem millia, argenti pondo quinquies  
 decies centum millia. Quod sacrilegium causa excidii  
 \* Cæpioni exercituiq; ejus postea fuit. Romanos quoq;  
 Cymbrici belli tumultus, velut ultor sacræ pecuniæ,  
 insequutus est. Ex gente Teutofagorum non mediocris  
 populus prædæ dulcedine Illyricum petivit, spoliatisq;  
 Istriis in Pannonia confedit. Istriorum gentem fama  
 est originem à Colchis ducere, missis ab Aceta rege ad  
 Argonautas, raptorémque filia persequendos: qui ut  
 à Ponto intraverunt Istrum, alveo Sai fluminis peni-  
 tús inveci, vestigia Argonautarum insequentres, naves  
 suas humeris per juga montium usque ad littus Adria-  
 tici maris transfulerunt. Cognito quod Argonautæ  
 idem propter longitudinem naves propriores fecissent,  
 quos ut advectos Colchi non reperiunt, five metu re-  
 gis, five tadio longæ navigationis, juxta Aquileam  
 confedere. Istriiq; ex vocabulo amnis, quo à mari con-  
 cesserant appellati. Daci quoq; soboles Getarum sunt,  
 qui cum Olore rege adversus Bastarnas malè pugna-  
 sent, ob ultionem segnitæ capturi somnum, capita loco  
 pedum ponere jussu regis cogebantur, ministeriaq; ux-  
 oribus, quæ ipsis antea fieri solebant facere. Neq; hac  
 antè mutata sunt, quàm ignominiam bello acceptam  
 virtute delerent. Igitur Perseus, cùm \* imperio Philip-  
 pi patris successisset, omnes has gentes adversus Ro-  
 manos ad societatem belli sollicitabat. Interim inter  
 Prusiam regem, ad quem Annibal post pacem Antio-  
 cho à Romanis datam profugerat, & Eumenem bellum  
 ortum est, quod Prusias Annibalis fiducia rupto fœde-  
 re, prior intulit. Namq; Annibal, cùm ab Antiocho Ro-  
 mani inter cæteras condiciones pacis deditiorem ejus  
 deposcerent, admonitus à rege, in fugam versus, Cre-  
 tam desertur: ubi cum diu quietam vitam egisset, in-  
 vidiosumq; se propter nimias opes videret, amphoras  
 plumbi repletas in templo Dianæ quasi fortunæ suæ  
 prædicia

*Aurum  
Teutofan.*

*\* Servilio.*

*Illyricum  
orige.*

*Dacorum  
nati um ig-  
nominia.*

*\* Eubynia.*

*Annibalis  
astutia.*



*Huius rei co-  
tutiores an-  
nales non  
meminerunt.  
Plut.*

*Annibal,  
coniectus in  
naves serpen-  
tilius, vinei.*

*Mortuus est  
Annibal 7e.  
a. a. sue  
ann.*

fidia deposuit : atque ira nihil de illo sollicitâ civitate, quoniam velut pignus opes ejus tenebat, ad Prusiam contendit, auro suo in statuis, quas secum portabat, infuso, ne conspectæ opes vitæ suæ nocerent. Deinde cùm Prusias terrestri bello ab Eumene victus esset, prælumque in mare transfulisset, Annibal novo commento autor victoriæ fuit. Nam omne serpentinum genus in fictiles lagenas conjici jussit, medióq; prælio in naves hostium mittit. Id primum Ponticis ridiculum visum, fictilibus dimicare, qui ferro nequeant. Sed ubi serpentibus repleri naves cœpêre, ancipiti periculo circumventi, hosti victoriâ cessere. Quæ ubi Romæ nuntiata sunt, missi à senatu sunt legati, qui utrumque regem in pacem cogerent, Annibalémq; deposcerent. Sed Annibal se cognitâ, sumpto venepo, legationem morte prævenit. Insignis hic annus trium toto orbe maximorum imperatorum fuit mortibus, Annibalis, Philopœmenis & Scipionis Africani. Ex quibus constat Annibalem, nec cùm Italia cum Romano tonantem imperio contremuit, nec cùm reversus Carthaginem summum imperium tenuit, aut cubantem cœnasse, aut plûs sextario vini indulgisse, pudicitiamq; cum tantam inter tot captivas habuisse, ut in Africa natum quis negaret. Moderationis certè ejus fuit, ut cùm diversarum gentium exercitum rexit, neq; infidiis suorum militum sit petitus unquam, neq; fraude proditus, cùm utrumque hostes saepe tentasset.

### JUSTINI LIBER XXXIII.

**M**inore quidem rerum motu Romani Macedonicum, quàm Punicum bellum gesserunt : sed tantò clarius, quantò nobilitate Macedones Pœnos antecesserunt. Nam cum gloria Orientis domiti, tum auxiliis omnium regum juvabantur. Itaq; Romani & legiones plures numero conscripserant, & auxilia à Massinisa rege Numidarum, cæterisq; sociis omnibus \* acciverunt : & Eumeni regi Eithyniæ denuntiaturum, ut bellum

\* *Acceptum, Owinges tritici molli & haluzie Plut. scribit.*

lum summis viribus juvaret. Perseo præter Macedonicum exercitū invictæ opinionis, decennii belli sumptus à patre paratus in thesauris, & in horreis erat: quibus rebus inflatus, & oblitus fortunæ paternæ, veterem Alexandri gloriam considerare suos jubebat. Prima congressio equitum fuit; qua victor Perseus suspensam omnium expectationem in favorem sui traxit: misit tamen legatos ad consulem, qui pacem peterent, quam patris suo Romani etiam victo dedissent, impensas belli lege victi suscepturus. Sed consul Sulpitius non minus graves quàm victo leges dixit. Dum hæc aguntur, metum tam periculosi belli, Romani Æmiliū Paulum Consulem creant, eiq; extra ordinem, Macedonicum bellum decernunt, qui cū ad exercitum venisset, non magnam moram pugnæ fecit. Prædie quàm confereretur bellum, luna nocte defecit: triste id ostentum Perseo omnibus præfagientibus, finemq; Macedonici regni portendi vaticinantibus. In ea pugna M. Cato Catonis oratoris filius, dum inter confertissimos hostes insigniter dimicat, equo delapsus, pedestre prælium aggreditur. Nam cadentem manipulus hostium cum horrido clamore, velut jacentem obruncaturus circumfleterat; at ille citius corpore collecto, magnas strages edidit. Quum ad unum opprimendum undecunq; hostes convallarent, dum procerum quendam petit, gladius ei è manu elapsus, in mediam cohortem hostium decidit: ad quam recuperandum umbone se protegens, insperante utroq; exercitu, inter mucrones se hostium immerfit, relictōq; gladio, multis vulneribus exceptis, ad socios cum clamore omnium revertitur. Hujus audaciam cæteri imitati, victoriam peperere. Perseus rex fugā cum decem millibus talentū Samothraciam deferretur: quem Cneus Octavius ad persequendum missus à consule cum duobus filiis Alexandro & Philippo, cepit, captūq; ad Consulem duxit. Macedonia à Carrano qui primus in ea regnavit, usque ad Perseum triginta reges habuit. Quorum sub regno fuit quidem

*Bellum Romanum Perseo Macedonicum.*

*Casa sunt duo millia & 300. ex Romanis duce*

*P. Licinio.*

*hic, in via Æmilii.*

*Pugna Æmilii & Persei ad Ejena & Lycum amnes.*

*M. Cato exemplum militaris fortitudinis, mirabilis audacie.*

*Astlo se tuans.*

annis

*Euseb. XI.  
habet.*

*Ætolorum  
Senatus Ro-  
mam missus.*

annis noningentis & viginti tribus: sed rerum non nisi centum nonaginta duobus annis potita. Ita cum in ditionem Romanorum cessisset, magistratibus per singulas civitates constitutis, libera facta est: legesque, quibus adhuc utitur, à Paulo accepit. Ætolorum universarum urbium senatus, cum conjugibus & liberis, qui dubiâ fide fuerant, Romam missus, ibiq; nè in patria aliquid novaret, diu detentus, ægrèq; per multos annos legationibus civitatum senatu fatigato, in patriam quiq; suam remissus est.

### JUSTINI LIBER XXXIV.

*Achaici bel-  
li origo.*

*\* Viribus.*

*Legati Ro.  
ad Achaicos.*

*Critolus  
dubitavit an  
C. Manu, vel  
certe oratione  
legatos Ro-  
manos vio-  
laver. Flor.*

**P**Oenis ac Macedonibus subactis, Ætolorumque viribus principum captivitate debilitatis, soli adhuc ex Græcia universa Achæi nimis potentes nunc temporis Romanis videbantur, non propter singularum civitatum nimias opes, sed propter conspirationem universarum. Namque Achæi licet per civitates, veluti per membra divisi sint, unum tamen corpus & unum iniperium habent, singularumque urbium pericula mutuis \* periculis propulsant. Quarentibus igitur Romanis causas belli, tempestivè fortuna querelas Spartanorum obtulit, quorum agros Achæi propter mutuum odium populabantur. Spartanis à senatu responsum est, legatos se ad inspiciendas res sociorum, & ad injuriam demendam in Græciam missuros; sed legatis occultè mandata sunt, ut corpus Achæorum dissolverent, singulasque urbes proprii juris facerent, quo facilius ad obsequia cogerentur; & siquæ urbes contumaces essent, frangerentur. Igitur legati omnium civitatum principibus evocatis Corinthum, decretum senatus recitant: quod consilii habebant, aperiunt. Expedire omnibus dicunt, ut singulæ civitates leges suas & jura sua habeant. Quod ubi omnibus innotuit, velut in furorem versi, universum peregrinum populum trucidant: legatos quoque ipsos Romanorum violassent, nisi audito tumultu, trepidi fugissent. Hæc ubi Roma nuntiata sunt, statim senatus

Mummio

Mummio consuli bellum Achaïum decernit: qui ex-  
 templo exercitu deportato & omnibus strenuè provisus  
 pugnandi copiam hostibus fecit. Sed Achæi, velut ni-  
 hil negotii Romano bello suscepissent, ita apud eos  
 neglecta omnia & soluta fuere. Itaq; prædam, non præ-  
 lium cogitantes, & vehicula ad spolia hostium repor-  
 tanda duxerunt: & conjuges liberosque suos ad spe-  
 ctanda certamina in montibus posuerunt. Sed prælio  
 commisso ante oculos suorum cæsi, lugubre his spe-  
 ctaculum sui & gravem luctus memoriam reliquerunt.  
 Conjuges quoq; & liberi eorum de spectatoribus cap-  
 tivi facti, præda \* hostium fuere. Urbs ipsa Corinthus  
 diruitur, populus omnis sub corona venditur, ut hoc  
 exemplo cæteris civitatibus metus novarum rerum im-  
 poneretur. Dum hæc aguntur, rex Syriæ Antiochus  
 Ptolomæo majoris sororis suæ filio, regi Ægypti bel-  
 lum infert, segni admodum, & quotidianâ luxuriâ ita  
 marcido, ut non solum regiæ majestatis officia inter-  
 mitteret, verùm etiam sensu hominis nimia \* sagina ca-  
 reret. Pulsus igitur regno, ad fratrem minorem Pto-  
 lomæum Alexandriam confugit, participatôque cum eo  
 regno, Romam legatos ad senatum mittunt, auxilia pe-  
 tunt, fidem societatis implorant. Movere senatum pre-  
 ces fratrum. Mittitur igitur legatus P. Popilius ad An-  
 tiochum, qui abstinere eum Ægypto, aut si jam inces-  
 sisset, excedere juberet: Cum in Ægypto eum invenis-  
 set, osculûmq; ei rex obtulisset (nam coluerat inter cæ-  
 teros, P. Popilium Antiochus, cum Romæ obses esset)  
 tunc Popilius facessere interim privatam amicitiam  
 jubet, cum mandata patriæ intercedant, prolatôq; se-  
 natus decreto, & tradito, cùm cunctari regem videret,  
 consultationemque ad amicos referre; ibi Popi-  
 lius virgâ, quam in manu gerebat, amplo circulo in-  
 clusum, ut amicos caperet, consulere jubet: nec priùs  
 inde exire, quàm responsû senatui daret, aut pacem  
 aut bellum cum Romanis habiturum. Adeoque hæc  
 asperitas animum regis fregit, ut pariturn se senatui  
 respon-

*Achæorum  
inconsul a  
tenentibus.*

*Sub Isthmî  
faucibus  
prælium  
commissum  
era.*

*\* Hostes. Ce-  
rinthus di-  
ruitur.*

*\* Segnitia.  
Alexandri-  
am cum obsi-  
debat An-  
tiochus.  
Cic. in 8.  
Ant.*

*Exemplum  
prudens &  
constantis  
viri Popi-  
lii.*

*Demetrius  
obses à Roma  
aufugit.*

*\* Hostiam  
Tyberiam  
intelligit.*

*Prusias à fi-  
lio necatus.*

*Holofernes  
exemplum  
suum & in-  
grati uoluit.*

responderet. Reversus in regnum Antiochus, decedit, relicto parvulo admodum filio, cui cum tutores dati à populo essent, patruus ejus Demetrius, qui obses Romae erat, cognita morte Antiochi fratris, senatum adiit, obfidemq; se vivo fratre venisse; quo mortuo cujus obses sit se ignorare. Dimitti igitur se ad regnum petendum æquum esse, quod sicuti jure gentium majori fratri cederet, ita nunc sibi, qui pupillum ætate antecedit, deberi. Cum se non dimitti animadverteret à senatu, tacito judicio tutius apud pupillum, quam apud eum regnum futurum arbitrante, specie venandi ab urbe profectus, \* Hostiam tacitus, cum fugæ comitibus navem conscendit. Delatus in Syriam secundo favore omnium excipitur, regnumq; ei occiso pupillo, à tutoribus traditur. Eodem tempore ferme Prusias rex Bithyniæ, consilium cœpit interficiendi Nicomedis filii, dum consulere studet minoribus filiis, quos ex noverca ejus susceperat & Romæ habebat. Sed res adolescenti ab his, qui facinus susceperant, proditur: hortatique sunt, ut crudelitate patris provocatus, occupet insidias, & in autorem retorqueat scelus, nec difficilis persuasio fuit. Igitur cum accitus in patris regnum venisset, statim rex appellatur. Prusias regno spoliatus à filio, privatusq; redditus, etiam à servis deseritur: cum in latebris ageret, non minori scelere, quam filium occidi jussisset, à filio interficitur.

### JUSTINI LIBER XXXV.

Demetrius occupato Syriæ regno, novitatis suæ odium periculosum ratus, ampliare fines regni statuit, etiam opes augere finitimorum bellis. Itaq; Ariarathi regi Cappadociæ propter fastiditas sororis nuptias infestus, fratrem ejus Holofernem, per injuriam regno pulsum supplicem recepit, datumq; sibi honestum bellitulum gratulatus, eum restituere in regnum statuit. Sed Holofernes ingrato animo inita cum Antiochensibus pactione, offensus tunc à Demetrio, pelleret \* ipsum regno

regno  
nico  
frate  
preli  
tio  
adju  
Asia  
laci  
juve  
pete  
and  
tun  
non  
conf  
rabi  
tius  
infer  
quan  
Nan  
refu  
mun  
forci  
filio  
pon  
tur,  
his  
Alex  
tatis  
desi  
curo  
cher  
cor  
juve  
gis  
feru  
deser  
ded  
chio

regno, à quo restituebatur, consilium accepit. Quo cognito, Demetrius quidem vitæ ejus, ne Ariarathes metu fraterni belli liberaretur, pepercit: ipsum autem comprehensum vinctum Seleuciæ custodiri jubet. Nec Antiochenes indicio territi, à defectione destiterunt. Itaque adjuvantibus & Ptolomæo rege Ægypti, & Attalo rege Asiæ, & Ariarathe rege Cappadociæ, bello à Demetrio lacessitis, subornat Prompalum quendam sortis extremæ juvenem, qui Syriæ, velut paternum regnum armis repeteret: & ne quid contumeliæ decisset, nomen ei Alexandri inditur, genitûsq; ab Antiocho rege dicitur. Tantum odium Demetrii apud omnes erat, ut æmulo ejus non vires regiæ tantum, verum etiam generis nobilitas consensu omnium tribueretur. Igitur Alexander admirabili varietate rerum, pristinarum sordium oblitus, totius semè Orientis viribus succinctus, bellum Demetrio infert, victumque vitâ pariter ac regno spoliatur: quamquam Demetrio nec animus in propulsiando bello defuit. Nam & primo pralio hostem fugavit, & regibus bellum resistentibus multa millia occidit in acie. Ad postremum tamen invictò animo inter confertissimos hostes fortissimè dimicans, cecidit. Initio belli Demetrius duos filios apud hospitem suum Gnidium, cum magno auri pondere demandaverat, ut & à belli periculis eximerentur, & si ita fors tulisset, ultioni paternæ servarentur. Ex his major Demetrius annos pubertatis egressus, auditâ Alexandri luxuriâ, quem insperatæ opes, & alienæ felicitatis ornamenta, velut captivum inter scortorum greges desiderium in regia tenebant, auxiliantibus Cretensibus securum ac nihil hostile metuentem, aggreditur. Antiochenes quoque veterem patris offensam novis meritis correcturi, se ei tradunt: sed & milites paterni favore juvenis accensi, prioris sacramenti religionem novi regis superbiæ præferentes, signa ad Demetrium transferunt. atque ita Alexander non minori impetu fortunâ desertus, quam elatus, primo pralio victus interficitur: deditque pœnas & Demetrio, quem occiderat, & Antiocho, cujus mentitus originem fuerat.

*Prompalum  
infans servatus  
à bono Syriae regnum  
occupavit.*

*Epiphonem.*

*Demetrius  
fecer vinctus  
tur & interfectus.*

*Pompeius  
Alexander  
dictus, vitâ  
& regno spoliatus.*



## JUSTINI LIBER XXXVI.

**R**ecuperato paterno regno, Demetrius & ipse rerū  
 succesu corruptus, vitiis adolescentiæ in segni-  
 tiem labitur: tantūque contemptum apud omnes in-  
 ertia, quantum odium ex superbia pater habuerat, con-  
 traxit. Itaque cum ab imperio ejus passim civitates de-  
 ficerent, ad abolendam segnitia maculam, bellum Par-  
 this inferre statuit; cuius adventum non inviti Ori-  
 entis propter Arsacidæ regis Parthorum crudelitatem,  
 & quod veteri Macedonum imperio novi populi  
 assueti, superbiam indignè ferebant. Itaq; cū & Per-  
 sarum, & Alimeorum, Bactrianorūq; auxiliis juva-  
 retur, multis præliis Parthos fudit. Ad postremum ta-  
 men pacis simulatione deceptus, capitur, traductusque  
 per ora civitatem, populis qui desciverant, in ludibri-  
 um favoris ostenditur. Milius deinde in Hyrcaniam,  
 benignè & juxta cultum pristinae fortunæ habetur.  
 Dum hæc aguntur, interim in Syria Tripho, qui se tu-  
 torem Antiocho Demetrii privigno substitui à populo  
 laboraverat, occiso pupillo, regnum Syriæ invadit. Quo  
 diu potitus, tandem exolescente favore recentis im-  
 perii, ab Antiocho puero admodum, Demetrii fratre,  
 qui in Asia educabatur, bello vincitur; rursusque reg-  
 num Syriæ ad sobolem Demetrii revertitur. Igitur  
 Antiochus memor quod etiam pater propter superbi-  
 am invisus, & frater propter segnitiam contemptus fu-  
 isset, ne in eadem vitia incideret, acceptā in matrimo-  
 nium Cleopatram, uxore fratris, civitates, quæ initio fra-  
 terni imperii defecerant, summā industriā persequitur,  
 donitāsq; rursus regni terminis adjecit. Judæos quoq;  
 qui in Macedonico imperio sub Demetrio patre armis  
 se in libertatem vendicaverant, subigit. Quorum vires  
 tantæ fuere, ut post hunc nullum Macedonum regem  
 tulerint, domesticisq; imperiis usi, Syriam magnis bellis  
 infestaverint. Fuit namq; Judæis origo Damascena,  
 quæ Syriæ nobilissima civitas est: unde & à Syriis re-  
 gibus genus ex regina Semiramide fuit. Nomen urbi à  
 Damasco

*Demetrius  
 Parthis inferre  
 bellum statuit.*

*A Parthis  
 vinci ut capitur.*

*Judæi ab  
 Antiocho  
 subacti.*

*Judeorum  
 origo, cujus  
 verba eni  
 ex sacris li-  
 teris, non  
 hinc petet.  
 Judæi à Juda  
 dicitur.*

Damascus rege inditum : in cuius honorem Syrii sepulchrum Arathis uxoris ejus pro templo coluere, deamq; exinde sanctissimæ religionis habent. Post Damascum Abraham, Moses, Israël, reges fuere. Sed Israël emulix decem filiorum proventus majoribus suis clariorem fecit. Itaque populum in decem regna divisum filiis tradidit, omnesq; ex nomine Judæ, qui post divisionem decesserat, Judæos appellavit; colique ejus memoriam ab omnibus iussit. Ejus portio omnibus accesserat, minimusq; inter fratres a tate Joseph fuit: cuius excellens ingenium veriti fratres, clam interceptum peregrinis mercatoribus vendiderunt. A quibus deportatus in Ægyptum, cum magicas ibi artes solerti ingenio percepisset, brevi ipsi \* regi percharus fuit. Nani & prodigiorum sagacissimus erat, & somniorum primus intelligentiam condidit; nihilq; divini juris humanique ei incognitum videbatur; adeo ut etiam sterilitatem agrorum ante multos annos præviderit, periissetq; omnis Ægyptus fame, nisi monitu ejus, rex edito servari per multos annos fruges iussit: tantaq; experimenta ejus fuerunt, ut non ab homine, sed à deo responsa dari viderentur. Filius ejus Moses fuit, quem etiam præter fraternæ scientiæ hæreditatem, formæ pulchritudo commendabat. Sed cum scabiem Ægyptii & pruriginem paterentur, responso moniti, eum cum agris, nè pestis ad plures serperet, terminis Ægypti pellunt. Dux igitur exulum factus, sacra Ægyptiorum furto abstulit: quæ repetentes armis Ægyptii, domum redire tempestatibus compulsi sunt. Itaq; Moses, Damascena patria antiqua repetita, montem \* Syneum occupat, in quo septem dierum jejunia per deserta Arabiæ, cum populo suo fatigatus, cum tandem \* venisset, septimum diem more gentis sabbatum appellatum, in omne ævum jejuniis sabbatum cravit: quoniam ille dies famem illis errorēq; finierat. Et quoniam metu contagionis pulsos se ab Ægypto meminerant, nè eadem causâ invisi apud incolas forent, caverunt, nè cum peregrinis communicarent, quod ex causa factum, paulatim in disciplinam religionēque

*Ideo invisam fuisse fratribus in Genesi scriptum est, quod plus omnibus fratribus diligenter à patre Israel.*

*\* Pharaonē.*

*Josephi Israelitis filii Iamē.*

*\* Syneum.*

*\* Finisset, malum. Sabbathum unde religionem Judæis. Secus aliquant. habet historia sacra.*

convertit. Post Moſen etiam ejus filius Arvas, ſacerdos ſacris Aegyptiis, mox rex creatur; ſemperq; exinde hic mos apud Judæos fuit, ut eoſdem & reges & ſacerdotes haberent, quorum juſtitia, religione permiſſa, incredibile quantum coaluere. Opes genti ex veſtigalibus opoballami crevere, quod in his tantum regionibus gignitur. Eſt namque vallis, quæ continuis montibus, velut muro quodam cincta, ad inſtar hortorum clauditur: ſpatium loci ducenta millia jugera, nomine Jerico dicitur. In ea valle ſylva eſt & ubertate & amœnitate inſignis. Siquidem palmeto & opobalfamo diſtinguitur. Arbores opobalfami formam ſimilem \* piceis arboribus habent, niſi quod ſunt humiles magis, & in vinearum morem excoluntur. Hæ certo tempore anni ballamum ſudant: ſed non minor loci ejus opacitatis, quàm ubertatis admiratio eſt. Quippe cum toto orbe regionis ejus ardentiffimus ſol ſit, ibi tepida acris naturalis quædam ac perpetua opacitas ineſt. In ea regione lacus eſt, qui propter magnitudinem & aquæ immobilitatem, mortuum mare dicitur. Nam neq; ventis movetur, reſiſtente turbinibus bitumine, quo aqua omnis ſtagnatur: neque navigationis patiens eſt, quoniam omnia vitæ carentia in profundum merguntur; nec materiam ullam ſuſtinet niſi quæ alumine \* illinatur. Primus Xerxes rex Perſarum Judæos domuit: poſteâ cum ipſis Perſis in ditionem Alexandri Magni venere, diùque in poteſtate Macedonici imperii fuere. A Demetrio cum deſciſſent, amicitia Romanorum petita, primi omnium ex Orientalibus libertatem receperunt, facile tunc Romanis de alieno largientibus. Per eadem tempora, quibus in Syria regni mutatio inter novos reges alternabatur, in Aſia rex Attalus florentiſſimum, & ab Eymene patruo acceptum regnum, cadibus amicorum & cognatorum ſuppliciiis ſœdabat; nunc matrem anum, nunc Eronicem ſponſam, maleficiis eorum necatas conſingens. Poſt hanc ſceleſtam violentiæ rabiem, ſqualidam veſtem ſumit, barbam, capillumq; in modum reorum ſummittit, non

*Juliorum  
ſucceſſim &  
epo.  
Opobalſa-  
mini ſucco ej.*

*\* Opineis.  
Opobalſami  
deſcriptio.*

*Mare mor-  
tuum.*

*\* Illinatur.*

*Attalus rex  
Pergami.*

in publicum prodire, non populo se ostendere, non domi latiora convivium inire, aut aliquod signum sani hominis habere, prorsus ut pœnas pendere manibus interfectorum videretur. Omisâ deinde regni administratione, hortos fodiebat, gramina seminabat, & noxia innoxiiis permiscebat, cæq; omnia venteni succo infecta velut peculiare munus, amicis mittebat. Ab hoc studio arariæ artis fabricæ se tradidit, cæterisq; fingendis & are fundendo, procudendôq; oblectabatur. Matri deinde sepulchra facere instituit: cui operi intentus, morbum ex solis ardore contraxit, & septimâ die decessit: hujus testamento hæres populus Rom. tunc instituitur. Sed erat ex Eumene Aristonicus, non justô matrimonio, sed ex pellice Ephesia citharistæ cujusdam filiâ genitus, qui post mortem Attali velut paternum regnum invasit Asiam. Cùm multa secunda prælia adversus civitates, quæ metu Romanorum se tradere ei volebant, fecisset, justusq; rex jam videretur, Asia Licinio Crasso Consuli decernitur: qui intentior Attalicæ prædæ, quàm bello, cum extremo anni tempore inordinatâ acie prælium conseruisset, victus pœnas inconsultæ avaritiæ sanguine dedit. In hujus locum missus Perpenna consul primâ congressione Aristonicum superatum in potestatem suam redegit, Attalicâsq; gazas, hæreditarias populi Romani navibus impositas, Romanam deportavit. Quod agrè ferens successor ejus Marcus Aquilius Consul ad arripiendum Aristonicum Perpennæ, veluti sui potiùs triumphii munus esse deberet, festinatâ velocitate contendit. Sed contentionem Consulum mors Perpennæ diremit. Sic Asia facta Romanorum, cum opibus suis vitia quoq; Romanam transfussit.

*Attali studium.*

*Populus Romanus hæres Attali. Mithridatem, Samum & Solothracem in e. reg. Flor. Prætorum Licinium etc. appellat.*

*Anno 463. Urbis cond. Flin. lib. 13. cap. 3.*

## JUSTINI LIBER XXXVII.

**C** Apto Aristonico, Massilienses pro Phocensibus conditoribus suis, quorum urbem senatus & omne nomen, quod & tunc, & antea Antiochi bello infecta contra populum Romanum arma tulerant, deleri jussit,

*Summa Laodices erga filios impietas.*

jusserat, legatos Romam misere, deprecantes, veniamque his à senatu obtinuerunt. Post hæc regibus, qui adversus Arifonicum auxilium tulerant, præmia perluta: Mithridati Pontico Syria minor, filiis Ariarathis regis Cappadociæ, qui eodem bello ceciderat, Lycæonia & Cicilia datæ, fideliorq; populus Rom. in socii filios, quàm mater in liberos fuit. Quippe hinc parvulo auctum regnum, inde vita adempta. Namq; Laodice ex numero sex filiorum, quos virilis sexus ex Ariarathe rege susceperat, timens ne diuturnâ regni administratione adultis quibusdam potiretur, quinque parricidiali veneno necavit: unum parvulum sceleri matris cognatorum custodia eripuit, qui post necem Laodices (nam propter crudelitatem eam populus extinxerat) solus regno poritus est. Mithridates quoque repentinâ morte interceptus filium, qui & ipse Mithridates dictus est, reliquit. Cujus ea postea magnitudo fuit, ut non solum tantum temporis, verum etiam superioris ætatis omnes reges majestate superaverit, bellâque cum Romanis per 46. annos variâ victoriâ gesserit. Quem summi imperatores Scylla, Lucullus, cæterique, in summa Cneus Pompeius, ita vicerunt, ut major clariorque resurgeret in restaurando prælio, darunisque suis terribilior redderetur. Denique ad postremum non vi hostili victus, sed voluntariâ morte in avito regno senex hærede filio decessit. Hujus futuram magnitudinem etiam cœlestia ostenta prædixerant. Nam & quo genitus est anno, & eo quo regnare primùm cœpit, stella cometas per utrumq; tempus septuaginta diebus ita luxit, ut cœlum omne conflagrare videretur. Nam & magnitudine sui quartam partem cœli occupaverat, & fulgore sui solis nitorem vicerat; & cùm oriretur occumberetque, quatuor spatium horarum consumebat. Puer tutorum insidias palus est; cum fero equo impositum, equitare jaculariq; cogeant: qui conatus cùm eos fessellissent, supra ætatem regente equum Mithridate, veneno cum appetivere. Quod metuens, antidotum sapius bibit, & ita se adversus insidias exquisitoribus remediis

*Prodigia in Mithridatis oriu. Mithridatis in pericula & studia.*

*Ita summam sententiam beneficio attido i evasio, cujus P in. meminit, lib. 3.*

remediis stagnavit, ut nè volens quidem senex veneno mori potuerit. Timens deinde nè inimici, quod veneno non potuerant, ferro peragerent, venandi studium finxit: quapropter quatuor annos neq; urbis, neq; ruris tecto usus est; sed per sylvas vagatus est, & diversis montium regionibus pernoctabat, ignaris omnibus, quibus esset locis: assuetus feras cursu aut \* fugere, aut persequi, cum quibusdam etiam viribus congregi. Quibus rebus & insidias vitavit, & corpus ad omnem virutis patientiam duravit. Ad regni deinde administrationem cum accessisset, statim non de regendo, sed de augendo regno cogitavit. Itaq; Scythas invictos antea qui Zopyrona, Alexandri Magni ducem, cum triginta millibus armatorum deleverant, qui Cyrum Persarum regem cum ducentis millibus armatorum trucidaverant, qui Philippum Macedonum regem fugaverant, ingenti felicitate perdomuit. Ausus igitur viribus, Pontum quoque, ac deinceps Cappadociam occupavit. Asiam cum quibusdam amicis tacitus à regno profectus, nemine sciente, pervagatus est, omniumq; urbium situs ac regiones cognovit. Inde Bithyniam transcendit, & quasi jam dominus Asiæ opportuna quæq; victoriæ suæ \* metatus est. Posthac in regnum, cum jam peririſſe crederetur, reversus est, invento parvulo filio, quem per absentiam ejus Laodice soror uxoris enixa fuerat; sed inter gratulationem post longam peregrinationem adventus sui, & filii geniti, veneno periclitatus est. Siquidem Laodice soror cum periſſe eum crederet, in concubitus amicorum projecta, qua admissum facinus majore scelere tegere posset, venenum advenienti paravit. Quod cum ex ancilia Mithridates cognovisset, facinus in autores vindicavit. Hyeme deinde imminente, non in convivio, sed in campo; non in vocationibus, sed in exercitationibus; nec inter sodales, sed inter æquales, aut equo, aut viribus contendebat. Exercitum quoq; suum ad parem laboris patientiam quotidianâ exercitatione durabat, atq; ita invictus ipse inexpugnabilem exercitum fecerat. Initâ deinde cum Nico-

\* Fugare.  
Aperto etiam  
capite fuisset  
perpetuus, & r.  
scribit, id  
quod valetu-  
dinis pluri-  
mum intere-  
rat.

Scythæ vin-  
cuntur à  
Mithridate.

\* Meditatus.

Laodices sce-  
lus.

Malum  
consilium  
consultari  
possimum.



nede societate, Paphlagoniam invadit, victamq; cum socio dividit. Quam cum teneri à regibus senatui nuptiatum esset, legatos ad utrumq; misit, qui gentem restitui in pristinum statum juberent. Mithridates cum se parem jam magnitudini Romanorum crederet, superbo responso, hæreditarium patri suo regnum obvenisse, respondit: mirariq; se, quæ ei controversa relata non fuerit, sibi referant. Nec territus minis Gallatiam quoq; occupat. Nicomedes quoniam se tueri jure non potuerat, justio regi redditurum respondit. Atque ita filium suum mutato nomine, Philomencem Paphlagonum regum nomine appellat, & quasi stirpi regis reddidisset regnum, falso nomine tenet. Sic ludibrio habiti legati, Romam revertuntur.

\*Nicomedis  
frater.

## JUSTINI LIBER XXXVIII.

Mithridatis  
frater &  
parricida.

**M**ithridates parricidia à nece uxoris auspicatus, sororis alterius Laodices filios, cujus virum Ariarathem regem Cappadociae per Gordium insidiis occiderat, tollendos statuit: nihil actum morte patris existimans, si adolescentes paternum regnum, cujus ille cupiditate flagrabat, occupassent. Igitur dum in his occupationibus versatur, interim Nicomedes rex Bithyniae, vacuum morte regis, Cappadociam invadit. Quod cum nuntiatum Mithridati fuisset, per simulationem pietatis auxilia sorori ad pellendum Cappadociam Nicomedem mittit. Sed etiam Laodice per pactiorem se Nicomedem in matrimonium tradiderat. Quod ægre ferens Mithridates, praedia Nicomedis Cappadocia expellit, regnumq; sororis filio restituit. Egregium prorsus factum, nisi subsequita fraus esset. Siquidem interjectis diebus, simulat se Gordium, quo ministro usus in Ariarathe interficiendo fuerat, restituere in patriam velle, sperans, si obfisteret adolescens, causas belli futuras: aut si permitteret, per eundem filium tolli posse, per quem interfecerat patrem. Quod ubi Ariarathes junior moliri cognovit, indignè ferens interfectorem patris per avunculum potissime ab exilio revocari, ingentem exercitum

Nicomedes  
Cappadociam  
invadit.

Mithridatis  
frater.

exercitum contrahit. Igitur cū in aciem eduxisset Mithridates peditum octoginta millia, equitum decem millia, currus falcatos C. D. nē Ariarathi, auxiliantibus finitimis regibus, minores copiae essent, incertum bellum timens, consilia ad insidias transfert; sollicitatq; uyene ad colloquium, cū ferrum occultatum inter scias gereret, scrutatori ab Ariarathe regio more nullo, curiosus in eum ventrem pertractanti, ait, Cave, nē aliud telum inveniret, quā quæreretur. Atq; ita rifu protectis insidiis se vocatum ab amicis, velut in secretum sermonem, spectante utroq; exercitu, interficit; regnum Cappadociae octo annorum filio imposito Ariarathis nomine, additq; ei rectore Gordio tradit. Sed Cappadoces crudelitate ac libidine praefatorum vexati, à Mithridate deficiunt: fratremq; regis, & ipsum Ariarathem nomine, ab Asia, ubi educabatur, revocant; cum quo Mithridates praelium renovat, victumq; Cappadociae regno expellit. Nec multo post ex aegritudine adolescens collecta infirmitate, decedit. Post hujus mortem Nicomedes timens, ne Mithridates accessione Cappadociae, etiam Bithyniam finitimam invaderet, subornat puerum eximia pulchritudinis, quasi Ariarathes tres, non duos filios genuisset, qui à senatu Romano paternum regnum peteret. Uxorem quoq; Laodiceam Romanam mittit ad testimonium trium ex Ariarathae susceptorum filiorum: quod ubi Mithridates cognovit, & ipse pari impudentia Gordium Romanum mittit, qui senatui affereret, puerum cui Cappadociae regnum tradiderat, ex eo Ariarathae genitum, qui bello Aristonici auxilia Romanis ferens, cecidisset. Sed senatus studia regum intelligens, aliena regna falsis nominibus dare noluit, & Mithridati Cappadociam, & Nicomedi ad solatium ejus Paphlagoniam ademit: ac nē contumeliā regnum foret ademptum illis, quod aliis daretur, uterq; populus libertate donatus est. Sed Cappadoces munus libertatis abnuentes, negant vivere gentem sine rege posse. Atq; ita rex illis à senatu Ariobarzanes constituitur. Erat eo tempore Tigranes

*Ariarathes  
Mithridatis  
dolo obitum  
et. ut.*

*Contentio  
regum de  
Cappadocia  
regis.*

*Ariobarzanes  
Cappadociae  
rex à senatu  
constituitur.*

rex

Romam au-  
jugi.

\* Cimerios.

Mithridatis  
prima victo-  
ria de Ro.

In Livio &  
Salustio  
quod notavit  
Trogus.  
Mithridatis  
oratio ad mi-  
lites generis  
deliberativa.  
Propositio à  
necessario.

rex Armeniae, obses à Parthis ante non multum tem-  
pus datus, olim ab iisdem in regnum paternum remis-  
sus. Hunc Mithridates ad societatem Romani belli,  
quod olim meditabatur, pellicere cupiebat. Nihil igitur  
de offensa Romanorum sentientem, per Gordium  
impellit, ut Ariobarzani segni admodum bellum in-  
ferat: & nequis dolus subesse videretur, filiam suam  
Cleopatram ei in matrimonium tradidit. Primo ergo  
adventu Tigranis, Ariobarzanes sublati rebus suis,  
Romam contendit; atq; ita per Tigranem rursus, Cap-  
padocia juris esse Mithridatis coepit. Eodem tempore  
mortuo Nicomede, etiam filius ejus, & ipse Nicome-  
des, regno à Mithridate pellitur; qui cum supplex Ro-  
mam venisset, decernitur in senatu ut uterq; in regnum  
suum restitueretur; in quod tamen missi Aquilius Man-  
lius & Malthinius legati. His cognitis Mithridates so-  
cietatem cum Tigrae, bellum adversus Romanos ge-  
sturus, jungit, pactiq; inter se sunt, ut urbes agriq; Mi-  
thridati, homines vero & quaecunq; auferre possent,  
Tigrani cederent. Post hac Mithridates intelligens  
quantum bellum suscitaret, legatos ad \* Cymbros, alios  
ad Gallograecos & Sarmatas, Bastarnasq; auxilium pe-  
titum mittit. Nam omnes has gentes, cum Romanorum  
meditaretur bellum, variis beneficiorum muneribus  
jam antè illexerat. A Scythia quoq; exercitum vene-  
re jubet, omnemque Orientem adversus Romanos ar-  
mat. Non igitur magno labore Aquilium & Malthi-  
nium Asiano exercitu instructos vicit: quibus firmum  
cum Nicomede pulsus, ingente favore civitatum exci-  
pitur: multum ibi auri argentique, studio veterum re-  
gum, magnūque belli apparatus invenit: quibus  
instructus debita civitatibus publica & privata remis-  
sit, & vacationem quinquennio concedit. Tunc ad con-  
cionem milites vocat, eosq; variis exhortationibus ad  
Romana bella, sive Asiana incitat. Quam orationem  
dignam duxi, cujus exemplum brevitati hujus operis  
insererem; quam obliquam Pompeius Trogus exposuit,  
quoniam in Livio & Salustio reprehendit, quod concio-

one

ones directas pro sua oratione operi suo inferendo historiae modum exceſſerint. Optandum ſibi fuiſſe, ait, ut de eo liceret conſulere, bellumne ſit cum Romanis, an pax habenda: quin verò ſit infeſtandum impugnantibus, nec eos quidem dubitare, qui ſpe victoriæ careant. Quippe adverſus latrones, ſi nequeant pro ſalute, pro ultione tamen ſua omnes ferrum ſtringere. Ceterum quia non id agitur, an liceat quieſcere, non tantum animo hoſtiliter, ſed etiam prælio congreſſis conſulere, quâ ratione ac ſpe cœpta bella ſuſtineant; eſſe tamen ſibi victoriæ fiduciam, ſi ſit illis animus: Roma-  
*A ſacili.*  
 noſq; vinci poſſe, cognitum non ſibi magis quàm iſtis militibus, qui & in Bithynia Aquilium, & Malthinium in Cappadocia fuderint. At ſiquidem aliena magis exempla, quàm ſua experimenta moveant, audire ſe à  
*Ab exemplis.*  
 Pyrrho rege Epiri, non ampliùs quàm quinq; millibus Macedonum inſtructo, fuſos tribus præliis Romanos. Audire Annibalem ſedecim annos Italiæ victorem immoratu; & quin ipſam caperet urbem, non Romanorum illi vires obſtituiſſe, ſed domeſtica amulationis atq; in-  
*Exemplorum congeries.*  
 vidia ſtudio. Audire populos Tranſalpinæ Galliæ Italiam ingreſſos, maximis eam, plurimiſque urbibus poſſidere, & latius aliquanto ſolū finium, quàm in Aſia, quæ dicatur imbellis, eoſdem Gallos occupaviſſe: nec victam ſolū dici Romam à Gallis, ſed etiam captam, ita ut unius illis montis tantum cacumen relinqueretur, nec bello hoſtem, ſed pretio remotum: Gallorum autem nomen, quod ſemper Romanos terruit, in partem virium ſuarum ipſe habeat. Nam hos qui Aſiam incolunt, Gallos, ab illis qui Italiam occupaverant, ſedibus tantum diſtare: originem quidem ac virtutem, genūſq; pugnae idem habere, tantòq; his ſagaciora eſſe ingenia quàm illis, quântò longiori ac difficiliori ſpatio per Illyricum Thraciamque prodierunt, penè operoſius tranſitis illorum. \* ſedibus, quàm ubi conſedère poſſeſ-  
 ſis. Jam ipſam Italiam audire ſe nunquam, ut Roma  
*\* Finibus. Ab appor- tunc.*  
 condita ſit, ſatis illi pacatam, ſed aſſidue per omnes annos pro libertate alios, contra quosdam etiam pro jure imperii,

imperii, bellis continuis perseverasse : quòd à multis civitatibus Italiae deletos Romanorum exercitus ferro, à quibusdam novo contumeliae more sub jugum missos, ac nè veteribus immoremur exemplis, hoc ipso tempore universam Italiam bello Marfico confurrexisse, non jam libertatem, sed consortium imperii, civitatisque poscentem; nec gravius vicino Italia bello, quam domesticis principum factionibus urbem premi, multoq; periculosius accessisse Italico civile bellum : simul & Germania Cymbros, immensam illam ferorum atque inimicium populorum more procella illuviem, invadisse Italiam. Quorum tamen singula bella sustinerent Romani possent, universis tamen obruantur, ut nè vacuos quidem bello suo putent. Utendum igitur occasione, & rapienda incrementa virium, nè si illis occipatis quieverint, mox adversus vacuos, & quietos majus negotium habeant. Non enim quaeritur an capiendae sint arma, sed utrùm sua potius occasione, an illorum. Nam bellum equidem jam tunc secum ab illis gerceptum, cum sibi pupillo majorem Phrygiam ademerint, quam patri suo primum dati adversus Aristonicum auxilii concesserant, gentemque quam & proavo suo Mithridati Seleucus \* Callinicus in dotem dedisset. Quod cum Paphlagonia se decedere jusserunt, non alterum illud genus belli fuisse; quæ non vi, non armis, sed adoptione testamenti & regum domesticorum interitu, hereditaria patri suo obvenisset, cum inter hanc decretorum amaritudinem parendo, non tamen committigaret, quin acerbius se indies gerant, non obtinuisse. Quod enim à se non præbitum illis obsequium non Phrygiam Paphlogoniâq; dimissas? non Capadocia filium eductum, quam jure gentium victor occupaverat? Raptam tamen sibi esse victoriam ejus ab illis, quorum nihil est nisi bello quaesitum; non regem Bithyniae Chreston, in quem senatus arma decreverat, à se in gratiam illorum occisum, tamen nihilominus imputari sibi, siqua Gordius aut Tigranes faciat: libertatem etiam in contumeliam sui à senatu ultro delatam

*Samites intelligi: quibus Ro. sunt sui. gent. miss. Lib. 9. ab Ost. con. Anno J. CLXII. simul civilis bella, & Mithridatica capta. Oros. Epit. gus hujus argumenti.*

*Ab honeste.*

*\* Callinichus.*

*Confert sua in Ro. merita cum illorum in se injuriis.*

aram Cappadociæ, quam reliquis gentibus abstule-  
 unt: deinde populos Cappadocum pro libertate abla-  
 ta, Gordium regem orantem idè, tanquam amicus  
 suus esset, non obtinuisse. Nicomedem præcepto illo-  
 rum bellum sibi intulisse, quia inultus ierat Mithrida-  
 es: ab ipsis ventum obvium, & nunc eam secum bellandi  
 causam illis fore, quod non impune se Nicomedi lace-  
 randum saltatricis filio præbuerit. Quippe non delicta  
 regum illos, sed vires ac maiestatem insequi, neq; in se  
 ipso, sed in aliis quoq; omnibus hæc semper arte grassa-  
 tos. Sic & avem suam Pharnacem per cognationem  
 arbitrum succedaneum regi Pergameno Eumeni da-  
 tum: sic rursus Eumenum, cuius clatibus primùm in  
 Asiam suere transvecti, cuius exercitu magis quàm suo,  
 & magnum Antiochum, & Gallos in Asiam, & mox in  
 Macedonia regem Persen domuerant, & ipsum pro-  
 posse habitum, eique interdictum Italiâ, & quod cum  
 ipso deforme sibi putaverant, cum filio ejus Aristonico  
 bellum gessisse. Nullius apud eos majora, quàm Masi-  
 niæ regis Numidarum haberi merita. Huic imputari  
 dictum Annibalem, huic captum Syphacem, huic Car-  
 thaginem deletam, huic inter duos illos Africanos ter-  
 rum servatorem urbis referri; tamen cum huius nepote  
 bellum modò in Africa gestum adeò inexpiabile, ut nè  
 dictum quidem memoriâ patris donarent, quin carce-  
 rem ac triumphum spectaculum experiretur. Hanc illos  
 omnibus regibus legem odiorum dixisse, scilicet quia  
 ipsi tales reges habuerint, quorum etiam nominibus  
 rubescant, aut pastores Aboriginum, aut aruspices  
 Phœnicum, aut exules Corinthiorum, aut servos ver-  
 osq; Tuscorum, aut quod honoratissimum nomen fuit  
 inter hos Superbos, atq; ut ipsi ferunt, conditores suos,  
 apæ uberibus alitos, sic omnem illum populum lupo-  
 rum animos habere, inexplébiles sanguinis atq; impe-  
 ti, divitiarumq; avidos ac jejunos. Se autem seu no-  
 litate illis comparetur, clariorem illâ colluvie con-  
 tinuarum esse, qui paternos maiores suos à Cyro, Da-  
 rijsq; conditoribus Perfici regni, maternos à magno  
 Alexan-

*Vocat in in-  
 vidiam Ro-  
 manos.*

*Collaio sue  
 & Ro. origi-  
 nis.*

*Romani ex  
 lacte lupino  
 etiam mores  
 habuerant.*



*A suo-um  
vir. u. e.*

*\* Omnia.*

*A sua per-  
sona.*

*A loco.*

*Ab illi seu  
premiis.*

*Epiphonema,  
peroratio.*

Alexandro, ac Nicanore Seleuco conditoribus imperii Macedonici referat : seu populis eorum conferat suos, carum se gentium esse, quæ non modo Romano imperio sint pares, sed Macedonico quoque obstiterint. Nullam subiectarum sibi gentium expertam peregrina imperia, nullis unquam nisi domesticis regibus paruisse: Cappadociam velint, an Paphlagoniam recensere; rursus Pontum ac Bythiniam; itémque Armeniam maiorem minoremque, quarum gentium nullam neque Alexander ille, qui totam pacavit Asiam, nec quisque successorum ejus, aut posterorum attigisset: Scythiam duosque unquam ante se reges non pacare, sed tantum intrare ausos, Darium & Philippum, agrè inde fugam sibi expedisse, unde ipse magnam partem adversus Romanos virium haberet, multoque se timidius ac diffidentius bella Pontica ingressum, cum ipse rudis ac tyro esset Scythiæ præter arma, virtutemque animi, locorum quoque solitudinibus, vel frigoribus instructæ, per quæ denuntiaretur ingens militiæ labor ac periculum. Inter quas difficultates ne spes quidam præmii foret, ex hoste vago, nec tantum pecuniæ sed etiam sedis inopi. Num se diversam belli conditionem ingredi. Nam neque cælo Asiæ esse temperatius aliud, nec solo fertilius, nec urbium multitudine amœnius, magnamque temporis partem, ut non militiam, sed ut festum diem acturos, bello dubium facili magis an uberi, si modò aut proximas regni Attalici opes, aut veteres Lydiæ Ioniæque adierint, quas non expugnatum eant, sed possessum; tantumque se expectat avida Asia, ut etiam vocibus vocet: adeo illis odium Romanorum incussa rapacitas Proconsulum, exactio publicanorum, calumniarum litium. Sequantur se modò fortiter, & colligant, quid se duce possit efficere tantus exercitus, quem sine cuiusquam militum auxilio, suamet unius opera viderint Cappadociam caeso rege cepisse, qui solus mortuum Pontum omnem Scythiamque pacavit, quam nemo antè transire tutò, atque adire potuerit. Namque iustitiæ atque liberalitatis suæ ne ipsos milites, quicquam periantur.

periantur, testes effugere; & illa indicia habere, quòd  
 solus regum omnium non paterno solùm, verùm etiam *Belum Mi-*  
 externa regna hereditatibus propter munificentiam ac- *thratis in*  
 quista possideat, Colchos, Paphlagoniam, Bosphorum.  
 Sic excitatis milicibus, post annos viginti tres sumpti  
 regni in Romana bella descendit. \* Tunc in Ægypto \* *Atque*  
 mortuo rege Ptolomæo, ei qui Cyrenis regnabat, Pto- *tunc.*  
 lomæo per legatos regnum, & uxor Cleopatra regina  
 soror ipsius defertur. Latus igitur hoc solo Ptolomæus,  
 quod sine certamine fratrum regnum recepisset, in *Exemplum*  
 quod subornari à matre & Cleopatra, & favore princi- *crudelitatis*  
 pum, fratris filium cognoverat. Cæterum infestis o- *& impietatis*  
 mnibus, statim ubi Alexandriam ingressus est, fautores *Ptolomæus*  
 pueri trucidari iussit. Ipsum quoque die nuptiarum, qui- *Thysem Cy-*  
 bus matrem ejus in matrimonium recipiebat, inter ap- *renarum rex.*  
 paratus epularum, & solemnia religionum, in complexu  
 matris interficit. Atque ita torum sororis, cæde filii  
 ejus cruentus ascendit. Post quod non mitior in popu-  
 lares, qui eum in regnum vocaverunt, fuit. Siquidem  
 peregrinis militibus licentia cædis data, omnia san-  
 guine quotidie manabant, ipsamque sororem, filia ejus  
 virgine per vim stuprata & in matrimonium adscita,  
 repudiat. Quibus rebus territus populus, in diversa  
 abitur, patriamque metu mortis, exul relinquit. Solus  
 igitur in tanta urbe cum suis relictus Ptolomæus, cum  
 regem se non hominum, sed vacuarum ædium videret, *Ro. legati ad*  
 dicto peregrinos sollicitat. Quibus confluentibus, ob- *Ptolomæum.*  
 vius legatis Romanorum, Scipioni Africano, & Spurio  
 Mummi & L. Metello, qui ad inspicienda sociorum  
 regna veniebant, procedit. Sed quàm cruentus civibus  
 omnibus, tam ridiculus Romanis fuit. Erat enim & vul-  
 tu deformis, & staturæ brevis, & sagina ventris non ho-  
 mini sed belluæ similis. Quam foeditatem nimia subti-  
 litas, & perlucida vestis augebat, prorsus quasi astu in-  
 spicienda præberentur, quæ omni studio occultanda  
 pudibundo viro erant. Post discessum deinde legato-  
 rum, quorum Africanus dum aspicit urbem, spectacu-  
 lo Alexandrinis fuit. Ptolomæus jam etiam populo per-  
 egrino

*Immanis in  
liberos cru-  
delitas.*

*Digestio de  
Demetrii  
cum Parthis  
bell.*

*\*Hyrcanum.*

*Clementie  
exemplum in  
i. barbaricis  
milit.*

egrine invisus, cum filio, quem ex sorore susceperat, & cum uxore matris pellice, metu insidiarum tacitus in exilium proficiscitur, contractoque mercenario exercitu bellum sorori pariter ac patriæ infert. Accersitum maximum deinde à Cyrenis filium, nè eum Alexandrini contra se regem crearent, interficit. Tunc populus statuas & imagines ejus detrahit. Quod factum studio sororis existimans, filium, quem ex ea susceperat, interfecit, corpusque in membra divisum, & in cista impositum, matri die natali ejus, inter epulas afferri curat. Quæ res non reginæ tantum, verum etiam universæ civitati acerbæ, & luctuosa fuit; tantumque mœrorem festivissimo convivio intulit, ut regia omnis repentino luctu incenderetur. Verso igitur studio principum ab epulis in exequias, membra lacerata populo ostendunt, & quid sperare de rege suo debeant filii eade demonstrant. Finito luctu orbitatis, Cleopatra cum urgeret se fraterno bello videret, auxilium à Demetrio peti Syriæ rege per legatos ejus, cujus ipsius varii & memorabiles casus fuere. Namque Demetrius, ut supra dictum est, cum bellum Parthis intulisset, & multis congressionibus victor fuisset, repente circumventus insidiis, amisso exercitu capitur. Cui Arsacides Parthorum rex magno & regio animo misso in \* Bithyniam, non cultum tantum regium præstitit, sed & filiam in matrimonium dedit, regnumque Syriæ, quod per absentiam ejus Trypho occupaverat, restitutum premitte. Post hujus mortem desperato reditu, non ferens captivitatem Demetrius privatam, etsi opulentam vitam pertusus, tacitus in regnum fugam meditatur. Hortator illi ac comes Calimander amicus erat, qui post captivitatem ejus à Syria per Arabiæ deserta, ducibus pecuniâ comparatis, Parthico habitu Babyloniam pervenerat. Sed fugientem Phrahartes, qui Arsacidæ successerat, equitum celeritate, per compendiosos tranites occupatum retrahit. Ut est deductus ad regem, Calimandro quidem non tantum venia, verum etiam præmiium fidei datum: Demetrium autem & graviter castiga-

tum

tum ad conjugem in Hyrcaniam remittit, & arctioribus  
 \* custodibus observari jubet. Interjecto deinde tem-  
 pore, cum fidem illi etiam suscepti liberi facerent, eo-  
 dem amico comiti repetita fuga est: sed pari infelici-  
 tate prope fines regni sui deprehenditur, ac denuò per-  
 ductus ad regem, ut invisus à conspectu summo-  
 veretur. Tunc quoq; uxori & liberis donatus in Hyrcaniam pœ-  
 nalem civitatem sibi donatam remittitur, talisq; aureis  
 ad exprobrationem puerilis levitatis donatur. Sed hanc  
 tam Parthorum mitem in Demetrium clementiam non  
 misericordia gentis, nec respectus cognationis faciebat;  
 sed quod Syriæ regnum affectabant, usuri Demetrio  
 adversus Antiochum fratrem, prout res vel tempus, vel  
 fortuna belli exegisset. His auditis Antiochus occupan-  
 dum bellum ratus, exercitum, quem multis finitimorum  
 bellis induraverat, adversus Parthos ducit. Sed luxuriæ  
 non minor apparatus, quàm militiæ fuit. Quippe \* VIII.  
 millia armatorum secuta sunt trecenta lixarum; ex  
 quibus coquorum, pistorum, scenicorumq; major nu-  
 merus fuit. Argenti certè aurique tantum, ut etiam  
 gregarii milites caligas auro figerent, proculcarèntque  
 materiam, cujus amore populi ferro dimicant. Cu-  
 linarum quoque argentea instrumenta fuere, prorsus  
 quasi ad epulas, non ad bella pergerent. Advenienti  
 Antiocho multi Orientales reges occurrere, tradentes  
 se, regnâq; sua cum execratione superbiæ Parthicæ.  
 Nec morâ congressioni fuit. Antiochus tribus præliis  
 victor Babyloniam cum occupasset, magnus haberi cœ-  
 pit. Itaq; omnibus ad eum deficientibus populis, ni-  
 hil Parthis relictum præter patrios fines fuit. Tunc  
 Phrahartes Demetrium in Syriam ad occupandum reg-  
 num cum Parthico præsidio mittit, ut eo pacto Anti-  
 ochus ad sua tuenda à Parthia revocaretur. Interim  
 quoniam viribus non poterat, insidiis Antiochum ubiq;  
 tentabat. Propter multitudinem hominum omnem ex-  
 ercitum suum Antiochus per civitates in hyberna di-  
 viserat: quæ res exitii causa fuit. Nam cum gravari se  
 copiarum præbitione & injuriis militum civitates vi-  
 derent,

\* Custodie.

Phrahartes  
consilium.Antiochi Se-  
diti in Par-  
thos beati.\* Forte offin-  
genta milia  
armatorum;  
CCC. milia  
lixarum.Luxus in  
Antiochi ex-  
erci u. An-  
tiochi suc-  
cessus.

derent, ad Parthos deficiunt, & die statuta omnes apud se divisum exercitum per insidias, nè invicem ferre auxilia possent, aggrediuntur. Quæ cum nuntiata Antiocho essent, auxilium proximis laturus, cum ea matre qua secum hyemabat, progreditur. In itinere obvium regem Parthorum habuit, adversus quem fortius quam exercitus ejus dimicavit. Ad postremum tamen cum virtute hostes vincerent, metu suorum desertus occiditur: cui Phrahartes exequias regio more fecit, filiamque Demetrii, quam secum Antiochus adduxerat, captam amore virginis, uxorem duxit. Pœnitere deinde dimittit Demetrii cœpit: ad quem retrahendum cum turma equitum festinanter misisset, Demetrium hoc ipsum metuentem jam in regno missi invenerunt, frustra quæ omnia conati, ad regem suum reversi sunt.

*Antiochus  
Sedens videtur  
interficitur.*

## JUSTINI LIBER XXXIX.

*Demetrius  
rursus Syriæ  
rex.*

*Nosma.*

*Syriæ à De-  
metrio de-  
fecta.*

*Rediit ad fa-  
miliarem tri-  
storian de  
Ptolomæo  
Phrygonæ.*

**A**ntiocho in Parthia cum exercitu deleta, fratre ejus Demetrius obsidione Parthorum liberatus, restitutus in regnum, cum omnis Syria in luctu propter amissum exercitum esset, quasi Parthica ipsius ac fratris bella, quibus alter occisus erat, prosperè gessisset, ita Ægypto bellum inferre statuit, regnum Ægypti Cleopatra socru pretium auxilii adversus fratrem suum pollicente. Sed dum aliena affectat, ut assolet fieri, propria per defectionem Syriæ amisit. Siquidem Antiochenes primi, duce Tryphone, execrantes superbiam regis, quæ conversatione Parthicæ crudelitatis intolerabilis facta erat, mox Apamenii ceteraque civitates exemplum sequutæ, per absentiam regis à Demetrio defecere. Ptolomæus verò rex Ægypti, bello ab eodem petitus, cum cognovisset Cleopatram sororem suam opibus Ægypti navibus impositis, ad filiam & Demetrium generum in Syriam profugisse, immittit juvenem quendam Ægyptum Protarchi negotiatoris filium, qui regnum Syriæ armis peteret, & composita fabulâ, quasi per adoptionem Antiochi regis receptus in familiam regiam esset, nec Syriis quemlibet regem aspernanti-

bus,

us, nè Demetrii paterentur superbiam, nomen juveni Alexander imponitur, auxiliâq; ab Ægypto ingentia mittuntur. Interea corpus Antiochi interfecti à rege arthorum in loculo argenteo ad sepulturam in Syriam missum pervenit; quod cum ingenti studio civitatum regis Alexandri, ad firmandam fabulæ fidem excipitur. Quæ res illi magnum favorem popularium concitavit, omnibus non fictas in eo, sed veras lachrymas excitantibus. Demetrius autem victus ab Alexandro, undique circumstantibus malis premeretur, ad ultimum etiam ab uxore filiisq; deseritur. Relictus cum paucis servulis, cum Tyrum religione temulise defensurus perisset, navi egrediens præfecti jussu interficitur. Alter ex filiis Seleucus, quoniam sine matris autoritate diadema sumpsisset, ab eadem interficitur: Alter cui propter nasi magnitudinem cognomen Grypho fuit, rex à matre hætenus constituitur, ut non regis penes filium, jus autem omnis imperii penes matrem esset. Sed Alexander occupato Syriæ regno, omens ex successu rerum, spernere jam etiam ipsum Ptolomæum, à quo fuerat in regno ornatus, superbâ insolentiâ cœpit. Itaque Ptolomæus reconciliatâ sororis gratiâ, destruere Alexandri regnum, quod odio Demetrii viribus suis acquisierat, summis operibus instituit. Mittit ergo in Græciam Grypho auxilia, & filiam Gryphynam Grypho nupturam, ut populos in auxilium neptis, non societate tantum belli, verum etiam affinitate suâ sollicitaret. Nec res frustra fuit. Nam cum omnes Gryphum instructum Ægyptiis viribus viderent, paulatim ab Alexandro deficere cœpere. Fit deinde inter eos prælium, quo victus Alexander, Antiochiam confugit: ibi inops pecuniæ, cum stipendia militibus cessent, in templo Jovis solidum ex auro victoriæ signum tolli jubet, facietis jocos sacrilegium circumscriptens. Nam victoriam commodatam sibi à Jove esse dicebat. Interjectis deinde diebus cum ipsius Jovis aureum simulacrum inaniti ponderis tacite evelli jussisset, prehensûsque in sacrilegio, concursu multitudinis in

*Zebenna  
Protarchi filius,  
Alexander appellatus  
Syrie rex constituitur.*

*Demetrius  
interficitur.*

*Exemplum  
multæbris  
ambitionis.*

*Alexandri  
insolentia &  
ingratitude.*

*Alexander  
subornatus  
vincitur à  
Grypho.*

*Alexandri  
cavillum in  
sacrilegio.*



*Eiusdem in-  
teritum.*

*Cleopatra  
ambitio & in-  
liberos im-  
pietas.*

*Mater vene-  
ne, quod filio  
paravera,  
extinguitur.  
\* Praeju.*

*Ptolomei  
Ephicoris  
mors.*

*Cleopatra  
Cyriceo nu-  
bit.*

*Cyriceus  
fraus Grypho-  
re.*

fugam esset versus, magnâ vi tempestatis oppressus ac  
desertus à latronibus caeditur, perductusq; ad Gryphum  
interficitur. Gryphus porro recuperato patrio regno,  
externisq; periculis liberatus, insidiis matris appetitur.  
Quæ cum cupiditate dominationis prodito marito De-  
metrio & altero filio interfecto, huius quoque victoriâ  
inferiorem dignitatem suam factam doleret, venienti  
ab exercitatione veneni poculum obtulit. Sed Gry-  
phus prædictis ante jam insidiis, veluti pietate cum ma-  
tre certaret, bibere ipsam iuberet: abnuenti instat. Po-  
stremum prolato indice eam arguit, solam defensionem  
sceleri superesse affirmans, si bibat quod filio obtulit.  
Sic victa reginâ scelere in se verso, veneno, quod alii  
paraverat, extinguitur. Partâ igitur regni securitate,  
Gryphus octo annis quietem & ipse habuit, & regno  
suo \* præsistit. Natus deinde illi est æmulus regni fra-  
ter ipsius Cyricæus, eadem matre genitus, sed ex An-  
tiocho patruo susceptus: quem cum veneno tollere vo-  
luisset, ut maturius cum eodem armis de regno conten-  
deret, excitavit. Inter has regni Syriæ parricidiales dis-  
cordias, moritur rex Ægypti Ptolomæus, regno Ægypti  
uxori & alteri filio, quem illa legisset, relicto, videli-  
cet quasi quietior Ægypti status, quàm Syriæ regnum  
esset, cum mater altero ex filiis electo, alterum hostem  
esset habitura. Igitur cum prior in minorem filium  
esset, à populo compellitur maiorem eligere: cui prius  
quàm regnum daret, uxorem ademisse, compulsûmq; re-  
pudiare charissimâ sibi sororem Cleopatram, minorem  
sororem Seleucem ducere iubet, non materno inter fili-  
as iudicio, cum alteri maritum eriperet, alteri daret.  
Cleopatra verò non tam à viro repudiata, quàm à ma-  
tre divortio viri dimissa, Cyricæo in Syria nubit, eiq;  
ne nudum nomen uxoris afferret, exercitum Cypri so-  
licitatum velut dotalem, ad maritum deducit. Par igitur  
viribus jam factus Cyricæus, prælium committit,  
ac victus in fugam convertitur, Antiochiâque venit.

Tunc Antiochiâ Gryphus, in qua erat Cyricæi ux-  
or Cleopatra, obsidere cœpit: quâ captâ Gryphina

uxor

uxor Gryphi nihil antiquius, quàm sororem Cleopatra-  
 m requiri iussit, non ut captivæ opem ferret, sed nè  
 effugere captivitatis mala posset, quæ sui æmulatione  
 in hoc potissimum regnum invaserit, hostique sororis  
 nubendo hostem se ejus effecerit. Tum peregrinos exer-  
 citus in certamina fratrum adductos, tum repudiatam  
 à fratre & contra mariti voluntatem extra Ægyptum  
 nuptam accusat. Contrà Gryphus orare, nè tam fœ-  
 dum facinus facere cogatur, à nullo unquam majorum  
 suorum inter tot domestica, tot externa bella post \* vi-  
 ctorem in fœminas sœvitum, quas sexus ipse & pericu-  
 lis bellorum & sœvitæ victorum eximat; in hac verò  
 præter commune bellantium \* nefas accedere necessi-  
 tudinem sanguinis. Quippe ipsius quæ tam cruentè  
 sœviat, sororum quidem germanam esse, suam verò  
 consobrinam, liberorum deinde communium matertem.  
 His tot necessitatibus sanguinis, adjicit superstitionem  
 templi, quo abdita profugit, tantòq; religiosius  
 colendos deos sibi, quo magis his propitiis ac sœventi-  
 bus vicisset: tum neque occisa illa, se virium quicquam  
 Cyricæno dempturum, nec servaturum reddita. Sed  
 quantò Gryphus abnuit, tantò soror muliebri pertina-  
 ciâ accenditur, rata non misericordiæ hæc verba, sed  
 amoris esse. Itaque vocatis ipsis militibus, mittit qui  
 sororem confoderent. Qui ut in templum intraverunt,  
 cum evellere eam non possent, manus amplexantes deæ  
 simulacrum præciderunt. Tunc Cleopatra execratione  
 parricidarum mandata violatis numinibus in ultionem  
 sui decedit. Nec multò post, repetitâ prælii congressio-  
 ne, victor Cyricænus uxorem Gryphi Gryphinam, quæ  
 paulò antè sororem interfecerat, capit, ejusque suppli-  
 cio uxoris manibus parentavit. At in Ægypto Cleo-  
 patra cum gravaretur socio regni, filio Ptolomæo, po-  
 pulum in eum incitat, abductaq; ei Seleuce uxore, eò  
 indignius, quòd ex Seleuce jam duos filios habebat,  
 exulare cogit. Accersito minori filio Alexandro, & re-  
 ge in locum fratris constituto, nec filium regno expulisse  
 contenta, bello Cyri exultantem persequitur. Unde  
 pulsus

\* Victim  
hostem.

\* Fas.

Parricidia  
sororum in-  
ter se mu. ut.

\* *Emisisse.* pulsus interfecit ducem exercitus sui, quod vivum eum e manibus \* dimisisset: quanquam Ptolomæus verecundia materni belli, non viribus minor ab insula recessisset. Igitur Alexander territus hâc matris crudelitate, & ipse eam relinquit, *Periculoso regno securam ac tutam vitam anteponeus.* Cleopatra verò timens nè major filius Ptolomæus ab Cyricano ad recuperandam Ægyptum auxiliis juvaretur, ingentia Grypho auxilia, & Seleucen uxorem nupturam hosti prioris mariti, mittit; Alexandrûmq; filium per legatos in regnum revocat. Cui cùm occultis insidiis exitium machinaretur, occupata ab eodem interficitur, spiritûmq; non fato, sed parricidio dedit. Digna prorsus hâc mortis infamiâ, quæ etiam matrem toro expulit, & duas filias viduas alterno fratrum matrimonio fecit: & filio alteri in exilium acto, bellum intulit; alteri erepto regno exitum per insidias machinata est. Sed nec Alexandro cædes tam nefanda inulta fuit. Nam ubi primùm compertum est, per scelus filii matrem interfectam, concursu populi in exilium agitur, revocatq; Ptolomæo regnum redditur, qui neq; cum matre bellum gerere voluisset, nec à fratre armis repetere quod prior possedisset. Dum hæc aguntur, frater ejus ex pellice susceptus, cui pater Cyrenarum regnum testamento reliquerat, hærede populo Romano instituto, decessit. Jam enim fortuna Romana porrigere se ad Orientalia regna (non contenta Italiæ terminis) cœperat. Itaq; & ea pars Libyæ provincia facta est: postea Creta Ciliciq; piratico bello perdomita, in formam provinciæ rediguntur. Quo facto, & Syriæ & Ægypti regna \* vicinitate Romanâ arctata; & quæ incrementa de finitimis bellis qua rere solebant, adempto vagandi arbitrio, vires suas in perniciem suam converterunt: adeò ut assiduis praliis consumpti, in contemptum finitimorum venerint, pradaq; Arabum genti, imbelli antea, fuerint. Quorum rex Hierotimus, fiducia sexcentorum filiorum, quos ex pellicibus susceperat, divisis exercitibus nunc Ægyptum, nunc Syriam infestabat, magnûmq; nomen Arabum viribus finitimorum exanguibus fecerat.

JUSTINI

*Cleopatre  
exitus dignus  
protol scele-  
ribus.*

*Ptolomæus  
Lathyrus in  
regnum Sy-  
riæ restitui-  
tur.*

\* *Cum uni-  
tate.*

*Sexcenti filii  
Hierotimi  
re.*

M  
& re  
popu  
cum  
ticur  
seret  
Rom  
fuisse  
runt.  
cietat  
num  
est, n  
alii b  
Syria  
ptua  
Quo  
spice  
rex S  
appe  
Pom  
dem  
anno  
licia  
alien  
non  
quod  
bum  
prov  
horu

PA  
exul  
tur.

## JUSTINI LIBER XL.

Mutuis fratrum odiis, & mox filiorum inimiciis parentum succedentibus, cum inexpiabili bello & reges, & regnum Syriæ consumptum esset, ad externa populus auxilia concurrit, peregrinōsq; sibi reges circumspicere cœpit. Itaque cum pars Mithridatem Ponticum, pars Ptolomæum ab Ægypto arcessendum censeret, \* occurrerētq; quod Mithridates implicatus bello Romano esset, Ptolomæus quoque hostis Syriæ semper fuisset, omnes in Tigranem regem Armeniæ consenserunt, instructum præter domesticas vires, Parthicâ societate & Mithridatis affinitate. Igitur accitus in regnum Syriæ, per 18. annos tranquillissimo regno positus est, neque bello alium laceßere, neque laceßitus inferre alii bellum necesse habuit. Sed sicut ab hostibus tuta Syria fuit, ita terræmotu vastata est, quo centum septuaginta hominum millia, & multæ urbes perierunt. Quod prodigium mutationem rerum portendere aruspices responderunt. Igitur Tigranæ à Lucullo victo, rex Syriæ Antiochus. Cyricæni filius, ab eodem Lucullo appellatur. Sed quod Lucullus dederat, postea ademit Pompeius, qui poscenti regnū respondit, ne volenti quidem Syriæ, nedum recusanti daturum se regem qui 18. annos, quibus Tigranes Syriam tenuit, in angulo Ciliciæ latuerit: victo autem eodem Tigra- ne à Romanis, aliena operis præmia postulet. Igitur ut habenti regnum non ademerit, ita quod cesserit Tigrani non daturum, quod tueri nesciat, nè rursus Syriam Judæorum & Arabum latrociniis infestam reddat. Atque ita Syriam in provinciæ formam redegit, paulatimq; Oriens Romanorum discordia consanguineorum regum factus est.

\* Accileret-  
que.

*Terræ motus  
in Syria  
maximus.*

*An. ab urb.  
cond. cccix.  
Consulibus  
Tulio Cicero.  
& C. An.  
Orosio.*

## JUSTINI LIBER XLI.

Parthi, penes quos, velut divisione orbis eum Romanis factâ, nunc Orientis imperium est, Scytharum exules fuerunt. Hoc etiam ipsorum vocabulo manifestatur. Nam Scythico sermone Parthi exules dicuntur.

*Partharum  
origo.*

*Parthi exu-  
lo.*

*Parthorum  
o. jura &  
servilis con-  
diti.*

*Successus re-  
rum.*

*Parthi fitas.*

*Parthorum  
jura & mores.*

*Parthorum  
exercitus ex  
jura & mo-  
ribus.*

Hi & Assyriorum & Medorum temporibus, inter Ori-  
entales populos obscurissimi fuere. Postea quoque cum  
imperium Orientis à Medis ad Persas translatum est,  
veluti vulgus sine nomine, præda victorum fuere. Pos-  
tremo Macedonibus triumphato Oriente servierunt,  
ut cuius mirum videatur, ad tantam eos felicitatem  
per virtutem profectos, ut imperent gentibus, sub qua-  
rum imperio, veluti servile vulgus, fuere. A Romanis  
quoque trinis bellis per maximos duces florentissimis  
temporibus lacerati, soli ex omnibus gentibus non so-  
lum pares, verum etiam victores fuere. Quanquam plus  
gloriæ sit, inter Assyria & Medica, Persicâque nemorata  
olim regna, & opulentissimum illud mille urbium Ba-  
ctrianum imperium emergere potuisse, quam longin-  
qua bella vicisse. Præterea cum gravibus Scythicis, &  
vicinalibus bellis assiduè vexati, variisque periculorum  
certaminibus urgerentur, ii domesticis seditionibus  
Scythiâ pulsi, solitudines inter Hyrcaniam, & Dacas, &  
Arcos, & Spartanos & majores furtim occupare si-  
nes. Deinde non intercedentibus primò finitimis, po-  
stea etiam prohibentibus, in tantum protulere, ut non  
immensa tantum jam, ac profunda camporum, verum  
etiam prærupta collium, montiumque ardua occupave-  
rint. Ex quo fit, ut Parthiæ plerâque finium aut astus,  
aut frigoris magnitudo possideat: quippe cum montes  
nix, & campos astus infestet. Administratio gentis  
post defectionem Macedonici imperii, sub regibus fuit.  
Proximus majestati regum, populorum ordo est: ex  
hoc duces in bello, ex hoc rectores in pace habentur.  
Sermo his inter Scythicum Medumque medius ex utro-  
que mistus: Vestis olim sui moris: posteaquam accessere  
opes, ut Medis perlucida, ac fluida: Armorum patrius  
ac Scythicus mos. Exercitum non ut aliæ gentes libero-  
rum, sed majorem partem servorum habent. Quorum  
vulgus, nulli manumittendi potestate permittitur, ac per  
hoc omnibus servis nascentibus, indies crescit: Hos  
pari curâ ac liberos suos habent, & equitare & sagittare  
magnâ industriâ docent. Locupletissimus ut quisque  
est,

est, ita plures in bello equites regi suo præbet. Denique Antonio bellum Parthis inferenti, cum quinquaginta millia equitum occurrerent, soli \* 450. liberi sunt \* DCCC. ere. Cominus in acie præliari nesciunt, obsessiſq; expugnare urbes. Pugnant autem procurrentibus equis, aut terga dantibus: sæpe etiam fugam simulant, ut in- *Fugnandi* cautiores adversus vulnera insequentes habeant. Signum *ra. 10.* his in prælio non tubâ, sed tympano datur, nec pugnare diu possunt. Caterum intolerandi forent, si quantus his impetus est, vis tanta & perseverantia esset. Plurimumque in ipso ardore certaminis prælia deserunt, at paulo post, pugnam ex fuga repetunt, & cum maximè vicisse te putes, tunc tibi discrimen subeundum sit. Munimentum ipsis equisque lorice plumatæ sunt, quæ *Adulteria* utrumq; toto corpore tegunt. Auri argentiq; nullus nisi *severa Parthi* in armis usus. Uxores dulcedine variæ libidinis singuli *puniunt.* plures habent: nec ulla delicta adulteriis gravius vindicant. Quam ob rem foeminis non convivia tantum virorum, verum etiam conspectum interdicunt. Carne non nisi venatibus qua sita vescuntur. Equis omni tempore vectantur: illis bella, illis convivia, illis publica ac privata officia obeunt; super illos ire, consistere, mer- *Parthorum* cari, colloqui. Hoc deniq; discrimen inter servos libe- *sepultura.* rôsq; esse, quod servi pedibus, liberi non nisi equis incedunt. Sepultura vulgò aut avium, aut canum laniatus est. Nuda demum ossa terrâ obruluntur. In superstitionibus ad curam deorum præcipua omnibus veneratio est. Ingenia genti tumida, seditiosa, fraudulenta, procacia. Quippe violentiam viris, mansuetudinem mulieribus assignant: semper aut in externos, aut in domesticos motus inquieti, naturâ taciti: ad faciendum, quàm ad dicendum, promptiores. Proinde secunda, adversaq; silentio tegunt. Principibus metu, non pudore parent: In libidinem projecti, in cibum parci: fides dictis promissisque nulla, nisi quatenus expedit. Post *A regibus* mortem Alexandri Magni cum inter successores ejus *Macedonicis* Orientis regna dividerentur, nullo Macedonum dignante Parthorum imperium, Satagenori externo socio *desectio.* traditur.



traditur. Hi postea seductis Macedonibus, in bellum civile cum cæteris superioris Asiæ populis, Eumenem sequuti sunt, quo victo, ad Antigonom transiere. Post hunc à Nicanore Seleuco, ac mox ab Antiocho & successoribus ejus possessi : à cujus pronepote Seleuco primum defecere. Primo Punico bello, L. Manilio Pifone, Atrilio Regulo Consulibus, hujus defectionis impunitatem illis duorum fratrum regum, Seleuci, & Antiochi discordia dedit: qui dum sibi invicem eripere regnum volunt, persequi defectores omiserunt. Eodem tempore etiam Theodorus mille urbium Bactrianorum præfectus defecit, regemque se appellari jussit: quod exemplum sequuti totius Orientis populi à Macedonibus defecere. Erat eo tempore Arsaces vir sicut incertæ originis, ita virtutis expertæ. Hic solitus latrocinii & rapto vivere, acceptâ opinione Seleucum à Gallis in Asia victum, solutus regis metu, cum prædonum manu Parthos ingressus, præfectum eorum Andragorum oppressit, sublatôq; eo, imperium gentis invasit. Non magno deinde post tempore, Hyrcanorum quoq; regnum occupavit, atq; ita duarum civitatum imperio præditus grandem exercitum parat, metu Seleuci & Theodoti Bactrianorum regis. Sed citò morte Theodoti, metu liberatur, cum filio ejus & ipso Theodoto fœdus ac pacem fecit: nec multò post cum Seleuco rege ad defectores persequendos veniente congressus, victor fuit: quem diem Parthi exinde solennem, velut initium libertatis observant. Revocato deinde Seleuco, novis moribus in Asiam dato laxamento, regnum Parthicum format, militem legit, castella munit, civitates firmat, urbem quoq; nomine \* Claram in monte Thaborreno condit. Cujus loci ea conditio est, ut neque municius quicquam esse, neque amoenius possit. Ita enim & præruptis rupibus undiq; cingitur, ut tutela loci nullis defensoribus egeat, & soli circumjacentis tanta ubertas est, ut propriis opibus expleatur. Jam fontium ac sylvarum ea copia est, ut & aquarum abundantia irrigetur, & venationum voluptatibus exornetur. Sic Arsaces quæsito simul consuetôq;

*Theodorus  
mille urbium  
Bactrianorum  
præfectus.*

*Arsaces Par-  
thicum reg-  
num format.*

\* *Param.*

*Elegans to-  
pographia.*

flituroq; regno, non minùs memorabilis Parthis, quàm Persis Cyrus, Macedonibus Alexander, Romanis Romulus, maturâ senectute decedit. Cujus memoriæ hunc honorem Parthi tribuerunt, ut omnes exindè reges suos Arsaces nomine nuncupent. Hujus filius & successor regni, Arsaces & ipse nomine, adversus Antiochum Seleuci filium, centum millibus peditum, & 20. millibus equitum instructus, mirâ virtute pugnavit, ad postremum in societatem ejus assumptus est. Tertius Parthis rex, Pampacius fuit, sed & ipse Arsaces dictus: nam (sicut supra dictum est) omnes reges suos hoc nomine, sicuti Romani Cæsares, Augustosque, cognominaverunt. His actis in regno 12. annis decessit, relictis duobus filiis, Michridate & Pharnace: quorum major Pharnaces more gentis, hæres regno Mardos validam gentem bello domuit, nec multò post decessit, multis filiis relictis, quibus præteritis fratri potissimum Michridati, insignis virtutis viro reliquit imperium, plus regno quàm patrio deberi nomini ratus, potiùsque patriæ quàm liberis consulendum. Eodem ferme tempore, sicuti in Parthis Michridates, ita in Bactris Eucratides, magni uterq; viri regna incunt. Sed Parthorum fortuna felicior, ad summum hoc duce imperii fastigium eos perduxit. Bactriani autem per varia bella jactati, non regnum tantum, verùm etiam libertatem amiserunt: siquidem Sogdianorū & \* Dranganitorum, Indorūque bellis fatigati, ad postremum ab invalidioribus Parthis, velut exangues, oppressi sunt. Multa tamen Eucratides bella magnâ virtute gessit: quibus attritus, cum obsidionem Demetrii regis Indorum pateretur, cum 300. \* militibus 60. millia hostium assiduâ eruptionibus vicit. Quinto itaq; mense liberatus, Indiam in potestatem redigit. Undè cùm se reciperet, à filio quem socium regni fecerat, in itinere interficitur: qui non dissimulato patricidio, velut hostem non patrem interfecisset. & per sanguinem ejus curram egit, & corpus abjici insepultum jussit. Dum hac apud Bactros geruntur, interim inter Parthos

*Arsaces repes  
Par. borum.*

*Pietas in pa-  
triam.*

*\* Dringanga-  
rorum.*

*\* Milibus.  
Nulla fides  
regis cui,  
omnisq; po-  
testas impari-  
ens consortis  
erit, Lucanus.  
Migne cru-  
deli acis  
exemplum.  
Pa. et à filio  
interficiatur.*

traditur. Hi postea seductis Macedonibus, in bellum civile cum cæteris superioris Asiæ populis, Eumenem sequuti sunt, quo victo, ad Antigonom transiere. Post hunc à Nicanore Seleuco, ac mox ab Antiocho & successoribus ejus possessi : à cujus pronepote Seleuco primum defecere. Primo Punico bello, L. Manilio Pisone, Attilio Regulo Consulibus, hujus defectionis impunitatem illis duorum fratrum regum, Seleuci, & Antiochi discordia dedit: qui dum sibi invicem eripere regnum volunt, persequi defectores omiserunt. Eodem tempore etiam Theodorus mille urbium Bactrianorum præfectus defecit, regemque se appellari jussit: quod exemplum sequuti totius Orientis populi à Macedonibus defecere. Erat eo tempore Arsaces vir sicut incertæ originis, ita virtutis expertæ. Hic solitus latrocinis & rapto vivere, acceptâ opinione Seleucum à Gallis in Asia victum, solutus regis metu, cum prædonum manu Parthos ingressus, præfectum eorum Andragorum oppressit, sublatoque eo, imperium gentis invasit. Non magno deinde post tempore, Hyrcanorum quoque regnum occupavit, atque ita duarum civitatum imperio præditus grandem exercitum parat, metu Seleuci & Theodoti Bactrianorum regis. Sed citò morte Theodoti, metu liberatur, cum filio ejus & ipso Theodoto fœdus ac pacem fecit: nec multò post cum Seleuco rege ad defectores persequendos veniente congressus, victor fuit: quem diem Parthi exinde solennem, velut initium libertatis observant. Revocato deinde Seleuco, novis moribus in Asiam dato laxamento, regnum Parthicum format, militem legit, castella munit, civitates firmat, urbem quoque nomine \* Claram in monte Thaborreno condit. Cujus loci ea conditio est, ut neque munitius quicquam esse, neque amoenius possit. Ita enim & præruptis rupibus undique cingitur, ut tutela loci nullis defensoribus egeat, & soli circumjacentis tanta ubertas est, ut propriis opibus expleatur. Jam fontium ac sylvarum ea copia est, ut & aquarum abundantiam irrigetur, & venationum voluptatibus exornetur. Sic Arsaces quæsito simul con-

stitutoque;

*Theodorus  
mille urbium  
Bactrianorum  
præfectum.*

*Arsaces Par-  
thicum reg-  
num format.*

*\* Param.*

*Elegans to-  
pographia.*

stitutoq; regno, non minùs memorabilis Parthis, quàm Persis Cyrus, Macedonibus Alexander, Romanis Romulus, maturâ senectute decedit. Cujus memoriæ hunc honorem Parthi tribuerunt, ut omnes exindè reges suos Arsaces nomine nuncupent. Hujus filius & successor regni, Arsaces & ipse nomine, adversus Antiochum Seleuci filium, centum millibus peditum, & 20. millibus equitum instructus, mirâ virtute pugnavit, ad postremum in societatem ejus assumptus est. Tertius Parthis rex, Pampacius fuit, sed & ipse Arsaces dictus: nam (sicut supra dictum est) omnes reges suos hoc nomine, sicuti Romani Cæsares, Augustosque, cognominaverunt. His actis in regno 12. annis decessit, relictis duobus filiis, Mithridate & Pharnace: quorum major Pharnaces more gentis, hæres regno Mardos validam gentem bello domuit, nec multò post decessit, multis filiis relictis, quibus præteritis fratri potissimum Mithridati, insignis virtutis viro reliquit imperium, plus regno quàm patrio deberi nomini ratus, potiùsque patriæ quàm liberis consulendum. Eodem ferme tempore, sicuti in Parthis Mithridates, ita in Bactris Eucratides, magni uterq; viri regna incunt. Sed Parthorum fortuna felicior, ad summum hoc duce imperii fastigium eos perduxit. Bactriani autem per varia bella jactati, non regnum tantum, verum etiam libertatem amiserunt: siquidem Sogdianorū & \* Dranganitorum, Indorūque bellis fatigati, ad postremum ab invalidioribus Parthis, velut exangues, oppressi sunt. Multa tamen Eucratides bella magnâ virtute gessit: quibus attritus, cum obsidionem Demetrii regis Indorum pateretur, cum 300. \* militibus 60. millia hostium assiduâ eruptionibus vicit. Quinto itaq; mense liberatus, Indiam in potestatem redigit. Undè cùm se reciperet, à filio quem socium regni fecerat, in itinere interficitur: qui non dissimulato patricidio, velut hostem non patrem interfecisset, & per sanguinem ejus curram egit, & corpus abjici insepultum jussit. Dum hac apud Bactros geruntur, interim inter Parthos

*Arsaces reges  
Par. borum.*

*Pietas in patriam.*

\* Dranganitorum.

\* Militibus.  
Nulla fides  
et quis cur,  
omnisq; pe-  
testas impari-  
ens consortis  
erit, Lucanus.  
Migne cru-  
deltatis  
exemplum.  
Pa. et à filio  
trucidatur.

Parthos & Medos bellum oritur : cùm varius utriusq; populi casus fuisset, ad postremum victoria penes Parthos fuit. His viribus auctus Mithridates, Mediæ Bachasum in regno præponit, ipse in Hyrcaniam proficiscitur. Unde reversus bellum cum Elimeorum rege gessit : quo victo hanc quoque gentem regno adjecit, imperiũque Parthorum à monte Causaso, multis populis in ditionem redactis, usq; ad flumen Euphratem protulit. Atq; ita adversã valetudine arreptus, non minor Arsace proavo gloriosã senectute decessit.

## JUSTINI LIBER XLII.

**P**ost necem Mithridatis Parthorum regis Phrahartes filius ejus rex constituitur : qui cum inferre bellum in ultionem tentati ab Antiocho Parthici regni Syria statuisset, Scytharum motibus ad sua defendenda revocatur. Namque Scythæ in auxilium Parthorum adversus Antiochum, Syriæ regem, mercede sollicitati, cùm confecto jam bello supervenissent, in calumnia tardius lati auxilii mercede fraudarentur, dolentes tantum iis itineris frustra emensum, cùm vel stipendium petitione, vel alium hostem dari sibi poscerent, superbo responso offensi, fines Parthorum vastare cœperunt. Igitur Phrahartes cùm adversus Scythas proficisceretur, ad tutelam regni reliquit Hymerum quendam, pueritiæ sibi flore conciliatum, qui tyrannicâ crudelitate, oblitus & vitæ præteritæ, & vicarii officii, Babylonios, multasq; alias civitates importunè vexavit. Ipse autem Phrahartes exercitum Græcorum, quem bello Antiochi captum crudeliter superbèque tractaverat, in bellum secum ducit : inimemor prorsus, quod hostiles eorum animos nec captivitas minuerat, & insuper injuriam indignitas exacerbaverat. Itaq; cùm inclinatam Parthorum aciem vidissent, arma ad hostes transtulerunt, & diu cupitam captivitatis ultionem exercitûs Parthici, & ipsius Phrahartis regis cruentâ cæde exequuti sunt. In huius locum Artabanus, patruus ejus, rex substituitur : Scythæ autem contenti victoriâ, populatâ

*Phrahartis  
Parthorum  
regis cum  
Scythis  
bellum.  
Græcorum  
exercitus de-  
ficit à Phra-  
harte.*

latâ Parthiâ, in patriam revertuntur. Sed Artabanus bello Colchatariis illato, in brachio vulneratus statim decedit. Huic Mithridates filius succedit, cui res gestæ Magnum cognomen dedere. Quippe claritatem parentum, amulatione virtutis accensus, animi magnitudine supergreditur. Multa igitur bella cum finitimis magnâ virtute gessit, multosq; populos Parthicos regno addit. Sed & cum Scythis prosperè aliquoties dimicavit, ultorque injuriæ parentum fuit, ad postremum \* *Armeniam* *Armeniorum regi,* bellum intulit. Sed quo- *dem Plut.* *appellat.* niam ad Armeniam transitum facimus, origo ejus paulò altius repetenda est. Neq; enim silentio prateriti tantum regnum fas est, cum fines ejus post Parthiam omnium regnorum magnitudinem superent. Siquidem Armenia à Cappadocia usq; undecies centena millia *Armenii* *regni & gen-* *tis descriptio.* ad mare Caspium patet, sed in latitudinem millia passuum septingenta porrigitur. Condita est autem ab Armenia, Jasonis Thesiali comite: quem cum perditum *Armenius* *Jasonis* *comes.* propter insignem periculosâque regno suo virtutem Pelias rex cuperet, denuntiata militiâ, in Colchos eum abire jubet, pellémq; arietis memorabilem gentibus reportare, sperans interitum viri, aut ex periculo tam longæ navigationis, aut ex bello tam profundæ barbariæ. Igitur Jason divulgata opinione tam gloriosæ expeditionis, cum ad eum certatim principes juventutis *Vellus aureum.* totius ferme orbis concurrerent, exercitum fortissimorum, qui Argonautæ cognominati sunt, comparavit. *Historia Jasonis & Medæ.* Quem cum magnis rebus gestis, incolumem reduxisset, *Armenius* *Jasonis* *comes.* rursus à Pelia filiis Thesialiâ pulsus, magnâ vi, cum ingenti multitudine, quæ ad famam virtutis ejus ex om- *Argonautæ.* nibus gentibus quotidie confluebat, comite Medea uxore, quam repudiatam miseratione exilii, rursus receperat, & Medeo privigno ab Ægæo rege Atheniensium genito Colchos repetivit, socerumq; etiam regno pulsum restituit. Magna deinde bella cum finitimis gessit, captâq; civitates partim regno soceri ad abolendam superioris militiæ injuriam, quâ & filiam ejus Medea abduxerat, & filium Ætæ Ægialum interfecerat, adjunxit: *partim*



*Albani in  
oriente ex  
Italia oriun-  
di.*

*Medi ante  
diti.*

*\* Omne po-  
tica.  
Loco nomen  
est Elongen-  
sine.  
Tigris acce-  
ritate incipit  
vocari; ita  
enim Medi  
sagittam ap-  
pellant; Plin.  
lib. sexto.*

*\*Hyrodes à  
Plut. appel-  
latur.*

*Parthorum  
cum Roma-  
nis bellum.*

partim populis quos secum adduxerat, assignavit. Primus humanorum post Herculem & Liberum, qui reges Orientis fuisse traduntur, eam cœli plagam domuisse dicitur. Populis quibusdam Phrygum & Anasitarum, aurigas Castoris & Pollucis duces assignavit: cum Albanis fœdus percussit, qui Herculem ex Italia Albano monte, cùm Geryone extincto, armenta ejus per Italiam duceret, secuti dicuntur, quiq; memores Italicæ originis, exercitum Cn. Pompeii bello Mithridato fratres salutavere. Itaq; Jasoni totus fermè Oriens ut conditori divinos honores, templaq; constituit, quæ Parmenion, dux Alexandri Magni, post multos annos dirui jussit, ne cujusquam nomen in Oriente venerabilius quàm Alexandri esset. Post mortem Jasonis, Medus æmulus virtutis ejus, in honorem matris Medæ, Medeam urbem condidit, regnūq; ex nomine suo Medorum constituit; sub eius majestate \* Orientis postea imperium fuit, Albanis vicinæ Amazones sunt, quarum reginam Thalestrem concubitu Alexandri petisse, multi autores prodidere. Armenius quoq; & ipse Thesalus, unus de numero ducum Jasonis collectâ multitudine, quæ omisso Jafone rege passim vagabatur, Armeniam condit, à cujus montibus Tigris fluvius modicis primo incrementis nascitur: interjecto deinde aliquanto spatio, sub terras mergitur, atq; ita post 25. millia passuum grande jam flumen in regione Sophone emergit, ac sic in paludes Euphratis recipitur. Igitur Mithridates rex Parthorum post bellum Armeniæ, propter crudelitatem à senatu Parthico regno pellitur. Frater ejus \* Horodes regnum vacans occupans, Babyloniam, quo Mithridates confugerat, diu obsidet, & fame coactos in deditionem oppidanos compellit. Mithridates autem fiduciâ cognationis ultrò se in potestatem Horodis tradit. Sed Horodes plùs hostem, quàm fratrem cogitans, in conspectu suo trucidari eum jussit. Et post hæc, bella cum Romanis gessit, Crassūq; imperatorē cum filio & omni exercitu Romano delevit. Hujus filius Pacorus missus ad persequendas Romani bel-

li reliquias, magnis rebus in Syria gestis, Parthiam patri suspectus revocatur, quo absente, exercitus Parthorum relictus in Syria, à Cassio Quastore Crassi cum omnibus ducibus trucidatur. His itaq; gestis, non magno post tempore Romanis inter Casarem Pompeiûmque civile bellum oritur, in quo Parthi Pompeianarum partium fuere, & propter amicitiam cum Pompeio bello Mithridatico junctam, & propter Crassi necem, cujus filium in partibus Caesaris esse audierant, quem ultorem patris, victore Casare futurum non dubitabant. Itaq; victis partibus Pompeianis, & Cassio & Bruto, auxilia adversus Augustum & Antonium misere: & post belli finem rursus Pacoro duce, cum Labieno in ita societate, Syriam & Asiam vastavere: castraq; Ventidii, qui post Cassiam, absente Pacoro, exercitum Parthi- cum fuderat, magnâ mole aggrediuntur: sed ille simulato timore, diu se continuit, & insultare Parthos aliquantisper passus est. Ad postremum in securos latosq; partem legionum emisit, quarum impetu fusi Parthi, in diversa abiere. Pacorus autem cum fugientes suos abduxisset secum legiones Romanos putaret, castra Ventidii, veluti sine defensoribus, aggreditur. Tunc Ventidius reliquâ parte legionum amissâ, universam Parthorum manum, cum rege ipso Pacoro, interficit: nec ullo bello Parthi unquam majus vulnus acceperunt. Hæc cum nuntiata in Parthia essent, Horodes pater Pacori, qui paulò antè vastatam Syriam, occupatam Asiam à Parthis audierat, victorémq; Pacorum Romanorum gloriabatur, repente filii morte & exercitus clade auditâ, ex dolore ad furorem vertitur. Multis diebus non alloqui quenquam, non cibum sumere, non vocem mittere, ita ut mutus factus videretur. Post multos deinde dies, ubi dolor vocem laxaverat, nihil aliud quàm Pacorum vocabat: Pacorus illi videri, Pacorus audiri videbatur; cum illo loqui, cum illo consistere: interdum quasi amissum flebiliter dolebat. Post longum deinde luctum, alia sollicitudo miserandum senem invadit, quem ex numero xxx. filiorum in locum Pacori

*Parthorum  
cum Ventidio  
pugna.*

*Parthi à Ven-  
tidio vidi.  
Pacorus Par-  
thorum rex  
victus, inter-  
ficitur à Ven-  
tidio.*

*Plur. paulo  
aliter refert.  
Horodes Pa-  
cori patris,  
fuerit & in-  
janis.*

*Phrahartis  
immanis  
parricidia.*

*\* Nominari  
rex posse.*

*Antonius à  
Parthis vin-  
citur.  
Phrahartes  
ex regno  
pescitur.*

*Phrahartes  
ad Cæsarem  
legatio.*

*Signa & ca-  
ptivi Rom.  
Augusto  
m.*

Pacori regem constituat. Multæ pellices ex quibus generata tanta juvenus erat, pro suis quæq; sollicitæ, animum senis obsidebant. Sed fatum Parthiæ fecit, in qua jam quasi solenne est reges parricidas haberi, ut sceleratissimus omnium, & ipse Phrahartes nomine, Rex statueretur. Itaq; statim, quasi nollet mori naturaliter, patrem interfecit, fratres quoq; 30. trucidat, sed nec in filiis cessant parricidia. Nam cum infestos sibi optima- tes propter assidua scelera videret, nec esset qui \* nomi- natum rex posset creari, aduultum filium interfici jubet. Huic Antonius, propter auxilium adversus se & Cæsare- latum, bellum cum sedecim validissimis legionibus in- ruit: sed graviter multis præliis vexatus, à Parthia re- fugit: quâ victoriâ insolentior Phrahartes redditus, cum multa crudeliter consuleret, in exilium à populo suo pellitur; itaq; cum magno tempore finitimas civitates, & ad postremum Scythas precibus fatigasset, Scytharum maximo auxilio in regnum restituitur. Hoc absente, re- gem Parthi Tyridatem quendam constituerant: qui au- dito Scytharum adventu, magnâ amicorum manu ad Cæsarem in Hispaniam bellum tunc temporis gerentem profugit, obsidem Cæsari minimum filium Phrahartis ferens, quem negligentius custoditum rapuerat. Quo cognito Phrahartes legatos statim ad Cæsarem mittit: servum suum Tyridatem, & filium remitti sibi postulat. Cæsar & legatione Phrahartis auditâ, & Tyridatis po- stulatis cognitis (nam & ipse restitui in regnum deside- rabat, juris Romanorum futuram Parthiam affirmans, si ejus regnum muneris eorum fuisset) neq; Tyridatem de- ditorum se Parthis dixit, neq; adversus Parthos Tyri- dati auxilia daturum. Ne tamen à Cæsare nihil per o- minia obtentum videretur, Phraharti filium sine pretio remisit, & Tyridati, quoad manere apud Romanos vel- let, opulentum sumptum præberi iussit. Posthæc finito Hispano bello, cum in Syriam ad componendū Orientis statum pervenisset, metum Phraharti injunxit nè bellum Parthiæ vellet inferre. Itaque totâ Parthiâ captivi ex Cassiano, sive Antonii exercitu recollecti, signaq; cum

his

his militaria Augusto remissa. Sed & filii, nepotésque Phrahartes, obſides Augusto dati: plúſq; Cæſar magnitudine nominis ſui fecit, quàm armis alius imperator facere potuiſſet.

*Epiphonema.*

## JUSTINI LIBER XLIII.

**P**Arthicis, Orientalibúſque ac totius propemodum orbis rebus expeditis, ad initia Romanæ urbis Trogus velut poſt longam peregrinationem domum revertitur; ingrati civis officium exiſtimans, ſi cùm omnium gentium res geſtas illuſtraverit, de ſola tantum patria taceat. Breviter igitur initia Romani imperii perſtringit, ut nec modum propoſiti operis excedat, nec utiq; originem urbis, quæ eſt caput totius orbis, ſilentio prætermittat. Italiæ cultores primi Aborigines fuere, quorum rex Saturnus tantæ juſtitiæ fuiſſe dicitur, ut neq; ſervierit ſub illo quiſquam, neq; quicquam privatæ rei habuerit, ſed omnia communia & indiviſa omnibus fuerint, veluti unum cunctis patrimonium eſſet. Ob cujus exempli memoriam cautū eſt, ut Saturnalibus exæquato omnium jure, paſſim in conviviis ſervi cum dominis recumbant. Itaq; Italia regis nomine, Saturna appellata eſt: & mons quem inhabitabat Saturnus, in quo nunc veluti à Jove, pulſo ſedibus ſuis Saturno, Capitoliū eſt. Poſt hunc tertio loco regnaſſe Faunum ſerunt, ſub quo Evander ab Arcadiæ urbe Pallanteo in Italiā cum mediocri turba popularium venit, cui Faunus & agros & montem, quæ ille poſteā Palatinum appellavit, benignè assignavit. In hujus radicibus templum Lycæo, quem Græci Pana, Romani Lupercum appellant, conſtituit: ipſum dei ſimulachrū nudum caprinā pelle amictum eſt, quo habitu nunc Romæ Lupercalibus decurritur. Fauno fuit uxor nomine Fatua, quæ aſſidue divino ſpiritu impleta, velut per ſororem futura præmonebat. Unde adhuc qui inſpirari, ſolent fatuari dicuntur. Ex filia Fauni & Hercule, qui eodem tempore, extincto Gerione, armenta victoriæ præmia per Italiam ducebat, ſuppro conceptus Latinus procreatur. Quo tenente reg-

*Urbis Romæ origo & initia.*

*Antiquus Italiæ ſtatu.*

*Ideo ævari-um Romæ volunt eſſe in templo Saturni.*

*Faunus in Arcadia templa Lycæum habet. Ov. Faſt. 2.*

*Fatua Fauni uxor. Fatuſtri qui dicebantur. Æneæ in Italiam advenit.*

*Bellum Æ-  
neæ cum  
Turno.*

*Lavinium.*

*Alba longa  
trecentis an-  
nis regni  
capa.*

*\* Demisit.*

*Lucus Marti.*

*Quia deus  
aucto culpe  
honestior  
era, Liv.*

*Romulus &  
Remus.*

*Remus capi-  
tus.*

num, Æneas ab Illo, Trojâ à Græcis expugnata, in Ita-  
liam venit : statimque prælio acceptus, cum in aciem  
exercitum eduxisset, & ad colloquium vocatus, tantam  
admirationem sui Latino præbuit, ut in societatem  
regni reciperetur : & Lavinia in matrimonium datâ, ei  
gener ascisceretur. Post hæc commune utriusque bellum  
adversus Turnum Rutulorum regem propter fraudatas  
Lavinæ nuptias fuit, in quo & Turnus & Latinus in-  
terierunt. Igitur cum Æneas jure victoriæ utroque popu-  
lo potiretur, urbem ex nomine uxoris Lavinæ condidit.  
Bellum deinde adversus Mezentium, regem Hetrusco-  
rum gessit : in quo cum ipse occidisset, in locum ejus  
Ascanius filius successit : qui Lavinio relicto, longâ Alba  
condidit, quæ trecentis annis caput regni fuit. Post  
multos deinde urbis hujus reges, ad postremum Numi-  
tor & Amulius regno potiti sunt. Sed Amulius cum a ta-  
tate priorem Numitorem oppressisset, filiam ejus Rheam  
in perpetuam virginitatem, ne quis vindex regni sexus  
virilis ex genere Numitoris oriretur, \* demersit, additâ  
injuriâ specie honoris, ut non damnata, sed sacerdos  
electa videretur. Igitur clausa in luco Marti sacro, duos  
pueros incertum stupro, an ex Marte conceptos, enixa  
est. Quo cognito Amulius multiplicato metu proventu  
duorum pueros exponi jubet; & puellâ vinculis onerat,  
ex quorû injuria decessit. Sed fortuna origini Romanæ  
prospiciens, pueros lupa alendos obtulit, quæ amissis ca-  
tulis distenta ubera exinanire cupiens, nutrice se infan-  
tibus præbuit; cum sæpius ad parvulos, veluti ad catulos  
reverteretur, rem Faustus pastor animadvertit, sub-  
tractosque feræ inter greges pecorum agresii vitâ nutri-  
vit. Martios pueros fuisse, sive quod in luco Martis enixi  
sunt, sive quod à lupa, quæ in tutela Martis est, nutriti,  
velut manifestis argumentis creditum est. Nomina pu-  
cris alteri Remo, alteri Romulo fuere. Adulti inter pa-  
stres de virtute quotidiana certamina & vires & perici-  
tatem auxere. Igitur cum latrones à rapina pecorum  
industriè summovent, Renuis à latronibus captus, &  
veluti ipse esset quod in aliis prohibebat, regi offertur  
crimini

crimini datur, quasi greges Numitoris infestare solitu<sup>s</sup>  
 esset. Tunc à rege in ultionem Numitori traditur. Sed  
 Numitor adolescentiâ juvenis permorsus, & in suspicio-  
 nem expositi nepotis adductus, cùm cum nunc linea-  
 mentorum filiæ i militudo, nunc a tas, expositionis tem-  
 poribus congruens, anxium teneret, repentè Faustulus  
 cum Romulo supervenit, à quo origine cognitâ, puero-  
 rum factâ conspiratione, & adolescentes in ultionem  
 maternæ necis, & Numitor in vindictam erepti regni  
 armantur. Occiso Amulio, regnum Numitori restitui-  
 tur, & ibi urbs Romana ab adolescentibus conditur. Tunc  
 & senatus centum seniorum, qui patres dicti sunt, con-  
 stituitur; tunc & vicinis connubia pastorum dedignan-  
 tibus, virgines Sabinæ rapiuntur, finitimisque populis  
 armis subjectis, primum Italiæ, mox orbis imperiū qua-  
 situm. Per ea adhuc tempora reges *hastas pro diademate*  
*habebant*, quas Græci \* *σκήπτρα* dixere. Nam & ab origi-  
 ne rerum pro diis immortalibus veteres hastas coluere,  
 ob cujus religionis memoriam, adhuc decorum simula-  
 cris hastæ adduntur. Temporibus Tarquinii regis, ex  
 Asia Phocensium juvenus ostio Tiberis invicta amici-  
 tiam cum Romanis junxit; inde in ultimos Galliæ fi-  
 nus navibus profecta, Massiliam inter Ligures, & feras  
 gentes Gallorum condidit, magnâsq; res cives dum ul-  
 trò laceffunt, à quibus fuerant ante laceffiti, gesserunt.  
 Namq; Phocenses ex ignavitate ac macie terræ coacti,  
 studiosius mare quàm terras exercuerunt, piscando,  
 mercando, plerumq; etiam latrocinio maris (quod illis  
 temporibus gloria habebatur) vitam tolerabant. Itaq;  
 in ultimam Oceani oram procedere ausi, in sinum Gal-  
 licum ostiò Ryodani amnis devenere; cujus loci amœ-  
 minate capti, reversi domum, referentes quæ viderant,  
 plures sollicitavere. Duces classi Furius & Peranus fu-  
 ere. Itaq; ad regem Segoregiorum, Senanum nomine,  
 in cujus finibus urbem condere gestiebant, amicitiam  
 petentes conveniunt. Fortè eo die Rex occupatus in  
 apparatu raptiarum Gypsis filiæ erat: quam more gen-  
 tis electo inter epulas genero, nuptum tradere illi pa-

*Roman quis  
 extruxerit;  
 varie scri-  
 bunt auctores,  
 Vide Soli-  
 mum.*

\* *Sceptra.*

*Massilien-  
 sum origo,  
 quorum et-  
 iam meminit  
 Thucyd. in  
 proœmio.*

*Furius &  
 Peranus Pha-  
 censem  
 duces.*



*\* Proci essent.  
Insuperate  
nuptiæ.*

*\* Captivis.  
Galli civilem  
& mansueti-  
erem vivendi  
rationem à  
Græcis edo-  
citi.*

*Fabula ele-  
gans.*

*Quandoque  
pro aliquan-  
do.*

*\* Scirpis.  
Commani in  
Massiliensibus  
insidiæ.*

rabat. Itaq; cùm ad nuptias invitati omnes \* processis-  
sent, rogantur & Græci hospites ad convivium. Intro-  
ducta deinde virgo, cùm juberetur à patre aquam por-  
rigere ei, quem virum eligeret, tunc omisiss omnibus, ad  
Græcos conversa aquam Perano porrigit: qui factus ex  
hospite gener, locum condendæ urbis à focero accepit.  
Conditur igitur Mistilia; est prope ostia Rhodani amnis,  
in remoto sinu, veluti in angulo maris. Sed Ligures in-  
crementis urbis invidentes, Græcos assiduus bellis fati-  
gabant; Qui pericula propulsanda in tantum enitue-  
runt, ut victis hostibus in \* Capertinis agris in multas co-  
lonias constituerent. Ab his igitur Galli & usum vitæ  
cultioris, deposita & mansuefacta barbaria, & agrorum  
cultus & urbes mœnibus cingere didicerunt. Tunc & le-  
gibus, non armis vivere; tunc & vitem putare, tunc oli-  
vam ferere consueverunt: Adeoq; magnus & hominibus  
& rebus impositus est nitor, ut non Græcia in Galliam  
emigrasse, sed Gallia in Græciam translata videretur.  
Mortuo rege Senano Segoregiore, à quo locus acce-  
ptus condendæ urbis fuerat, cum regno filius ejus suc-  
cessit Commanus, affirmante regulo quodam quandoq;  
Massiliam exitio finitimiis populis futuram, opprimen-  
dâque in ipso ortu, ne mox validior ipsum obrueret,  
subnectit & illam fabulam: Canem aliquando partu  
gravidam locum à pastore precario petiisse, in quo pa-  
reret; quo obtento, iteratò petiisse, ut sibi educare in eo-  
dem loco catulos liceret: ad postremum adultis catulis,  
sultam domestico præsidio proprietatem loci sibi ven-  
dicasse. Non aliter Massilienses, qui nunc inquilini vi-  
deantur, quandoq; dominos regionum futuros. His in-  
citarus rex insidias Massiliensibus extruit; Ita solenni  
Floraliorum die, multos fortes ac strenuos viros hospiti-  
tij jure nûsit in urbem, plures \* scirpis latentes frondi-  
bûsq; supertectos induci vehiculis jubet, & ipse cum  
exercitu in proximis montibus delitescit, ut cùm nocte  
à prædictis apertæ portæ forent, tempestivè ad insidi-  
as adessent, urbemq; somno ac vino sepultam armati  
invaderent. Sed has insidias mulier quædam regis cog-  
nata

nata prodidit, quæ adulterari cum Græco adolescente solita, in amplexu juvenis miserata formam ejus infidias aperit, periculūq; declinare jubet. Ille rem statim ad magistratus desert, atque ira patefactis infidiis Ligures comprehenduntur, latentēque de scirpis protrahuntur.

Quibus omnibus interfectis, insidianti regi infidiæ tenduntur. Cæsa sunt, cum ipso rege, hostium septem milia. Exinde Massilienses festis diebus portas claudere, vigilias agere, stationem in muris observare, peregrinos recognoscere, curas habere, ac veluti bellum habeant, sic urbem pacis temporibus custodire: aded̄ illic benè institutā non temporum necessitate, sed rectè faciendi consuetudine servantur.

Post hæc illis magna cum Liguribus, magna cum Gallis fuere bella: quæ res & urbis gloriam auxit, & virtutem Græcorum multiplicata victoria, celebrem inter finitimos reddidit. Carthaginensium quoque exercitus, cum bellum capitis piscatorum navibus ortum esset, saepe fuderunt, pacēque victis dederunt: cum Hispanis amicitiam junxerunt, cum Roma-

nis propè ab initio conditæ urbis fœdus summā fide custodierunt, auxiliisque in omnibus bellis industriè socios juverunt; quæ res illis & virium fiduciam auxit, & pacem ab hostibus præstitit. Cū igitur Massilia famā rerū gestarum, & abundantia opum, & virium gloriā virente floreret, repentē finitimi populi ad nomen Massiliensium delendum, veluti ad commune extinguendum incendium concurrunt.

Dux consensu omnium Caramandus regulus eligitur, qui cum magno exercitu lectissimorum virorum urbem hostium obsideret, per quietem specie torvæ mulieris, quæ se deam dicebat, exterritus, ultro pacem cum Massiliensibus fecit: petitōq; ut intrare urbem, & deos eorum adorare liceret. cū in arcem Minervæ venisset, conspecto in porticibus simulachro deæ, quam per quietem viderat, repentē exclamat, illam esse, quæ se nocte exterruisset, illam, quæ recedere ab obsidione jussisset. Gratulatúsq; Massiliensibus, quod animadverteret eos ad curam deorum immortalium pertinere, totq; aureis donata dea in perpetuam amicitiam

*Eorundem  
erga Rom.  
studium.*

*Pompeii Tro-  
gi genus &  
maiores.*

*\* Percepisse.  
Annulicuras,  
que holie  
penes Car-  
cebaries, ut  
vulgo appel-  
latur, est.*

*Greci Plin.  
Hispanie  
orig., & fi-  
nis.*

*Lat. & f.r.  
silvas.*

*\* Suppetat.*

*Destitit  
Plin. l. 19.  
c. 1. Gal.  
l. 17. c. 2.*

tiam cum Massiliensibus junxit, Partâ pace, & securitate fundatâ revertentes à Delphis Massiliensium legati, quò missi munera Apollinis tulerant, audiverant urbem Romanam à Gallis captam incensamque. Quam rem nuntiatam domi publico funere Massilienses profecuri sunt: aurumq; & argentum publicum & privatum contulerunt, ad explendum pondus Gallis, à quibus redemptam pacem cognoverant. Ob quod meritum & immunita illis decreta, & locus spectaculorum in senatu datus, & fœdus æquo jure percussum. In postremo libro Trogus majores suos à Volscis originem ducere, avum suum Trogum Pompeium Sertoriano bello civitatem Cn. Pompeio \* pepercisse dicit; patrum Mithridatico bello turmas equitum sub eodem Pompeio duxisse, patrem quoq; sub Caio Casare militasse, evictoriarumq; & legationem, simul & annuli curam habuisse.

## JUSTINI LIBER XLIV.

**H**ispania sicuti Europæ terminos claudit, ita & hujus operis finis futura est. Hanc veteres ab Ibero amne primum Iberiam, postea ab Hispalo Hispaniam cognominaverunt. Hæc inter Africam & Galliam posita, Oceani freto, & Pyrenæis montibus clauditur. Sicut minor utraq; terra, ita utraq; fertilior. Nam neq; ut Africa violento sole torretur, neq; ut Gallia, assiduis ventis fatigatur, sed media inter utramq; hinc temperato calore, inde felicibus, & tempestivis imbribus, in omnia frugum genera fecunda, adeo ut non ipsis tantum incolis, verum etiam Italiæ, utriq; Rom. cunctarum rerum abundantiam \* sufficiat. Hinc enim non frumenti tantum copia magna est, verum etiâ vini, mellis, oleiq; nec ferri solum materia præcipua est, sed & equorum pernices greges; nec summa tantum terræ laudanda, bona, verum & abstruorum metallorum felices divitiæ. Jam lini, spargiq; vis ingens, minii certè nulla feracior terra. In hac cursus amnium, non torrentes, rapidiq; ut noceant, sed lenes, & vineis campisq; irrigui, æstuariisq; Oceani affatim

affatim piscosi. Pleriq; etiam divites auro, quod in \*lau-  
 dibus vehunt. \* Uno tantum Pyrenæi montis dorso ad-  
 hæret Galliæ, reliquis partibus undiq; in orbem mari  
 cingitur. Forma terræ propè quadrata, nisi quod ar-  
 ctantibus freti littoribus in Pyrenæum cogit. Pyrenæi  
 montis spatium sexcenta millia passuum efficit. Salu-  
 britas cœli per omne. n Hispaniam, aqualisq; aeris spi-  
 ritus, nulla paludum gravi nebulâ inficitur. Huc acce-  
 dunt marinæ auræ, & undique adversi assidui status,  
 quibus omnem provinciam penetrantibus, eventilato  
 terrestri spiritu, præcipua omnibus sanitas redditur.  
 Corpora hominum ad inediâ, laborémq; animi ad mor-  
 tem parati. Dura omnibus & stricta partimonia; bellum  
 quàm otium malunt. Si extraneus deest, domi hostem  
 quærunt. Sæpe tormentis pro silentio rerum credita-  
 rum immortui; adeò illis fortior taciturnitatis cura,  
 quàm vitæ celebratur. Eadem etiam bello Punico ser-  
 vi illius patientia, qui ultus dominum inter tormenta  
 risu exultavit, serenâq; læritia crudelitatem torquen-  
 tium vicit. Velocitas genti pernix, iniques animus, plu-  
 rimi militares equi, & arma sanguine ipsorum chario-  
 ra. Nullus, nisi festis diebus, epularum apparatus.  
 Aquâ calidâ lavari post secundum bel'um Punicum à  
 Romanis didicere. In tanta seculorum serie nullus illis  
 dux magnus, præter Viriatum fuit, qui annos decem  
 Romanos variâ victoriâ fatigavit (adeò feris propiora  
 quàm hominibus ingenia sunt) quem ipsum non iudi-  
 cio populi electum, sed ut cavendi scientem, declinan-  
 dorumq; periculorum peritū, sequuti sunt. Cujus ea vir-  
 tus, continentiaq; fuit, ut cū Consulares exercitus fre-  
 quenter vicerit, tantis rebus gestis, non armorum,  
 non vestis cultum, non denique victum mutaverit, sed  
 in eo habitu, quo primū bellare cœpit, persevera-  
 verit, ut quivis gregarius miles ipso imperatore etiam  
 opulentior videretur. In Lusitanis juxta fluvium Ta-  
 gam, equas vento concipere multi autores prodide-  
 runt: quæ fabulæ ex equarum fecunditate, & gregum  
 multitudine natæ sunt, qui tanti in Gallecia ac Lusita-

\* *Paludibus.*  
*Quæcunque*  
*ambitus*  
*mari. Flin.*  
*lib. ult.*  
 \* *Tibi.*  
*Pyrenæi*  
*montis spa-*  
*tium.*

*Hissanorum*  
*mont.*  
*Epi, benevol.*  
*Kurra p. d.*  
*entis econ-*  
*tion. Gal.*  
*Mon. Liv.*  
 c. 3.

*Virri Hif-*  
*panorum du-*  
*ca mokratie.*

*Flavio Ta-*  
*gore.*  
*Equarum*  
*Hissanorum*  
*conceptis.*

nia, ac tam pernices visuntur, ut non immerito ipso vento concepti videantur. Galleci autem Græcam sibi originem asserunt. Siquidem post finem Trojani belli, Teucrum morte Ajacis fratris invisum patri Telamoni, cum non acciperetur in regnum Cyprum concessisse, atque ibi urbem nomine antiquæ patriæ Salaminam condidisse: inde acceptâ opinione paternæ mortis, patriam repetisse. Sed cum ab \* Euriface Ajacis filio, accessu prohiberetur, Hispaniæ littoribus appulsum, loca, ubi nunc est Carthago nova, occupasse, inde Galleciam transisse, positisque sedibus genti nomen dedisse. Galleciæ autem portio, Amphiloichi dicuntur. Regio cum æris & plumbi uberrima, tum minio, quod etiam vicino flumini nomen dedit. Auro quoque ditissima, adeo ut etiam aratro frequenter glebas aureas excindant. In hujus gentis finibus sacer mons est, quem ferro violari nefas habetur. Sed si quando fulgure terra proscissa est (quæ in his locis assidua res est) detectum aurum velut Dei munus colligere permittitur. Fœminæ res domesticas, agrorumque culturas administrant, ipsi armis & rapinis serviunt: præcipua his quidem ferri materia, sed aqua ipso ferro violentior. Quippe temperamento ejus ferrum acrius redditur: nec ullum apud eos telum probatur quod non aut Bilbili fluvio, aut Chalybe tingatur. Unde etiam Chalybes fluvii hujus finitimi appellati, ferroque cæteris præstare dicuntur. Saltus vero Tathesiorum, in quibus Titanas bellum adversus deos gessisse proditur, incolere Curetes: quorum rex vetustissimus Gargoris mellis colligendi usum primus invenit. Huic cum ex filia stupro nepos provenisset, pudore flagiti variis generibus extinguere parvulum voluit: sed per omnes casus, fortunâ quâdam servatus, ad postremam ad regnum tot periculorum \* miseratione pervenit. Primum omnium cum eum exponi jussisset, & post dies ad corpus expositi requirendum mississet, inventus est vario ferarum lacte nutritus. Deinde relatum domum, tramite angusto, per quem armenta commeari consueverant, projici jubet: crudelis prorsus

\* Euryta.

Circa Beticam.

Galleciæ feratilitas.

Dispositi à Japso.

\* Admiratior,

us qui proculcari nepotem, quàm simplici morte inter-  
 iei maluit. Ibi quoq; cùm inviolatus esset, nec alimen-  
 is egeret, canibus primò jejunis, & multorum dierum  
 abstinentiâ cruciatis, mox etiam suis obijci jubet.  
 itaq; cùm non solùm non nocerent, verùm etiam qua-  
 undam uberibus aleretur, ad ultimum in Oceanum  
 obijci iussit. Tum planè manifesto quodam numine in-  
 er furentes æstus, ac reciprocantes undas, velut nave,  
 non fluctu veheretur, leni salo in littore exponitur: nec  
 multo post, cerva adfuit, quæ ubera parvulo offerret.  
 Inde deniq; conversatione nutricis eximio puero per-  
 icitas fuit: interq; cervorum greges diu montes, sal-  
 usq; haud inferior velocitate, peragravit. Ad postre-  
 mum laqueo captus, rege datus dono est. Tunc ad li-  
 beamentorum similitudinem, & ex notis corporis quæ  
 mustæ parvulo fuerant, nepos est agnitus. Admiratione  
 leinde tot casuum periculorùmq; ab eodem successor  
 regni destinatur. Nomen illi impositum Habidis, qui  
 ut regnum accepit, tantæ magnitudinis fuit, ut non fru-  
 strâ deorum majestate periculis ereptus videretur; quip-  
 pe barbarum populum legibus junxit: & boves primò  
 aratro domari, frumentaq; sulco serere docuit, & ex  
 agresti cibo melioribus vesci, odio eorū quæ ipse passus  
 fuerat homines coegit. Hujus casus fabulosi viderentur,  
 nisi & Romanorum conditores lupâ nutriti, & Cyrus  
 rex Parfarum cane alitus proderetur. Ab hoc & mini-  
 stria servilia populo interdicta, & plebs in septem or-  
 des divisa. Mortuo Habide regnum per multa secula à  
 successoribus eius retentum est. In alia parte Hispaniæ,  
 & quæ ex insulis constat, regnum peres Geryonem fuit.  
 In hac pabuli tanta latitæ est, ut nisi abstinentia  
 interpellata sagina fuerit, pecora rumpantur. Inde de-  
 niq; armenta Geryonis, quæ illis temporibus solæ opes,  
 prædæ magnitudine illexerint. Porro Geryonem ipsum  
 habebantur, tantæ famæ fuere, ut Herculem ex Asia  
 non triplicis naturæ, ut fabulis proditur, fuisse ferunt,  
 sed tres fratres tantæ concordie extitisse, ut uno animo  
 omnes \* regi viderentur, nec bellum Herculi suâ spon-  
 te

Sevitia in  
nepotem.

Fuer nutri-  
tus à cane,  
sue, postre-  
mum à cerva.

Vide latic  
materni vim.

Herculis &  
Geryonis hi-  
storia.

Geryon tri-  
corpor.  
unde.

\* Regere.



*Carthagi-  
nienſes cur  
Hiſpaniam  
occuparunt.*

te intuliſſe : ſed cum armenta ſua rapi vidiffent, amiſſa bello repetiſſe. Poſt regna deinde Hiſpaniæ, primi Carthaginienſes imperium provinciæ occupavere. Nam cum Gatidani à Tyro, unde & Carthaginienſium origo eſt, ſacra Herculis per quietem juſſi in Hiſpaniam tranſuliſſent, urbemq; ibi condidiſſent, invidentibus incrementis novæ urbis finitimis Hiſpaniæ populis, ac properea Gaditanos bello laceſſentibus, auxilium conſanguineis Carthaginienſes miſerunt. Ibi ſelici expeditione & Gaditanos ab injuria vindicaverunt, & majorem partem provinciæ imperio ſuo adjecerunt. Poſtea quoque hortantibus primæ expeditionis auſpiciis, Amilcarem imperatorem cum magna manu ad occupandam provinciam miſerunt, qui magnis rebus geſtis, dum fortunam inconſultius ſequitur, in inſidias deductus, occiditur. In hujus locum gener ipſius Haſdrubal mittitur, qui & ipſe à ſervo Hiſpani cujuſdam, ulciſcente domini injuſtam necem, interfectus eſt. Maior utroq; Annibal imperator Amilcaris filius ſuccedit. Siquidem res geſtas utriuſq; ſupergreſſus, univerſam Hiſpaniam domuit : inde Romanis illato bello, Italiam per annos ſedecim variis cladibus fatigavit : cum interea Romani, miſſis in Hiſpaniam Scipionibus, primò Pœnos provinciâ expulerunt. Poſtea cum ipſis Hiſpanis gravia bella geſſerunt, nec priùs perdomitæ provinciæ jugum Hiſpaniæ accipere potuerunt, quàm Caſar Auguſtus perdomito orbe, victricia ad eos arma tranſtulit, populūmq; barbarum ac ferum, legibus ad cultiorem vitæ uſum traductum, in formam provinciæ redegit.

FINIS.

# LECTORI.

Quamquam in Monarchiis & annorum ratione constituenda vehementer variant autores, tamen ut historiae series atq; ordo facilius à pueris posset percipi, adnotavimus partim ex Eusebio, partim ex Beroso & Metasthene ea tantum, quæ ad planiorem pau- & explicationem Justinì lectionem conducere videbantur.

## PRIMA MONARCHIA ASSYRIORUM,

*in qua Reges fuerint*

<b>N</b> inus Jovis Beli filius regnavit primus . annis 52	Bellopates 19 annis 30
Simiramis Nini uxor 2. annis 42	Lamprides 20 annis 32
Zames Nincas Semiramis filius 3 annis 38	Sofares 21 annis 20
Arrius 4 annis 30	Lompares 22 annis 30
Aralius 5 annis 40	Panyas 23 annis 45
Baleus Xerxes 5 annis 38	Sofarmus 24 annis 19
Belochus Baal sacerdos 8. annis 45	Mitreus 25 annis 27
Baleus 9 annis 52	Tantanes 26 annis 32
Altadas 10 annis 32	Tauteus 27 annis 40
Mamirus 11 annis 30	Tineus 28 annis 30
Mancaleus 12 annis 30	Dercillus 29 annis 40
Sterus, seu Pherus 13 annis 20	Lupalus 30 annis 38
Mamelus 14 annis 30	Laosthenes 31 annis 45
Sparteus 15 annis 40	Pyriciades 32 annis 30
Ascatates 16 annis 40	Ophrateus 33 annis 20
Aminthas 17 annis 45	Ophratanes 34 annis 50
Belochus 18 annis 25	Ocrasapes 35 annis 42
	Sardanapalus 36 & postremus annis 20

*Duravit hoc Assyriorum Imperium annis 1239.*

## SECUNDÆ MONARCHIÆ MEDORUM Reges.

Arbaces 1 annis 28	Arceus 6 annis 40
Mandaves 2 annis 50	Artines 7 annis 22
Sofarmon 3 annis 30	Aslibares 8 annis 20
Articarmineus 4 annis 50	Astyages 9 annis 32
Arbianes 5 annis 22	

*Stetit Medorum Regnum annis 300. minus 2.*

## TERTIA

## TERTIA MONARCHIA

*Perfarum habuit Reges 14.*

Cyrus 1 imperavit	annis 30	Xerxes 8	menſibus 2
Cambyſes 2. annis 7.	menſibus 5	Sogdianus 9	menſibus 8
Carizites, & Smerdis, fratres		Darius nothus 10	annis 19
Magi 3	menſibus 7	Artaxerxes Menemon 11.	annis 40
Darius 4	annis 36		
Xerxes 5	annis 20	Artaxerxes Ochus 12	annis 26
Artabanus præfectus, qui Xer-		Arſes 13	annis 4
xem occidit 6	menſibus 7	Darius Arſani filius quem Juſti-	
Artaxerxes Longimanus 7. an-		nus Codomannu dicit appel-	
nis 40		latum, 14 imperavit annis 6	

*Duravit Perſarum Imperium annis 230. & menſibus 5.*

## QUARTA MONARCHIA

*Alexandri, ſeu Macedonum.*

*Eſt autem rerum ſumma potius Alexander annis 12.  
Poſt quidem Principis Regna ſunt diviſa.*

## MACEDONUM.

Arideus	annis 7	Antipater	anno 1
Caffander	annis 18	Soſthenes	annis 2
Antipater & Alexander	annis 4	Antigonuſ Gonaras	annis 36
Demetriuſ	annis 6	Demetriuſ	annis 10
Pyrrihuſ	menſibus 6	Antigonuſ	annis 15
Lyſimachuſ	annis 5	Philippuſ	annis 42
Ptolomeuſ Κίſαυρ	anno 1	Perſeuſ ultimuſ Macedonuſ rex	
Meleagruſ	menſibus 2		annis 10

*Summa annorum Macedonici Regni 154 annis, menſibus 8.*

*ASIAE.*

# ASIAE.

# SYRIÆ.

Antigonus	annis 18	Seleucus Nicanor	annis 32
Demetrius Περσεύης		Antiochus Eupater	2
SYRIÆ & ASIAE.			
Antiochus Soter	annis 43	Demetrius Soter	annis 22
Antiochus Theos	annis 15	Alexander	annis 10
Seleucus Callinicus	20	Demetrius	annis 3
Seleucus Ceraunus	annis 3	Antiochus Sedetes	annis 9
Antiochus Magnus	36	Demetrius iterum	annis 4
Seleucus Philopater	11	Antiochus Gryphus	annis 12
Antiochus Epiphanes	17	Antiochus Cyricænus	18
		Philippus	annis 2

*Duravit Syria Regnum annis 289.*

# ÆGYPTI.

Ptolomæus Lagi filius	70	Ptolomæus Phiscon, five Soter	
Ptolomæus Philadelphus	annis 58		annis 17
Ptolomæus Euergetes	26	Ptolomæus Alexander	10
Ptolomæus Philopater	17	Ptolomæus Lathirus	8
Ptolomæus Epiphanes	annis 24	Ptolomæus Dionysius	30
Ptolomæus Euergetes	20	Cleopatra	annis 22

*Stetit Aegypti Regnum post Alexandrum annis 288.]*

*ALEXANDRI MONARCHIA duravit annos 300.*

FINIS.

These Books following are Printed for , and sold  
by *William Whitwood* at the *Golden Bell* in *Duck-*  
*Lane*, LONDON.

I **T**He Historie of *Justin* in English, translated according  
to the rules of Grammer , taken out of the four and  
forty Books of *Trogus Pompeius*, containing the affairs  
of all Ages and Countrys, both in Peace and War , from the be-  
ginning of the World , until the time of the *Roman* Emperours,  
by *Rob. Codrington*, Esq.

2. The *Rich Cabinet* with variety of Inventions unlocked  
and opened for the recreation of Ingenious Spirits : being Receipts  
and Conceits of several Natures , and fit for those who are Lovers  
of Natural and Artificial conclusions. Wherein is variety of  
divers Experiments in Drawing, Painting, Arithmetick, Geómetry,  
Astronomy , and other parts of the Mathematicks, by *John*  
*White*, M. A.

3. *Ovid's Heroical Epistles* translated into English , and  
Illustrated with twenty four brass figures truly expressing the  
full History.

4. *Cupid and Psyche*, a Poem : being the subject of that ex-  
cellent Tragedy now acted at the Dukes Theater.

5. The Life and Death of *Mrs. Mary Frith* , commonly called  
*Moll Cutpurse* , exactly collected and now Published for the de-  
light and recreation of all merry disposed Persons.

6. Two Treatises, the first of the venereal Pox , wherein  
is shewed, 1. The name and original of that disease. 2. Histo-  
ries thereof. 3. The nature thereof. 4. Its Causes. 5. Its dif-  
ferences. 6. Several signs thereof. 7. Several ways of the cure  
thereof

thereof. 3. How to cure such diseases as accompany the Whores  
Pox. The second Treatise of the Gout. 1. Of the nature of the  
Gout. 2. Of the causes thereof. 3. Of the signs thereof.  
4. Of the cure thereof. 5. Of the Hip-Gout, or Sciatica. 6.  
The way to prevent the Gout. Written in Latin by *Daniel*  
*Sennertus* Dr. of Physick, and Translated into English by *Nicholas*  
*Culpeper*, Physitian and Astrologer.

7. *Pacis consultum*, a Directory to the Publick Peace, briefly  
describing the Antiquity, Extent, Practice and Jurisdiction  
of several Country Corporation Courts, especially the Court  
Leete; an exact and perfect Method to keep a Court of Survey  
for the setting forth and bounding of Mannours, Lands and  
Tenements, with the Articles therein to be given in Charge, a  
work most useful, of which subject never was any thing Printed  
before, by Judge *Jenkins*.

At the sign of the *Golden Bell* aforesaid, you may sell any  
parcel or Library of Books.

---

FINIS.